

FRIEDRICH
SCHILLER

*
DON KARLOS
INFANT VON SPANIEN
*

19 • TBILISSI • 82


*მისი
ბიბლიოთეკა*

ფრიდრიხ
შილერის

83
7-64

*
დონ კარლოსი
ესპანეთის უფლისწული
დრამატული პოემა

6476




19 0 8 0 5 0 6 0 8 2

მონასტრის
მონასტრის

მოკმედი პირები

ფილიპე II, ესპანეთის მეფე.
 ელისაბედ ვალუა, მისი მეუღლე.
 დონ კარლოსი, ტახტის მემკვიდრე.
 ალექსანდრე ფარნეზე—პრინცი პარმისა, მეფის ძმისწული.
 მეფის ასული კლარა ევგენია, სამი წლის ბავშვი.
 შერცოგინია ოლივარესი, უფროსი სეფე ქალი.
 მარკიზა მონდეკარი
 პრინცესა ებოლი
 გრაფინია ფუნტესი } დედოფლის სეფე ქალები.
 მარკიზ პოზა, მალტიელი რაინდი
 შერცოგი ალბა } ესპანეთის
 გრაფი ლერმა, მეფის ქვშიკთა უფროსი } დიდებულნი.
 შერცოგი ფერია, ოქროს საწმისის ორდენის კავალერი
 შერცოგი მედინა სილონია, აღმირალი
 დონ რაიმონდ ტაქსის, ფოსტის უფროსი
 დომინგო, მეფის მოძღვარი.
 სამეფოს დიდი ინკვიზიტორი.
 წინამძღვარი—კარტუზიანთა მონასტრისა.
 პაუი დედოფლისა.
 დონ ლუდვიგ მერკადო, დედოფლის კარის ექიმი.
 მანდილოვნები და დიდებულები. პაუები. ოფიცრები. ქვშიკები და სხვა
 მდუმარე პირნი.



პირველი მოკმედება

მეფის ბალი არანხუესში

პირველი გამოცვლა

კარლოსი. დომინგო.

დომინგო

აი დამთავრდა სიხარულით სავსე დღეები
 არანხუესში, მაგრამ თქვენი უმაღლესობა,
 ჩანს, უწინდელზე მხიარული მას არა სტოვებს.
 ამოი იყო, უფლისწულო, აქ ყოფნა ჩვენი.
 აწ დაარღვიეთ უცნაური თქვენი ღუმბილი
 და გული თქვენი გულს მამისას გადაუშალეთ.
 დიდ ფასს გაიღებს მბრძანებელი, ოღონდ თავის შვილს—
 თვის ერთადერთ ვაჟს—დაუბრუნოს სულის სიმშვიდე.
 (კარლოსი თავჩალუნული დგას და სდუმს.)

ნუთუ არსებობს ისეთი რამ სურვილი კიდევ,
 რაზედაც ზეცამ თვის ძვირფას შვილს უარი უთხრა?
 იქ ვიყავ მაშინ, როს ტოლედოს კედლებთან მდგარი,
 ამაყი კარლოს ერთგულების ფიცს ლებულობდა,
 როს მეფეები აწყდებოდნენ ერთმანეთს მისთვის,
 რომ ესპანეთის ხელმწიფის შვილს მთხვეოდნენ ხელზე,

და როს ერთბაშად, როს ერთბაშად მეფის ძის
ფერხით.

ექვსი სამეფოს მბრძანებელი დაემხო კრძალვით...
მე იქ ვიდექი, დავინახე, ვით ათამაშდა
ზვიადი სისხლი მის ლაწვებზე და მისი გული
როგორ შფოთავდა ხელმწიფური ზრახვებით სავსე;
ვნახე ისიც, თუ ნეტარებით დამთვრალი მხერა
როგორ მოაელო აღტაცებით დიდებულთ კრებას...
მაშინ ის მხერა ყველას ასე გვეუბნებოდა:
„კმაყოფილი ვარ“.

(კარლოსი ზურგს შეაქცევს.)

და ახლა კი, ხელმწიფის შვილო,
ეს საზეიმო მღუმარება, ნაღველი ჩუმი,
რასაც რვა თვეა თქვენს თვალებში ვკითხულობთ უკვე,
რაც მთელ სასახლეს გამოცანად გადაჰქცევია,
რის გამოც მთელი ესპანეთი შიშს მისცემია,
მრავალ უძილო, მძიმე ლამედ დაუჯდა მეფეს
და დედათქვენსაც მრავალ ცრემლად.

კარლოსი

(სწრაფად მიუბრუნდება დომინგოს)

როგორ? დედაჩემს?

—ჰოი ზეცაო, მომანიჭე ისეთი ძალა,
მას მივუტევო, ვინაც იგი დედად მარგუნა!

დომინგო

რა ბრძანეთ, პრინცო?

კარლოსი

(გამოერკვევა და შუბლზე ხელს გადაისვამს)

ღირსეულო, წმინდაო მამაე,
უბედური ვარ, უბედური დედების მხრიდან.
ჩემი პირველი საქმე, როცა ნათელ ქვეყანას
მე მოვევლინე, დედაჩემის მკვლელობა იყო.

დომინგო

ნუთუ ნამდვილად ეგ ასეა, ხელმწიფის შვილო?
მაგ საყვედურს თუ ძალუძს თქვენი სინდისის ქენჯნა?

კარლოსი

და ეს ახალი დედაც განა მე არ დამიჯდა
სანაცვლო ფასად მამაჩემის სიყვარულისა?
ძლივს შემიყვარა მამაჩემმა და ჩემ ღვაწლს მხოლოდ
ის შეადგენდა, რომ ხელმწიფის მე ერთადერთი
შვილი ვიყავი. მას მეუღლემ ასული მისცა...
ო, ან ვინ იცის, მომავალი რაღას მოგვიტანს?

დომინგო

თქვენ აღბათ ხუმრობთ, მეფის ძეო. დედოფალს ჩვენსას
აღმერთებს მთელი ესპანეთი. მხოლოდ თქვენ ერთი
უნდა უმზერდეთ მას აღსავსე სიძულვილითა?
მის შეხედვისას თუ მოუსმენთ გონებას მხოლოდ?
რას ამბობთ, თქვენო ბრწყინვალეზა? მთელ ქვეყანაზე
ულამაზესი დედაკაცი და დედოფალი...
იგი ხომ თქვენისა ცოლოც კი იყო ოდესღაც?
შეუძლებელი არის, პრინცო, ვერ გერწმუნებით!
ვინც ყველას უყვარს, მას კარლოსი ვერ შეიძულვს;
ასეთ უცნაურს და თავისსვე წინააღმდეგსა
ლაპარაკს იგი არ დაიწყებს. გაფრთხილდით, პრინცო,
თვით დედოფალმა არ შეიტყოს, რომ შვილს ასე სძულს,
თორემ ეს ცნობა მას გულს ატკენს.

კარლოსი

თქვენ ეგა გჯერათ?

დომინგო

თუ კიდევ გახსოვთ, უფლისწულო, უკანასკნელი
ასპარეზობა დიდებულთა სარაგოსაში,
სად ჩვენი მეფე შუბისაგან ოდნავ დამავდა...

მაშინ იქ იჯდა დედოფალი, მანდილოსნებში,
სასახლის შუა ტრიბუნასთან, და გაჰყურებდა
რაინდთა ბრძოლას, როს ვილაცამ წამოიძახა:
„მეფეს სისხლი სდის!“—ეს სიტყვები ელვის სისწრაფით
გადასცეს ერთურთს და დამსწრეთა მძაფრმა ჩურჩულმა
თვით დედოფლამდე მიაღწია. „პრინცს?“—შეჰკვივლა მან
და სურდა მაღალ აიენიდან ძირს გადაშვება.
— „არა, თვით მეფეს!“ — უპასუხეს. — „მაშ ექიმს
უხმეთ!“—

თქვა დედოფალმა და შეწყვიტა მღელვარე სუნთქვა.

(რამდენიმე ხნის დუმისის შემდეგ)

რას ფიქრობთ, თქვენო ბრწყინვალეება?

კარლოსი

დიდად მანცვიფრებს,
ასე ძლიერ რომ დაოსტატდა მეფის მოძღვარი,
მახვილგონივრულ, თავშესაქცევ ამბავთ თხრობაში.

(სერიოზულად და პირქუშად)

თუმც ჩემთვის ხშირად ისიც უთქვამთ, რომ ქვეყანაზე
ჯაშუშებსა და ენის მიმტანთ მეტი სიამე
ჩაუდენიათ, ვიდრე მკვლელის შხამსა და ხანჯალს.
ამაოდ დაშვრით, წმინდა მამავ, და თუ რაიმე
მადლობას ელით, ხელმწიფესთან მიბრძანდით მაშინ.

დომინგო

ძალზე კარგს შვრებით, ჩემო პრინცო, რომ ასე
ფრთხილობთ

და ასე ძლიერ ერიდებით ადამიანებს...
მაგრამ თქვენ მათი განსხვავებაც უნდა შეიძლოს.
თვალთმაქცთან ერთად მეგობარსაც ნუ უკუაგდებთ.
მე ხომ სიკეთე მინდა თქვენთვის.

კარლოსი

ფრთხილად იყავით,
თორემ მანტიას უნდა წამსვე გამოეთხოვოთ,
თუ ეს გაგიგოთ მამაჩემმა.

დომინგო

რა?

კარლოსი

დიახ, ასე!

თქვენ ხომ შეგპირდათ მამაჩემი პირველ მანტიას?

დომინგო

რატომ დამცინით?

კარლოსი

დამიფაროს მაღალმა ღმერთმა,
რომ მე დავცინო იმ საშიშ კაცს, რომელსაც ძალუძს
ნეტარ სულელებში მამაჩემი ჩარიცხოს, ანდა
წაწყმიდოს იგი საუკუნოდ.

დომინგო

მე ვერ გაგვბედავ

მაგ მწუხარების მიზეზების გამოძიებას
და ვერც იღუმალ თქვენს ფიქრებში შემოვიჭრები.
მაგრამ ვთხოვ მე თქვენს ბრწყინვალეებას აწ გაიხსენოს,
რომ ადამიანთ აღშფოთებულ სინდისისათვის
ეკლესია ქმნის საიმედო თავშესაფარსა,
რის გასაღები ხელმწიფეთაც არ გააჩნიათ
და სადაც თვითონ მოქმედება უბოროტესი
დაბეჭდილია საიდუმლო წმინდა ფიციითა.
თქვენ კარგად იცით, რას ვგულისხმობ, ხელმწიფის
შვილო.

საკმარისად ვთქვი ყველაფერი.

კარლოსი

ღმერთმა მაშოროს,
რომ შევაცდინო საიდუმლო ბეჭდის მფლობელი!

დომინგო

მაგ უნდობლობით არ აფასებთ თქვენს ერთგულ მსახურს.

კარლოსი
(გაუყრის ხელს)

წმინდა მამაო, გირჩევნიათ ჩამომეცალოთ.
ქვეყანამ იცის, რომ წმინდანი კაცი ბრძანდებით...
მაგრამ წაბრძანდით, რად ირჯებით ზედმეტად ჩემთვის?
გზა უნდა განვლოთ ეკლიანი და ძალზე შორი,
ვიდრე თქვენ ახვალთ ტახტზე პეტრე მოციქულისა.
ბევრის ცოდნა კი თქვენ უთუოდ დაგამძიმებდათ.
ასე უთხარით მეფეს, ვინც თქვენ აქ გამოგგზავნათ.

დომინგო

მე გამოგგზავნა?..

კარლოსი

ასე ვთქვი მე. ო, საუცხოოდ,
მე საუცხოოდ ვიცი, რომ ამ სასახლის კარზე
გაცემული ვარ და რომ უკვე მრავალი თვალი
ფხიზლად მდარაჯობს. ისიც ვიცი, რომ მამაჩემმა,
მეფე ფილიპემ, უკანასკნელ მონას მიმყიდა,
ჩემგან წამომცდარ თითოეულ სიტყვისთვისაც კი
ამ სიტყვის მიმტანს გასამრჯელოს მეფურად უხდის,
რაც მას არასდროს არ უქნია კეთილ საქმისთვის.
ღიახ, მე ვიცი... მაგრამ წყნარად! კმარა ამაზე!
გული აღმევსო ბრაზითა და უკვე ისედაც
ძალზე ბევრი ვთქვი.

დომინგო

მეფეს ჩვენსას განზრახული აქვს,
მადრიდს ჩავიდეს სალამომდე. მთელი სასახლე
უკვე მზადაა წასასვლელად, ხელმწიფის შვილო.
და მაქვს პატივი მოგახსენოთ...

კარლოსი

კეთილი, მოვალ!

(დომინგო გადის. რამდენიმე ხნის დუმილის შემდეგ.)

შესაბრალისი ხარ, ფილიპე, ვით შენი შვილი! —
კარგად ვხედავ, რომ, მოწამლული საზიზღარ ეჭვით,
სისხლით იცლება შენი გული და შენი ცნობის-
მოყვარეობა ავბედითი როგორა ცდილობს
ამ უსაშინლეს საიდუმლოს ახადოს ფარდა.
მაგრამ რარიგად გაშმაგდები, როს ამას შესძლებ.

მეორე გამოცვლა

კარლოსი. მარკიზ პოზა.

კარლოსი

ამას ვის ვხედავ?.. ეს ვინ მოდის?.. კეთილნო სულნო!
ჩემო როდრიგო!

მარკიზი

ჩემო კარლოს!

კარლოსი

ნუთუ ნამდვილად

ეს შესაძლოა? ნუთუ მართლა, ეს შენ ხარ თვითონ?
ღიახ, ეს შენ ხარ! კვლავ მხურვალედ გიკონებ მკერდში
და ისევ მესმის შენი გულის ძლიერი ფეთქვა.
ო, ისევ კარგად შეიცვალა აწ ყველაფერი.
შენმა მოხვეწნამ გამიმრთელა სნეული გული.
კვლავ ჩემს როდრიგოს ყელით ყელზე ვეჭდობი ახლა..

მარკიზი

სნეული გული?.. ყველაფერი აწ ისევ კარგად?..
ან რისი შეცვლა გჭირდებოდათ თქვენ ისევ კარგად?
ხელმწიფის შვილო, ეგ სიტყვები ღიდად მანკვიფრებს.

კარლოსი

რამ მოგიყვანა ასე უცბად ბრიუსელიდან?
ვის ვუმაღლოდე შენს ჩამოსვლას მოულოდნელსა?
კიდევ ვკითხულობ? აპატიე, ზეცის განგება,
სიხარულით მთვრალს შეცოდება შეუნდობელი!
ვის ვუმაღლოდე, თუ არა შენ, ყოვლად კეთილო?
შენ მომივლინე, განგებაო, ეს ანგელოზი,
რადგან იცოდი, მარტოდ ვიყავ, უანგელოზოდ...
აბა, რაღა მაქვს საკითხავი?

მარკიზი

ხელმწიფის შვილო,
გთხოვთ მომიტევოთ, რომ ასეთ მძაფრ აღფრთოვა-
ნებას
მე ვხედები მხოლოდ უდიდესი განცვიფრებითა.
არ მოველოდი, ამგვარად მყოფს თუ ვიხილავდი
ღონ ფილიპეს შვილს. გადაგკვრიათ ფერმკრთალ ლაწ-
ვებზე

სიწითლე არაბუნებრივი და ბაგეებიც,
ათრთოლებული, უჩვეულოდ გაგფითრებითა.
რაღა ვირწმუნო უნდა ახლა, ძვირფასო პრინცო?..
მე ველარ ვხედავ იმ ლომ ჭაბუკს, ვისთანაც ხალხმა,
ესდენ ჩაგრულმა, გმირმა ხალხმა გამომაგზავნა.
მე თქვენს წინ ვდგევარ ახლა არა როგორც როდრიგო,
არც როგორც ბიჭი, მოთამაშე კარლოსთან ერთად,
არამედ როგორც დეპუტატი მთელი ქვეყნისა,
გეხვევით მე თქვენ... ეს ქვეყანა კი ფლანდრიაა,
რომელიც ყელზე გეკონებათ აცრემლებული
და გადარჩენას მარტოდენ თქვენგან მოელის.
დაილუპება ეს ქვეყანა, თუ ბრიუსელში
პერცოვი ალბა, ჯალათი და ფანატიკოსი,
გამოცხადდება ესპანური კანონებითა.
ქვეყანა ესე უკანასკნელ იმედს თავისას
კარლოს მეხუთის შვილიშვილზე ამყარებს მხოლოდ.

დაილუპება იგი მაშინ, თუ თქვენი გული
უწინდებურად აღარ ფეთქავს ხალხთ სასიკეთოდ-

კარლოსი

დაილუპება.

მარკიზი

ვაგლახ! ეს რა სიტყვები მესმის!

კარლოსი

შენ რომელ დროზეც ლაპარაკობ, წარვიდა იგი.
ო, მაშინ მეც ხომ ვოცნებობდი სულ სხვა კარლოსზე,
რომლის ლაწვებზე ცეცხლის ალი აინთებოდა,
როდესაც ვინმე ახსენებდა თავისუფლებას...
მაგრამ ის უკვე დაიმარხა დიდი ხანია.
აქ ვისაც ხედავ, ის კარლოსი როდია ისევე,
წამოსვლისას რომ ალკალაში გამოგეთხოვა,
რომელიც ტკბილად ოცნებობდა, რომ ესპანეთში
შეიქნებოდა შემოქმედი ოქროს ხანისა...
ო, რა ბავშვური იყო მაშინ განზრახვა ჩემი,
მაგრამ რაოდენ დიდებული! ოცნება იგი
წარვიდა, გაჭქრა.

მარკიზი

ოცნებაო, ხელმწიფის შვილო?

მამ ის ოცნება იყო მხოლოდ?

კარლოსი

ნება მიბოძე,
რომ დავაფრქვო შენს გულ-მკერდზე ცრემლები ცხელი.
ამ თვალუწვდენელ, უზარმაზარ დედამიწაზე
არაფინა მყავს მე შენს გარდა სხვა მეგობარი.
ძლიერ შორს აღწევს მბრძანებლობა მამაჩემისა,
შორს მისცურავენ ხომალდები ჩვენი აღმებით,
მაგრამ არაა იქ მცირედი ადგილიც არსად,

სადაც შემეძლოს თავისუფლად მე ცრემლთა ფრქვევა;
მხოლოდ აქ ძალმიძს. ო, როდრიგო, გაფიცებ ყველას,
რისიც ოდესმე ჩვენ ზეცისგან მიღება გვსურდა,
უარს ნუ მეტყვი, ნუ გამღეფნი შენი გულიდან.

მ ა რ კ ი ზ ი

(უსიტყვოდ, გულაჩუყებული მიიყრდნობს კარლოსს მკერდზე)

კ ა რ ლ ო ს ი

წარმოიდგინე, თითქოს ვიყო ობოლი ბავშვი,
თითქოს მიპოვე მეფის ტახტთან და მიპატრონე.
უფლისწული ვარ და არ ვიცი, რას ჰქვია მამა...
თუ მართალია, რასაც გული მე მეუბნება,
თუ მრავალთ შორის შენ იგი ხარ, ვინც მე გამიგებს,
თუ მართალია, რომ ბუნების შემოქმედ ძალამ
განიმეორა აწ როდრიგო კარლოსის სახით
და ჩვენთა სულთა უხილავი სიმები ნაზი
ჩვენი სიცოცხლის გაზაფხულზე შეახმატკბილა,
თუ ერთი ცრემლი, რომელიც მე შეგებას მანიჭებს,
შენ ძვირად გიღირს, ვიდრე ჩემი მამის წყალობა...

მ ა რ კ ი ზ ი

მთელ ქვეყანაზე უფრო ძვირად.

კ ა რ ლ ო ს ი

ისე დაემდაბლდი,

ისე დავეცი და შევიქენ ისე ღარიბი,
რომ ახლა უნდა მოგაგონო ბავშვობის წლები
და გთხოვო დიდ ხნის დავიწყებულ ვალის გადახდა,
რასაც შემპირდი მაშინ, როცა ვსწავლობდით ერთად...
ოდეს შე და შენ, ორი ბიჭი, ცელქი ზნისანი,
ძმებივით ერთად ვიზრდებოდით, გულს ჩემსას მხოლოდ
ის აწუხებდა, რომ გონებით მჩრდილავდი მუდამ...
და გადავწყვიტე შეყვარება შენი უსაზღვროდ,
რადგან ვიცოდი, არ შემწევდა იმდენი ძალა,

რომ ყოფილიყავ შენი მსგავსი და თანატოლი.
და მე დაგიწყე გაწამება ჩემი აზიზი

სიყვარულითა და აღერსით ეგოდენ დიდად;
შენ კი ჩემს გრძნობებს პასუხობდი ძალიან ცივად.
ხშირად შენს ახლოს ვიდექ, მაგრამ არც კი მამჩნევდი;
მწარედ ვტიროდი, როდესაც შენ, ჩემგან ლტოლვილი,
ალტაცებული ეხვეოდი მდაბიო ბავშვებს.

„რატომ მხოლოდ მათ?—ეყვიროდი მე დამწუხრებული,—
მათზე ნაკლებად თუ მიყვარხარ?“ მაგრამ შენ ცივად
მუხლს მოიყრიდი ჩემს წინაშე და თან მეტყოდი:
„ისე უნდაო უფლისწულის პატივისცემა.“

მ ა რ კ ი ზ ი

ო, კმარა, ნულარ მომაგონებ ბავშვობის ამბებს,
ახლაც სირცხვილით ვწითლდები მათ გახსენებისას.

კ ა რ ლ ო ს ი

მე შენი გული ველარაფრით მოვინადირე.
და თუმცა ჩემ გულს აწამებდი, უკუაგდებდი,
მისი თავიდან მოცილება ვერ შესძელ მაინც.
სამჯერ უარპყავ ესპანეთის ტახტის მემკვიდრე,
სამჯერ წარმოდგა ის კვლავ შენს წინ, ვით მათხოვარი,
გვედრებოდა სიყვარულსა და სურდა იგი
შენთვის თავს ძალით მოეხვია. და, რაც კარლოსმა
ვერ მოახერხა, ის შეიძლო შემთხვევამ მხოლოდ.
ეს მოხდა ერთხელ, ჩვენი ერთად თამაშობის უამს,
როს მამიდაჩემს, დედოფალსა ბოჰემიისას,
თვალში ეძგერა ბურთი, შენი გამოსროლილი.
იმას ეგონა, თითქოს ბურთი განზრახ მოარტყეს,
მეფეს შესჩივლა ცრემლიანმა ამის შესახებ.
მსწრაფლ შემოკრიბეს ყმაწვილები მთელი სასახლის
და მოითხოვეს დამნაშავეის დასახელება.
ხელმწიფემ ჰფიცა, რომ სასტიკად დასჯიდა იგი
ამ საქმის ჩამდენს, ყოფილიყო თუნდ მისი შვილი.

მე დაგინახე, შორს იდექი და კანკალებდი,
წინ წამოვდექი, ჩავუვარდი ხელმწიფეს ფერხთით,
წამოვიძახე: „ეს ამბავი ჩემი ბრალია,
შური იძიე, მამაჩემო, საკუთარ შეილზე!“

მარკიზი

რად გამახსენეთ ეგ ამბავი!..

კარლოსი

ეს ასეც მოხდა!

მთელი სასახლის შინაყმათა თანადასწრებით
და სიბრალოლით აღსავსეთა შუაში მდგარი,
მე სამარცხენო სასჯელს მიმცეს, ვითარცა მონა.
შენ შემოგხედე და ტირილი არ დამიწყია,
თუმც ტკივილისგან კბილებს მწარედ ვაღრჭილებდი.
სასტიკი დარტყმით იღვრებოდა მეფური სისხლი.
შენ გიცქეროდი და სულაც არ ავტირებულვარ...
მაშინ მოხვედი და ტირილით დაემხე ჩემს წინ,
მითხარი: „ჩემი სიამაყე დაძლიე ამით,
ვალს გადაგიხდი, როცა მეფე შეიქნებო.“

მარკიზი

(გაუწფდის კარლოსს ხელა)

და გადაგიხდით, ჩემს ბავშვურ ფიცს გაგიმეორებთ,
როგორც ვაჟკაცი. შეიძლება ამის დროც დადგეს...

კარლოსი

ო, მაშ ახლავე, ნუ აყოვნებ—დრო დადგა უკვე,
რომ მაშინდელი შენი აღთქმა აწ აღასრულო.
მე სიყვარულსა ვსაჭიროებ.—უსაშინლესი
საიდუმლოთი ანთებულა დღეს ჩემი გული.
ის შენს წინ უნდა გადმოვშალო და შენს სახეზე
მსურს სასიკვდილო განაჩენი ამოვიკითხო.
მაშ მომისმინე და გაშტერდი გაცეცხებისგან...

წინააღმდეგს კი ნურას მეტყვი ამის შესახებ...
მე მიყვარს დედა, ჩემო მარკიზ.

მარკიზი

ო, ღმერთო ჩემო!

კარლოსი

ო, არა, არა! მე არა მსურს ეგ შებრალება.
სთქვი, რომ ჩემსავით უბედური ადამიანი
ამ დედამიწის ზურგზე არვინ მოიპოვება.
სთქვი, მაგრამ უკვე წინასწარ ვგრძნობ, თუ რასაც
მეტყვი.


შვილს უყვარს დედა. ზნე ქვეყნისა, ბუნების წესი,
რომის კანონი ამგვარ ვნებას სასტიკად სჯიან.
როგორ საშინლად უმხედრდება სურვილი ჩემი
მამის უფლებას, მე ვგრძნობ ამას და მაინც მიყვარს.
ეს გზა მიმიყვანს სიგიჟემდე ან ეშაფოტთან.
მე იგი მიყვარს უიმედოდ... ბიწიერ გრძნობით...
სიკვდილის შიშით და სიცოცხლის უდიდეს საფრთხით...
ყველაფერ ამას კარგად ვხედავ და მაინც მიყვარს.

მარკიზი

იცის თუ არა დედოფალმა სურვილი თქვენი?

კარლოსი

განა შემეძლო მისთვის გული გადამეშალა?
იგი ფილიპეს მეუღლეა და დედოფალი,
ეს ადგილი კი მიწა გახლავს ესპანეთისა.
მას მამაჩემის ეჭვიანი თვალი სდარაჯობს,
შეზღუდულია ყოფაქცევის სასტიკი წესით,
როგორ შევძლებდი მარტოდმარტო მენახა იგი?
მას შემდეგ უკვე რვა თვემ განვლო ჯოჯობეთურმა,
რაც უკან მიხმო უმაღლესი სკოლიდან მყოფემ,
რათა ვხედავდე მას ყოველდღე, ვიტანჯებოდე
და მაინც ვიყო საფლავით დაღუმებული.



რვა თვე შესრულდა. მეგობარო, ჯოჯოხეთური,
რაც გულს მიდაგავს ტრფობის ცეცხლი დაუცხრომელი;
ო, რაოდენჯერ მოსდგომიან ბაგეებს ჩემსას
სიტყვები ეგრეთ საშინელი აღსარებისა,
მაგრამ შიშისგან ისევ გულში უკუქცეულან.
ჩემო როდრიგო, ერთი წუთით მაინც მენახა
მე იგი მარტო.

მარკიზი

მამათქვენი, ხელმწიფის შვილო?

კარლოსი

რად მომაგონეთ, მეგობარო, მე იგი ახლა?
დე მოველინე სინდისს ჩემსას სასტიკ მსაჯულად
და მამაჩემს კი ნურასოდეს ნუ გამახსენებ.

მარკიზი

რატომ? გძულთ მამა?

კარლოსი

არა! არა! მე მამა არ მძულს,
მაგრამ სასტიკი შიში, ძრწოლა ბოროტმოქმედის
მისი სახელის ხსენებაზე შემიაპყრობს ხოლმე.
მე რა ვქნა, როცა ჭაბუკ გულში მონური აღზრდით
უკვე ჩამიკლეს ნაზი გრძნობა სიყვარულისა?
მაშინ ექვსი წლის ვიყავ, როცა თვალეგმა ჩემმა
პირველად ნახეს საზარელი კაცი, რომელიც
როგორც გადმომცეს, იყო ჩემი მშობელი მამა.
ეს იყო მაშინ, როცა ხელი მოაწერა მან
ოთხ სასიკვდილო განაჩენზე ფეხზემდგომარემ.
მას შემდეგ მე მას მარტოდენ ვხედავდი მაშინ,
როდესაც სასჯელს ცელქობისთვის განმიცხადებდა.
რა ძლიერ ენავეგესლიანობ... ო ღმერთო ჩემო!
შორს, შორს გავცილდეთ ჩვენ ამ ადგილს.

მარკიზი

არა, მეფის ძეგ,
თქვენ უნდა ახლა ყველაფერი გამომამჯღაღნოთ,
რადგან სიტყვები განტვირთავენ გულს დამძიმებულს.

კარლოსი

ხშირად ვებრძოდი საკუთარ თავს; შუალამისას,
როს მცველთ ეძინათ, ვემბობოდი მარადქალწული
ლეთისმშობლის ხატთან მწუხარე და აცრემლებული,
და მას შევთხოვდი, კვლავ მოეცა ბავშვური გული.
მაგრამ იგი მე არ მისმენდა. ჩემო როდრიგო!
ამიხსენ შენ ეს გამოცანა ციურ განგების —
ათას მამაში წილად რად მხვდა ასეთი მამა,
ათას კარგ შვილში რატომ ვერგე ასეთი შვილი?
ორი ამგვარი განსხვავება გასაოცარი
ბუნებასაც კი თავის წოეში ვერ უპოვია.
ან უვით ბუნებამ როგორ შესძლო და კაცთა მოდგმის
ორი ასეთი განშტოება უკიდურესი
წმინდა კავშირით ერთურთთან ვით შეაკავშირა?
ეს რატომ უნდა რომხდარიყო, სასტიკო ბედო!
ჩვენ ხომ ყოველთვის ერთურთს ასე ვერიდებოდით,
მაშ რადლა შევხვდით ახლა ერთი სურვილის გზაზე?
შენ აქ, როდრიგო, ხედავ ორ მტრულ მნათობს, რომ
მელნიც

დროს უსასრულო დინებაში შევეულსა გზაზე
ერთხელ ერთმანეთს დაეჯახნენ, რომ დაემსხვრიათ
ერთიმეორე, ხოლო შემდეგ კი უკუიქცნენ
ერთმანეთისგან სამუდამოდ.

მარკიზი

წინასწარ ვხედავ
უბედურებით აღსავსე წამს.

კარლოსი

და მე თვითონაც.
როგორც უფსკრულის ფურიები, უკანა მღვევენ
სიზმარნი, ერთობ შესაზარნი და საშინელნი.
ეჭვით აღსავსე ებრძვის ჩემი კეთილი სული
საშინელ ზრახვებს და სოფიზმის ლაბირინთებში
დახეტილობს ავბედითი გონება ჩემი,
ვიდრე ბოლოს არ შეძრწოლდება უფსკრულის პირას.
ოი როდრიგო, მასში მამას თუ დავეივიწყებ,—
ვხედავ, გაფითრდი და მიმიხვდი, რისი თქმაც მინდა,—
როცა მე მასში დავეივიწყებ საკუთარ მამას,
რალა იქნება ჩემთვის მეფე?

მარკიზი

(რამდენიმე ხნის დუმის შემდეგ)

ძალმიძს გავბედო

და ერთი თხოვნით მიემართო მე მეგობარს ჩემსას?
რის ქმნაც არ უნდა მოისურვოთ, აღმითქვით, კარლოს,
რომ უჩემოდ არ შეასრულებთ განზრახვას თქვენსას.
ხომ შემპირდებით თქვენ მე ამას?

კარლოსი

ო, სუყველაფერს,
რასაც კი უნე სიყვარული მოითხოვს ჩემგან.
ახლა მთლიანად უნეს ხელთა ვარ.

მარკიზი

როგორც ამბობენ,
ჩვენს მბრძანებელს სურს გაემგზავროს ქალაქში დღესვე-
დრო მცირე დარჩა. თუ თქვენ გინდათ, რომ საი-
დუმლოდ

ელაპარაკოთ დედოფალსა, ეს სხვაგან არსად
არ მოხერხდება, თუ არა აქ, არანხუესში.
წყნარი კუთხეა და სოფლური თავისუფლება
ხელს მოგვიმართავს.

კარლოსი

მეც მაგისი იმედი მქონდა,
მაგრამ ამაოდ ჩამიარა.

მარკიზი

არც თუ მთლიანად.
მივდივარ, რათა გამოვცხადდე მე მის წინაშე.
თუ ესპანეთშიც იგი კიდევ ისეთი არის,
როგორიც იყო ჰაინრიხის სასახლის კარზე,
თუ კვლავ გულწრფელი ვპოვე იგი, თუ მის თვალებში
თქვენთვის რაიმე საიმედო ამოვიკითხე,
თუ დავითანხმე იგი თქვენთან სალაპარაკოდ,
ერთილა რჩება: სეფე ქალნი ჩამოვაცილოთ...

კარლოსი

ბევრი მათგანი ერთგული მყავს, დიდ პატივსა მცემს...
განსაკუთრებით მონდეკარი, ვისი გულიც მე
მოვიგე თვითონ მისი ვაჟის საშუალებით,
რომელიც ჩემი პაჟი არის.

მარკიზი

მით უკეთესი.
მაშ ახლოს სადმე იყავით აქ, ხელმწიფის შვილო,
რომ ჩემს ნიშანზე გამოცხადდეთ დაუყოვნებლად.

კარლოსი

დიახ, მეც ეგ მსურს... მეც ეგ მინდა... იჩქარე ოლონდ.

მარკიზი

არც ერთი წუთი აღარ მინდა დავკარგო ახლა.
მივდივარ უკვე. მაშ ნახვამდის, ხელმწიფის შვილო!
(გადიან სხვადასხვა მიმართულებით.)

დედოფლის რეზიდენცია არანხუესში

უბრალო სოფლური ადგილი, შუაზე გაჭრილი ხეივანით,
უკანა პლანზე დედოფლის საზაფხულო სახლი.

მესამე გამოცვლა

დედოფალი, ჰერცოგინია ოლივარესი, პრინცესა
ეზოლი და მარკიზა მონდეკარი, რომელნიც გამოდიან ხეივნიდან.

დედოფალი

(მონდეკარს)

ნუ მიმატოვებთ, ისევ ჩემთან დარჩით, მონდეკარ,
მთელი დილაა, რაც მაწამებს პრინცესას მზერა,
ეგრეთ ლალი და მხიარული. შეხედეთ ერთი,
ჩვენი ეზოლი ძლივსღა ფარავს თავის სიხარულს,
ამ სოფლურ კუთხეს რომ შორდება.

ეზოლი

მე სრულებითაც
არ მსურს ვიცროყო, დედოფალო; დიდად მახარებს,
რომ ისევ მალე ჩემს საყვარელ მადრიდს ვიხილავ.

მონდეკარი

და თქვენ კი არა, დედოფალო? ნუთუ თქვენ მართლა
არ გიხარიათ მიტოვება არანხუესის?

დედოფალი

ამ მშვენიერი ადგილისა?—ძალზე ნაკლებად.
აქ თავს ისევ ვგრძნობ, ვით საკუთარ ჩემს ქვეყანაში.
დიდი ხანია ავირჩიე მე ეს ადგილი.
აქ მესალმება მომხიბლავი სოფლის ბუნება,
ვით გულითადი მეგობარი ჩემი ყრმობისა.
აქ ისევ ვბოვებ უდარდელი ბავშვობა ჩემი,
აქ ჩემი ტურფა საფრანგეთის ნიაფი მოჰქრის,
ნუ დამდებთ ბრალსა ამისათვის. ყოველი გული
მიიწევს მშობელ ქვეყნისაკენ.

ეზოლი

მაგრამ როგორი
ყრუ, ჩამკვდარი და მწუხარება აქ ყველაფერი.
კაცს ეგონება ლა-ტრაპეში ვიმყოფებო.

დედოფალი

არა, პირიქით! მე მგონია, მხოლოდ მადრიდში
არის ჩამკვდარი ყველაფერი... მაგრამ რას გვეტყვის
ოლივარესი ჩვენ ამაზე?

ოლივარესი

მე, დედოფალო,
იმას გეტყვით, რომ ჩვეულება ჩვენ ასეთი გვაქვს:
ერთ თვეს აქ დავყოფთ, მეორე თვეს პარდოში წავალთ,
ხოლო ზამთარს კი გავატარებთ ქალაქ მადრიდში.
დაწესებული ასე არის ეს იმის შემდეგ,
რაც მბრძანებლობენ მეფეები ესპანეთისა.

დედოფალი

დიახ, თქვენ ხომ ეს კარგად იცით, ჰერცოგინია;
თქვენთან კამათზე სამუდამოდ ავიღე ხელი.

მონდეკარი

მადრიდში ფრიად მხიარული ცხოვრება გველის!
კორიდისათვის განამზადეს პლასა-მაიორ,
აუტო-და-ფეს ჩვენებასაც უკვე შეგვპირდნენ...

დედოფალი

უკვე შეგვპირდნენ? და ეს მესმის ჩემი უწყინარ
მონდეკარისაგან? ღმერთო ჩემო!

მონდეკარი

რატომაც არა?
კოცონზე სწვავენ მხოლოდ ბოროტ ერეტიკოსებს.

დ ე დ ო ფ ა ლ ი

ვიმედოვნებ, რომ სხვაგვარ ფიქრობს ჩემი ებოლი.

ე ბ ო ლ ი

მე? დედოფალო, ძალიან გთხოვთ, არ მიმიჩნიოთ მონღეკარზე ცუდ ქრისტიანად.

დ ე დ ო ფ ა ლ ი

აჰ! დამავიწყდა,

თუ სად ვარ ახლა.—სხვა რამეზე ვილაპარაკოთ!.. მგონი, სოფელზე ვსაუბრობდით. მე მეჩვენება, რომ ამ ერთმა თვემ გაიარა საოცრად ჩქარა. მე აქ უფრო მეტ, დიდ სიხარულს ველოდებოდი, მაგრამ ვერ ვპოვე იგი, რისი იმედიც მქონდა. ნუთუ ასევე ემართება ყოველგვარ იმედს? აჰ, ვერას გზით ვერ გავიხსენე სურვილი იგი, რომელმაც ასე შემაცდინა და მომატყუა.

ო ლ ი ვ ა რ ე ს ი

ჩვენო ებოლი, არაფერი არ გითქვამთ ჩვენთვის, გომესი თქვენზე იმედოვნებს ისევ თუ არა? ან როდის უნდა მოგილოცოთ ბედნიერება?

დ ე დ ო ფ ა ლ ი

კარგი ჰქენით, რომ გამახსენეთ, ჰერცოგინია.

(პრინცესას)

დიახ, მე მთხოვენ თქვენს წინაშე შუამდგომლობას. მაგრამ ეს ძალმიძს? კაცს, რომელსაც ჩემი ებოლით დავაჯილდოვებ, ღირსეული კაცობა მართებს.

ო ლ ი ვ ა რ ე ს ი

და ღირსეული კაციც არის ის, დედოფალო, კაცი, რომელსაც მწყალობელმა ჩვენმა ხელმწიფემ თვისი მეფური მოწყალებით პატივი დასდო.

დ ე დ ო ფ ა ლ ი

კაცს ეს მწყალობა მართლაც დიდად აბედნიერებს... მაგრამ ჩვენ გვინდა ვიცოდეთ, მას თუ შეუძლია სიყვარული, და სიყვარულის დამსახურება.— ებოლი, მე თქვენ გეკითხებით.

ე ბ ო ლ ი

(სდუმს, დარცხვნილია, თვალები ძირს დაუხრია, ბოლოს დაემხოზა დედოფლის ფერხით)

გთხოვთ შემეცოდოთ, დიდსულოვანო დედოფალო, ღვთის გულისათვის, ნებას ნუ მისცემთ, რომ მიმსხვერპლონ.

დ ე დ ო ფ ა ლ ი

როგორ? გიმსხვერპლონ?

საკმარისია ჩემთვის უკვე. აბრძანდით ფეხზე! მსხვერპლად გახდომა ქალისათვის მწარე ხვედრია. მე მჯერა თქვენი, წამოდექით. დიდი ხანია, რაც გრატს უარი განუცხადეთ?

ე ბ ო ლ ი

(წამოდგება)

დიდი ხანია, მაშინ კარლოსი იყო, ეგონებ, სასწავლებელში.

დ ე დ ო ფ ა ლ ი

(გაოცდება და გამომცდელი მზერით დააკვირდება)

მერე ჯეროვნად ყველაფერი ასწონ-დასწონეთ, თუ რა მიზეზით უარყავით?

ე ბ ო ლ ი

(რამდენადმე გაცხარებით)

ო, არასოდეს

არ შეიძლება, რომ ეგ მოხდეს! ო, არასოდეს! საკმაოდ ბევრი მიზეზია.

დ ე დ ო ფ ა ლ ი

(ძალზე სერიოზულად)

ერთიცა კმარა-
თქვენ ის არ გიყვართ. ჩემთვის უკვე გასაგებია.
გვეყო ამაზე ლაპარაკი.

(მიუბრუნდება სხვა მანდილოსნებს)

დღეს არ მინახავს
მეფის ასული, ოლივარეს, მომგვარეთ იგი.

ო ლ ი ვ ა რ ე ს ი

(დახედავს საათს)

ჯერ დრო არაა, დედოფალო.

დ ე დ ო ფ ა ლ ი

ჯერ დრო არაა,

რომ მე დედობა მოვისურვო? სამწუხაროა!
ძალიან ცუდი. გამახსენეთ, არ დაგავიწყდეთ,
როცა დრო მოვა შვილის ნახვის.

(შემოდის პატი და ჩუმად ელაპარაკება ოლივარესს, რომელიც შემდეგ
დედოფალს მიმართავს.)

ო ლ ი ვ ა რ ე ს ი

მარკიზ დე პოზა...

დ ე დ ო ფ ა ლ ი

მარკიზ დე პოზა?

ო ლ ი ვ ა რ ე ს ი

ჩამოვიდა საფრანგეთიდან
და ნიდერლანდთა ქვეყანიდან. ნახვის ნებას გთხოვთ,
რომ ხელთ გადმოგცეთ ბარათები დედათქვენისა.

დ ე დ ო ფ ა ლ ი

მაქვს ამის ნება?

ო ლ ი ვ ა რ ე ს ი

(გაუბედავად)

დედოფალო, ჩემს განაწესში
მსგავსი შემთხვევა სულ არაა მოხსენებული,
რომ კასტილიელ დიდებულსა უფლება ჰქონდეს
ხელში გადასცეს წერილები უცხო სასახლის,
და ისიც ბაღში, დედოფალსა ესპანეთისას.

დ ე დ ო ფ ა ლ ი

რაკი ასეა, თვით მე ვაგებ მაგაზე პასუხს.

ო ლ ი ვ ა რ ე ს ი

მაგრამ მანამდე, დედოფალო, ნება მიბოძეთ,
რომ გაგეცალოთ.

დ ე დ ო ფ ა ლ ი

მოიქეცით როგორც გენებოთ,

ჰერცოგინია ოლივარეს.

(ოლივარესი გადის. დედოფალი ანიშნებს პაეს, რომელიც მაშინვე გადის.)

მეოთხე გამოცვლა

დედოფალი. პრინცესა ებოლი. მარკიზა მონდეკარი
და მარკიზ პოზა.

დ ე დ ო ფ ა ლ ი

მოხარული ვარ,
რომ ესპანეთში დაბრუნებულს გხედავთ, რაინდო.

მ ა რ კ ი ზ ი

და მეც ისეთი სიამაყით ჯერ არასოდეს
მიწოდებია ამ ქვეყნისთვის სამშობლო ჩემი,
როგორც ამჟამად, დედოფალო.

დ ე დ ო ფ ა ლ ი

(ორივე მანდილოსანს)

მარკიზ დე პოზა,
ის, ვინც რაიმისის სარაინდო შეჯიბრებაზე
თვით მამაჩემთან უშუალოდ გადაამსხვრია

და ჩემი ფერი სამჯერა ჰყო გამარჯვებული...
იგი პირველი ესპანელი გახლავთ, რომელმაც
მე მაგრძნობინა, შემასწავლა, თუ რაოდენად
საამაყოა დედოფლობა ესპანეთისა.

(მიმართავს მარკისს)

როს დუვრში ვნახეთ ერთმანეთი უკანასკნელად,
მაშინ, რაინდო, ალბათ, სიზმრად ვერც კი ნახავდით—
კასტილიაში გახდებოდით ჩემი სტუმარი.

მ ა რ კ ი ზ ი

რას ვიფიქრებდი, დედოფალო, აბა მე მაშინ,
რომ საფრანგეთი დაგვითმობდა იმ ერთადერთ განძს,
რომელიც მისთვის დიდად გვშურდა ყველა ესპანელს.

დ ე დ ო ფ ა ლ ი

ჰოი, ამაყო ესპანელო! ერთადერთიო?
ეს ერთადერთი ასულია ვალუას მოღმის?

მ ა რ კ ი ზ ი

აწ ძალმიძს მხოლოდ, დედოფალო, მე ამისი თქმა,
რადგანაც ახლა თქვენ ჩვენი ხართ.

დ ე დ ო ფ ა ლ ი

გაგიგე, მარკიზ,
რომ მგზავრობისას საფრანგეთზე გამოგივლიათ,—
რა მომიტანეთ პატივცემულ დედაჩემისა
და დაუვიწყარ, უსაყვარლეს ჩემთა ძმათაგან?

მ ა რ კ ი ზ ი

(გადასცემს ბარათებს)

მე დედათქვენი, დედოფალო, სნეული ვპოვე,
ყველა ქვეყნიურ სიხარულზე აელო ხელი
და ერთადერთი იმედილა ანუგეშებდა,
რომ ქალიშვილი ესპანეთის სამეფო ტახტზე
ბედნიერი ჰყავს.

დ ე დ ო ფ ა ლ ი

ბედნიერი არ უნდა იყოს
განა ის, ვისაც იგონებენ ნათესავები,
ეგრე მხურვალედ, ეგრე ნაზად, ეგოდენ ტკბილად?..
თქვენ მგზავრობისას სტუმრებიხართ მრავალ სასახლეს,
ალბათ, გინახავთ ბევრი ხალხის ზნე-ჩვეულება...
ახლა კი, როგორც მე გადმომცეს, განზრახული გაქვთ
მშობელ მხარეში მხოლოდ თქვენთვის იცხოვროთ

წყნარად,

ვით უფრო დიდმა მეფემ მყუდრო ზღუდეთა შორის,
ვიდრე თვით მეფე ფილიპე სამეფო ტახტზე,—
თავისუფალმა მოაზროვნემ, ფილოსოფოსმა!
ძალიან ვეჭვობ მოგეწონოთ ჩვენი მადრიდი.
იქ მეტიმეტი სიწყნარება.

მ ა რ კ ი ზ ი

მაგრამ იქ მაინც

ბევრად მეტია იგი, რათაც მთელი ევროპის
დანარჩენ ქვეყნებს შეუძლიათ დაიტრაბახონ.

დ ე დ ო ფ ა ლ ი

მეც ეგ მსმენია. ქვეყნიური ამბებისაგან
ან მარტოოდენ მოგონება შემომრჩენია.

(პრინცესა ებოლის)

ჩემო პრინცესა, მგონია, იქ სუმბული ჰყავის...
ხომ არ ინებებთ მომიტანოთ?

პრინცესა მიდის იმ ადგილისაკენ. დედოფალი ცოტა ხმადაბლა, მარკისს)

ან დიდად ვცდები,

ან თქვენმა მოსვლამ ერთ ბედნიერ კაცით ამქამად
ასე უეცრად გაამდიდრა სასახლე ჩვენი.

მ ა რ კ ი ზ ი

ძალზე მწუხარე ვპოვე იგი მე, დედოფალო,
ამქვეყნად იმას გაახარებს ერთი რამ მხოლოდ...

(პრინცესა ბრუნდება ხელში ყვავილით.)

ე ბ ო ლ ი

რაინდს მრავალი უცხო მხარე უნახავს თვალთ,
უვეჭველია, ბევრი კარგი ამბავი იცის,
მანდილოსნები შეგვაქციოს, დაგვიტკბოს სმენა.

მ ა რ კ ი ზ ი

რალა თქმა უნდა. შემთხვევათა ძიება გახლავთ
რაინდის ვალი ამა ქვეყნად. ეს ყველამ იცის.
მაგრამ ქალთ დაცვა უფრო წმინდა ვალია მისი.

მ ო ნ დ ე კ ა რ ი

გოლიათთაგან! მაგრამ ახლა გოლიათები
ალარ არიან.

მ ა რ კ ი ზ ი

საწუხაროდ, ძალმომრეობა

სუსტებისათვის გოლიათი არის ყოველთვის.

დ ე დ ო ფ ა ლ ი

რაინდი მართალს ლაპარაკობს, გოლიათები
კვლავ არსებობენ, რაინდნი კი ალარ არიან.

მ ა რ კ ი ზ ი

როს ებრუნდებოდი ამას წინათ ნეაპოლიდან,
მოწმე შევიქენ აღმაშფოთარ, მწუხარე ამბის,
რაც მეგობრობის აღსარებამ წმიდათა წმიდამ
გადააქცია ეს ამბავი ჩემს საკუთრებად.
რომ არ ვშიშობდე, დედოფალო, მისი მოყოლით
თქვენს შეწუხებას, თქვენი სმენის მოლაღვას, მაშინ...

დ ე დ ო ფ ა ლ ი

სხვა არჩევანი განა მრჩება? ჩემი პრინცესა
ცნობისმოყვარე არის დიდად და მე თვითონაც
ძალიან მიყვარს მოვისმინო რამე ახალი.
გისმენთ, რაინდო, გთხოვთ დაიწყოთ.

მ ა რ კ ი ზ ი

კეთილშობილმა

ორმა ოჯახმა—მცხოვრებლებმა მირანდოლაში,
გატანჯულებმა ერთმანეთის მოსისხლე მტრობით,
გიბელინებს და გველფებს შორის რომ სწარმოებდა
საუკუნეთა გრძელ მანძილზე და იგი მტრობა
ამ ოჯახთაც რომ გადმოეცა მემკვიდრეობით—
გადაწყვიტა, რომ დამოყვრებით ერთმანეთს შორის
ხანგრძლივი ეყოთ სასურველი მტკიცე მშვიდობა.
დისწული მძლავრი პიეტროსი, ვაჟი ფერნანდო,
ხოლო ასული კოლონასი, ტურფა მათილდა—
ეს ორნი იყვნენ, ამ ქალ-ვაჟის დაქორწინებას
უნდა შეეკრა მეგობრობა მტრულ ოჯახთ შორის.
თვითონ ბუნებას ორი გული ასეთი სათნო
არ წარმოეშვა ერთურთისთვის და არც ქვეყანას
ასეთი კარგი არჩევანი არ მოეხდინა.
მაგრამ ფერნანდო თვის საცოლოს, სიყვარულის ღირსს,
მხოლოდ სურათით თუ იცნობდა და თაყვანს სცემდა,
და უდიდესი მღელვარებით ელოდა იგი,
როდის ნახავდა თავის თვალთ და ირწმუნებდა
მას, რასაც სურათს და ოცნებას არ უჯეროდა.
პაღუაშივე, სადაც სწავლა მას აყოვნებდა,
უცდიდა იგი სიხარულით აღსავსე იმ წამს,
როდესაც ნებას უბოძებდნენ, მატლდას ფერხით
რომ წარმოეთქვა აღსარება სიყვარულისა.

(დედოფალი უფრო ყურადღებით უსმენს. მარკიზი მცირე ხნის
ფუმილის შემდეგ კვლავ აგრძელება თხრობას და, რამდენადაც კი დედოფ-
ლის იქ ყოფნა ნებას აძლევს, მიმართავს უფრო პრინცესა ებოლის.)

ამასობაში დაქვრივდება ბიძა პიეტრო.
ახალგაზრდული გატაცებით ისმენს მოხუცი
ნაზი მათილდას გასაოცარ მშვენების ქებას.
მივიდა! ნახა! შეიყვარა! ახალი ვნება
მასში ჩაახშობს მაშინათვე ბუნების სუსტ მხას.

ბიძა ძმისწულის საცოლოზე დაინიშნება
და ქორწინებით განამტკიცებს თვის ყაჩაღობას.

დ ე დ ო ფ ა ლ ი

ფერნანდომ რაღა გადაწყვიტა?

მ ა რ კ ი ზ ი

ის სიყვარულის

ლაღად მქროლ ფრთებით სამშობლოსკენ მიეშურება,
არც იცის, თუ რა საშინელი ცვლილება მოხდა.
ჟამსა ვარსკვლავთა აღმოხდომის მიაღება იგი
თავისი მერნით ეზოს კიშკარს, სად უური მოჰყრა
მოქეიფეთა ფლეიტის ხმას, დაფდაფთა ცემას,
გაკაშკაშებულ დარბაზიდან რომ მოისმოდა.
ათრთოლებული არბის კიბის საფეხურებზე
და, ვით უცნობი, საქორწინო დარბაზში შედის,
სად ღვინით დამთვრალ სტუმართ შორის იჯდა პიეტრო,
ხოლო მის გვერდით ანგელოზი. ცით მოვლენილი,
ვისაც იცნობდა ფერნანდო და თავისად რაცხდა
და ვინც ასეთი მშვენიერი, ასე ბრწყინვალე
ოცნებითაც კი ვერასოდეს წარმოედგინა.
მხოლოდ შეხედა და ფერნანდო მაშინვე მიხვდა,
თუ რას ფლობდა და რა დაკარგა მან სამუდამოდ.

ე ბ ო ლ ი

ოი საბრალო!

დ ე დ ო ფ ა ლ ი

ხომ დასრულდა ამბავი უკვე?
მგონია, იგი უნდა იყოს დასრულებული.

მ ა რ კ ი ზ ი

არცთუ მთლიანად, დედოფალო.

დ ე დ ო ფ ა ლ ი

თქვენ არ გვითხარით,
რომ თქვენი კარგი მეგობარი იყო ფერნანდო?

მ ა რ კ ი ზ ი

მასზე ძვირფასი მეგობარი არავინა მყავს.

ე ბ ო ლ ი

გთხოვთ გააგრძელოთ ეგ ამბავი, რაინდო პოზა.

მ ა რ კ ი ზ ი

ძალზე მწუხარე არის იგი და მოგონება
ცვლავ განმიახლებს გულისტკივილს. ნუ მათქმევინებთ
ამბის დასასრულს.

(საერთო ღუმელი)

დ ე დ ო ფ ა ლ ი

(მიმართავს პრინცესა ებოლის)

ახლა მაინც არ მიბოძებენ

იმის ნებას, რომ ასულს ჩემსას გადაეცევიო?
წადით, პრინცესა, მომიყვანეთ.

(ებოლი გადის, მარკიზი ანიშნებს პაუს, რომელიც სცენის სიღრმეში
მოჩანს, და იგი მაშინვე გაუჩინარდება. დედოფალი გახსნის მარკიზის
მიერ გადაცემულ ბარათებს და, როგორც ჩანს, ძალზე გაოცებულია. ამ
ხნის განმავლობაში მარკიზი საიდუმლოდ ელაპარაკება მარკიზა მონდეკარას
და რაღაცაში დაჟინებით არწმუნებს. დედოფალია წერილები გადაიკითხა
და მიმართა მარკიზს გამომცდელი მზერით.)

თქვენ მატლდაზე

არაფერი სთქვით? შეიძლება მან არც კი იცის,
თუ რა ძლიერად ეწამება ფერნანდოს გული?

მ ა რ კ ი ზ ი

მატილდას გულში ჯერ ვერავენ ვერ ჩაიხედა,
ღიადნი სულნი მუდამ ჩუმად იტანჯებიან.

დ ე დ ო ფ ა ლ ი

ირგვლივ რატომღა იცქირები? ვის ეძებთ თვალით?

მ ა რ კ ი ზ ი

მე ვფიქრობ, თუ რა ბედნიერი შეიქნებოდა
აქ ერთი ვინმე, ვერ ვახსენებ მე იმის სახელს,
ჩემს ადგილას რომ იყოს ახლა.

დ ე დ ო ფ ა ლ ი

ვისი ბრალია

რომ მოკლებული არის ის ამ ბედნიერებას?

მ ა რ კ ი ზ ი

(ფიცხლად შეაწყვეტინებს)

როგორ? გავბედო, დედოფალო, და თქვენი სიტყვა
ისე განემართო, როგორც მე მსურს? მაშ მიუტევებთ,
თქვენს წინაშე რომ გამოცხადდეს იგი ახლავე?

დ ე დ ო ფ ა ლ ი

(შეშინებული)

ახლავე, მარკიზ? თქვენ ამითი რისი თქმა გინდათ?

მ ა რ კ ი ზ ი

მაშ გაებედა... მაშ იმედი ჰქონიყო თქვენი?

დ ე დ ო ფ ა ლ ი

(უფრო მეტი დაბნეულობით)

თქვენ მე მაშინებთ... ალბათ, იგი...

მ ა რ კ ი ზ ი

აქ არის უკვე.

მეხუთე გამოცვლა

დ ე დ ო ფ ა ლ ი. კ ა რ ლ ო ს ი.

(მარკიზ პოზა და მარკიზა მონდევარი სცენის სიღრმეში მიიმალეებიან.)

კ ა რ ლ ო ს ი

(დაეცემა დედოფლის ფერხთით)

და აჰა, დადგა საპოლოოდ ის წამი, როცა
კარლოსი ბედავს ამ ძვირფასი ხელის შეხებას.

დ ე დ ო ფ ა ლ ი

რა გაბედული ნაბიჯია,—სასჯელის ღირსი,
მოულოდნელი თავხედობა. ადექით ახლავ!
დაგვინახვენ. აქვე არის სასახლე ჩემი.

კ ა რ ლ ო ს ი

მე არ ავდგები, სამუდამოდ მსურს ასე დავრჩე
აქ, ამ ადგილზე, ვით თილისმით გაქვავებული...

დ ე დ ო ფ ა ლ ი

ჰოი ხელქმნილო! ნუთუ ასე გაგათამამათ
ჩემმა წყალობამ? როგორ? ნუთუ არ იცით, პრინცო,
რომ ის, ვისთანაც ამ კადნიერ საუბარს ბედავთ,
თქვენი დედაა და ამ ქვეყნის დედოფალია,
და რომ მე თვითონ... მე თვითონვე ამის შესახებ
დიდებულ მეფეს...

კ ა რ ლ ო ს ი

დაე თუნდა ახლავე მოვკვდე!

თუნდ აქედანვე ეშაფოტზე გამგზავნოს მეფემ!
ეს ერთი წუთი, სამოთხეში გატარებული,
განა არა ღირს, რომ სიკვდილით გამოვისყიდო?

დ ე დ ო ფ ა ლ ი

და მერე, თქვენი დედოფალი?

კ ა რ ლ ო ს ი

(წამოდგება)

ო, ღმერთო, ღმერთო!

მივდივარ... გტოვებთ... ან უარი ვით ვაგვიბედოთ,
როდესაც ამას, დედოფალო, ასე მოითხოვთ?
როგორ საშინლად მათამაშებთ, ო დედა, დედა!
ერთი ნიშნება, ერთი სიტყვა თუ შემოხედვა
ან გადამარჩენს, ან მთლიანად გამანადგურებს.
სხვა რაღა გნებავთ, ან ამ მზის ქვეშ რაა ისეთი,

რომელიც მსხვერპლად მე ხალისით ვერ შემოგწიროთ,
თუ თქვენ ისურვებთ?

დ ე დ ო ფ ა ლ ი

გაიქეციო!

კ ა რ ლ ო ს ი

ო ლმერთო ჩემო!

დ ე დ ო ფ ა ლ ი

მხოლოდ ერთსა გთხოვთ, გვედრებით ცრემლმორეული:
სასწრაფოდ წადით!.. ვიდრე ჩემი სეფე ქალები...
ვიდრე დარაჯნი არ გვნახავენ და მამათქვენთან
არ დაგვასმენენ...

კ ა რ ლ ო ს ი

ჩემი ბედის განაჩენს ველი...

დე ან სიცოცხლე იყოს იგი ანდა სიკვდილი.
როგორ? ამისთვის ვამყარებდი მთელ იმედს ჩემსას
მხოლოდ ამ წამზე, ერთადერთზე, რომელმაც თქვენთან
განმარტოებით შეხვედრა და ყოფნა მალირსა,
რომ ყალბმა შიშმა აწ მიზნიდან გადამაცდინოს?
ო, არა, არა, დედოფალო! ეს დედამიწა
ასჯერ, ათასჯერ პოლუსთ ირგვლივ მოტრიალდება,
ვიდრე შემთხვევა შეხვედრისა განმეორდება.

დ ე დ ო ფ ა ლ ი

და ეს არც უნდა განმეორდეს აღარასოდეს.
ბედშავო კარლოს! რად მოხვედით, რა გნებაეთ ჩემგან?

კ ა რ ლ ო ს ი

ო დედოფალო, თვითონ ღმერთი მოწმეა იმის,
თუ ვით ვებრძოდი საკუთარ თავს; ვებრძოდი ისე,
როგორც ჯერ არც ერთ მოკვდავ კაცსა არ უბრძოლია,
მაგრამ ამოდ, დედოფალო!.. მაინც დაემარცხდი.

დ ე დ ო ფ ა ლ ი

ჩემი სიმშვიდის გულისათვის .. ნულარას მეტყვიით...

კ ა რ ლ ო ს ი

ჩემი იყავით... თქვენ თავს მთელი ქვეყნის წინაშე
აღიარებდა ჩემად ორი დიდი სამეფო
და მას ბუნებაც, თვითონ ზეცაც მე აღმითქვამდა,
მიგრამ ფილიპემ თქვენი თავი წამართვა ძალით.

დ ე დ ო ფ ა ლ ი

მამაა თქვენი.

კ ა რ ლ ო ს ი

თქვენი ქმარი.

დ ე დ ო ფ ა ლ ი

რომლისაგანაც

გადმოგეცემათ თქვენ სამეფო უზარმაზარი.

კ ა რ ლ ო ს ი

და თქვენ კი - დედად.

დ ე დ ო ფ ა ლ ი

დიდო ღმერთო! კარლოს, გაგიჟდით...

კ ა რ ლ ო ს ი

იცის კი მეფემ, რა სიმდიდრის მფლობელი გახდა?
თუ შეუძლია დააფასოს მან თქვენი გული?
არა, არ მინდა დავიჩიელო, მსურს დავივიწყო,
თუ რა უზომოდ ბედნიერი შევიქნებოდი
თქვენს გულთან ერთად, ბედნიერი რომ იყოს იგი.
მაგრამ არაა ბედნიერი... და ჯოჯოხეთიც
ესაა სწორედ! ბედნიერი არ არის მეფე
და არც იქნება არასოდეს ის ბედნიერი.
შენ მე წამართვი ჩემი ზეცა მხოლოდ იმისთვის,
რომ დაგეთრგუნა ის ფილიპეს გაყინულ მკერდზე.

დ ე დ ო ფ ა ლ ი

საზიზღარია შენი აზრი

კარლოსი

მე კარგად ვიცი,
ეს ქორწინება ვინც მოაწყო... ან მამაჩემმა
როგორ გითხოვათ; ისიც ვიცი, თუ როგორ ძალუძს
მას სიყვარული. დედოფალო, ერთი მიბრძანეთ,
რას წარმოადგენთ, ვინ ბრძანდებით ამ სამეფოში?
ქვეყნის მმართველი?—არასოდეს! ასე რომ იყოს,
მაშინ ალბები ქვეყნად როგორ იმძვინვარებდნენ?
როგორ შეეძლოთ დაექციათ ფლანდრიელთ სისხლი
სარწმუნოების გულისათვის? როგორ? ნამდვილად
ცოლი ბრძანდებით ფილიპესი? ვით შეიძლება!
ვერ დავიჯერებ. ცოლი თავის ქმრის გულს განაგებს.
მისი გული კი ვის ეკუთვნის? და თუ ის ზოგჯერ
აღერსს გათავაზობთ სიცხიანი, მან ეს აღერსი
არ გამოსტაცა სკიპტრასა და თავის ჭაღარას?

დედოფალი

ვინ მოგახსენათ, რომ თითქოს მე ფილიპეს ხელში
ასეთი მწარე ხვედრი მერგო?

კარლოსი

ჩემივე გულმა,
რომელმაც იგრძნო, თუ რაოდენ სვებედნიერი
შეიქნებოდით ჩემთან ყოფნით.

დედოფალი

ზვიადო კაცო!
მაშინ რას იტყვით, გული სხვას რომ მეუბნებოდეს?
რომ მე ფილიპეს, სიყვარულის გამომხატველი,
მღუშარე მზერა და სინაზე მოკრძალებული
გულს უფრო მეტად მითრთოლებდეს, ვიდრე თვით მისი

ამაყი შვილის კადნიერი მჭევრმეტყველება?
და რომ მოხუცის გონიერული პატივისცემა...

კარლოსი

ეგ სხვა საქმეა... მაშინ... მაშინ... გათხოვთ მომიტევეთ.
ეს არ ვიცოდი... არ ვიცოდი, რომ ჩვენი მეფე
ასე გიყვარდათ.

დედოფალი

მეფისადმი პატივისცემა.
შეადგენს ჩემს წრფელ სურვილსა და კმაყოფილებას.

კარლოსი

მაშ თქვენ არავინ გყვარებიათ?

დედოფალი

რა უცნაური

შეკითხვა არის!

კარლოსი

მაშ არავინ არ გყვარებიათ?

დედოფალი

მე აღარავინ მიყვარს ახლა.

კარლოსი

და მერე, ამას
გული გიშლით, თუ ერთგულების აღთქმა ვიკრძალავთ?

დედოფალი

გათხოვთ ჩამომეხსნათ, უფლისწულო, ჩემთან ასეთი
საუბრისათვის არასოდეს აღარ მოხვიდეთ.

კარლოსი

გული გიშლით, თუ ერთგულების აღთქმა გიკრძალავთ?

დედოფალი

მოვალეობა... უბედურო, აბა, რას გვარგებს, რომ გავგულისდეთ და ამაოდ ბედს ავუშხედრდეთ, როდესაც უნდა ორივენი მას ემორჩილებდეთ?

კარლოსი

მას ემორჩილებდეთ?

დედოფალი

როგორ? კარლოს, ეგ საზეიმო კილო რას ნიშნავს?

კარლოსი

იმას, რომ მე არ განმიზრახავს დამორჩილება. მე მწადია და უფლებაც მაქვს ამ წადილისა; და არც ვფიქრობ, ამ სამეფოში დავრჩე ყველაზე უბედური, როდესაც ძალმიძს კანონთ შემუსვრით მოვიპოვო ბედნიერება.

დედოფალი

ნუთუ კვლავ ბედავთ, ნუთუ კიდევ თავს იიმედებთ, როს ყველაფერი, ყველაფერი დაღუპულია?

კარლოსი

მე მხოლოდ მკვდრები მიმაჩნია დაღუპულებად.

დედოფალი

და იმედს თქვენსას დედათქვენზე, ჩემზე, ამყარებთ? (უცქერის ხანგრძლივი, გამგმირავი მზერით. შემდეგ ლაპარაკობს მკაცრად და ღირსებით.)

რატომაც არა? ო, ხელმწიფეს, ახლად არჩეულს, მეტის ქმნაც ძალუძს. შეუძლია საკუთარ მამის

ბრძანებებიც კი ცეცხლს მისცეს და მთლიანად მოსპოს, გაანადგუროს თვისი მშობლის ქანდაკებანი, ძალუძს აგრეთვე—ვინ დაუშლის?—მისი მუმიაც ესკურიალის საეანედან ზეამოადოს და შებილწული მისი ფერფლი ქარს გაატანოს, შემდეგ კი, შვილმა ღირსეულად რომ დაასრულოს...

კარლოსი

ღვთის გულისათვის, ნულარ იტყვი, შეწყვიტეთ, კმარა!

დედოფალი

შემდეგ კი შვილმა თვისი დედა ცოლად შეირთოს.

კარლოსი

წყველო შვილო!

(ერთ წამს გარინდებულია და მღუმარე)

გაქრა, გაქრა აწ ყველაფერი.

ახლა აშკარად, ცხადად ვგრძნობ, რაც უნდა ჩემთვის დარჩენილიყო სამუდამოდ მოცული ბნელით.

დაკარგული ხართ, დედოფალო, თქვენ უკვე ჩემთვის, დაკარგული ხართ, დაკარგული აწ სამუდამოდ!

ახლა გადაწყდა ჩემი ბედი. ამიერიდან აღარ არსებობთ ჩემთვის უკვე... ო, ამის გრძნობა

ჯოჯოხეთია საზარელი... და უფრო მეტად ჯოჯოხეთია ისიც, რომ მსურს თქვენ დაგეუფლოთ.

ვაგლახ! მე აღარ შემიძლია მიღწევა ამის, ლამის ძარღვები ჩამეწყვიტოს, ლამის გავთავდე.

დედოფალი

მართლაც ღირსი ხართ შებრალების, ძვირფასო კარლოს! ვგრძნობ იმ საშინელ, გამოუთქმელ ტანჯვა-წამებას.

ახლა თქვენს გულში რომ მქვინვარებს. ეგ თქვენი ტანჯვა,

ისე ვით თქვენი სიყვარული, უსაზღვრო არის.

და ვით უსაზღვრო არის იგი, ისე უსაზღვროდ
სასახელოა დაძლევა და დათრგუნვა მისი.
მაშ მიაღწიეთ ამ დიდებას, ჭაბუკო გმირო.
ეს ჯილდო შეჭფერს იმ მამაცი მებრძოლის სახელს,
იმ ჭაბუკს, ვისი გულიც ფეთქავს ესდენ მრავალი
გვირგვინოსანი წინაპარის სათნოებითა.
გამხნევდით, პრინცო, შვილიშვილმა დიდი კარლისამ
დე იქ დაიწყოს ბრძოლა, სადაც სხვა კაცთა შვილნი
ფარხმალს დაჰყრიდნენ, უსასოოდ დამარცხებულნი.

კარლოსი

აწ გვიანაა! ღმერთო ჩემო, ძლიერ გვიანი!

დედოფალი

ვაჟკაცად ყოფნა? ჰოი კარლოს, რა დიადი და
დიდია ჩვენი სათნოება მაშინ, როდესაც
მის მისაღწევად იმსხვრევიან გულები ჩვენი!
განგებამ მალლა დაგაყენათ მილიონ ძმებზე,
მიკერძოებით მოგცათ იგი თავის საყვარელს,
რაც სხვებს წაართვა. იკითხავენ მილიონები:
„ნუთუ მან დედის მუცელშივე დაიმსახურა,
რომ ასე მალლა დგას ის ჩვენზე. თვის მოკვდავ ძმებზე?“
მაშ გაამართლეთ არჩევანი ზეცისა, კარლოს!
დაიმსახურეთ თქვენი ქვეყნის წინამძღოლობა,
მსხვერპლად გაწირეთ, რაც არავის არ გაუწირავს!

კარლოსი

მაგას მეც შეეძლებ, დედოფალო. რომ მოგიპოვოთ—
გოლიათი ვარ, რომ დაგკარგოთ კი—უსუსური.

დედოფალი

გამოტყდით, კარლოს, რომ ეგ მხოლოდ ჯიუტობაა,
გამწარება და ზვიადობა, თქვენ სურვილებს რომ
ასე მძვინვარედ მიმართავენ დედათქვენისკენ.
გული, რომელსაც თქვენ მე მწირავთ დაუზოგავად,

კუთვნილებაა იმ ქვეყნისა, რომელიც შემდგომ
თქვენ უნდა მართოთ. ხედავთ, როგორ დაიწყეთ უკვე
დოვლათის, თქვენზე მონდობილის, განიავება.
სიყვარულია თქვენი დიდი მოვალეობა.
გზასაცდენილი ის დედისკენ მიისწრაფოდა...
აწ დაუბრუნეთ თქვენს მომავალ სამეფოს იგი,
სინდისის მწვავე ქენჯნის ნაცვლად იგრძენით შეება,
იგრძენით, თუ რა დიადია ღვთაებად ყოფნა.
ელისაბედი იყო თქვენი პირველი სატრფო,
ამის შემდეგ კი—ესპანეთი იყოს მეორე.
სიამოვნებით დაგუთმობდი, კეთილო კარლოს,
თქვენს გულს უფრო დიდ და უკეთეს შეყვარებულსა—

კარლოსი

(გრძნობამორეული დავევა დედოფლის ფერხთით)

რა დიადი ხართ, ღვთაებრივო!—დიახ, ყველაფერს,
რასაც მოითხოვთ, შევასრულებ. - დე ასე იყოს!

(წამოდგება)

და მე, აქ მდგარი, შებორკილი ღვთაების ხელით,
ვიძლევი აღთქმას, გეფიცებით, რომ სამუდამოდ...
ო ზეცავ, არა! საუკუნო ღუმელი ძალმიძს,
დავიწყება კი—არასოდეს.

დედოფალი

ვით შემიძლია,

ის მოვითხოვო კარლოსისგან, რასაც მე თვითონ
ვერ შევასრულებ?

მარკიზი

(შემობის ხეივნიდან)

მეფე!

დედოფალი

ღმერთო!

მარკიზი

განშორდით სწრაფად
ამ ადგილს, პრინცი!

დედოფალი

მისი ეჭვი საზარელია,
თუ დაგინახათ ჩემთან მყოფი...

კარლოსი

მე აქა ვრჩები.

დედოფალი

და მაშინ მსხვერპლი ვინ იქნება?

კარლოსი

(ეწევა მარკიზის ხელს)

შორს, შორს აქედან!

წამო, როდრიგო.

(მიდის, ერთჯერ კიდევ შემობრუნდება)

დედოფალო, რას მისახსოვრებთ?

დედოფალი

თქვენივე დედის მეგობრობას.

კარლოსი

ო დედა, დედა!

დედოფალი

და ამ მწარე ცრემლთ სვეუბედურ ნიდერლანდელთა.

(გადასცემს რამდენიმე წერილს. კარლოსი და მარკიზი გადიან. შეშფოთებული დედოფალი დაეძებს თავის მანდილოსნებს, რომელნიც აღარსად მოჩანან. იმ დროს, როცა დედოფალს სურს სცენის სიღრმისკენ გაემართოს, გამოჩნდება მეფე.)

მე მასე გამოსვლა

მეფე-დედოფალი. პერცოგი ალბა. გრაფი ლერმა-
დომინგო. რამდენიმე მანდილოსანი და დიდებულნი, რომელნიც უკან-
მოშორებით რჩებიან.

მეფე

(გაკვირვებული ირგვლივ იცქირება და რამდენიმე ხანს სდუმს)

მარტო სეირნობთ, ქალბატონო, სრულიად მარტო?
ისე რომ, ერთი სეფე ქალიც არ გახლავთ გვერდით?
ეს მე მანცვიფრებს... სად არიან მანდილოსნები?

დედოფალი

ჩემო მოწყალე მეუღლეო...

მეფე

რატომ ხართ მარტო?

(ამალას)

დედოფალს ჩვენსას დღეს ვინ უნდა ხლებოდა გვერდით?
ვის შეხვდა რიგით დედოფალთან დღეს სამსახური?

დედოფალი

ნუ განრისხდებით, მოწყალეო ჩემო მეუღლეო...
თვით მე გახლავართ დამნაშავე, რადგან ებოლი
ჩემი ბრძანებით გამეცალა.

მეფე

თქვენი ბრძანებით?

დედოფალი

მოახლე ქალის მოსახმობლად, ჩემო მეუღლეო,
რადგანაც ძლიერ მომენატრა ასულის ნახვა.

მეფე

და ამისათვის განიშორე მთელი ამალა?
მაგრამ ეს პირველ მანდილოსანს ამართლებს მხოლოდ-
მეორე ქალი სადღა არის?

მონდეკარი

(რომელიც ამასობაში უკან დაბრუნდება და სხვა მანდილოს-
ნებში გაეფევა, გამოდის წინ)

დიდო ხელმწიფევე,
ვგრძნობ, რომ ღირსი ვარ სასჯელისა.

მეფე

და ამის გამო

ნებას გიბოძებთ, რომ ათი წლის განმავლობაში
ამ დანაშაულს ჩაუფიქრდეთ მადრიდის გარეთ.

«ცრემლმორეული მარკიზა უკან დაიხვეს. საერთო დღეშილი. ყველა გაოცე-
ბით შეჰყურებს დედოფალს.»

დედოფალი

ჩემო მარკიზა, ვის დასტირით?

(მეფეს)

თუ მე შევცოდე,

ჩემო მოწყალე მეუღლეო, ხელმწიფის გვირგვინს,
რომლისკენაც მე არასოდეს მივისწრაფოდი,
უნდა შეეძლოს ჩემი დაცვა ამ შერცხვენისგან.

იქნებ ისეთი კანონია ამ სამეფოში,
რომ სამსჯავროს წინ წააყენონ ასული მეფის?

ესპანელთ ცოლებს ძალადობა სდარაჯობს მხოლოდ?

იქნება იცავს ჯაშუშობა მათ უფრო მეტად,

ვიდრე მათივე სათნოება და ერთგულება?

მაგრამ ახლა კი გთხოვთ შემინდოთ, ჩემო მეუღლე:

არა მჩვევია, რომ მტირალი გავუშვა იგი,

ვინც სიხარულით მემსახურა.— ჩემო მონდეკარ!

(შემოიხსნის ქამარს და გადასცემს მარკიზას.)

მეზარ გიწყრებით, განარისხეთ თქვენ მხოლოდ მეფე...

ამიტომ ჩემგან გთხოვთ მიიღოთ ეს მცირე ძღვენი,

ჩემი წყალობის და ამ წუთთა მოსაგონებლად...

წადით, განშორდით ამ სამეფოს. თქვენ შეცოდება

მიგიძღვით მხოლოდ ესპანეთში; ჩემს საფრანგეთში

მოთხ

ამნაირ ცრემლებს სიხარულით შეგიმშრალებენ.

ნუთუ ეს დამრჩეს სამუდამო მოსაგონებლად?

(მიეყრდნობა უფროს სეფე ქალს და სახეს ხელებში ჩაიმაღავს.)

ჩემს საფრანგეთში სულ სხვა იყო.

მეფე

(ოდნავ აღელვებული)

ნუთუ გეწყინათ

თქვენ საყვედური ჩემი წრფელი სიყვარულისა?

თუ გაწყენინათ ერთმა სიტყვამ, რომელიც ნაზმა

ზრუნვამ გულისამ ათქმევინა ბაგეებს ჩემსას?

(მიმართავს დიდებულებს)

აი, აქ დგანან ვასალები ჩემი ტახტისა.

განა ოდესმე მომიხუჭავს შანამდე თვალი,

ყოველ საღამოს ვიდრე ჯერ არ გამომეთვალოს

შორ ქვეყნებშიც კი მაჯის ცემა ჩემი ხალხების?

და ნუთუ უნდა ჩემ ტახტს უფრო დავკანკალებდე,

ვიდრე ჩემივე გულის რჩეულს, მეუღლეს ჩემსას?

ჩემი ხალხების თავდება ჩემი ხმალი და...

ჰერცოგი ალბა; ეს თვალნი კი—თავდები მხოლოდ

ჩემი მეუღლის სიყვარულის.

დედოფალი

თუ მოგაყენეთ

შეურაცხყოფა, მეუღლეო...

მეფე

მე ვიწოდები

მთელ ქრისტიანულ სამყაროში უმდიდრეს კაცად

და მზე არ ჩადის თვალუწვდენელ ჩემს სამეფოში,

მაგრამ ყველაფერ ამას უწინ სხვა განაგებდა

და ჩემს შემდეგაც მას მრავალი დაეუფლება.

ცოლია ჩემი საკუთრება. რაც ხელმწიფეს აქვს,

ის ბედს ეკუთვნის... ფილიპეს კი—ელისაბედი.

აი, აქა ვარ მე მოკვდავი ადამიანი.

დედოფალი

თქვენ გეშინიათ, ხელმწიფეო?

მეფე

არ მეშინოდეს

ამ ჭალარა თმის? მაგრამ, თუ მე შიში შემიპყრობს, მაშინვე შევწყვეტ...

(დიდებულებს)

მე აქა ვხედავ ჩემი სამეფოს დიდებულებსა... პირველი კი მათ შორის არ ჩანს. სადაა ნეტავ დონ კარლოსი, მემკვიდრე ჩემი?

(პასუხს არავინ აძლევს)

ეს ბიჭი ჩემთვის საშიშარი ხდება თანდათან. იმის შემდეგ, რაც ალკალიდან დაბრუნდა იგი, ჩემთან შეხვედრას ერიდება, გამირბის თითქოს. მისი სისხლი დუღს, მაგრამ მზერა რატომ აქვს ცივი? რადაა ასე გულგრილი და თავდაჭერილი? გთხოვთ ყურადღება მიაქციოთ.


ალბა

აქ ვარ, ხელმწიფეო, სანამდე ფეთქავს ჩემი გული ამ ჯაფშნის შიგნით, ხელმწიფეს ჩემსას ძალუძს მშვიდად ძილს მისცეს თავი. როგორც ღვთაების ქერუბიმი სამოთხის კართან, ჰერცოგი ალბა დგას ტახტის წინ.

ლერმა

გაკვადნიერდე

და ჩემს ბრძენ მეფეს მოვახსენო წინააღმდეგი? — ეგოდენ დიდად პატივს ვცემ თქვენს უდიდესობას, რომ მწამს, შვილს ასე აჩქარებით არ განსჯის მკაცრად. პრინცი კარლოსის ცხელი სისხლი. დიდად მაშინებს, მისი გული კი — სულაც არა.



თქვენ, გრაფო ლერმა, კარგად მეტყველებთ, მამამისი რო მოისყიდოთ, მაგრამ ხელმწიფეს დაიფარავს ჰერცოგი ალბა... კმარა ამაზე...

(მიმართავს ამაღას)

ახლა მადრიდს მივეშურები.

მეძახის ჩემი ხელმწიფური მოვალეობა. ერეტიკოსთა სენი ჩემ ხალხს ისევ ედება და მღელვარებაც კვლავ იზრდება ნიდერლანდებში. დრო დადგა უკვე, რომ ისევ სწორ გზას დაუშვრუნოთ გზაბნეულნი საზარელი მაგალითითა. ის დიდი ალტქმა, რაიც დასდო საქრისტიანოს ყველა ხელმწიფემ, მინდა ხვალე რომ აღვასრულოთ. სისხლის სამჯავრო უნდა იყოს უმაგალითო; მთელი სასახლე ამ ზეიმზე მოწვეულია.

(მეფეს გაჰყავს დედოფალი, დანარჩენებიც მისდევენ.)

მეშვიდე გამოსვლა

დონ კარლოსი ხელში წერილებით, მარკიზ პოხა შემოდინ მოპირდაპირე მხარეებიდან.

კარლოსი

უკვე გადაწყდა, მე ფლანდრია უნდა დავიხსნა. ეს მან ისურვა და ჩემთვისაც საკმარისია.

მარკიზი

და აღარც უნდა დაიკარგოს არც ერთი წამი. როგორც ამბობენ, კაბინეტის დადგენილებით, იქ ჩვენი მეფის მოადგილედ ალბა დანიშნეს.

კარლოსი

ხვალე მადრიდში ვინახულებ მეფეს პირადად და მოვთხოვ, რომ მე მიბოძოს ეგ თანამდებობა.

ეს ხომ პირველი თხოვნა არის, მას რომ ვუბედავ,
და მამაჩემი როგორ მეტყვის ამაზე უარს?
დიდი ხანია უხალისოდ მიცქერის იგი,
მადრიდში რომ ვარ. და ახლა თუ შორს გავეცლები,
მისთვის ამაზე სასურველი რაღა იქნება!
გარდა ამისა—გამოგიტყდე, ჩემო როდრიგო?
მე უფრო მეტის იმედიც მაქვს... ეგება შეეძლო,
პირისპირ ნახვით დავიბრუნო წყალობა მისი.
მას ბუნების ხმა ჯერ აროდეს მოუსმენია.
დაე ვცდი ახლა, თუ რას შესძლებს, ჩემო როდრიგო,
ხმა იგი ამ ჩემს ბაგეთაგან გადმოფრქვეული.

მარკიზი

აი ახლა კი, როგორც იქნა, ჩემს კარლოსს ვუსმენ,
აი ახლა კი თქვენივე თავს ეკუთვნით ისევ.

მეცხემ გამოხვლა

იგინივე. გრაფი ლერმა.

ლერმა

უკვე დატოვა ჩვენმა მეფემ არანხუესი.
ნაბრძანები მაქვს...

კარლოსი

კარგი, ლერმა, აი ახლავე
მეც ვეახლები ხელმწიფესა.

მარკიზი

(თავი ისე უჭირავს, თითქოს წასვლა სურს. რამდენადმე ოფიციალურად)

სხვას ხომ არაფერს

მიბრძანებს კიდევ, პრინცი, თქვენი უდიდესობა?

კარლოსი

არა, რაინდო, აღარაფერს. ვისურვებთ მხოლოდ,
რომ ბედნიერი გინახულოთ დედაქალაქში.

კიდევ მომიტხოვბთ ფლანდრიაზე უფრო ბევრ რამეს.

(ლერმას, რომელიც ისევ იცდის)

ახლავე უკან გამოგყვებით.

(გრაფი ლერმა გადის)

მეცხემ გამოხვლა

დონ კარლოსი. მარკიზი.

კარლოსი

მიგიხვდი, მარკიზ.

დიდადა გმადლობ. მაგრამ ქცევა ნაძალადევი
გეპატიება უცხო პირის დასწრების გამო.
განა ჩვენ ძმები არ ვართ ახლა? ამიერიდან
გავედევნოთ ჩვენი კავშირიდან ერთურთისადმი
ხარისხის დარად მიმართვა და მსახიობობა.
გთხოვ, დაარწმუნო შენი თავი, რომ ჩვენ ორივე
მეჯლისში შევხვდით ნილბოსანნი ერთიმეორეს,
შენ-ლარიბ მონის სამოსელით, მე—მოსასხამით.
სანამდე ღელავს კარნავალი, ჩვენც პატივსა ვცემთ
ამ სიცრუეს და მასხრულ როლებს ვასრულებთ დინჯად,
რომ ბრბოს ნეტარი აღტაცება არ დაეარღვიოთ.
მაგრამ ნილბიდან შენი კარლოს განიშნებს ხელით,
გამომიწოდებ შენც მარჯვენას, როცა ჩამივლი,
და ერთმანეთის კარგად გვესმის.

მარკიზი

თქვენი ოცნება

ლეთებრივია, მაგრამ ხომ არ გაქრება იგი?
თუა კარლოსი თავის თავში დარწმუნებული,
რომ დაამარცხებს მეუფების ცდუნებას დიდსა?
ჯერ კვლავ წინაა უდიდესი დღე... დღე, როდესაც
თქვენი გმირული სული—მინდა ეს გაგახსენოთ—
წარსდგება უცებ უდიდესი გამოცდის წინა.
როს დონ ფილიპე გარდიცვლება, საქრისტიანოს
ყველაზე დიდი სახელმწიფო დარჩება კარლოსს.

მაშინ უფსკრული საშინელი მოკვდავთ მოდგმისგან
ჩამოაშორებს მას და იგი, ვინც გუშინ იყო
ადამიანი, დღეს ღვთაებად გადაიქცევა.
გაქრება მისი სისუსტე და თვით უწმინდესი
მოვალეობა დადუმდება კარლოსის სულში.
კაცობრიობა, რომელიც დღეს კიდევ ძვირფასი
სიტყვაა მისთვის, ხელ დაკარგავს ამ მნიშვნელობას
და თვის კერპის წინ გლახაკივით დაიწყებს ხოხვას.
გაქრება მისი სიბრალულიც ტანჯვასთან ერთად,
განცხრომისაგან სათნოება მოიქანცება,
სისულელისთვის პერუ ოქროს გამოუგზავნის,
ცოდვებისათვის თვის სასახლეს ეშმაკად აქცევს.
გაბრუებული ჩაიძინებს ამ ცის წიაღში,
თვისმა მონებმა ვერაგულად რომ განუშხადეს.
იგი ღმერთია, ვიდრე სძინავს, და ვაი იმ გიჟს,
შეეცოდება ვისაც იგი და გააღვიძებს.
მაგრამ, მითხარი, რა უნდა ქნას როდრიგომ მაშინ?
მეგობრობა ხომ მამაცი და გულახდილია
და მის მხილებას, სიმართლის შუქს ეგრეთ საშინელს,
ავადმყოფური ბრწყინვალება ვერ გადაიტანს.
თქვენ ვერ მოითმენთ ჯიუტობას მოქალაქისას
და მე კი—მეფის ქაღმალლობას.

კარლოსი

ქეშმარიტია

და საშინელი მეფის ასე დასურათება.
ღიახ, მწამს შენი. მაგრამ მხოლოდ ავბორცობაა
მაგის მიზეზი, რაიც ხშირად მეფეთა გულში
კარს უღებს ცოდვას, ყოველნაირ ბიწიერებას.
მე კი—უმანკო, ოცდასამი წლის ჭაბუკი ვარ.
რაც ჩემზე უწინ ათასებმა ხვევნა-ალერსში
სინდისწარხოცილ ფუფუნებით გაფლანგეს უხვად—
სულის ნაწილი უკეთესი, ვაჟაკის ძალა—
მე მომავალი მბრძანებლისთვის დავზოგე იგი,

ვის შეუძლია გამოგდევნოს ჩემი გულიდან,
როცა ეს ქალსაც კი არ ძალუძს?

მარკიზი

მე თვითონ ძალმიძს.

ვით შევძლებ მე თქვენს წრფელ სიყვარულს, ხელმწიფ
შვილო

როს უნდა თქვენი მეშინოდეს?

კარლოსი

ეგ არ მოხდება.

რად დავჭირდება? ეგებ გხიბლავს ოქრო და ვერცხლი,
ან იქნებ გინდა მათხოვრობა ტახტის წინაშე?
ქვეშევრდომიც კი მდიდარი ხარ ჩემზე, თუმცა მე
ოდესმე მეფე შევიქნები... იქნებ გწყურია
პატივისცემის მოპოვება, მაგრამ შენ იგი
ხომ ჭაბუკმავე მოიპოვე და უკუაგდე.
მაშ ვინ იქნება ჩვენ ორ შორის მევალე ან
დავალებული?.. დუმხარ? კიდევ კანკალებ განა
ამ ცდუნების წინ? ან იქნება საკუთარ თავის
აღარც კი გჯერა?

მარკიზი

კარგი! კარგი! მე უკვე გითმობთ.

ჰა, ჩემი ხელი!

კარლოსი

მაშ ჩემი ხარ?

მარკიზი

სამარადისოდ,

ამ სიტყვის ძალზე გაბედული მნიშვნელობითა.

კარლოსი

როცა ოდესმე ტახტზე ავალ, ხელმწიფისადმიც
იქნები ასე ერთგული და ასე გულთბილი,
როგორც ამჟამად პრინცის მიმართ?

მარკიზი

ვფიცავ ყველაფერს!

კარლოსი

მაშინაც კიდევ, როცა ამ გულს შემოეხვევა
და დაღრღნის ჭია მზაკრობის და მლიქვნელობისა,
როცა ეს თვალნი ცრემლთა ფრქვევას დაივიწყებენ,
თვალნი, რომელთაც უტირიათ წინათ მრავალჯერ,
როს ყურნიც აღარ შეისმენენ ტანჯულთ ვედრებას,
შენ, უშიშარო მცველო ჩემი სათნოებისა,
თუ გააღვიძებ მიძინებულ გენიას ჩემსას
და მოუწოდებ სწორი გზისკენ?

მარკიზი

დიახ, ნამდვილად.

კარლოსი

მაშ ერთი თხოვნაც: მიწოდებდე მუდამ „შენობით“,
შენთა ტოლთათვის მე ეგ სიტყვა ყოველთვის მშურდა,
გამომხატველი შენთან წრფელი სიახლოვისა.
ჩემს გულს და სმენას ეს ძმური „შენ“ მოაჯადოვებს,
ვით ტკბილი გრძნობა მეგობრული თანასწორობის,
არა მითხრა რა, ვიცი, რისი თქმაცა გწადია.
ვიცი, ეს შენთვის წვრილმანია, უმნიშვნელოა,
მაგრამ ჩემთვის კი, მეფის ძისთვის, იგი ბევრს ნიშნავს.
გსურს ჩემი ძმობა?

მარკიზი

შენი ძმა ვარ!

კარლოსი

ახლა მეფესთან!

მე აღარაფრის მეშინია... შენთან ხელიხელ-
ჩაკიდებული გადავლახავ ამ საუკუნეს.

(გადიან.)

მეორე მოქმედება

მეფის სასახლეში, მადრიდში

პირველი გამოცემა

მეფე ფილიპე ზის მოჩარდახებულ სამეფო ტახტზე. ჰერცოგი
ალბა, მეფისაგან რამდენადმე მოშორებით, ქუდმოხდილი. კარლოსი.

კარლოსი

ჯერ მოვახსენონ სახელმწიფო საქმის შესახებ.
სიამოვნებით ვუთმობ მინისტრს მე პირველ ადგილს.
ის ლაპარაკობს ესპანეთის საქმეზე თქვენთან,
მე კი—შვილი ვარ სასახლისა.

(მეფეს თავს დაუკრავს და უკან დაიწევს.)

ფილიპე

ჰერცოგი ალბა

დაგველოდება, ჯერ მეფის ძემ ილაპარაკოს.

კარლოსი

(მიმართავს ალბას)

მაშ უნდა ვთხოვო, ჰერცოგო, თქვენს დიდსულოვნებას,
რომ შეფე, როგორც საჩუქარი, მარტოდ დამითმოს.
შვილის გულს ხშირად—თქვენც ხომ იცით—ბევრი
რამე აქვს

მხოლოდ მამასთან გასამხელი, სალაპარაკო,

რისი მოსმენა მესამე პირს როდი შეჰფერის,
ამით, ჰერცოგო, თქვენ ხელმწიფე არ წაგერთმევათ,
რადგან მე მხოლოდ მამა მინდა მცირეოდენ ხნით.

ფილიპე

აქა დგას მისი მეგობარი.

კარლოსი

მაგრამ განა მეც
დავიმსახურე, რომ მეგობარს ვხედავდე მასში?

ფილიპე

ან კი შეგეძლო შენ ამისი დამსახურება?
მე როდი მომწონს ის შეილები, რომელნიც უფრო
კარგს აირჩევენ, ვიდრე თვითონ მამები მათი.

კარლოსი

ალბას რაინდულ სიამაყეს თუ შეუძლია,
რომ ყური უგდოს ამგვარ სცენას, ამგვარ საუბარს?
სიცოცხლეს ვფიცავ, ამ აბეზარ ჩამციებლობას
და მოუხმობლად ჩამორევას მამა-შვილს შორის, —
ისე რომ იგი სირცხვილისგან არც კი წითლდება
და კვლავ ჩვენს წინ დგას, თუმცა გრძნობს თავის
არარაობას,
ვერ შევიძლებდი, ვფიცავ ღმერთსა, ვერ ვიკადრებდი,
თუნდა ამისთვის დიადემა მრგებოდა ჯილდოდ.

ფილიპე

(ტახტიდან წამოდგება და პრინცს განრისხებით გადახედავს)
დაგვეტოვეთ, ალბა!

(ჰერცოგი მიდის მთავარი კარისკენ, რომლიდანაც კარლოსი შემოვიდა,
მეფე უჩვენებს მეორე კარს.)

არა, შედით იმ კაბინეტში,
სანამდე ისევ მოგიხმობლეთ.

მეორე გამოცვლა

მეფე ფილიპე. დონ კარლოსი.

კარლოსი

(ჰერცოგის წასვლისთანავე მიდის მეფესთან და უდიდესი აღელვებით
დაეშობა მის ფერხთით).

აწ ისევ ჩემი

მამა ბრძანდებით, ისევ ჩემი, დიდადა გამაღობთ
ამ წყალობისთვის. — მამაჩემო, ხელი მიბოძეთ. —
ო, ტკბილო დღეო! თქვენ შვილს, უკვე კარგა ხანია,
არ ღირსებია ნეტარება ამ ამბორისა.
ასე დიდი ხნით რად გამდევენეთ თქვენი გულიდან,
მამაო ჩემო, საამისო რა დავაშავე?

ფილიპე

შენთვის უცხოა, მეფის ძეო, ასეთი ქცევა.
თავი ანებე, ვერ ავიტან.

კარლოსი

(წამოდგება)

ეს იყო სწორედ!

მე მაგ სიტყვებში კარისკაცთა აზრები მესმის.
სწორი არაა ყველაფერი, არ არის სწორი,
რასაც ამბობენ ხუცესი და მომხრენი მისნი.
არა, არა ვარ, მამაჩემო, ასე უღირსი.
მხურვალე სისხლი არის ოდენ სიავე ჩემი,
ჩემ სიჭაბუკეს დამნაშავედ იგი ხდის მხოლოდ.
ბოროტი არ ვარ, მამაჩემო, არ ვარ ბოროტი...
თუმცა ველური გაშმაგება ჩემ გულს ჩირქსა სცხებს,
შაინც კეთილი არის იგი...

ფილიპე

მე კარგად ვიცი,
რომ უმანკოა შენი გული, ვით შენი ლოცვა.

კარლოსი

ან ახლა ანდა არასოდეს!—ჩვენ მარტონი ვართ და ჩვეულების ავი ზღუდე, მამა-შვილს შორის შიშსა და კრძალვას რომ მოითხოვს, დანგრეულია. ან ახლა ანდა არასოდეს! იმედის შუქი აენთო ჩემში მზის სხივით და წინაგრძნობა, ესოდენ ტკბილი, ჩამესახლა გულის სიღრმეში. თითქოს ზეცაც კი მხიარული ანგელოზებით დაბლა დაეშვა და თვით ღმერთი—წმინდა სამება უცქერის დიად და მშვენიერ სანახაობას!— გთხოვთ შემირიგდეთ, მამაჩემო!

(დაეცემა მის ფერხთით)

ფილიპე

და ჩამომეხსენ!

ფეხზე წამოდექ.

კარლოსი

მამაჩემო, გთხოვთ შერიგებას!

ფილიპე

(სურს კარლოსისაგან თავი გაინთავისუფლოს)

ამ კომედიაში თავხედობის სახე მიიღო...

კარლოსი

თავხედობაა სიყვარული თქვენი შეილისა?

ფილიპე

ნამდვილად სტირი? საზიზლარი სანახავი ხარ! შორს ჩემს თვალთაგან!

კარლოსი

ან ახლავე ან არასოდეს! გთხოვთ შემირიგდეთ, მამაჩემო!

ფილიპე

შორს ჩემს თვალთაგან!

თუნდ შერცხვენილი დამიბრუნდე ცხარე ბრძოლიდან, ჩემი მკლავები მოსახვევად მოგვეგებება,— მაგრამ ასე კი მე არ ძალმიძს მიღება შენი.— მხოლოდ მშინშარა დამნაშავე ცდილობს თავისი დანაშაული სამარცხვინო ცრემლით ჩარეცხოს. ის, ვინც სირცხვილით არ წითლდება სინანულის დროს, მონანიებას ვერ შეიძლებს.

კარლოსი

ვინა დგას ჩემს წინ?

რომელ შეცდომით მოგვევლინა ეს უცხო არსი ადამიანად?—ცრემლი კაცთა თანამგზავრია, ხოლო თვალები მისი ასე რამ ამოაშრო? ჩანს, ის არაა ძე კაცისა, ქალის შობილი. ო, აიძულეთ თვალნი თქვენნი, რომ შეისწავლონ ცხარე ცრემლთ ფრქვევა, სანამ კიდევ დრო არის ამის, თორემ, ვინ იცის, შეიძლება მძიმე წუთებში დაგჭირდეთ იგი.

ფილიპე

იქნებ ფიქრობ, რომ შეარყიო ლამაზ სიტყვებით მძიმე ეჭვი მამაშენისა?

კარლოსი

ეჭვი? მე მინდა, რომ ეგ ეჭვი მოვსპო მთლიანად. მსურს მამაჩემის მკერდს მივეყრდნო და მის გულიდან ძირფესვიანად ამოვგლიჯო ეგ მძიმე ეჭვი. ვინ, ვინ არიან ეგ სასტიკნი ადამიანნი, რატომ მისპობენ მოწყალებას ჩემი მეფისას? რა შესთავაზა ბერმა მამას საკუთარ შვილში? რა უნდა მისცეს მას ჰერცოგმა მარტოს, უშვილოს, ასე უაზროდ განვლილ წლების სამაგიეროდ?

სიყვარული გსურთ, მამაჩემო? აი, ამ გულში
გამოდის წყარო უფრო წმინდა, უფრო ცხოველი,
ვიდრე იმ მღვრიე, ჭაობიან წყალსაცავებში,
რომელთაც თქვენი ოქრო აღებს.

ფილიპე

გაჩუმდი კმარა,
თავხედო კაცო! კარისკაცი, ვისაც შენ ჰქილავ,
ბევრგზის ნაცადი მსახურები არიან ჩემი
და შენც მათ უნდა პატივი სცე.

კარლოსი

მე? არასოდეს!
უკვე შევიცან ჩემი თავი. რაც აღბებს ძალუძთ,
იგი კარლოსსაც შეუძლია, და უფრო მეტიც.
რა ედარდება ნაჭირაებს იმ სამეფოსი,
რომელიც მისი არ იქნება? რა ენაღვლება,
ფილიპე მეფის ჭალარა თმა თუ გათეთრდება?
მაგრამ კარლოსს კი თქვენ ყოველთვის ეყვარებოდით.
— ფიქრიც კი მზარავს იმაზე, თუ როგორ ძნელია
სამეფო ტახტზე მართოდ ყოფნა.

ფილიპე

«ამ სიტყვებით შეძრწუნებული დგას ღრმად დაფიქრებული. რამდენიმე
ნის დუმილის შემდეგ»

მართლაც, მარტო ვარ.

კარლოსი

(მიუახლოვდება ფილიპეს გულთბილი გრძნობით)

მარტო იყავით. ნულარ გძულვართ. მე შეგიყვარებთ
ბავშვურ სიწრფელით, გულმხურვალე, ცხოველი გრძნობით,
ოღონდ ნუ გძულვართ. — რა აღმტაცი და ნეტარია,
როცა თავსა ვგრძნობთ უცხო სულში გაღმერთებულად,
ვიცი, რომ ჩვენი სიხარული სხვასაც ახარებს,
რომ ჩვენი შიში სხვისა გულსაც ათრთოლებს შიშით

და ჩვენი ტანჯვა სხვის თვალებსაც ცრემლს აფრქვევინებს—
რა მშვენიერი, დიდებული არის, როდესაც
ძვირფას, საყვარელ შვილთან ერთად ხელჩაკიდებით
მეორედ განვლით მოვარდულ გზას სიჭაბუკისას,
რომ კვლავ იხილოთ ამ სიცოცხლის სიზმარი ტკბილი;
ო რა ტკბილი და დიდია, როს თქვენი საქმე,
უკვდავქმნილი და გაუხრწნელი, იცოცხლებს მარად
მთელი ქვეყნისთვის თქვენი შვილის სათნოებაში! —
მშვენიერია, როცა სთესავთ და იმის ნაყოფს
ოდესმე თქვენი საყვარელი შვილი მოიმკის,
როს იხვეჭთ დოვლათს, რასაც იგი გააორმაგებს
და იცით, რომ ის მადლიერი დაგრჩებათ დიდად.
ძალიან ბრძნულად სდუმდენ თქვენი წმინდა ბერები
ამქვეყნიურსა სამოთხეზე.

ფილიპე

(არცთუ აუღელვებლად)

ეხ, ჩემო შვილო!

საკუთარ თავზე ჯოხი შენვე გადაიმხვრიე.
ფრიად წარმტაცად მისურათებ ბედნიერებას,
რომელიც ჩემთვის არასოდეს არ მოგიძღვნია.

კარლოსი

დაე ეგ თვითონ ყოვლისმცოდნე ღმერთმა განსაჯოს! —
თქვენ, თქვენ თვითონვე გამაძვევთ მშობლის გულიდან
და მონაწილე არ გამხადეთ თქვენი კვერთხისა.
აბა მითხარით, ეს კარგია, სამართლიანი,
რომ ესპანეთის უფლისწული — ტახტის მემკვიდრე
დღემდე, ვით უცხო, პატიმარი, დავიარები
იმავე მიწაზე, სად ოდესმე უნდა ვიმეფო?
აბა მითხარით, ეს კარგია, სამართლიანი?
ო, როგორ ხშირად, როგორ ხშირად, მშობელო ჩემო,
თვალთ დაბლა ვხრიდი სირცხვილისგან გაწითლებული,
როდესაც ელჩნი, უცხო ქვეყნით წარმოგზავნილნი,
ანდა ფურცელნი გაზეთისა მე მომიტხრობდნენ
არანხუესის სასახლეში მომხდართა ამბავთ!

ფილიპე

მძლავრად ჩუხჩუხებს შენს ძარღვებში მძვინვარე სისხლი.
შენ მხოლოდ ნგრევას შეიძლებდი.

კარლოსი

დე დაეანგრიო,
ნება მიბოძეთ, მამაჩემო. მძლავრად ჩუხჩუხებს
მძვინვარე სისხლი ჩემს ძარღვებში, ოცდასამი წლის
ჭაბუკი ვხდები და ჯერ ჩემი დიდებისა და
უკვდავებისთვის არაფერი არ შემიქნია.
აწ გავიღვიძე, ვიცან თავი. — ხმა შინაგანი
ტახტისკენ მიხმობს, ვითაარცა მევალე ჩემი,
მაფხიზლებს იგი თვლემისაგან და სიჭაბუკის
ფუჭად განვლილი საათები უკვე ხმამალა
მომიწოდებენ აღვასრულო ღირსების ვალი.
აჰა, ეს წამიც, დიდებული და მშვენიერი,
რომელიც ჩემგან ამ დიდ ვალის სარგებელს ითხოვს:
მიხმობს დიდება წინაპართა და ისტორია,
როგორც მქუხარე, მოგუგუნე ხმა ნალარისა.
აწ უკვე დროა, რომ დიდების ფართო ჭიშკარი
გაიღოს ჩემს წინ... ჩემო მეფევე, ძალმიძს გავბედო
და მოგახსენოთ იგი თხოვნა, რომელმაც თქვენთან
მე მომიყვანა?

ფილიპე

კიდევ თხოვნა? სთქვი, რა გსურს ჩემგან?

კარლოსი

ზრბანტში ხალხის აჯანყება იზრდება, მეფევე.
მეამბოხეთა ჯიუტობა რომ აილაგმოს,
საჭირო არის მკაცრი, ბრძნული საშუალება.
ამბოხებულთა მღელვარების დასამშვიდებლად,
ხელმწიფის მიერ აღჭურვილმა სრული უფლებით,
ჰერცოგმა ალბამ ესპანეთის ურიცხვი ჯარი

უნდა სასწრაფოდ ფლანდრიაში გადაიყვანოს.
ო, რა ღირსებით აღსავსეა ადგილი იგი
და შესაფერი იმისათვის, რომ თქვენი შვილი
სახელოვანი შეიყვანოს დიდების ტაძრად.
მე, მე მომანდეთ, ჩემო მეფევე, ლაშქარი თქვენი,
ძლიერ ვუყვარეარ ნიდერლანდელთ და მეცა ვბედავ,
თქვენს წინ თავდებად რომ დაუღლგე მათ ერთგულებ

ფილიპე

ვით მეოცნებე, ისე მსჯელობ. ადგილი იგი
არა ნორჩ ჭაბუკს, გამობრძმედილ ვაჟკაცს მოითხოვ

კარლოსი

მოითხოვს მხოლოდ ადამიანს, მაგრამ ალბა კი
ადამიანი არასოდეს არა ყოფილა.

ფილიპე

შფოთს დააწყნარებს მარტოოდენ შიში და ზარი,
შებრალედა კი იქნებოდა უგუნურება...
ნაზია, შვილო, შენი სული, ალბა კი — მკაცრი.
თავი ანებე თხოვნას შენსას.

კარლოსი

გამგზავნეთ, მეფევე,
ფლანდრიელებთან თქვენი ლაშქრით. გაბედეთ და ე
საქმე მოანდეთ ნაზ სულს ჩემსას. მარტო სახელი
უფლისწულისა, ჩემს დროშებს რომ წინ წარუძღვება
დაიმორჩილებს ყოველივეს იქ, სადაც ალბას
ჯალათნი მხოლოდ წაღეკავენ, ააოხრებენ.
ჩემს სიცოცხლეში პირველია ამგვარი თხოვნა —
მომანდეთ, მამავ, ფლანდრიელნი...

ფილიპე

(ათვალღირებს უფლისწულს გამგზარავი მხერით)

და მასთან ჩემი

რჩეული ჯარიც ჩავაბარო შენს მბრძანებლობას?
დანა გადავცე ჩემივე მკვლელს?

ო, ღმერთო ჩემო!
 მიზანს სულაც ვერ მივალწიე, ნუთუ ეს არის
 ნაყოფი, ეგრეთ სასურველი, დიად წუთების?
 (რამდენიმე ხნის ღუმბილის შემდეგ, ოდნავი სერიოზულობით
 ღირსი გამზადდით ალერსიან პასუხის მაინც!)
 ნუ გამისტუმრებთ, მამაჩემო, გულმოკლულს ასე!
 არ ვისურვებდი ეგ პასუხი მიმელო თქვენგან
 და ასე მძიმედ გულნატკენი დაგშორებოდით.
 უფრო მოწყალედ მომექეცით. ეს არის ჩემი
 უკიდურესი ერთადერთი საჭიროება.
 სასომიხდილი საბოლოოდ ამასლა ვცდილობ...
 როგორ გავიგო, ხელმწიფეო, ან ვაქაცურად
 ვით ავიტანო, სასტიკ უარს რომ მეუბნებით
 მთლად ყველაფერზე, ყველაფერზე, ყოველივეზე
 და გინდათ ახლაც მომიცილოთ შეუწყნარებლად.
 მოტყუებული ათასეულ ტკბილ იმედთაგან,
 მივდივარ თქვენგან, მამაჩემო, თქვენი ალბა და
 თქვენი ღომინგო იმეფებენ ძღვევამოსილნი
 იქ, სად თქვენი ძე, ძირს განრთხმული, ტიროდა მწარედ-
 კარისკაცთა ბრბო, მოცახცახე დიდებულები,
 ბერთა ამქარი, ცოდვილივით გაფითრებული,
 მოწმენი იყვნენ, რომ შეხვედრის ნება მიბოძეთ.
 მაშ ნუ შემარცხვენთ! ნუ დამკოდავთ მე სასიკვდილოდ!
 ნუ გადამაქცევთ კარისკაცთა დაცივნის საგნად!
 იტყვიან, რომ სხვებს მოწყალეებას უხეად ათოვებთ,
 თქვენმა შვილმა კი ვერაფერი ვერ მოიპოვა.
 ნიშნად იმისა, რომ გსურთ ჩემი პატივისცემა,
 გამგზავნეთ ჯარით ფლანდრიაში!

ფილიპე

გაჩუმდი, კარლოს!
 ეგ სიტყვა ჩემთან სხვა დროს აღარ გაიმეორო,
 თუ არ გსურს, რომ თავს დაიტეხო ხელმწიფის რისხვა-

დე თავს დამატყდეს მეფის რისხვა, უკანასკნელად
 გთხოვთ, ხელმწიფეო, მე მომანდეთ ფლანდრიელები.
 უნდა დავტოვო ესპანეთი. ჩემი აქ ყოფნა
 იმასა ნიშნავს, რომ ვსუნთქავდე ჯალათის ხელში—
 მადრიდის ზეცა მძიმედ მაწევს და სულს მიხუთავს,
 როგორც შეგრძნება მკვლელობისა. ადგილის შეცვლა
 უფრო იოლად, უფრო ძალე გულს განმიკურნავს.
 თუ გსურთ ჩემი ხსნა, გამაგზავნეთ დაუყოვნებლად
 მე ფლანდრიაში.

ფილიპე

(ძალდახანებული სიმშვიდით)

ჩემო შვილო, ასეთ ავადმყოფს,
 როგორც შენ ხარ, მკურნალობა და კარგი მოვლა
 სჭირდება უფრო. ესპანეთში დარჩები, კარლოს,
 ხოლო ჰერცოგი ფლანდრიაში გაემგზავრება.

კარლოსი

(მოთმინებიდან გამოსული)

ო, მაშ ახლაც შემეწიეთ, სულნო კეთილნო...

ფილიპე

(ერთი ნაბიჯით უკან დაიხვეს)

შესდექ! რას ნიშნავს შენი კილო?

კარლოსი

(ათრთოლებული ხმით)

მშობელო ჩემო,

ნუთუ არ შესცვლით მოსაზრებას, ბრძანებას თქვენსას?

ფილიპე

იგი თქვა მეფემ!

კარლოსი

ჩემი საქმეც დამთავრდა უკვე.

(გადის ძლიერ აღელვებული)

მისამე გამოცვლა

ფილიპე დგას რამდენიმე ხანს მწუხარე ფიქრებში ჩაძირული... ბოლოს დაიწყებს წინ და უკან სიარულს. ალბა დარცხვენილი უახლოვდება.

ფილიპე

ყოველ საათში მოელოდეთ ბრძანებას ჩემსას, რათა ბრიუსელს გაემგზავროთ.

ალბა

ჩემო ხელმწიფე, უკვე მზადაა ყველაფერი.

ფილიპე

კაბინეტში ძვეს ბარათი თქვენი რწმუნებისა ბეჭედდასმული. გამგზავრებამდე დედოფალი ნახეთ, ჰერცოგო, უფლისწულთანაც გამოცხადდით, დაემშვიდობეთ.

ალბა

შმაგს მიუგავდა კარლოსს სახე, ჩემო მეფეო, როდესაც თქვენი დარბაზიდან გამოდიოდა. და ვხედავ, თქვენი ხელმწიფური უდიდესობაც თავის ჭკუაზე აღარაა, აღელვებულა... იქნებ საგანი საუბრისა?..

ფილიპე

(რამდენჯერმე გავლა-გამოვლის შემდეგ)

საგანი იყო

ჰერცოგი ალბა.

(მეფე დააშტერდება ჰერცოგს, შემდეგ პირქუშად)

შემიძლია სიამოვნებით

მოვისმინო, რომ კარლოსსა სძულს ჩემი რჩეულნი, მაგრამ ის კი მწყინს, რომ ისინი მას ეზიზღება.

ალბა

(ფერი ეცვლება და მზადაა რისხვით აენტოს)

ფილიპე

ახლა ნურაფერს მიპასუხებთ. ნებას გიბოძებთ, პრინცს შეურიგდეთ.

ალბა

ხელმწიფეო!

ფილიპე

ერთი მითხარით:

ვინ იყო იგი, ვინც პირველად მე გამაფრთხილა ჩემი შვილის ბნელ განზრახვაზე? მხედართმთავარო, მე მაშინ მხოლოდ თქვენ გისმენდით და არა იმას. მეფის ძე უნდა გამოეცადო. ამიერიდან ის ტახტის ახლოს მეყოლება. წაბრძანდით ახლა. (მეფე შედის კაბინეტში, ჰერცოგი კი გადას მეორე კარიდან.)

მისაღები დარბაზი დედოფლის ოთახის წინ

მეოთხე გამოცვლა

ფონ კარლოსი შემოდის შუა კარიდან პაჟთან საუბრით. კარისკაცები, რომლებიც წინა დარბაზში იმყოფებოდნენ, მისი შემოსვლისას გაიფანტებიან მეზობელ ოთახებში.

კარლოსი

ბარათსა მწერენ? — რისთვის მინდა ეს გასაღები? ან ორივე ასე საიდუმლოდ რად გადმომეცი? მომიახლოვდი. შენ ესენი საიდან მოგაქვს?

პაჟი

როგორც მანიშნა ეს მე ქალმა, მას უფრო სურდა მისს უთქმელად მიმხვდარიყვენ.

კარლოსი

(უკან დაიხვეს)

ვინა? ქალმაო?

(ყურადღებით ათვალიერებს პაჟს)

რა?.. როგორ?.. მითხარ, შენ ვინა ხარ?

პაუი

დედოფლის პაუი.

კარლოსი

(შეშინებული მივარდება და პირზე ხელს დააფარებს)

ვიცი. გაჩუმდი, უბედურო! სიკვდილი გელის.

(სწრაფად ხსნის წერილს და მიდის დარბაზის კუთხეში მის წასაკითხად. ამ დროს შემოდის ჰერცოგი ალბა, პრინცი შეუმჩნევლად, მის ახლოს გაივლის და დედოფლის ოთახში შედის. ძლიერი თრთოლივით შეპყრობილი კარლოსი ხან ფითრდება და ხან წითლდება. წაკითხვის შემდეგ დიდხანს დგას მდუმარედ დააშტერდება ბარათს. ბოლოს მიმართავს პაუს)

თვითონ მან მოგცა ეს ბარათი?

პაუი

საკუთარ ხელით.

კარლოსი

თვითონ მან მოგცა ეს ბარათი?—ნუ ხუმრობ, ყრმაო! მისი ნაწერი არაფერი არ წამიკითხავს— მის ხელს ვერა ვცნობ. გერწმუნები, თუ შემომფიცავ, და თუ იცრუე, გულახდილად გამოტყდი მაშინ, ჩემთან ხუმრობას ნუ დაიწყებ.

პაუი

ვისთან დავიწყებ?

კარლოსი

(კიდევ დახედავს ბარათს და პაუს ეპვიანი, გამომცდელი მხერით აკვირდება. დარბაზში გავლის შემდეგ)

მშობლები ისევ ცოცხლები გყავს? კი? მამაშენი აქაურია და ხელმწიფეს ემსახურება?

პაუი

იგი დაეცა სენ-კენტენთან... ის პოლკოვნიკად გამწესებული იყო ჰერცოგ სავოიენთან და უწოდებდნენ მას ალონზო გრაფ დე-ჰენარესს.

კარლოსი

(პაუს ხელს ხელზე მოჰკიდებს და თვალეში ჩააშტერდება)
ეს ბარათი შენ მეფემ მოგცა?

პაუი

(შეზრაცხოფილი)

ხელმწიფის შვილო, ნუთუ ეგეთი უნდობლობა დაემსახურე?

კარლოსი

(კითხულობს წერილს)

„ეს გასაღები იმ ოთახის კარებს გააღებს, რომელიც გადის დედოფალის პაეილიონში, უკანასკნელი კარით შეხვალთ ერთ კაბინეტში, სადაც ჯაშუშის ფებს ჯერაც ვერ შეუღწევია. იქ სიყვარული თავისუფლად გამოგიმჟღავნებთ მას, რასაც მხოლოდ განიშნებდათ თქვენ ასე დიდხანს მხლალი მიჯნური იქ მოისმენს სიყვარულის ხმას და იქვე ელის მორცხვ წამებულს ძვირფასი ჯილდო“

(თითქოს გაბრუებისგან გამოერკვიაო)

არა, არ ვბოდავ და ამას არც სიზმარში ვხედავ... ეს ჩემი ხელი არის სწორედ... ეს ჩემი ხელი... იქ კი სწერია ეს სიტყვები... სინამდვილეა, სუყველაფერი ცხადად ხდება... დიახ, ვუყვარვარ, მე მას ვუყვარვარ!

(ძალზე აღელვებული და ხელაპყრობილი გაივლ-გამოივლის ოთახში)

პაუი

წამობრძანდით, ხელმწიფის შვილო მე გაგაცილებთ.

კარლოსი

დამაცადე, ჯერ გონს მოვიდე.

ნუთუ არა ვთრთი ამ საშინელ ბედნიერებით? განა ოდესმე შექნებოდა ამის იმედი?

განა ოდესმე გავბედავდი, რომ ეს ოცნებით
წარმომედგინა? ან სადაა კაცი, რომელიც
ასე სასწრაფოდ შეეჩვია ღვთაებად ყოფნას?
ვინ ვიყავ ღღემდე და აწ ვინ ვარ? ეს სულ სხვა ზეცა
დამცქერის თავზე, ეს სულ სხვა მზემ გამოანათა,
ვიდრე ოდესმე მე მიხილავს... მე მას ვუყვარვარ!

პ ა ე ი
(სურს მისი წაყვანა)

ხელმწიფის შვილო, აქ არ არის მაგის ადგილი...
თქვენ დაგავიწყდათ.

კ ა რ ლ ო ს ი
(უცარი შიშით გარინდებული)

მამაჩემი, მეფე!

(ხელებს ჩამოუშვებს. ირგვლივ მიმოიხედავს და თანდათან გონს მოდის)

ეს მართლაც
საშიშარია, მეგობარო, შენ მართალი ხარ.
გმადლობ, მე არც კი ვეკუთვნოდი ჩემ თავს მთლიანად...
საშინელია, რომ მე უნდა ვღუშდე და გულში
გამოვამწყვდიო ესდენ დიდი ბედნიერება.

(პაჟს ხელს მოჰკიდებს და კუთხეში გაიყვანს)

რაც ნახე—გესმის?—და იგიცა, რაც არ გინახავს,
ვით სამარეში, ყველაფერი გულს დაიმარხე.
ახლა კი წადი, მე გონს მოვალ, არ შემოგვისწრონ.
წადი...

პ ა ე ი
(სურს წასვლა)

კ ა რ ლ ო ს ი

მაგრამ ჯერ მოიცადე! ჯერ მომიხმინე!—

(პაჟი მობრუნდება. კარლოსი მას მხარზე ხელს დაადებს და სერიოზულად,
დიდის ამბით შესცქერის.)

შენ საშინელი საიდუმლო თან მიგაქვს ახლა,
რომელიც, მსგავსად ძლიერ შხამის, ჭურჭელსაც
ამსხვრევს.—

არ გაგამელანოს შენმა სახემ. დე შენმა ჭკუამ
ის ვერ შეიტყოს, რაც შენს გულში დაფარულია.
როგორც მკვდარ რუპორს, ბგერებს სწრაფად რომ
ღებულობს დ

უკან აბრუნებს, მაგრამ თვითონ არა ესმის რა,
შენც ამ ამბისა არაფერი არ შეისმინო.
შენ ჯერ ბიჭი ხარ, დაე ისევ ბიჭი იყავი
და კვლავ განაგრძე მხიარული თამაში შენი...
რა გონივრულად მოქცეულა ამის დამწერი,
რომ სიყვარულის შიკრიკად შენ აურჩევებარ.
მეფე თქვენ შორის არ დაიწყებს გველების ძებნა

პ ა ე ი

და მე კი იმით ვიამაყებ, ბატონიშვილო,
რომ ხელმწიფეზე მდიდარი ვარ ახლა მე ერთი
საიდუმლოთი.

კ ა რ ლ ო ს ი

საცოდავო, სულელო ყრმაო,
სწორედ ესაა. რის წინაშეც შენ უნდა თრთოდე.
თუ ჩვენ მოგვიხდეს, გარეშეთა თანადასწრებით,
ერთად შეხვედრა, მოკრძალებით უნდა მომეპყრო.
რაგინდ მოწყალე გექნეს პრინცი, არ გაზვიადდე
და შენ მას რამე არ ანიშნო თავის დაქნევით.
შვილო, იმაზე მძიმე ცოდვას შენ ვერ ჩაიდენ,
რომ თავი რითმე მომაწონო... ამიერიდან
ნუ მეტყვი სიტყვით, შენს ბაგეებს ნუ მიენდობი;
აზრთა გამოთქმის საერთო გზით ნულარასოდეს
მე ნუ მაუწყებ სათქმელს შენსას... მელაპარაკე
თითის ჩვენებით მარტოოდენ, წამწამთ შერხევით;
მე მხერითაც კი მიგიხვდები. აქ თვით ჰაერი
და სინათლაც კი მორჩილებენ ხელმწიფის ნებას,

ყრუ კედლებიც კი გასამრჯელოს იღებენ მისგან.
აქეთ მოდიან.

(დედოფლის ოთახის კარი იღება და გამოდის ჰერცოგი ალბა.)
გასწი ჩქარა! გასწი! ნახვამდის!

პ ა ე ი

ოლონდ ოთახი კი არ შეგცდეთ, ხელმწიფის შვილო!
(გადის.)

კ ა რ ლ ო ს ი

ჰერცოგი არის... არა, არა! ძალიან კარგი!
თავს დავეუფლე.

მეხუთე გამოცვლა

დონ კარლოსი. ჰერცოგი ალბა.

ა ლ ბ ა

(გადაულობავს გზას)

ორი სიტყვა, ხელმწიფის შვილო.

კ ა რ ლ ო ს ი

ძალიან კარგი... არა, ისევ სხვა დროსთვის დარჩეს.

ა ლ ბ ა

ადგილი მართლაც შესაფერი არ არის. იქნებ
ინებოს თქვენმა ხელმწიფურმა უდიდესობამ
და თვის ოთახში მომისმინოს?

კ ა რ ლ ო ს ი

რისთვის? ეს აქაც
შესაძლებელი არის, მგონი... ოლონდაც სწრაფად,
ოლონდაც მოკლედ...

ა ლ ბ ა

გეახელით, ხელმწიფის შვილო,
რათა მადლობა უმდაბლესი გადაგიხადოთ.

კ ა რ ლ ო ს ი

მადლობა? რაზე? და მადლობა ჰერცოგ ალბასგან?

ა ლ ბ ა

იმახე, რომ, თქვენ გამოხვედით თუ არა მეფის
საბრძანებლიდან, მე მეუწყა ხელმწიფის პირით
ქალაქ ბრიუსელს გამგზავრება.

კ ა რ ლ ო ს ი

ბრიუსელს? აჰა!

ა ლ ბ ა

ნუთუ სხვა რამეს, თუ არა თქვენს შუამდგომლობას
წინაშე მისი ხელმწიფური უდიდესობის,
შემიძლია ეს მივაწერო?

კ ა რ ლ ო ს ი

მე? სულაც არა...

მე სრულიადაც არ მეკუთვნის მადლობა თქვენი.
მიემგზავრებით... დაე ღმერთმა გზა წავიმართოთ.

ა ლ ბ ა

სხვა არაფერი? ეს, მეფის ძევ, დიდად მანცვიფრებს.
მაშ თქვენ არაფერს დამაბარებთ ფლანდრიელებთან?

კ ა რ ლ ო ს ი

აბა, რა უნდა დაგაბაროთ?

ა ლ ბ ა

ამას წინათ კი

ყველას ეგონა, თითქოს ბედი ამ ქვეყნებისა
საჭიროებდა თქვენს იქ ყოფნას.

კ ა რ ლ ო ს ი

ნუთუ? კი, მაგრამ...
დიახ, სწორია... და ეს იყო წინათ... ახლა კი
ასეა კარგი, უფრო კარგი და უკეთესი...

ა ლ ბ ა

ხელმწიფის შვილო, თქვენი სიტყვა დიდად მაოცებს...

კ ა რ ლ ო ს ი
(დაცინვის გარეშე)

ვინლა არ იცის, რომ თქვენ დიდი გენერალი ხართ?
ამას შურიც კი დაიფიცავს და დაამტკიცებს.
მე კი ვარ ნორჩი ახალგაზრდა, გამოუტყდელი,
ალბათ, მეფემაც ეს მიიღო მხედველობაში.
იგი სავსებით მართალია, ძალზე მართალი.
ახლა ვგრძნობ ამას და სრულიად კმაყოფილი ვარ.
ამით დამთავრდა ყველაფერი... კეთილ მგზავრობას
გისურვებთ. ახლა, როგორც ხედავთ, არ შემიძლია,
რომ უსათუოდ... თანაც ცოტა არცა მცალია...
სჯობს ხვალ განვაგრძოთ, ან როდესაც თქვენ
მოისურვებთ,
თუნდ მაშინ, როცა დაბრუნდებით ბრიუსელიდან.

ა ლ ბ ა

როგორ?

კ ა რ ლ ო ს ი

(რამდენიმე ხნის დუმის შემდეგ, როცა დაინახავს, რომ ჰერცოგი
წასვლას არ აპირებს)

კარგი დრო აირჩიეთ მგზავრობისათვის...
თქვენ გზად გაივლით მილანზე და ბურგუნდიაზე,
ლოტარინგიელთ ქვეყანაზე, გერმანიაზეც...
აჰ, გერმანია? ჰო, ეს იყო გერმანიაში!
იქ კარგად გცნობენ!—ახლა უკვე აპრილი არის;
გაუა მისი, ივნისიცა და თქვენ ივლისში

სწორედ ივლისში და თუ გზაში დაგაგვიანდათ,
მაშინ აგვისტოს დასაწყისში მიხვალთ ბრიუსელს.
ო, მე სულაც არ მეეჭვება, მხედართმთავარო,
რომ მალე თქვენი გამარჯვების ხმას გავიგონებთ.
თქვენ ღირსეულად გაამართლებთ ჩვენს კეთილ ნდობას...

ა ლ ბ ა

(მრავალმნიშვნელოვნად)

და გავამართლებ ნდობას ჩემი არარაობით?

კ ა რ ლ ო ს ი

(რამდენიმე ხნის დუმის შემდეგ, ღირსეულად და ამაყად)

თქვენ ნაწყენი ხართ, ჰერცოგო, და ეს მართლაც
გმართებთ.
უნდა გამოეტყდეთ, რომ ჩემი მხრივ მცირედ დაგზოვეთ...
თქვენზე აღემართე იარაღი, მაგრამ არ ძალგძობთ,
პასუხი გამცეთ.

ა ლ ბ ა

მაშ არ ძალმიძს?

კ ა რ ლ ო ს ი

(ღიმილით გაუწვდის ხელს)

სამწუხაროა,

რომ სწორედ ახლა დრო არა მაქვს, არა მცალია,
ჰერცოგ ალბასთან ღირსეული ბრძოლა გავმართო.
სხვა დროსთვის დარჩეს.

ა ლ ბ ა

მე კი ვფიქრობ, ხელმწიფის შვილო,
ორივე ვცდებით ანგარიშში სხვადასხვა სახით.
თქვენ, მაგალითად, ოცი წლით ხართ უმცროსი ჩემზე.
მე კი—უფროსი თქვენზე სწორედ ამდენიმე ხნით.

კ ა რ ლ ო ს ი

შერე?

ა ლ ბ ა

და აზრად ისიც მომდის, რომ ჩვენი მეფე პორტუგალიელ მეუღლესთან, თვით დედათქვენთან, ეგრეთ მშვენიერ მეუღლესთან, რაოდენ ღამეს გაატარებდა, ოღონდაც კი თვისი ტახტისთვის ეშოვა ისე მტკიცე ხელი, როგორც მე მაქვს. მან, რა თქმა უნდა, კარგად იცის, რომ იოლია მეფეთა შექმნა, ვიდრე თვითონ სამეფოების... და უფრო მალე უზრუნველყოფთ სამეფოს მეფით, ვიდრე ხელმწიფეს—სამეფოთი!

კ ა რ ლ ო ს ი

ძლიერ სწორია!

მაგრამ, ჰერცოგო...

ა ლ ბ ა

ჰოდა, სისხლი თქვენი ხალხისა რაოდენ ბევრი დაიღვარა, სანამდე ორი წვეთი სისხლისა შეიძლება თქვენს გამეფებას.

კ ა რ ლ ო ს ი

ღვთის მადლმა, სრული სიმართლეა. მაგ ორ სიტყვაში ყველაფერია, რაც ერთმანეთს წინ დაუყენებს დამსახურებით მოპოვებულ სიამაყესა და სიამაყეს ბედისაგან მონიჭებულსა. მაგრამ არაფერს დაუმატებთ, ჰერცოგო, კიდევ?

ა ლ ბ ა

და ვაი იმ ნორჩ ხელმწიფის შვილს, ვინც აკვანშივე ძიძას აიგდებს სასაცილოდ. რა ტკბილად, მშვიდად

სძიხავს მას ჩვენი გამარჯვების ფაფუკ ბალიშზე. გვირგვინში ბრწყინავს მარტოოდენ მარგალიტები და არა სისხლი და არა ის ღრმა კრილობები, რომელთა მიერ მოხვეჭილი იქნენ ისინი... ჩემი მახვილი უცხო ხალხებს კანონს უწერდა, იგი მრისხანედ ელვარებდა ჯვარცმის წინაშე და ქვეყანაზე სისხლიანი საშინელებით ღრმა კვალს ავლებდა რწმენის მარცვლის დასათესავად—ღმერთი ზეცაში მსჯავრმდებლობდა, მე კი—მიწაზე...

კ ა რ ლ ო ს ი

ეგ ღმერთი არის თუ ეშმაკი—ორივე ერთია! მისი მარჯვენა თქვენ იყავით. ეს კარგად ვიცი... ამაზე ნულარ ვიბაასებთ... მე ვისურვებდი, რომ გამეფანტა ეს ნაცნობი მოგონებანი. მამის არჩევანს დიდ პატივს ვცემ. მას ვილაღვ ალბა სჭირდება უფრო და მეფისა ის კი არა მშურს, რომ იგი ალბას საჭიროებს, არამედ სულ სხვა. დიდი კაცი ხართ... შეიძლება ეს ასეც იყოს; ეს მეც მტკიცედ მწამს. ოღონდ ვშიშობ, რომ ამ ქვეყანას

თქვენ რამდენიმე ათასი წლით ადრე ეწვიეთ. ამ დედამიწას, ჩემი აზრით, ჰერცოგი უნდა ქვეყნის დაღუპვის მოციქულად მოვლინებოდა, როდესაც ცოდვა უდიდესი თავს აიწყვეტდა და აღმოფხვრიდა ზეცის მომთმენ ღიღსულოვნებას, როს ბოროტების მოსავალი აღერდებოდა და მოითხოვდა იგი მომკელს განსაკუთრებულს, აი თქვენ მაშინ თქვენს ადგილზე აღმოჩნდებოდით. ღმერთო! ო, ჩემო სამოთხეო! ჩემო ფლანდრია!.. მაგრამ აწ კმარა!.. აღარ მმართებს ამაზე ფიქრი!.. ლაპარაკობენ, რომ წინასწარ ხელმოწერილი მარაგად მივაქვთ სასიკვდილო განაჩენები. ქების ღირსია ეგ სიფრთხილე. კაცი უშიშრად

უნდა გრძნობდეს თავს ყოველგვარი საფრთხის წინაშე.
-ო მამაჩემო, შენი აზრი ცუდად გავიგე,
დანაშაულად ჩაგითვალე ეგ სისასტიკე,
-რადგან უარი განმიცხადე შენ იმ საქმეზე,
რითაც ბრწყინავენ მარტოოდენ ალბები შენი...
მაგრამ შენ ამით პატივი მეც.

ა ლ ბ ა

ხელმწიფის შეილო,
ეგ თქვენი სიტყვა იმსახურებს...

კ ა რ ლ ო ს ი
(გაცხარებით)

რას?

ა ლ ბ ა

მაგრამ გიცავთ

მეფის ძეობა.

კ ა რ ლ ო ს ი
(ხმაზე ხელს წაივლებს)

ეს სისხლს ითხოვს!—ახლავე იზიშვლეთ
ხმალი, ჰერცოგო!

ა ლ ბ ა
(ცივად)

ხმალი ვისზე?

კ ა რ ლ ო ს ი

მახვილი ჩქარა,
თორემ გაგაპვით.

ა ლ ბ ა

(ხმალს იზიშვლებს)
რაკი ასე საჭირო არის...
(იბრძვიან)

მეექვსე გამოცვლა

დედოფალი. დონ კარლოსი. ჰერცოგი ალბა.

დედოფალი

(შეშინებული გამოდის თავის ოთახიდან)

შიშველი ხმლები! ვაგლახ ამას რას ვხედავ!

(პრინცს, მწყრალი და მბრძანებლური ტონით)

კარლოს!

კ ა რ ლ ო ს ი

(დედოფლის დანახვისას შეძრწუნდება, ხელს ჩამოუშვებს, დგას უმოძრაოდ
და გაბრუებული, შემდეგ სწრაფად მივარდება ჰერცოგს და აკოცებს)

შეერიგდეთ, ალბა! დავივიწყოთ სუყველაფერი!
(მღუმარედ დაეცემა დედოფლის ფეხებით, შემდეგ სწრაფად წამოხ-
ტება და გიჟივით გარეთ გავარდება.)

ა ლ ბ ა

(დგას დიდად განცვიფრებული და თვალს არ აშორებს ორივეს)
საოცარია, ლმერთის მაღლმა!..

დედოფალი

(დგას რამდენიმე ხანს შეშფოთებული და დაეშვებული, შემდეგ ნელა გაე-
მართება თავისი ოთახისკენ, როდესაც მიაღწევს კართან, შემოტრიალდება)
ჰერცოგო ალბა!

(ჰერცოგი შეჭყვება მას ოთახში.)

პრინცესა ებოლის კაბინეტი

მეშვიდე გამოცვლა

პრინცესა, იდეალურად მორთული, ლამაზად, მაგრამ სადად ჩაც-
მული, უკრავს ბარბოთს და მღერის. შემდეგ შემოდის დედოფლის პაეი.

პ რ ი ნ ც ე ს ა

(სწრაფად წამოხტება)

ის მოდის!

პ ა უ ი
(აჩქარებით)

როგორ, მთლად მარტო ხართ? ფრიად
მანკვიფრებს,
რომ აქ უფლისწულს ვერა ვხედავ; მაგრამ ის უნდა
ახლავე თქვენთან გამოცხადდეს.

პ რ ი ნ ც ე ს ა

უნდა? ეს ნიშნავს,
რომ სურს კიდევაც.—მაშ გადაწყდა აწ ყველაფერი...

პ ა უ ი

იგი ფეხდაფეხ მომდევს უკან... ჩემო პრინცესა,
თქვენ მას უყვარხართ ისე, ისე, როგორც არასდროს
არ ჰყვარებია ქალიშვილი არც ერთ მამაკაცს.
ოჰ, რა ვიხილე, რა არ ვნახე!

პ რ ი ნ ც ე ს ა

(მოუთმენლად მიიხიდავს თავისკენ)

სასწრაფოდ მითხარ!
ელაპარაკე? აბა, აბა! მითხარი, რა თქვა?
როგორ მოიქცა? ან რომელი წარმოთქვა სიტყვა?
იგი გაოცდა, დაიმორცხვა? თუ გამოიცნო
ის პიროვნება, გასაღები ვინც გაუგზავნა?
სასწრაფოდ მითხარ: მიხვდა? ვერა? იქნება არც კი
სურდა მიხვედრა? ან იქნება მას სხვა ეგონა?
ერთ სიტყვასაც არ შეუბნებია? ფუ უენ! გრცხვენოდესა:
ასე ხესავით უხეში და აუტანელი
არა ყოფილხარ არასოდეს.

პ ა უ ი

ჩემო მოწყალევე,
როდისღა მაცლით მოვიფიქრო რაიმე სიტყვა!
მას გასაღები და წერილი გადავეც თქვენი
წინა დარბაზში დედოფლისა. იგი განცვიფრდა

და გაოცებით შემომხედა. როდესაც ვუთხარ,
რომ მოციქული ვიყავ მასთან ერთი ქალისა.

პ რ ი ნ ც ე ს ა

იგი განცვიფრდა? ძალზე კარგი! ჩინებულია!
მაგრამ განაგრძე, მომიყევი, რა მოხდა შემდეგ.

პ ა უ ი

მინდოდა კიდევ მეთქვა რამე, მაგრამ გაფითრდა,
უცებ ხელიდან გამომტაცა წერილი თქვენი,
შემდეგ მუქარით შემომხედა და თანაც მითხრა,
რომ ყველაფერი იცის უკვე. მერე ბარათი
გადაიკითხა აღელვებით და მსწრაფლ ათრთოლდა.

პ რ ი ნ ც ე ს ა

მან ყველაფერი უკვე იცის? სუყველაფერი?
ნუთუ მან ეს თქვა?

პ ა უ ი

შემეკითხა სამჯერ თუ ოთხჯერ,
რომ ნამდვილად თქვენ, თქვენ მომეცით მართლა თუ არა
წერილი იგი.

პ რ ი ნ ც ე ს ა

რომ ნამდვილად მე გადმოგეცით?
მაშასადამე, მან ახსენა ჩემი სახელიც?

პ ა უ ი

სახელიც?—არა, არ ახსენა...—აქ შეიძლება,—
მითხრა მან,—ჯამუშოთ ყური მოჰკრან საუბარს ჩვენსას
და ხელმწიფესთან დაგვასმინონ.

პ რ ი ნ ც ე ს ა

(განცვიფრებული)

მაშ ეს თქვა იმან?

პ ა უ ი

ხელმწიფისათვის, თქვა მეფის ძემ, იქნება ფრიად
გასაოცარი და ძალიან მნიშვნელოვანიც,
რომ ამ ბარათზე მას რაიმე შეატყობინონ.

პ რ ი ნ ც ე ს ა

ხელმწიფისათვის? და შენ სწორად კი გაიგონე?
მაშ მან პირდაპირ ასე გათხრა?

პ ა უ ი

დიახ, პრინცესა!

მან საშინელი საიდუმლო უწოდა ამას
და გამაფრთხილა: არც სიტყვებით და არც ნიშნებით
არ გავცე იგი, რომ ამით არ აღეძრას მეფეს
რაიმე ეჭვი.

პ რ ი ნ ც ე ს ა

(რამდენიმე ხნის ფიქრის შემდეგ, გაოცებული)

ყველაფერი ერთზე მეტყველებს.
სხვაგვარად ეს არც შეიძლება... მან ეს ამბავი
შკვე გაიგო, როგორცა ჩანს... საოცარია,
მიუწვდომელი!.. ნეტავი ვინ შეატყობინა?
ვინ? და კიდევაც რომ ვკითხულობ? — ვინ იხედება
ასე შორს, თუ არ სიყვარულის მახვილი თვალი?
მაგრამ განაგრძე: წაიკითხა ხელმწიფის შეიღმა
ჩემი წერილი?

პ ა უ ი

ეს წერილი, მითხრა მე პრინცმა,
ნეტარებაა, რის წინაშე ის უნდა თრთოდეს,
რაზე ოცნებაც კი ვერასდროს ვერ გაუბედავს.
საუბედუროდ, შემოვიდა დარბაზში ალბა
და მისმა მოსვლამ გვაიძულა...

პ რ ი ნ ც ე ს ა

(გულმოსული)

ღვთის გულისათვის,
ახლა იქ ჰერცოგს რა უნდოდა? მაგრამ სად არის
პრინცი აქამდის? რად არ მოდის? რად იგვიანებს?
ხომ ხედავ, როგორ მოგატყუეს, საბრალო ბიჭო!
რა ბედნიერი იქნებოდა ის ამ წუთებში,
რაიც დახარჯე შენ აქ ჩემთვის მის მოსათხრობლად,
თუ ვით სურდა პრინცს, ბედნიერი რომ გამხდარიყო.

პ ა უ ი

მე მეშინია, რომ ჰერცოგი...

პ რ ი ნ ც ე ს ა

ისევე ჰერცოგი?

მას აქ რა უნდა? მხედართმთავარს რა ესაქმება
ჩემს სიყვარულთან და ან ჩემს მშვიდ ნეტარებასთან?
პრინცს მიტოვება, მოცილება შეეძლო მისი.
ამქვეყნად ამას ვინ არ შესძლებს?.. ო, ჭეშმარიტად,
მაგ შენ პრინცს თვითონ სიყვარულიც, ცხადია უკვე,
ისევე ცუდად ესმის, როგორც გული ქალისა.
მან არც კი იცის, თუ რას ნიშნავს წუთები... ჩუმად!
ფეხის ხმა მესმის. გასწი! მგონი, პრინცია იგი.

(პაუზი მირბის)

გასწი, გაიქეც! — რა ვუყავი ბარბითი ჩემი?
დე განცვიფრებულს შემომისწროს... ჩემმა სიმღერამ
უნდა ნიშანი მისცეს იმას.

მეჩვე გამოსვლა

პ რ ი ნ ც ე ს ა და თითქმის მაშინვე დონ კარლ ოსი.

პ რ ი ნ ც ე ს ა

(სავარძელში ჩაეშვება და უკრავს)

კარლოსი

(ოთახში შემოიჭრება. იცნობს პრინცესას და მებდაცემულივით შეჩერდება)

ო ღმერთო ჩემო!

სად ვიმყოფები?

პრინცესა

(დააგდებს ბარბითს და კარლოსს მიეგება)

პრინცო კარლოს? ნამდვილად თქვენ ხართ!

კარლოსი

ჯოჯოხეთური მოტყუება... სად ვიმყოფები?
ალბათ, ოთახი შემეშალა.

პრინცესა

რა კარგა ძალუძს
კარლოსს შემჩნევა იმ ოთახის, სადაც ასულნი
იმყოფებიან მთლად მარტონი, მოწმეთ გარეშე.

კარლოსი

პრინცესა, ვითხოვ პატიებას... წინა დარბაზის
კარი დამიხვდა გაღებული.

პრინცესა

ნუთუ ნამდვილად?
მე კი მეგონა, ჩემი ხელით დავკეტე იგი.

კარლოსი

ეს თქვენ გეგონათ, თქვენ გეგონათ... მაგრამ შემცდარ-
ხართ.

იქნებ გინდოდათ დაგეკეტათ, ეგ მეცა მჯერა...
მაგრამ დაჰკეტეთ? რა თქმა უნდა, არ დაგიკეტავთ...

თანაც მომესმა, რომ ვილაცა უკრავდა ბარბითს...
ბარბითი იყო ხომ ნამდვილად?

(დაეჭვებული ირგვლივ იცქირება)

დიახ, აგერ ძვეს.

და ბარბითი კი, ღმერთმა უწყის, რა ძლიერ მიყვარს.
მთლად სმენად ვიქეც, ვერ გავიგე, რა დამემართა
და თქვენს ოთახში შემოვიჭერ ასე სასწრაფოდ,
რომ ის გრძნეული ხელოვანი მენახა თვალით,
რომელმაც ასე დამიპყრო და მომაჯადოვა.

პრინცესა

სანუკვარია თქვენი ცნობისმოყვარეობა,
რომელიც დაცხრა უფრო მალე, ვიდრე შეეძლებდი
მე თქვენთან ჩემი ხელოვნება გამომეჩინა.

(რამდენიმე ხნის დუმის შემდეგ)

მე მოვალე ვარ დავათასო ის მორცხვი კაცი,
ვინაც სიცრუით თავგზას იბნევს, რომ ამით ქალი
დარცხვენისაგან გამოიხსნას.

კარლოსი

(კულწრფელად)

პრინცესა, თვითონ
მეც კარგად ვხედავ, ამით მხოლოდ ვაუარესებ
იმავე საქმეს, რომლისაც მსურს გამოსწორება.
მაშ დამიხსენით ამ როლისგან, მე ამისათვის
უფარგისი ვარ, ვერ შევიძლებ მის ასრულებას.
თქვენ ამ ოთახში ეძიებდით მყუდრო სავანეს
და თავშესაფარს ქვეყნისაგან. გსურდათ ხალხისგან
განცალკეებით თქვენს სურვილებს ეცხოვრათ მშვიდად.
მაგრამ გამოვჩნდი აქ მე, შვილი უბედურების,
და წამსვე შეწყდა მშვენიერი სიზმარი თქვენი.
სამაგიეროდ ჩემი წასვლით...

(სურს წასვლა)

პ რ ი ნ ც ე ს ა

(გაოცებული და შეძრწუნებული, მაგრამ მალე ეუფლება თავის თავს)

ხელმწიფის შვილო,

ბოროტებაა ეს თქვენი მხრით.

კ ა რ ლ ო ს ი

მესმის, პრინცესა,

თუ რასაც ნიშნავს ამ ოთახში ეგ შემოხედვა,
და მაგ სიმორცხვეს, ესდენ სათნოს, პატივს ვცემ დიდად.
ვაი იმ ვაჟკაცს, ვისაც ქალის კდემამოსილი
შეკრთობა, ლაწვთა გაწითლება მხნედ გადააქცევს!
მე კი მხდალი ვარ, როს ასულნი ჩემს წინა თრთიან.

პ რ ი ნ ც ე ს ა

ნუთუ ნამდვილად?—სინდისია უმაგალითო
ახალგაზრდისთვის და მერე თვით უფლისწულისთვის!
დიახ, მეფის ძეგ, უნდა დარჩეთ თქვენ ახლა ჩემთან.
თვით მე გთხოვთ ამას: ასეთ დიად სათნოებასთან
სწრაფად გაუფლის ყოველ ქალწულს შიში და ძრწოლა.
მაგრამ იცით, რომ უეცარმა თქვენმა შემოსვლამ
შემაწყვეტინა საყვარელი ჩემი სიმღერა?

(იგი მიიყვანს პრინცს სავარძელთან და ბარბათს კვლავ ხელში აიღებს.)

მე იმ სიმღერას, პრინცო კარლოს, აწ ერთხელ კიდევ
ვიმღერებ ახლა, თქვენ კი უნდა მე მომისმინოთ,
თქვენი სასჯელი ეს იქნება.

კ ა რ ლ ო ს ი

(ჯდება პრინცესას გვერდით არცთუ მთლად ძალდაუტანებლად)

ო, ეგ სასჯელი

სასურველია, როგორც ჩემი დანაშაული.
მართლაცდა, ისე მომეწონა თქვენი სიმღერა,
სიტყვები, ესდენ მშვენიერი და ღვთაებრივი,
რომ მესამედაც შემიძლია მოსმენა მისი.

პ რ ი ნ ც ე ს ა

როგორ? ნუთუ თქვენ მოისმინეთ სუყველაფერი?
ძალზე ცუდია ეს თქვენი მხრით, ხელმწიფის შვილო.
მგონი, სიტყვები ღალატდებდნენ მწველ სიყვარულზე?

კ ა რ ლ ო ს ი

და ლალ, ბედნიერ სიყვარულზე, თუ არა ვცდები.—
ლამაზ შინაარსს გადმოსცემდა ლამაზი ბაგე,
თუმც სილამაზე მეტი იყო იმ სიმღერაში,
ვიდრე სიმართლე.

პ რ ი ნ ც ე ს ა

მაშ არ გჯერათ სიმართლე მისი?

კ ა რ ლ ო ს ი

(სერიოზულად)

ვექვ, რომ კარლოსი და პრინცესა ებოლი ერთერთს
კარგად მიუხვდნენ სიყვარულის განმარტებაში.

(პრინცესა განცვიფრდება, კარლოსი შეამჩნევს ამას და განაგრძობს თავისუფალი თავაზიანობით)

რადგან, აბა, ვინ ერწმუნება ამ ვარდისფერ ლაწვთ,
რომ ვნებამ ასე აღაშფოთა ეგ ნაზი გული?
ნუთუ ებოლის განსაცდელი ელის ისეთი,
ოხრავდეს იგი უნუგეშოდ? ნამდვილ სიყვარულს
გრძნობს მარტოოდენ უიმედოდ შეყვარებული.

პ რ ი ნ ც ე ს ა

(უწინდელი მხნეობით)

კარგი, იკმარეთ! ეს ხომ მართლაც საშინელია.
ნუთუ ყველაზე მძიმე ბედი მოგერგოთ, პრინცო,
და ისიც ახლა, სახელდობრ დღეს, აქ ჩემთან მყოფელს?
(ხელს გაუყრის და ვლაპარაკება შემპარავი თანაგრძნობით)
არა, თქვენ არ ხართ მხიარული, კეთილო პრინცო...
თქვენ იტანჯებით... ვფიცავ ზენას, ძალიან ნალვლობთ.

და ასე რატომ ეწამებით, ხელმწიფის შვილო?
როს მოგიწოდებთ ამა ქვეყნის განცხრომა თვისკენ,
როს უხვ ბუნებას შეუმეიხართ ყოველგვარ ნიჭით
და უფლება გაქვთ ამ ცხოვრების სიტკბობაზე?
თქვენ ხართ ძე დიდი ხელმწიფისა და უფრო მეტიც,
ო, გაცილებით უფრო მეტი, ვინც აკვანშივე
აღჭურვილ იყო ყოველგვარი ნიჭით და მადლით,
თქვენი ხარისხის ბრწყინვალეობას ასე რომ ჩრდილავს.
თქვენ ის ხართ, ვისაც მანდილოსანთ მკაცრ სამსჯავროში
მოსყიდული გყავთ მსჯავრმდებელნი, თვითონ ასულნი,
რომელნიც ვაჟკაცთ ღირსებასა და იმათ სახელს
მოურიდებლად, პირუთენელად განსჯიან ხოლმე.
იგი, ვინც, სადაც ქალს შენიშნავს, დაიპყრობს

იქვე,
ცეცხლს იქ უკიდებს, სად თვით რჩება ყოველთვის ცივი,
და სად აღგზნებას მოისურვებს, იქ თვით სამოთხე
და ღვთაებრივი ნეტარება საჩუქრად მიაქვს...
კაცი, რომელიც შეუმკია გულუხვ ბუნებას
ერთეულთა და ათასეულთ საბედნიეროდ,
თვით უბედური უნდა იყოს?—ჰოი ზეცაო!
შენ, რომელმაც მას მიანიჭე სუყველაფერი,
უარი რატომ განუცხადე მხოლოდ თვალგზზე,
რომლითაც თავის გამარჯვებას დაინახავდა?

კარლოსი

(რომელიც მთელი ამ ხნის განმავლობაში ძლიერ დაბნეული იყო,
პრინცესას გაჩუმების შემდეგ უცბად გონს მოვა და წამოიწვიეს)

საუცხოოა, ღვთაებრივი, მიუბაძავი!
ჩემო პრინცესა, ეს ადგილი მიმღერეთ კიდევ.

პრინცესა
(შესცქერის გაოცებულად)

კარლოს, თქვენ ახლა სად იყავით?

კარლოსი
(წამოხტება)

ღიან, ღვთის მადლმა,
სწორედ მარჯვე დროს გამახსენეთ... უნდა ვაგზმორდეთ,
უნდა სასწრაფოდ გაგეცალოთ.

პრინცესა
(აკავებს)

საით?

კარლოსი
(ძლიერ შეშინებული)

მიედივარ

ძირს, ღია ცის ქვეშ. ნუ მაკავებთ. ასე მგონია,
მთელი ქვეყანა ჩემ ზურგს უკან ხანძარში იწვის.

პრინცესა
(ძალით აკავებს)

რა გემართებათ, უფლისწულო, ასე უქუოდ
და უცნაურად რად იქცევით?

(კარლოსი შეჩერდება და ფიქრებში ჩაიძირება. ებოლი ამ წუთებით
ისარგებლებს და შეეცდება იგი სავარჯიშისაკენ მიიზიდოს.)

ძვირფასო კარლოს,

სიმშვიდე გინდათ... თქვენი სისხლი აწ ძლიერ ღელავს...
გვერდს მომიჯექით... შავი ფიქრი უკუიცილიეთ!
გულწრფელად ჰკითხეთ საკუთარ თავს, თქვენმა გონებამ
იცის თუ არა, ასე ძლიერ გულს რა გიმძიმებთ?
და თუ მან იცის, ნუთუ ამდენ რაინდთა შორის,
სამეფო კარზე რომ არიან, ამდენ ქალთ შორის
არავინაა ისეთი, რომ განკურნოს იგი,
რომ მიუხვდეს მას, მსურდა მეთქვა... ნუთუ მათ შორის
არავინაა მისი ღირსი?

კარლოსი
(უცბად, დაეფიქრებლად)
იქნებ პრინცესა

ებოლი...

პრინცესა

მართლა?

კარლოსი

გვედრებით. ბარათი მომცეთ...
მიშუამდგომლოთ მამაჩემთან. ამბობენ, თითქოს
თქვენ სიტყვას დიდი გავლენა აქვს.

პრინცესა

ვინ ამბობს მაგას?

(მაშ ეს ეჭვია, პრინცს რომ ბაგე შეეკრა ასე!)

კარლოსი

აღბათ, აწ ყველამ უკვე იცის ამის შესახებ.
მე უცებ აზრად მომივიდა ბრაბანტში წასვლა,
დაემსახურო, იქნება, იქ დეზები მაინც.
ეს კი მამაჩემს როდი ნებავს... კეთილმა მამამ
უარი მითხრა, ეშინია, ჯართუფროსობა
ყელს ამატკიებს, ხმას ჩამიხლეჩს.

პრინცესა

ო, როგორ ყალბად

თამაშობთ, კარლოს. აღიარეთ, რომ მაგ გველური
ფანდით გინდოდათ, რომ ხელიდან მე გამსხლტომოდით—
თვალთმაქცო, აბა, გამისწორეთ პირდაპირ თვალი!
ის, ვინც რაინდულ საქმეებზე ასე ოცნებობს,
არ დამდაბლდება ისე ძლიერ, ხომ მეთანხმებით,
რომ იგი ლენტი, რომელიც ქალს ძირს დაუფარდა,
ჩუმად აიღოს—მაპატიეთ—

(თითების მსუბუქი მოძრაობით გაუხსნის კარლოსს გულისპირს
და იქიდან ამოიღებს დამალულ ლენტს.)

და შეინახოს.

კარლოსი

(გაოცებით დაიხვეს უკან)

შეტისმეტია ეს, პრინცესა! — გაცემული ვარ.
როგორც ჩანს, თქვენი მოტყუება არავის ძალუძს,
დემონებთან და ავსულებთან შეთანხმებულხართ.

პრინცესა

ნუთუ განცივდრით ამის გამო? თქვენ ეს გაკვირვებთ
ნაძლევი დავდოთ, უფლისწულო, რომ მოგაგონოთ
ძველი ამბები, გარდასული სცენები ძველი...
თუ გნებავთ, სცადნო, შემეკითხეთ რაიმე მათზე.
როს შინიანი აზიზობა, ბგერა, თქვენს მიერ
უცებ ჩურჩულით წარმოთქმული, ანდა ღიმილი,
წამსვე ჩამქრალი სერიოზულ სახის მიღებით,
თუ თვითონ სახის სწრაფი შეცვლა, თქვენი სული რომ
შორად მიფრენდა, ჩემს მკვირცხლ მზერას ვერ წაუვიდა,
აბა განსაჯეთ, მაშ მე კარგად მესმის თუ არა,
თუ რა გნებავდათ თქვენ ამითი გაგვიგებინათ?

კარლოსი

ძალიან დიდი გაბედვაა. მე თანახმა ვარ,
რომ დაგნაძლევედეთ. მაგრამ თქვენ ხომ უკვე შემპირდით
აღმოგეჩინათ ჩემს გულში ის, რაიც მე თვითონ
არც კი ვიცოდი.

პრინცესა

(ოდნავ შეურაცხყოფილად და სერიოზულად)

არ იცოდით, ხელმწიფის შვილო?
გთხოვთ გაიხსენოთ უფრო კარგად! მიმოიხედეთ;
ეს კაბინეტი როდი არის ჩვენი დედოფლის
ოთახი, სადაც თვალთმაქცური ნიღბის ტარება
საქებაარია ზოგჯერ კიდევ. თქვენ შეკრთით უკვე?
სახეზე უცბად აილეწეთ? ო, რა თქმა უნდა,
ვინ იყო ისე გამბედავი, ჭკუამახვილი,
ისე მოცლილი, კარლოსისთვის რომ მოესმინა,

როდესაც მისგან შეუმჩნევლად თვლიდა თავის თავს?
ანდა სასახლის უკანასკნელ ბალზე ვინ ნახა,
კარლოსმა როგორ მიატოვა ცეკვის დროს ქალი,
გვირგვინოსანი მოცეკვავე, და მის მაგიერ
უცბად ებოლის გაუწოდა თავისი ხელი?
და ეს შეცდომა, უფლისწულო, თვითონ მეფემაც,
რომელიც იმ დროს შემოვიდა, მსწრაფლ შეამჩნია!

კარლოსი

თვითონ მეფემაც? მაგრამ ეს ხომ, კარგო პრინცესა,
ჯანსაყუთრებით უცნაური არ იყო მისთვის?

პრინცესა

ვით ის შემთხვევა, რაიც მოხდა ჩვენი სასახლის
სამლოცველოში და რომელიც დონ კარლოსს იქნებ
ალარც კი ახსოვს. თქვენ იყავით წმინდა ქალწულის
წინ დამხობილი, ჩაძირული მხურვალ ლოცვაში,
როცა უეცრად — ამაში რა დამნაშავე ხართ? —
თქვენს უკან ცნობილ ქალთ კაბებმა გაიშრიალა.
თითოლვა დაიწყო დონ ფილიპეს მამაცმა ვაჟმა,
ისე ვით წმინდა სამსჯავროს წინ ერეტიკოსმა;
მის გაფითრებულ ბაგეებზე უეცრად შეწყდა
ენების ცეცხლისგან მოშხამული ლოცვა-ვედრება. —
ამალღევებელ ფარსს მოჰკავდა ეს, უფლისწულო! —
თქვენ ხელი სტაცეთ ღვთისმშობლის ხელს, ცივს და
უწმინდესს,
და მარმარილოს დააფრქვიეთ ცრემლების წვიმა.

კარლოსი

თქვენ უსამართლოდ ცილსა მწამებთ. ეს იყო მხოლოდ
ღვთისმშობლისადმი მოკრძალება, თავჯანისცემა.

პრინცესა

მაშინ სხვა ამბავს გაგახსენებთ, ხელმწიფის შვილო...
აღბათ, ეს მაშინ მოხდა მხოლოდ წაგების შიშით,

როცა კარლოსი, დედოფალთან და ჩემთან მჯდარს,
კარტს თამაშობდა და საოცარ დახელოვნებით
მომპარა მან ეს ხელთათმანი...

(კარლოსი თავზარდაცემული წამოხტება)

რომელიც შემდეგ

ძირს ჩამოაგდო კარტის ნაცვლად თავაზიანად.

კარლოსი

ო ღმერთო... ღმერთო... ღმერთო ჩემო! რა ვქენი მაშინ?

პრინცესა

ვეფიქრობ, ისეთი არაფერი, რომ აწ უარყოთ.
და როგორ შევეკრთი სიხარულით, როს უცაბედად
თითებში მომხვდა მე წერილი, რომელიც ასე
მოხერხებულად გადამალეთ ამ ხელთათმანში.
წერილი კი ეს მგრძნობიარე რომანსი იყო,
რომელიც...

კარლოსი

(სწრაფად შეაწყვეტინებს)

მხოლოდ პოეზია!.. სხვა არაფერი.

ჩემს ტვინზე ხშირად საოცარი ბუშტები ხოლმე
გამოსხდებთან და მაშინვე სკდებთან ისევ.
აი, ეს იყო ყველაფერი. ნულარას მეტყვიით.

პრინცესა

(გაოცებული გაეცლება პრინცს და რამდენიმე ხანს შორიდან
ათვალიერებს)

ძალა არ მყოფნის, ყველა ჩემი ცდა აისხლიტა
გველის ჭარივით მოლიპულმა ობროდის კანმა.

(მცირე ხნის ღუმილის შემდეგ)

ნუთუ ვაჟკაცის სიამაყე იგია მხოლოდ,
რომ ის სინორცხვეს, როგორც ნილაბს, საჭიროებდეს
და ამით დატკბეს უფრო მეტად? — ნუთუ ასეა?

(იგი კვლავ მიუახლოვდება პრინცს და ეჭვიანად ათვალიერებს.)

გადამიშალეთ თქვენი გული. მე თქვენს წინ ვდგევარ,
ვით გრძნეულ ხელით გადაკეტილ კარადის წინა,
და ყველა ჩემი გასაღები მლალატობს უკვე.

კარლოსი

როგორც მე ვდგევარ თქვენს წინაშე...

პრინცესა

(სწრაფად მიატოვებს პრინცს, რამდენჯერმე გაივლ-გამოივლის კაბი-
ნეტში და, ჩანს, რადიკ მნიშვნელოვანზე ფიქრობს; ბოლოს, ხანგრძლივი
პაუზის შემდეგ ლაპარაკობს სერიოზული და საზეიმო ტონით)

დე ასე იყოს...

თვითონ მე უნდა გამოგიტყდეთ. თქვენ ავირჩიეთ
ჩემს მოსამართლედ, რადგანაც ხართ კეთილშობილი
ადამიანი, მამაკაცი, რაინდი, პრინცი,
მინდა თქვენს მკერდზე მოვისვენო. თქვენ მე დამიხსნით,
ხელმწიფის შვილო, და ხსნა თუკი არ მიწერია,
ო, მაშინ ჩემზე თანაგრძნობით იტირეთ მაინც.

«პრინცი მიუახლოვდება თანამგრძნობელის გაკვირვებით და მოლოდინით)
მეფის თავხედი ფავორიტი რუი გომესი,
გრაფი დე სილვა, ჩემ ხელს ითხოვს, მეფე ფილიპეც
თანახმა არის, ამ საქმეზე მორიგდნენ უკვე
და მე მიმეიდეს ამ ბედროვს.

კარლოსი
(ძლიერ აღელვებული)

მაშ თქვენ მიგყიდეს?

ისევ მიგყიდეს? მაშ თქვენ უკვე გაყიდული ხართ
ამ მთელ სამხრეთში სახელგანთქმულ მოვაჭრის მიერ?

პრინცესა

ჯერ მომისმინეთ ყველაფერი. ის როდი კმარა,
რომ სახელმწიფოს პოლიტიკას შემწირონ მსხვერპლად,
საფრთხე მოელის ჩემს სინდისს და უმანკოებას...
აი, ამ ფურცელს შეუძლია შებღალვა მისი.

(კარლოსი ხელში აიღებს ქალაღს და ისე დაძაბულად უსმენს პრინცესას,
რომ ვეღარ იცლის წერილის წასაკითხად.)

ხსნა საღდა ვპოვო, უფლისწულო? ჩემს სათნოებას
ჩემი ქალური სიამაყე იცავდა დღემდე;
მაგრამ ბოლოს კი...

კარლოსი

თქვენ დაეციო, დაეციო უკვე?
ო, არა, არა! ღვთის გულისთვის! ნუ იზამთ.

პრინცესა

(ამაყად და ღირსებით)

ვისთან?

ეს საცოდავი ფანდი გახლავთ, უსუსური
იგი ძლიერი სულგებისთვის! ქალთ იწყალობლობას
და სიყვარულის ნეტარებას ნივთს ადარებენ
და მათ ერთნაირ ფასს ადებენ! მაგრამ იგი ხომ
ამ დედამიწის ზურგზე მხოლოდ ერთადერთია,
რაიც სხვა მყიდველს ვერ მოითმენს, თვის თავის გარდა.
თვით სიყვარული არის ფასი სიყვარულისა,
ფასდაუღებელ აღმასს ჰგავს ის, რომელსაც მე ან
გავასაჩუქრებ, ან დავმარხავ მთლად ხელუხ-
ლებელს,

იმ უდიდესი ვაჭრის მსგავსად, ვინც ვერ მოხიბლა
რიალტოს ოქრომ და, მეფენი რომ შეერცხვინა,
თავის ძვირფასი მარგალიტი კვლავ მდიდარ ზღვაში
გადაისროლა, რადგან ისე ამაყი იყო,
რომ არ ისურვა დაბალ ფასში გაცემა მისი.

კარლოსი

(მიღალ ღმერთს ვფიცავ, რომ ეს ქალი მშვენიერია!)

პრინცესა

დაე უწოდონ ამას ჟინი და ქედმაღლობა!
მე ჩემს სიზარულს არასოდეს დავანაწევრებ.

მხოლოდ ერთადერთ მამაკაცსა, არჩეულს ჩემგან,
მივცემ ყველაფერს ყველაფრისთვის. გავასაჩუქრებ
მხოლოდ ერთხელ და სამუდამოდ. ერთს გავხდები მხოლოდ
მე სიყვარულით ბედნიერსა – ერთს მარტოოდენ,
მაგრამ ეს ერთი თვით ღვთაება იქნება ჩემთვის.
თანხმობანება სულთა ჩვენთა... ამბობი ერთი...
თვითონ მწყემსური სიხარულის წუთები ამო
და ჯადოსნობა ზეციური მშვენიერების
არიან მხოლოდ ერთი სხივის მსგავსი ფერები,
მხოლოდ ფურცლები მარტოოდენ ერთი ყვავილის
და ამ ყვავილის მშვენიერ ჯამს მე უგუნურმა
ყველა ფურცელი ნუთუ უნდა მოეწყვიტო ახლა
მხოლოდ იმისთვის, რომ ცალ-ცალკე გავასაჩუქრო?
ქალთა დიდება, უდიდესი ქმნელება ღმერთის,
ნუთუ თვითონვე უნდა ძალად დავამახინჯო,
რომ მე დავატკბო დარდიმანდის საღამო ამით?

კარლოსი

(არა არ მჯერა! როგორ? ნუთუ მადრიდში იყო
ასეთი ქალი, მაგრამ მე კი, მე კი პირველად
ეს დღეს გავიგე?)

პრინცესა

დავტოვებდი მე ამ სასახლეს,
მივატოვებდი ამ ქვეყანას, ჩემს ქალწულობას
წმინდა კედლებში დავმარხავდი; მაგრამ მე ერთი
რგოლი ჯაჭვისა მაკავეებს კვლავ, რგოლი, რომელიც
ამ ქვეყანასთან მაკავშირებს ძლიერი ძალით.
ახ, იქნებ ვცდები, მეჩვენება! მაგრამ ის ძვირად
მიღირს. მე მიყვარს და არა ვარ შეყვარებული.

კარლოსი

(ცხოველი გრძნობით მიდის მასთან)

ვფიცავ ღვთაებას, რომ თქვენცა ხართ შეყვარებული
ენით უთქმელი სიძლიერით.

პრინცესა

თქვენ? მაშ თქვენ ჰფიცავთ?
ჩემმა მფარველმა ანგელოზმა წარმოსთქვა იგი.
ღიახ, რაკი თქვენ ამაჲ ჰფიცავთ, მეც მჯერა მაშინ,
შეყვარებული ვყოფილვარ მეც.

კარლოსი

(ძალიან ნაზად მოხვევს მკლავებს პრინცესას)

სულზე უტკბესო.

გრძნობით აღსავსე ქალიშვილო, თაყვანის ღირსო!
მე შენს წინ ვდგევარ მთლად სმენად და მზერად ქცეული,
შეპყრობილი ვარ ალტაცებით და განცვიფრებით.
ვით დაიქადებს, ვინა კი გნახა ამ ღია ცის ქვეშ,
რომ მას ამქვეყნად იცნობდა რა ჰყვარებია?
მაგრამ, ციურა ანგელოზო, აქ რას ეძიებ,
რა დაგრჩენია შენ ფილიპეს სასახლის კარზე?
აბა, რა გინდა ნოქიფორი და მათ მიმდევრებთან?
კუდი ჰაგაა აქ ასეთი ყვადღეებისთვის.
მათი მოწყვეტა მოისურვებს? მათ მოისურვებს...
ო, მე ეს მჯერა... მაგრამ არა! სიცოცხლეს ვფიცავ!
ხელს შემოგხვევ და ჩემს მკლავებზე გადასვენებულს
ჯოჯოხეთიდან გამოგიყვან. მიბოძე ნება,
რომ ვიყო შენი ანგელოზი.

პრინცესა

(სიყვარულით აღსავსე მზერით)

ო, კარლოს, კარლოს!

თურმე თქვენ კარგად არ გიცნობდით. როგორ
უსაზღვროდ,
რაოდენ უხვად აჯილდოებს მათ თქვენი გული,
რომელნიც უკვე მოიღალნენ მის მისაწვდომად.
(იღებს მის ხელს და სურს ეამბოროს)

კარლოსი

(ხელს უკან წაიღებს)

გონს მოღიბო.

პრინცესა

(ნაზად და მოხდენილად, დაქინებით უცქერის მის ხელს)

ო, რა მშვენიერი და რა მდიდარი არის ეს ხელი! მაგრამ ამ ხელს თან ახლავს კიდევ ორი ძვირფასი საბოძვარი გაუცემელი: კარლოსის გული და გვირგვინი, და ეს ორივე იქნებ ერთ მოკვდავს ერგოს წილად? დიახ, ერთ მოკვდავს!..

ეს უდიდესი, ღვთაებრივი საჩუქარია! ძალზე დიდია იგი ერთი მოკვდავისათვის! იქნება ფიქრობთ, პრინცო, თქვენ მათს განაწილებას? დედოფლებს ცოდად უყვართ ხოლმე, უბრალო ქალს კი, ვისაც ეს ძალუძს, გვირგვინისა არა ესმის რა. უკეთესია, მეფის ძეო, გაანაწილოთ ისინი ახლა, ო, ახლავე... როგორ? იქნება, ეს უკვე კიდევ მოახდინეთ? ნუთუ ნამდვილად? ან მე თუ ვიცნობ ამ ბედნიერს?

კარლოსი

დიახ, შენ იცნობ.

ქალწულო, მე შენ ყველაფერში გამოგიტყდები... შენ გადაგიშლი ჩემი სულის უიანკობას, ამ სასახლეში ერთადერთი, უპირველესი და ღირსეული შენ მიმიხვდი. დაე იცოდეს! მე არ ვიცრუებ—დიახ, მიყვარს!

პრინცესა

ბოროტო კაცი!

ასე ძალიან გაგიჭირდა გამომეღებება? მაშ კრემლის ღირსი უნდა ვიყო, თუკი ნამდვილად ღირსად მთელი შენი სიყვარულის?

კარლოსი
(სახტად დარჩენილი)

როგორ? რას ამბობ?

ეს რასა ნიშნავს?

პრინცესა

ასე რატომ თამაშობთ ჩემთან?

მეფის ძეო, მართლაც, ეს ამბავი კარგი არ იყო. გასაღებზეც კი უარი სთქვით!

კარლოსი

ახ, გასაღები!

(ძლივს გაიხსენებს)

ჰო, მაშ ეს იყო... ახლა ვხედავ... ო ღმერთო ჩემო!

(მუხლები აუქანკალდება, სკამს დაეყრდნობა და სახეს ხელებში ჩაიშალავს.)

პრინცესა

(ხანგრძლივი დუმილი. უკვებ პრინცესა ხმამაღლა წამოიყვირებს და ძირს დაეცემა)

საშინელია! ეს რა ვქენი! ო ღმერთო ჩემო!

კარლოსი

(გასწორდება, საშინელი გულსტკივილით)

როგორ დაემდაბლდი, გამიცრუვდა ყველა იმედი. საზარელია!

პრინცესა

(სახეს ბალიშში ჩამალავს)

ღმერთო ჩემო! რად გავამეღებენ?

კარლოსი

(დაემხოზა ებოლის ფერხთით)

პრინცესა, ბრალი არ მიმიძღვის... ეს მხოლოდ ვნება... ეს ავბედითი შეცდომაა... მაღალ ღმერთს ვფიცავ! მე დამნაშავე არ გახლავარ.

პრინცესა

(ხელს ჰკრავს)

შორს ჩემს თვალთაგან,
ღვთის გულისათვის...

კარლოსი

არასოდეს! არასდროს!
როგორ დაგტოვოთ ასე ძლიერ შეძრწუნებული?

პრინცესა

(ძალით მოიცილებს თავიდან)

დიდსულოვნების, სიბრალულის გამო, წაბრძანდით,
შორს ჩემს თვალთაგან!—ჩემი მოკვლა ხომ არა გნებავთ?
დასანახავად მეზიზღებით!

(კარლოსს სურს წასვლა)

ჩემი ბარათი

და გასაღები დამიბრუნეთ ახლავე უკან.
ის სხვა ბარათიც რა უყავით?

კარლოსი

რა სხვა ბარათი?

რომელ ბარათზე ლაპარაკობთ?

პრინცესა

მეფის ბარათზე.

კარლოსი

ვისი ბარათი?

პრინცესა

კოტა ხნის წინ რომ გადმოგეცით—

კარლოსი

მეფის ბარათი? და მერე ვის? თქვენ?

პრინცესა

ღმერთო ჩემო!

როგორ საშინლად დავიბენი! წერილი ჩქარა!
მომეცით აქვე! ის წერილი მე უნდა მქონდეს.

კარლოსი

მეფის წერილი, და ისიც თქვენ?

პრინცესა

დიახ, წერილი!

ყველა წმინდანის გულისათვის!

კარლოსი

თვით ის, რომელიც

ააშკარავებს ჩემს წინაშე ხელმწიფის სინდისს?

პრინცესა

მე დავილუპე!—მომეცით აქ!

კარლოსი

წერილი იგი...

პრინცესა

ეს რა გავბედე, ეს რა ვქენი მე უგუნურმა!

კარლოსი

თვით ის წერილი, ხელმწიფისგან თქვენ რომ მიიღეთ?
დიახ, პრინცესა, ეს ყველაფერს სულ სხვაგვარად
სცვლის.

(გამაჯვებელი ივრით უკავია წერილი მაღლაწეულ ხელში.)

ო, ეს წერილი ძვირფასია... უძვირფასესია...

მას თვით ფილიპეს გვირგვინები ვერ შეისყიდის.

ამ წერილს ჩემთვის შევინახავ.

(გადის)

პრინცესა

(გაეკიდება, რომ გზა გადაუღობოს)

მე დავილუპე!

მეცხრე გამოცხლა

პრინცესა

(რამდენიმე ხანს დგას თავზარდაცემული და დაბნეული. პრინცის წასვლის შემდეგ, იგი ისწრაფის უკან გამოვიკიდოს მას და დააბრუნოს) მეფის ძევ, კიდევ ერთი სიტყვა გთხოვთ მომისმინოთ... იგი წავიდა! ვეზიზღები... მე აქა ვდგევარ სრულიად მარტო, სამუდამოდ უარყოფილი.

(ჩაეშვება სავარძელში. პაუზის შემდეგ)

ო, არა! მხოლოდ დაჩაგრული მეტოქისაგან. კარლოსს რომ უყვარს, აქ საეჭვო არაფერია. ეს ხომ თვითონვე აღიარა. მაგრამ ვინაა ის ბედნიერი? ერთი რამ კი აშკარა არის: მას იგი უყვარს, სიყვარული არ მართებს ვისიც. გამჟღავნებისა ეშინია. მეფის წინაშე მაღავეს თვის ვნებას. მაგრამ რატომ უმაღავეს იმას, ვინც ამას თვითონ ისურვებდა? და თუ ის მამას თავის მამაში სრულიადაც არ უფრთხის, მაშინ? როცა შეიტყო მეფის ზრახვა, ესოდენ მრუში, როგორ გაბრწყინდა მისი სახე, აღსავეს შეგებით. იღბენდა, როგორც ბედნიერი... ეს როგორ მოხდა, რომ მასში მკაცრი სათნოება დადუმდა წამსვე? სწორედ მაშინვე? სწორედ იმ წამს? ან რა შეეძლო მოეგო ამით ხელმწიფის შეილს, როდესაც მეფე თავის დედოფალს...

(უეცრად შეჩერდება. ერთი რომელიღაც აზრით განცვიფრებული... იმავე წუთს უბიდან ამოიღებს ლენტს, რომელიც მან კარლოსს გამოართვა, სწრაფად დააკვირდება და იცნობს.)

ო, გიჟი ვარ! ახლა კი მივხვდი, ჩემთვის ცხადია... ან აქამდე სად მქონდა ჭკუა? თვალი ახლალა ამეხილა... მათ ერთმანეთი უყვარდათ აღრე, ვიდრე მეფე ცოლს შეერთავდა. მეფის ძე ჩემში მხოლოდ იმის სახეს ხედავდა, მასზე ფიქრობდა, როს მე მწამდა, თითქოს ვუყვარდი ასე გულთბილად, ასე ძლიერ, ასე უსაზღვროდ.

ო მოტყუებავ, სასტიკო და უმაგალითო! დედოფალსაც რომ გამოვუტყუდი ჩემ სისუსტეში!..

(ღუჟილი)

რომ მას უყვარდეს დედოფალი მთლად უიმედოდ? მე ეს არ მჯერა... სიყვარული, იმედის გარე, დამარცხდებოდა ამ ბრძოლაში. გამარჯვება იქ, სად უდიდესი ხელმწიფეც კი ამა ქვეყნისა ამოოდ ოხრავს... ჭეშმარიტად! ასეთი მსხვერპლი არ გაიცემა უიმედო სიყვარულისთვის. რა მწველი იყო მისი კოცნა! ო, როგორ ნაზად, როგორ სათუთად მიხუტებდა თვია მფეთქავ გულთან!.. ეს ძლიერ, ძლიერ გაბნეული გამოცდა იყო რომანტიკული, უიმედო ერთგულებისთვის. გასაღებს იღებს და ჰგონია ეს გასაღები მას დედოფალმა გაუგზავნა მსახურის ხელით. და სიყვარულის ამ უდიდეს ნაბიჯის სუერა... აქეთ ისწრაფის, აქეთ მოდის, მოდის ნამდვილად! სწამს, ამ სიგიჟეს რომ ჩაიდენს ფილიპეს ცოლი. ვით გაბედავდა, თუ არ ჰქონდა თანხმობა მისი? აშკარა არის—ელისაბედს კარლოსი უყვარს! ზენაარს ვფიცავ, ეს წმინდანიც სიყვარულსა გრძნობს! როგორ ცბიერი არის იგი!.. და მე კი ვთრთოლი ამ სათნოების კეთილშობილ საფრთხობელას წინ, ჩემს გვერდით იღვა უმაღლესი არსება ქვეყნის; მის შუქში ჩაეჭრი. მშურდა მისი მშვენიერების ესოდენ მშვიდი გულგრილობა, თავისუფალი მოკვდავ სულელების ყოველგვარი მღელვარებისგან. და ეს სიმშვიდე იყო მხოლოდ მოჩვენებითი? მას ერთდროულად ორ სუფრასთან განცხრომა სურდა? მოჩვენებითი სათნოების ღვთაებრივ შუქით იყო მოსილი და თან ასე ჩუმად უნდოდა, გულის ცოდვიან აღტკინებით რომ დამტკბარიყო? ეს შეიძლება? მოახერხებს თვალთმაქცი ისე, რომ ამისთვის არ დაისაჯოს?.. არა, ღვთის მადლმა!

მას ვალმერთებდი... ეს მოითხოვს შურისძიებას!
მეფემ შეიტყოს ეს ლალატი... დიახ, ნამდვილად ..
(რამდენაზე ხნის დუმილის შემდეგ)
ეს გზა სწორია... მბრძანებელის ყურთან მიმიყვანს.

ოთახი მეფის სასახლეში

მიათმე გამოხვლა

დომინგო

თქვენ რა გნებავდათ ჩემთვის გეთქვათ?

ალბა

დღეს მოვახდინე
მნიშვნელოვანი აღმოჩენა, რომლის შესახებ
თქვენს განმარტებას ვისურვებდი.

დომინგო

რა აღმოჩენა?
რას შეეხება თქვენი სიტყვა?

ალბა

პრინცი კარლოსი

და მე ერთმანეთს შეეხვედით დღესა, ჟამს შუადღისას,
წინა ოთახში დედოფლისა. მან მომაყენა
შეურაცხყოფა. ჩვენ გავცხარდით. ცოტა ხმამაღლა
შევეკამათეთ ერთმანეთსა. ხმლებს ხელი ვივლეთ.
ხმაურობაზე დედოფალმა თვისი ოთახის
კარი გააღო, სწრაფად ჩადგა ჩვენ შორის იგი
და პრინცს შეხედა განდობილი და მკაცრი თვალით...
ეს მზერა იყო რაღაც სულ სხვა, გასაოცარი...
პრინცს მკლავი წამსვე გაუშეშდა... გადამეხვია...
ვიგრძენი მისი ცხელი კოცნა... და იგი სწრაფად
გაუჩინარდა.

დომინგო

(რამდენიმე ხნის დუმილის შემდეგ)

ეს ძალიან საეჭვო არის.

ჰერცოგო, რაღაც მომაგონეთ. მსგავსი აზრები,
გამოგიტყდებით, წარმოიშვნენ დიდი ხნის წინათ
ამ ჩემს გულშიაც... მაგრამ მე მათ ვდევნიდი მუდამ...
ისინი არვის არ გავანდე. ძლიერ ვუფრთხილდი
ქვეყნად ორღესულ იარაღს და ორპირ მეგობრებს,
ძნელია კაცთა განსხვავება ერთმანეთისგან,
ხოლო იმათი გამოცნობა კი — უფრო ძნელი.
შეურაცხყოფილ თანამზრახველს ჰგავს ჩვენი სიტყვა,
ამიტომ ჩემი საიღუმლო გულს დავიშარბე,
სანამდე დრო მას სინათლეზე არ გამოიტანს;
საშიშარია სამსახური ხელმწიფეთადმი...
და გაბედული ნასროლი კი მსროლელსვე ხედება...
ამას წმინდანთა ნაწილებზეც დავიფიცავდი...
მაგრამ ჩვენებას დამსწრისას და ყურმოკრულ სიტყვას,
ერთ ფურცელ ქაღალდს უფრო მეტი მნიშვნელობა აქვთ,
ვიდრე ჩემს გრძობას... ჰოი, როგორ სამწუხაროა,
რომ ესპანეთში ვიმყოფებით.

ალბა

რად ბრძანებთ ამას?

დომინგო

სხვა სასახლეში ამგვარ ვნებას დავიწყებდნენ,
აქ კი საშინელ კანონთაგან ის უნდა ძრწოდეს.
მე მტკიცედ მწამს, რომ დედოფლები ესპანეთისა
ძნელად სცოდავენ, მაგრამ, მათდა საუბედუროდ,
მხოლოდ ესაა, სწორედ ესა, რაც გვიაღვილებს
მათ კვალს მივაგნოთ და უეცრად თავზარი დავცეთ.

ალბა

ისმინეთ შემდეგ... დღეს კარლოსი მიიღო მეფემ.
თითქმის ერთ საათს გრძელდებოდა შეხვედრა მათი.

ნიდერლანდიის მფარველობას სთხოვდა ის მეფეს.
სთხოვდა ხმამალლა, გაცხარებით. მე კაბინეტში
მესმოდა მათი ლაპარაკი. კარლოსს თვალები
დასწითლებოდა ცრემლისაგან, როს კართან შეეხვდი-
შუადღისას კი მოზემიე სახით გამოჩნდა,
აღტაცებული იყო თითქოს, რომ მე ხელმწიფემ
მას მამჯობინა. „მადლობა მას“, თქვა უფლისწულმა,
„აწ სულ სხვაგვარად, უკეთესად წავიდა საქმე“.
კარლოსს არ ძალუძს თვალთმაქცობა... ვით შევათავსო
ვითარებანი ერთმანეთის წინააღმდეგი?
პრინცს უხარია, რომ მეფე მას უკან აყენებს,
მე კი ხელმწიფე განრისხებულ სახით მიცხადებს
თვის მოწყალებას... რაღა უნდა ვიფიქრო ახლა?
ეს წარჩინება, ქემმარიტად, მოავაგვს უფრო
ძალით განდევნას სამშობლოდან, ვიდრე წყალობას.

დომინგო

ნუთუ აქამდე, მაშ აქამდე მივიდა საქმე?
და ერთმა წამმა დაამსხვრია აწ ყველაფერი,
რაც ჩვენ ვაშენეთ მთელი წლების განმავლობაში?
თქვენ კი მშვიდად ხართ? ასე მშვიდად? იცნობთ თუ არა
ამ ახალგაზრდას? გრძნობთ, რა ბედი მოგველის მაშინ,
როდესაც იგი გამეფდება?.. ხელმწიფის შვილი...
— არა, მე არ ვარ მისი მტერი. სხვა საზრუნავი
მაფორიაქებს, საზრუნავი ღვთისთვის, ტახტისთვის,
ეკლესიისთვის. პრინცს კი (ვიცნობ, მე ჩავეწვდი მის
სულს,)

ფრიად საშიში განზრახვა აქვს. გახსოვს ტოლედო?..
მას საშინელი განზრახვა აქვს: სურს იმეფოს და
სარწმუნოებას ანგარიში არ გაუწიოს.
გული ფრთება მას ახალი სათნოებისთვის,
რომელიც—მტკიცე, ამაყი და თვითკმაყოფილი—
სარწმუნოებას არაფერს სთხოვს... იგი აზროვნებს!
მას ტვინი უხურს უცნაური ქიმერისაგან...

დიდ პატივსა სცემს ადამიანს... ჰერცოგო ალბა,
თუ გამოდგება ის ჩვენს მეფედ?

ალბა

ფუჭი ოცნება!

სხვა რაა ვითომ? ეგ ჭაბუკის ზვიადობა!
როლის თამაში უნდა ალბათ. თუ რჩება კარლოსს-
სხვა არჩევანი? ეგ ოცნება გაუფლის მალე,
როდესაც მისი მბრძანებლობის დადგება რიგი.

დომინგო

არა მგონია. ის ამაყობს თავისუფლებით,
ვერ მიეჩვია ჯერ მონობას, რომლითაც უნდა
იგივე მონობა მოისყიდოს... ივარგებს იგი
ჩვენი ტახტისთვის? მისი სული გოლიათური
მთლიანად შესცელის ჩვენი წყობის მიმართულებას-
ამაოდ ვცადე ავხორცობით მოქანცვა მისი.
მან ეს გამოცდა ჩააბარა. საშიშარია
ასეთი სული ამ სხეულში... და ფილიპე კი
მალე სამოციის შესრულდება.

ალბა

თქვენი თვალები

ძლიერ შორს სწვდება.

დომინგო

უფლისწული და დედოფალი

ერთსულოვანნი არიან და, თუმცა ფარულად,
ორივეს გულში შეიპარა სიახლის შხამი;
მაგრამ ის მალე დაიკავენს უდიდეს ადგილს
და ესპანეთის სამეფო ტახტს დაეუფლებიან.
მე კარგად ვიცნობ ამ ვალუებს. ეს მშვიდი მტერი
ჩვენზე სასტიკად შურს იძიებს, როცა ფილიპე
დაუძლურდება სიბერისგან. ბედი ჯერ კიდევ

ჩვენს მხარეზეა. სჯობს ზომები მივიღოთ აღრე-
ერთი მარყუქით ორივენი უნდა გავგულოთ...
ერთი ნიშანიც მეფისათვის საკმარისია,
თუნდა დამტყიცდეს თუნდა არა — ეს სულერთია...
თუ ის დაეჭვება, ჩვენ ამითი მოვიგებთ ძლიერ...
ხოლო ჩვენ ხომ ეს სრულებითაც არ გვეეჭვება.
ის, ვისაც სჯერა, დაარწმუნებს ადვილად სხეასაც.
ჩვენ, რა თქმა უნდა, აღმოვაჩინთ ბევრ რამეს კიდევ,
ოლონდ დავრწმუნდეთ, დავრწმუნდეთ, რომ ეს საჭიროა.

ა ლ ბ ა

მაგრამ აქ კითხვა იბადება მნიშვნელოვანი:
თავზე ვინ იღებს, რომ ეს მეფეს შეატყობინოს?

დომინგო

არც თქვენ და არც მე. მაშ იცოდეთ, ჰერცოგო ალბა,
ის, რასაც დიდხანს ჩემი მშვიდი, ბეჯითი შრომა
უდიდეს გეგმით ამ მიზნისკენ მიაჩქარებდა.
კიდევ აკლია კავშირს ჩვენსას მესამე პირი —
მნიშვნელოვანი პიროვნება... ხელმწიფეს ჩვენსას
უყვარს ებოლი... მე ამ ვნებას ვზრდი და ვამხნევებ,
რადგან ის ჩემი განზრახვისთვის სასარგებლოა.
მე ვარ ხელმწიფის მოციქული — ებოლი ჩვენი
გეგმებისათვის გამოვზარდე... თუ მოვახერხებ,
ეს ახალგაზრდა ბანოვანი უნდა შეიქნეს
ჩვენი ერთგული მოკავშირე და დედოფალი.
ამ ოთახშიაც ახლა თვითონ ებოლიმ მიხმო.
მე იმედი მაქვს ყველაფრისა... იქნებ ზვიადი
ვალუას მოდგმის ის შრომანა ამ ესპანელმა
ქალწულმა მოსრას ერთ ღამეში.

ა ლ ბ ა

ეს რაღა მესმის?
მაშ მართალია, რაც გავიგე? — ო ღმერთო ჩემო!

დიდად მანკვიფრებს! აი, მართლაც ნამდვილი დარტყმაა
დომინიკანელო, შენი ჭკუით დიდად მაოცებ,
ახლა კი ბრძოლა ჩვენ მოვიგეთ.

დომინგო

წყნარად! ვინ მოდის?
ეს იგი არის... თვითონ იგი.

ა ლ ბ ა

მე ამ მეზობელ
ოთახში გავალ და როდესაც...

დომინგო

კარგით. მოგიხმობთ.
(ჰერცოგი ალბა გადის.)

მითიერთმამე გამოსვლა

პრინცესა. დომინგო.

დომინგო

მხადა ვარ თქვენდა სამსახურად, ჩემო პრინცესა.

პრინცესა

(ცნობისმოყვარეობით გააყოლებს თვალს ჰერცოგს)

სულ მარტონი ვართ? როგორც ვხედავ, აქ თქვენ
კიდე სხვა მოწმეც!
გყოლიათ

დომინგო

როგორ?

პრინცესა

აბა, ვინ იყო იგი,
ახლა აქიდან რომ წავიდა?

დომინგო

ჰერცოგი ალბა.

ჩემს მერე თქვენს წინ წარმოდგომის ნებართვას ითხოვს.

პრინცესა

ჰერცოგი ალბა? რა სურს ნეტავ? რა შეუძლია ისურვოს ალბამ? იქნებ იცით და შეგიძლიათ თქვენ ეგ მაუწყოთ?

დომინგო

მე? და ნუთუ ამას გავებღავ

მანამდე, ვიდრე არ შევიტყობ: რა მნიშვნელოვან შემთხვევის გამო მეძლევა ეს დიდ ხნის ნანატრი ბედნიერება, რომ კვლავ წარვდექე ებოლის წინა?

(პაუზა, რომლის დროსაც დომინგო ელოდება პრინცესას პასუხს)

ხომ არ აღმოჩნდა ისეთი რამ, ბოლოს და ბოლოს, მეფის სურვილთა სასარგებლოდ რომ მეტყველებდეს? ვანა ტყუილად მწამდა, რომ თქვენ უკეთ განსჯილით და მიიღებდით ჩვენი მეფის წინადადებას, რომელსაც მხოლოდ ჯიუტობით უკუაგდებდით? მე აღსაესე ვარ მოლოდინით...

პრინცესა

უკანასკნელი

ჩემი პასუხი გადაეცით ხელმწიფეს ჩვენსას?

დომინგო

ჯერ დაეაყოვნე სასიკვდილოდ დაკოდეა მისი, ჯერ კიდევ დროა, მოწყალეო ჩემო პრინცესა; კვლავ შეგიძლიათ შეარბილოთ პასუხი თქვენი.

პრინცესა

მეფეს აცნობეთ, რომ მას ველი.

დომინგო

მაშ შემიძლია

მე ეს სიმაართლედ მივიჩნიო, ტურთა პრინცესა?

პრინცესა

არ გეხუმრებით! ღმერთმანი, თქვენ მთლად შემაშინეთ. როგორ? ისეთი აბა ახლა რა ჩავიჯინე, რომ თვითონ თქვენც კი, თვითონ თქვენც კი გაფითრდით ასე?

დომინგო

არ მოველოდი... ველარ ძალმძის ამის გაგება, ჩემო პრინცესა...

პრინცესა

ღიახ, ღიახ, წმინდაო მამავ,

ამის გაგება არცა გმართებთ. თუნდ მთელი ქვეყნის აელადიდებაც კი მოეცათ, არ ვისურვებდი თქვენ ეს შეგეტყოთ. თქვენთვის კმარა, რომ ეს ასეა. და ნურასოდეს ნუ ეცდებით გამოარკვიოთ, ვის სიტყვებს უნდა უმადლოდეთ ამ ცვლილებისთვის. თქვენს სანუგეშოდ მხოლოდ დავსტენ, რომ ამ ცოდვაში წილი არ გიდევთ, ეკლესიაც უცოდველია. თუმცე მიმტკიცებდით, თითქოს იყოს შესაძლებელი ის შემთხვევებიც, როცა თვითონ ეკლესიაც კი დიად მიზნისთვის მსხვერპლად სწირავს ქალწულთა სხეულს.

ო, მაგრამ არა. ამნაირი საღმრთო საბუთი მიუწევდომელი არის ჩემთვის.

დომინგო

სიამოვნებით

ვიბრუნებ უკან, თუ ის ახლა ზედმეტი გახდა.

ქოჩია

პრინცესა

და ჩემს მაგიერ მეფეს სთხოვეთ, ეს საქციელი არ ჩამომართვას სხვანაირად. რაც უწინ ვიყავი, იგი ვარ ახლაც, მხოლოდ საქმის მდგომარეობა მას შემდეგ უკვე შეიცვალა. როდესაც მისი წინადადება უარყავი მე აღშფოთებით, მაშინ მწამდა, რომ მშვენიერი დედოფლის ხელში ის ბედნიერი იყო დიდად და რომ ერთგული მისი მეუღლე ღირსი იყო ჩემი მსხვერპლისა. ასე მჯეროდა ეს მე მაშინ... მაშინ... ახლა კი, ახლა ეს უფრო კარგად ვიცი...

დომინგო

განაგრძეთ! მერე?

პრინცესა, მგონი, ერთმანეთის ჩვენ კარგად გვესმის.

პრინცესა

მხილებულია იგი ახლა! არც შევიბრალებ! ცბიერი ქურდი გაბმულია მახეში უკვე. მეფე, მე, მთელი ესპანეთი მან მოგვატყუა. მას უყვარს. ვიცი, რომ მას უყვარს! მე წარმოვუდგენ ისეთ საბუთებს, რომელნიც მას აათრთოლებენ! მოტყუებული არის მეფე, მაგრამ, ღმერთმანი, ის შურს იძიებს დედოფალზე. მე ჩამოვაგლეჯ არამქვეყნიურ უარყოფის უწმინდეს ნიღაბს, რომ ცოდვილ სახით წარდგეს იგი ქვეყნის წინაშე, საშინელ ფასად დამიჯდება ეს ყველაფერი, მაგრამ მე ისღა მალფრთოვანებს და სიხარულს მგვრის, რომ მას მოუწევს უფრო დიდი ფასის გადახდა.

დომინგო

ახლა მომწიფდა ყველაფერი. ნება მიბოძეთ, რომ ჰერცოგს ვუხმო.

(გადის.)

პრინცესა
(გაკვირვებული)
ეს რას ნიშნავს?

მითორმითი გამოსვლა

პრინცესა, ჰერცოგი ალბა, დომინგო.

დომინგო

(რომელსაც ჰერცოგი შემოჰყავს)

ჰერცოგო ალბა,

ჩვენსა ცნობებმა აქ ძალიან დაიგვიანა. თვითონ პრინცესა გაგვიმხელს ჩვენ იმ საიდუმლოს, რაც ჩვენგან უნდა გაეგო მას.

ალბა

ჩემი სტუმრობა

ოდნაედაც ნუ განაცვიფრებს პრინცესას ჩვენსას, ვერ ვერწმუნები მე ჩემ თვალებს. ამგვარი საქმის აღმოჩენისთვის საჭიროა დიაცის თვალი.

პრინცესა

აღმოჩენაო?—თქვენ ასე სთქვით...

დომინგო

გვინდა ვიცოდეთ,

ჩვენო პრინცესა, თუ რომელი დრო და ადგილი იქნება თქვენთვის უმჯობესი...

პრინცესა

კეთილი! მაშინ

ხელს შეუადლისას სასახლეში დაგელოდებით. მიზეზიცა მაქვს, რომ მე ახლა აღარ დავმალე ეს საიდუმლო, უდიდესი სასჯელის ღირსი... არა, იმ ვეღარ დავუმაღავ მე ამას მეფეს.

ა ლ ბ ა

აქ სწორედ ამან მომიყვანა. უნდა ახლავე
შეიტყოს მეფემ ეს ამბავი. და თვითონ თქვენგან
უნდა შეიტყოს, თვითონ თქვენგან. თორემ, აბა, სხვას
ვის დაუჯერებს იგი უფრო, თუ არა თვისი
ცოლის მკაცრ და ფრთხილ მეგობარ ქალს?

დომინგო

ვის ერწმუნება
ის უფრო მეტად, თუ არა მას, რომელსაც ძალუძს,
რა წამს ისურვებს, მბრძანებელი შეიქნეს მისი?

ა ლ ბ ა

აშკარა მტერი ვარ პრინცისა.

დომინგო

კარგა ხანია
სწორედ ამასვე გულისხმობენ ჩემს შესახებაც.
ამისგან მხოლოდ ებოლია თავისუფალი.
იქ, სად ჩვენ გემართებს გაჩუმება, თქვენ სამსახურის
მოვალეობა გაიძულებთ ილაპარაკოთ.
მეფე ხელიდან ვერ წაგვივა, როს იმოქმედებს
თქვენი ნათქვამი გადაკრულად. ამის შემდეგ კი
საქმეს ჩვენ თვითონ დავასრულებთ.

ა ლ ბ ა

მაგრამ უეცრად,
ახლავე უნდა მოხდეს ესა. ერთი წამიც კი
ძვირფასი არის. ყოველ საათს მოახლოებულს
ძალუძს ბრძანება მომიტანოს გამგზავრებისა.

დომინგო

(რამდენიმე ხნის დაფიქრების შემდეგ მიმართავს პრინცესას)
ნუთუ ვერ შევძლებთ, წერილები ჩაეიგდოთ ხელში?

პრინცის ბარათი მოახდენდა გავლენას მასზე...
აბა დაეფიქრდეთ... ხომ სწორია? მგონი თქვენ გძინავთ
ერთ სივინეში დედოფალთან.

პრინცესა

არა, მახლობლად.

მაგრამ ეს რისთვის დამჭირდება?

დომინგო

არავინაა

ისეთი ვინმე, საკეტების გაეგებოდეს?
თუ შეგინიშნავთ, სად ინახავს ელისაბედი
თთვის ზარდახშის გასაღებსა?

პრინცესა

(დაფიქრება)

ამას კი მართლა

შეეძლო ჩვენი დახმარება... ჰო, მაგ გასაღებს,
მგონი, ვიპოვით.

დომინგო

ერთმანეთთან წერილთა გზავნა
შიშრიკებს ითხოვს... დედოფალს ჰყავს ამაღა დიდი...
და აქ რომ ვინმე წასწყდომოდა რაიმე კვალსა...
ოქროს ბეგრი რამ შეუძლია...

ა ლ ბ ა

ვერვინ შენიშნა,

პრინცს განდობილი არავინ ჰყავს?

დომინგო

არც ერთი კაცი,

არც ერთი კაცი მთელს მადრიდში.

ა ლ ბ ა

უცნაურია!

დომინგო

მე დამერწმუნეთ. ეზიზღება მთელი სასახლე.
მოწმე ვყოფილვარ ამ ამბისა მე არაერთხელ.

ალბა

როგორ იქნება? სწორედ ახლა მე გამახსენდა,
როცა დედოფლის სავანიდან გამოვდიოდი,
მის პაჟთან იღვა უფლისწული და საიდუმლოდ
ლაპარაკობდნენ...

პრინცესა

(სწრაფად შეაწყვეტინებს)

არა, არა! სულ სხვა რამეზე,
სულ სხვა რამეზე საუბრობდნენ.

დომინგო

საიდან ვიცით...

არა, საეჭვო არის დიდად ეს ვითარება.

(ჭერცოვს)

თქვენ იმ პაეს იცნობთ?

პრინცესა

ეს ბავშვური გართობა გახლავთ!
სხვა რა იქნება? კარგად ვიცი. საკმარისია!
მაშ, მეგობრებო, ჩვენ ერთმანეთს კიდევ ვნახავთ,
ვიდრე მეფესთან ვისაუბრებ. ამასობაში
კიდევ ბევრი რამ აღმოჩნდება.

დომინგო

(გაიყვანს კუთხეში)

მაშ ჩვენ ხელმწიფეს
იმედი ჰქონდეს? მართლა? ძალმიძს ეს მას ვაუწყო?
ან რომელ ნეტარ საათს ძალუძს, რომ აღასრულოს
მისი სურვილი? შეიძლება ახლავე მითხრათ?

პრინცესა

აქედ გავხდები ამ დღეებში; დედოფლისაგან
განმარტობენ—ასეთია ჩვენი სასახლის
ზნე-ჩვეულება, ეს თქვენც კარგად მოგეხსენებათ.
და მე დავრჩები ჩემს ოთახში.

დომინგო

მშვენიერია!

მოგებულა უდიდესი თამაში უკვე-
ჩაი დედოფალს...

პრინცესა

ჩუ! ხმა მესმის. მე მკითხულობენ.
თვით დედოფალი მიხმობს ალბათ. ახლა ნახვამდის.
(აჩქარებით გადის.)

მეცამეტე გამოსვლა

ალბა. დომინგო.

დომინგო

(პაუსის შემდეგ, რომლის დროსაც მან თვალი გააყოლა პრინცესას)
ჭერცოვო ალბა, ეს ვარდი და თქვენი ბრძოლები...

ალბა

და შენი ღმერთი... ვერ შემაკრთობს ახლა თვით მეხიცი,
რომელიც ასე გვემუქრება განადგურებით.

(გადიან.)

კარტეზიანთა მონასტერში

მეთოთხმეტე გამოსვლა

დონ კარლოსი. წინამძღვარი.

კარლოსი

(შემოდის წინამძღვართან ერთად)

მაშ ის აქ იყო? ძლიერ ვწუხვარ, რომ ვერა ვნახე.

წინამძღვარი

დღეს დილას აქეთ იგი უკვე მესამედ იყო.
ერთი საათის წინ წავიდა.

კარლოსი

არ დაბრუნდება?

ხომ არაფერი დაგაბარათ გადმოსაცემად?

წინამძღვარი

კიდევ მოვალაო შუადღემდე — ასე შემპირდა.

კარლოსი

(მიდის სარკმელთან და ათვლიერებს ადგილმდებარეობას)

ეს მონასტერი გზიდან ძლიერ შორს მდებარეობს.
იქ ჩანს კოშკები მადრიდისა, ხოლო აქეთ კი
მიმდინარეობს მანსარესი — ო, როგორ მომწონს
მე ეს ადგილი, აქ ყოველგან სიწყნარე სუფევს,
თითქოს მოცულა ყველაფერი იდუმალებით.

წინამძღოლი

და თითქოს არის შესასვლელი სხვა ცხოვრებაში.

კარლოსი

თქვენს ერთგულებას მივანდე მე, წმინდაო მამაე,
რაც ჩემთვის მეტად ძვირფასია, წმიდათა წმიდა.
დაე ვერც ერთმა მოკვდავმა ვერ გაიგოს, ვისთან
ვსაუბრობდი მე საიდუმლოდ. ძალიან ბევრი
მნიშვნელოვანი მიზეზი მაქვს, რომ განეერიდო
ქვეყნის წინაშე, იმას, ვისაც მე ველოდები;
სწორედ ამისთვის ავირჩიე ეს მონასტერი.
აქ ხომ არ უნდა გვეშინოდეს რამე ღალატის
და თავდასხმისა? თქვენ ხომ გახსოვთ, რაც შემომფიცეთ?

წინამძღვარი

მოგვიხსენით, თქვენო ბრწყინვალეზავ, მეფეთა ეპი
კრუ საფლავებში არ დაიწყებს რაიმის ძებნას.
ცნობისმოყვარე ყური კაცთა მიპყრობილია
ბედნიერების და ვნებათა კარებზე მხოლოდ.
ქვეყნის ხმაური აქ თავდება, ამ კედლებს შიგნით.

კარლოსი

იქნება ფიქრობთ, რომ ამ შიშში, ამ სიფრთხილეში
მსალებოდეს დამნაშავე სინდისი ჩვენი?

წინამძღვარი

მე არაფერსაც არა ვფიქრობ.

კარლოსი

სცდებით, მამაო,
ნამდვილად სცდებით. საიდუმლო ჩემი თრთის მხოლოდ
კაცთა წინაშე, მაგრამ ღვთის კი არ ეშინია.

წინამძღვარი

მე, ჩემო შვილო, ჩვენ გვაწუხებს ძალზე ნაკლებად.
კოდეილთათვისაც, ისე როგორც უკოდველთათვის,
ეს მონასტერი ღია არის; რაც განგიზრახავთ,
კარგია იგი თუ ცუდია, წმინდაა იგი
თუ ბიწიერი — გადაწყვიტოს შენმავე გულმა.

კარლოსი

(გულთბილად)

რისაც ჩვენ ვმალავთ, იგი თქვენ ღმერთს არ შეურაცხ-
ყოფს.

ეს თვითონ მისი მშვენიერი ქმნილება გახლავთ.
თუმცა ძალმიძს ეს თქვენც გაგიმზილოთ.

წინამძღვარი

რატომ, რისათვის?

ღამისხსენით მე მაგისაგან, ხელმწიფის შვილო.

ქვეყანას და მის სამკაულებს დიდი ხანია
გამოვეთხოვე, ახლა სხვა გზით მივემგზავრები.
და მოკლე ვადით, ჩემს წასვლამდე, ახლა რისათვის
უნდა გავტეხოთ ჩემი აღთქმა? ფრიად მცირე რამ
არის საჭირო საუკუნო ნეტარებისთვის.
ზარებს რეკავენ. სალოცავად უნდა წავიდე.
(წინამძღვარი ვადის.)

მითხუთმეტი გამოცვლა

ღონ კარლოსი. მარკიზ პოზა შემოდის.

კარლოსი

ახ, როგორც იქნა, ისევ შეგხვდი...

მარკიზი

ეს მოლოდინი
რარიგად სტანჯავს მოუთმენელ გულს მეგობრისას,
მზე უკვე ორჯერ აღმობრწყინდა და ჩაესვენა
იმის შემდეგ, რაც გადაწყვიტეს კარლოსის ბედი,
მე კი პირველად მხოლოდ ახლა მოვისმენ ამას...
მითხარ, შერიგდით?

კარლოსი

ვინ?

მარკიზი

შენა და მეფე ფილიპე.
ამასთანავე ხომ გადაწყდა ფლანდრიის საქმეც?

კარლოსი

რომ იქ ჰერცოგი ხვალე დილით გაემგზავრება? —
დიახ, გადაწყდა.

მარკიზი

არ იქნება, ვერ გერწმუნები,
მთელი მადრიდი უნდა დარჩეს მოტყუებული?

ამბობენ, თითქოს საიდუმლო აუდიენცია
ჩქონდა მეფესთან და ხელმწიფე...

კარლოსი

ვერ დავეითანხმე.

ერთუბრს დავცილდით უარესად წაკიდებულნი,
კიდრე ოდესმე ჩვენ ვყოფილვართ.

მარკიზი

მაშ ფლანდრიაში

აღარ მიღიხარ?

კარლოსი

არა! არა!

მარკიზი

ვაი ჩემს იმედს!

კარლოსი

ეს სხვათა შორის. ო როდრიგო, რაც შენ დავცილ
რა არ ვიგრძენ და განვიცადე მე იმის შემდეგ!
მაგრამ ჯერ რჩევა უნდა გკითხო! მე უნდა იმას
ეელაპარაკო...

მარკიზი

ვის? დედაშენს?.. არა!.. რისათვის?

კარლოსი

მე იმედი მაქვს... შენ ფიორდები? დამშვიდდი, მარ
სე ბედნიერი უნდა ვიქნე, ვიქნები კიდევ...
მაგრამ ამაზე შემდეგ ვეტყვი. მირჩიე ახლა,
ერთ შევძლო მასთან საუბარი.

მარკიზი

ეს რაღას ნიშნავს?

რის ემყარება ეს ახალი შენი ოცნება?

კარლოსი

ზენაარს ვფიცავ, ეს არაა ოცნება მხოლოდ!
ეს სიმართლეა, სინამდვილე, ჭეშმარიტება!
(ამოიღებს მეფის წერილს პრინცესა ებოლისადმი)
ამ მნიშვნელოვან ფურცელშია ის დამალული!
აწ დედოფალი არის უკვე თავისუფალი,
თავისუფალი ზეცისა და კაცთა წინაშე.
ჰა, წაიკითხე და შეწყვიტე ეგ განცვიფრება.

მარკიზი

(ხსნის წერილს)

ამას რას ვხედავ? თვით ხელმწიფის ხელით ნაწერი?
(წერილის წაკითხვის შემდეგ)
ვის სწერს ამ ბარათს?

კარლოსი

ვის? — პრინცესას. დედოფლის პაემა
გუშინწინ ჩემთან მოიტანა ერთი ბარათი,
უცნობი ხელით დაწერილი, და გასაღებიც.
მე მანიშნებდნენ, რომ სასახლის მარცხენა ფრთაზე,
იქ, სადაც ცხოვრობს დედოფალი, კაბინეტია,
იქ მელის ერთი ბანოვანი, ვინც ძლიერ მიყვარს,
და მეც მაშინვე მივყევი ნიშანს.

მარკიზი

გიჟო, წახველი?

კარლოსი

ხელი ვერ ვიცან დამწერისა. ვიცნობდი მხოლოდ
ერთ ასეთ ასულს. ვის შეეძლო, თუ არა იმას,
თავისი თავი მიეჩნია კარლოსის სატრფოდ?
ნეტარებისგან რეტდასხმული მიეჭროდი იქით;
უეცრად მესმის ოთახიდან ღვთიური ჰანგი,
სიმღერა იგი წინ მიმიძღვის... კარი შევალე...
და ვისა ვხედავ?.. იგრძენ ჩემი საშინელება!

მარკიზი

ო, შე ებოლფერს ვხედები ახლა.

კარლოსი

ველარაფერი

ეგრე დამიხსნიდა სამუდამო დაღუპვისაგან,
რომ ანგელოზის ხელებში არ მოვხვედრილიყავ-
რა უბედური შემთხვევაა! ჩემი თვალების
დაუდევარი ენისაგან მოტყუებული,
იგი მიეცა ტკბილ ცდუნებას იქამდისაც კი,
რომ თავის თავი მიიჩნია ამ მზერის კერპად.
ადილეტული ჩემი სულის მშვიდი ტანჯვისგან,
დიდსულოვნურად, განუსჯელად ალაპარაკდა
მისი გული და სიყვარული გამომიციხადა.
თაყვანისცემამ მე დუმილი მიბრძანა, მას კი
გამხედლობა აღმოაჩნდა მის დასარღვევად —
და ჩემს წინაშე გადაშალა ლამაზი სული...

მარკიზი

და შენ კი ამას ასე მშვიდად მომიტხოვრობ ახლა? —
მან გამოგიცნო, შენ სულს ჩასწვდა, უეპველია,
ის ჩასწვდა შენი სიყვარულის საიდუმლოსაც.
შენ ის საშინლად შეურაცხეავ. იგი კი მეფის
მზრძანებელია.

კარლოსი

(დარწმუნებით)

ის სათნოა.

მარკიზი

სათნოა იგი

მხოლოდ თავისი სიყვარულის ანგარებისგან...
ამ სათნოებას კარგად ვიცნობ და მეშინია;
როგორ შორსაა ებოლი იმ იდეალისგან,
რაც სულიერი, დედობრივი საფუძველიდან

წასახულია მშვენიერ და ამაყ გრაციად,
და თავისუფლად, თვით მეზღის დაუხმარებლად
იზრდება, ჰყვავის, იფურჩქნება. ეს უცხო რტოა,
ყალბი სამხრეთის მკაცრ ჰაეაზე რომ აღიზარდა.
აღზრდას თუ პრინციპს, როგორც გინდა, უწოდე ამას
და ქვეყანაზე მოპოვებულ უმანკოებას,
რომელსაც სისხლმა მიაღწია უმძიმეს ბრძოლით
და ცბიერებით, მიაწერენ სამართლიანად
ზეცას, რომელიც სთხოვს და უხდის მას ერთნაირად.
თვითონ დაფიქრდი! აპატიებს განა ოდესმე
იგი დედოფალს, რომ საკუთარ ბრძოლით მოხვეჭილ
ამ სათნოებას ჩაუაროს ვაჟკაცმა ახლოს
და იგი მაინც დონ ფილიპეს მეუღლისათვის
მთლად უიმედო სიყვარულის ცეცხლით იწვოდეს?

კარლოსი

პრინცესას ასე კარგად იცნობ?

მარკიზი

ო, სულაც არა!
მე იგი მხოლოდ ორჯერ ვნახე. მაგრამ ჯერ კიდევ
ეს ერთი სიტყვა მათქმევინე: მე მომეჩვენა,
რომ კარგად შესძლო მან აშკარა ცოდვის მიჩქმალვა,
კარგად იცოდა მან თავისი უმანკოებაც.
შემდეგ მე ვნახე დედოფალიც. ო ჩემო კარლოს,
როგორ სულ სხვაა ყველაფერი, რაც აქ შევნიშნე!
მშვიდ და ბუნებით თანდაყოლილ სიდიადეში,
იგი, არმცნობი უზრუნველი ქარაფშუტობის
და კაცთ ზრდილობის ზომიერი ანგარიშისა,
გამბედაობის და შიშისგან ერთგვარ მანძილით
დაშორებული, გმირული სვლით მიემართება
ადამიანთა ჩვეულებების ვიწრო ბილიკზე
და არც კი იცის, რომ, ვით ქალღმერთს, იქ თაყვანს
სცემენ,

სად მოწონებაც კი არასდროს დასიზმრებია.
ჩემი კარლოსი ამ სარკეში თუ გამოიცინობს
პრინცესას სახეს? ის მხნედ იდგა, რადგან უყვარდა;
თვით სიყვარული იყო იმის სათნოებაში
შიგ ჩაქსოვილი, ვით პირობა გარდაუვალი.
ახლა კი იგი შენ უარჰყავ—ის დაეცემა.

კარლოსი
(ოდნავი გაცხარებით)

ო, არა! არა, გეუბნები.

(აღლევებული დაიარება წინ და უკან)

ჩემმა როდრიგომ
ნეტავ იცოდეს, ვით არ შევნიშნე, რომ მან კარლოსი
გაქურდოს ახლა ამ ღვთაებრივ ნეტარებისგან,
მოპაროს რწმენა ადამიანთ სრულქმნილებაზე!

ლორინჯიანი,
სმარკიზი

მე ვიმსახურებ ამ საყვედურს? — არა, ძვირფასო,
ეს არა მსურდა, ვფიცავ ღმერთსა, ზეცაში მყოფელს! —
ო, ეს ებოლი — იყოს მართლაც თუნდ ანგელოზი,
მეც მის წინაშე შენებრ კრძალვით დავემხობოდი,
ოლონდაც შენი საიდუმლო მას არ გაეგო.

კარლოსი

ეს შენი შიში ამოა! თუ აქვს რაიმე
სხვა საბუთები, გარდა ამის, რაც მასვე არცხვენს?
ნუთუ იყიდის იგი თვისი პატიოსნებით
შურისძიების ამ მწუხარე სიამოვნებას?

მარკიზი

სირცხვილისაგან გაწითლების ასაცილებლად,
ბევრმა ხომ უკვე თვით ამ სირცხვილს ამსხვერპლა თავი-

კარლოსი
(გაცხარებით წამოდგება)

არა, ეს ძალზე სასტიკია და ულმობელი!
უბოლი მეტად ამაყია, კეთილშობილი;
მას კარგად ვიცნობ და არაფრის არ მეშინია.
ამაოდ ცდილობ, შეარყიო ჩემი იმედი.
მე მსურს დედაჩემს ვესაუბრო.

მარკიზი

ახლა? რისათვის?

კარლოსი

ამიერიდან აღარავის არ შევიცოდებ...
უნდა გავიგო ჩემი ბედი. იზრუნე მხოლოდ,
როგორ შევიძლო მისი ნახვა.

მარკიზი

და ეს წერილიც
გინდა აჩვენო? ნამდვილად გსურს?

კარლოსი

ნუ მკითხავ მაგას.
საშუალება გამოძებნე, საშუალება,
რომ მას შეეხვდე და ვესაუბრო!

მარკიზი
(მრავალნიშვნელოვნად)

შენვე არ მითხარ,
რომ ვლდედაშენი ძლიერ გიყვარს?.. ნუთუ შენ გინდა,
რომ ეს ბარათი მას აჩვენო?
(კარლოსი ძირს იკურება და სდუმს.)

მე შენს სახეზე

ჩემთვის სრულიად რაღაც ახალს, უცხოის ვკითხულობ,
რაც ღღემდე ჯერ არ შემინიშნავს.— თვალსაც მარიდებ?

და მერე რატომ მარიდებ თვალს? მაშ მართალია?
მაშ მე ნამდვილად წავიკითხე? აბა, მაჩვენე...

(კარლოსი მისცემს წერილს. მარკიზი მას დახვეს)

კარლოსი

რა? შეიშალე?

(ზომიერი გრძობიერებით)

ღიას, მართლაც, — გამოგიტყდები

ბარათი ჩემთვის იყო დიდად მნიშვნელოვანი.

მარკიზი

ასე გეგონა. მეც ამიტომ დავხიე იგი.
მარკიზი გამგმირავი თვლით უყურებს პრინცს, რომელიც მას სასოწარ-
კვეთილი შესცქერის. ხანგრძლივი დუმილი)

მაგრამ მითხარ, რა საერთოა შენს სიყვარულს და
ჩემი დედოფლის სარეცელის შებლაღვას შორის?
ან ფილიპე ხომ არ გაშინებს? როგორ იქნება,
რომ მაგ გაბედულ შენს იმედებს დაუკავშირდეს
მეუღლის მიერ დარღვეული მოვალეობა?
მან იქ შესცოდა, სად შენ გიყვარს? ახლა კი კარგად
გაგიცან მე შენ; აქამდე კი რა ძლიერ ცუდად
მესმოდა შენი სიყვარული, ძვირფასო კარლოს!

კარლოსი

როგორ, როდრიგო? რასა ფიქრობ?

მარკიზი

აწ კარგად ვიცი,
თუ რაზეც უნდა ვთქვა უარი. უწინ კი, უწინ
სხვაგვარად იყო ყველაფერი. შენ მაშინ იყავ
ერთობ მდიდარი და ცხოველი სულის პატრონი!
სთელი სამყარო ეტეოდა შენს ფართო გულში.
ახლა კი გაქრა ყველაფერი, ის შთანთქა ვნებამ
და საცოდავმა ანგარებამ შენი გულისამ,
სთლად გაპარტახდა ახლა იგი. მას აღარ ძალუძს

Handwritten signature

ერთი ცრემლიც კი, ერთი ცრემლი გამომიშეტოს
პროვინციელთა მწარე ბედის დასატირებლად.
ო კარლოს, როგორ დაგლახაკდი შენ იმის შემდეგ.
როცა საკუთარ თავის გარდა აღარვინ გიყვარს.

კარლოსი

(ჩაეშვება სავარძელში... პაუზის შემდეგ, ძლივს იმაგრებს ცრემლებს)
ვიცი, რომ პატივს აღარა მცემ.

მარკიზი

არც ასე, კარლოს!
მე ამ აღზნებას კარგად ვიცნობ, ეს იყო მხოლოდ
დაბნეულობა კეთილშობილ შენთა გრძნობათა.
შენ გმკუთვნოდა დედოფალი, წარგტაცა მეფემ...
შენ კი უფლებებს შენსას დღემდე არ ენდობოდი.
იქნებ ფილიპე იყო ღირსი ამ უფლებათა?
მხოლოდ ხმადაბლა ძლივს წარმოსთქვი აწ შენი მსჯავრი-
საქმე წერილმა გადაწყვიტა. შენ ღირსი იყავ.
აწ კი ზვიადი აღტაცებით ამოიკითხე
მტაცებლობაში მხილებული ტირანის ბედი.
ილხენდი, რაკი დაჩაგრულად იგრძენი თავი,
უსამართლობის მოთმინება დიად სულს ხიბლავს,
მაგრამ აქ კი შენს ფანტაზიას გზა აებნია.
კმაყოფილება იგრძნო შენმა სიამაყემ და
შენი გული კი დაიმედდა; შეხე, მცოდნია
იგი, რაც ახლა შენ თვითონვე არც კი გესმოდა.

კარლოსი
(აღვლევბული)

არა, როდრიგო, ძლიერ სცდები. ასე ძალიან
კეთილშობილი არ ყოფილა ფიქრები ჩემი,
როგორც შენ გინდა დამარწმუნო.

მარკიზი

განა მე ასე
ცუდიად ვიცნობ შენ? თვითონ ხედავ, ძვირფასო კარლო
როდესაც გზიდან გადასაცდები, ყოველთვის ვცდილობ,
რომ შენს ასეულ სიკეთიდან გამოვარჩიო.
ერთი და იმას დავაბრალო შეცდომა შენი.
ახლა კი, მგონი, უკეთ გვესმის ერთმანეთისა.
დე ასე იყოს! დედოფალთან შენ ისაუბრებ.

კარლოსი

როგორ ვწითლდები შენს წინაშე.

მარკიზი

მე სიტყვა მოგეც.
«წ ყველაფერი წარმომიდგა სულ სხვანაირად.
ჩემს ფანტაზიას ერთი აზრი წარმოესახა:
გასაოცარი, ჭკვიანური და გაბედული. —
შენ მას მოისმენ მშვენიერი ბაგეებისგან.
დიახ, მივალწევ დედოფლამდე და შეიძლება
ხვალვე გაცნობო ყველაფერი ამის შესახებ.
მანამდე კი შენ, ჩემო კარლოს, არ დაივიწყო,
რომ «გეგმა, მაღალ გონებისგან მოფიქრებული,
კაცთა ვნებებმა რაც არ უნდა შეავიწროვონ,
ათიათასჯერ სცადონ მისი განადგურება,
არ შეიძლება უკუუვაგდოთ!» — გესმის თუ არა?
მუდამ გახსოვდეს შენ ფლანდრია!

კარლოსი

და ყველაფერი,
რასაც მაღალი სათნოება და შენ მიბრძანებთ.

მარკიზი

(მიდის ფანჯარასთან)

ღრო დაგვიმთავრდა. მესმის, შენი ამაღა მოდის.
(ერთმანეთს ეხვევიან)
ახლა შენ ისევ პრინცი ხარ და მე — ქვეშევრდომი.

კარლოსი

მაშ შენ ახლავე ქალაქისკენ გაემგზავრები?

მარკიზი

ახლავე წავალ.

კარლოსი

მომისმინე ეს ერთი სიტყვა! თქმა კინალამ არ დამავიწყდა. ერთი ძალიან მნიშვნელოვანი ცნობა გახლავს: ნიდერლანდებში გასაგზავნად წერილთ ხელმწიფე ხსნის. ფრთხილად იყავი! ვიცი, რომ ფოსტას სამეფოსას ნაბრძანები აქვს...

მარკიზი

საიდან იცი?

კარლოსი

დონ რაიმონდ ფონ ტაქსის ჩემი მეგობარია გულითადი.

მარკიზი

(რამდენიმე ხნის დუმის შემდეგ)

რალა იქნება!

მაშინ წერილებს გაგაგზავნით გერმანიაზე.

(გადიან სხვადასხვა კარიდან.)

მესამე მოქმედება

მეფის საწოლი ოთახი

პირველი გამოცვლა

ამას მაგიდაზე ორი სანთელი ანთია. ოთახის სიღრმეში სძინავს მუხლზე დახრილი რამდენიმე პაუხ. ცალი ხელით სავარძელზე დაყრდნობილ მხრედ გახდილი მეფე ჩაფიქრებული დგას მაგიდასთან, მის წინ აწეულ მელაღიონი და ქალაღლები.

მეფე

არ მეეჭვება, მეოცნებე რომ იყო წინათ!

შე დედოფლის გულს სიყვარული ვერ შთაუწერგე.

ნუთუ ოდესმე იგი ამას საჭიროებდა?

აჲ კი ჩანს, რომ ის ცბიერია.

მეფისად ამოძრავდება და გამოერკვევა. გაცვებული მალა თავს ასწ

სად ვიყავ ახლა?

ნუთუ ირავინ აღარ ფხიზლობს აქ მეფის გარდა?

როგორ? ჩამწვარა ნუთუ უკვე ყველა სანთელი?

უკვე გათენდა? გარდასულა მაშ ჩემი ძილიც.

აჲ, ბუნებავ, ნამდვილ ძილად მიიღე ესეც.

აჲ, ხელმწიფეს იმისათვის სადა სცალია,

რომ დაკარგული ლამეები დაიბრუნოს მან.

ფაე გათენდეს, რადგან მღვიძავს.

(სანთლებს ჩაქრობს და გასწევს სარკმლის ფარდას, წინ და უკან სიარულის დროს შეამჩნევს მძინარე ბიჭებს და რამდენიმე ხანს მღუშარედ უცქირის მათ. შემდეგ რეკავს)

იქნება ახლა
წინა დარბაზშიც ასე სძინავთ?

მეფე გამოსვლა

მეფე. გრაფი ლერმა.

ლერმა

(გაოცდება, მეფეს რომ დაინახავს)

ჩემო ხელმწიფევე? ცუღად ბრძანდებით,

მეფე

იქ, მარცხენა პავილიონში
სინათლე ენთო. ხმაურობა ხომ არ გსმენიათ?

ლერმა

არა, ხელმწიფევე.

მეფე

როგორ არა? მაშ დამესიზმრა?
არ შეიძლება, ეს შემთხვევით რომ მომხდარიყო.
იმ კუთხეში ხომ დედოფალი იძინებს ხოლმე?

ლერმა

დიახ, ხელმწიფევე!

მეფე

ეს სიზმარი ძალიან მზარავს.
გააორმაგეთ იქ დღეიდან გუშაგთა რიცხვი,
გესმით? მაშინვე, რაწამსაც კი შემოლამდება.
გამომცდელ თვალთ რად მიცქერით?

ლერმა

მე კარგად ეხებავ
ანთებულ თვალებს, მოსვენებას რომ თხოულობენ.
ძალმიძს გავებდო, გაგახსენოთ ჩვენთვის ძვირფასი
თქვენი სიკოცხლე, გაგახსენოთ ხალხები თქვენი,
რომელნიც ფრთხილი განცვიფრებით წაიკითხავენ
მეფის სახეზე ამ უძილო ლამეების კვალს...
რომ მოგესვენათ ორიოდ საათით მაინც...

მეფე

(დაბნეული ძხვრით)

ძილს, მოსვენებას მე ვიპოვი ესკურიალში...
როს მეფეს სძინავს, შეიძლება დაკარგოს ამით
თვისი გვირგვინი და, ვით ქმარმა, მეუღლის გულიც.
არა! ესაა მამბეზლობა, ცილისწამება!
განა ის თვითონ დედაკაცი არ იყო, ვინც მე
ამბავი ესე ჩამჩურჩულა? ყველა დედაკაცს
ცილისწამება ჰქვია მხოლოდ. ამ დანაშაულს
ვერ დავიჯერებ, ვიღრე კაცი არ დამიმტკიცებს.

(პაჟს, რომელმაც ამ დროს გამოიღვიძა)

მოუხმეთ ჰერცოგს!

(პაჟი გადის)

გრაფო ლერმა, მომიახლოვდით!

ეს მართალია?

(შეჩრდება და გამომცდელი თვალთ დააკვირდება გრაფს)

ნეტავ ვიყო თუნდ ერთი წამით
გულთამხილავი!.. შემომფიცეთ, მართალი არის?
მაშ მომატყუებს? მომატყუებს? ეს მართალია?

ლერმა

ჩემო ძვირფასო, დიდო მეფევე..

მეფე

მეფე და მეფე!
მხოლოდ მეფე და კიდე მეფე! სხვა უკეთესი
პასუხი ნუთუ არაფერი მოგეპოვებათ
ამ ცარიელი ეჭოს გარდა? მე ვურტყამ კლდესა
და წყალს ვთხოულობ, გესმით, წყალსა! — წყურვილი
მანჩრობს...
კლდე კი წყლის ნაცვლად მოვარგარე ოქროს მთავაზობს.

ლერმა

რა უნდა იყოს, ჩემო მეფევ, ნეტავ მართალი?

მეფე

ო, არაფერი, არაფერი. დამტოვეთ, წადით!
(გრაფს სურს წავიდეს. მეფე ავლავ უკან მოუხმობს.)
ცოლიანი ხართ? შეიღებოც გყავთ?

ლერმა

დიახ, ხელმწიფევ.

მეფე

მაშ ცოლი გყავთ და მაინც ბედავთ, რომ მთელი ღამე
თქვენს ხელმწიფესთან გაათიოთ? ეგ თმა ვერცხლისფრად
გაგთეთრებიათ და სირცხვილით არც კი წითლდებით,
რომ ერწმუნებით ერთგულებას თქვენი ცოლისას?
წაბრძანდით შინ და იქ იხილავთ მეუღლეს თქვენსას
სისხლით შერეულს თვით თქვენივე საკუთარ შეილთან.
წადით, ერწმუნეთ თქვენს ხელმწიფეს... რატომ

განცვიფრდით?

იქნებ იმიტომ, რომ ჭალარა თმას მეც ვატარებ?
ქკუაზე მოდით, უბედურო! თვის სათნოებას
არ შებღალავენ დედოფლები ასე ადვილად.
ვაი თქვენ, თუკი დაეჭვდებით...

ლერმა

(გაცხარებით)

და ეს ვის ძალუქს?

ჩემი ხელმწიფის სამეფოში ვინაა ასე
უტიფარი და კადნიერი, გესლიან ეჭვით
ანგელოზისებრ სათნოებას რომ გაეკაროს?
რომ საუცხოო დედოფალი...

მეფე

საუცხოოო?

მაშ, გრაფო ლერმა, ის თქვენთვისაც საუცხოოა?
ეხედავ, ჰყოლია მეგობრები ჩემს ამალაშიც.
ეს ძვირად უნდა დასჯდომოდა მას, მეტად ძვირად, —
იმაზე მეტად. ვიდრე ძალუქს გაცემა თვითონ.
გათავისუფლებთ... შემოვიდეს ჰერცოგი ალბა.

ლერმა

წინა დარბაზში უკვე მესმის ფეხის ხმა მისი.
(ენზადება წასასვლელად)

მეფე

(შერბილებული კილოთი)

გრაფო, რაც წელან შემამჩნიეთ, მართალი იყო.
ღამის გატებით თავი მიხურს... გთხოვთ დაივიწყოთ,
რასაც ვბოდავდი ცხად სიზმარში. გესმით თუ არა?
გთხოვთ დაივიწყოთ... მე ვარ თქვენი მოწყალე მეფე.
(იქლს გაუწვდის სამთხვევად. ლერმა მიდის და კარს უღებს ჰერცოგ ალბას.)

მესამე გამოცვლა

მეფე და ჰერცოგი ალბა.

ალბა

(უაზლოვდება ხელმწიფეს უნდობლად)

ბრძანება ჩემთვის ასე ძლიერ მოულოდნელი
დი შერე ისიც ასე ფრიად უჩვეულო უამს.
(შეკრთება, როდესაც მეფეს დააკვირდება.)

ეგ თქვენი სახე...

მეფე

(დაჯდება და მაგიდიდან მედალიონს აიღებს. დიდხანს უცქერის ჰერცოგს მდუმარედ)

მართალია? მაშ მართალია?
ალარავინ მყავს მე ერთგული მსახური?

ალბა
(დგას შეძრწუნებული)

როგორ?

მეფე

ო, მე საშინლად შეურაცხევეს... სხვებმა იცოდნენ და მე კი არავინ გამაფრთხილა!

ალბა
(გაოცებით)

მაშ შეურაცხევენ ჩემი ხელმწიფე და ეს ჩემ თვალს გამოეპარა?

მეფე
(უჩვენებს ბარაას)

იცნობთ თქვენ ამ ხელს?

ალბა
დონ კარლოსის ნაწერი გახლავთ.

მეფე

(პაუზა, რომლის დროსაც მეფე ჰერცოგს დაჟინებით აცქერდება)
და ახლაც კიდევ ვერ მიმხვდარხართ მაინც ვერაფერს? თქვენ მაგონებდით შვილის პატივმოყვარეობას და მაფრთხილებდით, მაგრამ ნუთუ ეს იყო მხოლოდ, რისაც მე უნდა მშინებოდა?

ალბა

მაგ სიტყვას დიდი მნიშვნელობა აქვს და ჩვენ ძალგვიძს დაუსრულებლად მასში ბევრი რამ ვიგულისხმოთ.

მეფე

მაშ დაწვრილებით სხეის ველარაფერს გამიმელავენებთ?

ალბა

ჩემო ხელმწიფე, ეს სახელმწიფო თქვენ მიანდით სიფხიზლეს ჩემსას და მის წინაშე მოვალეც ვარ ჩემი შორსმჭვრეტელ ქუთით და ცოდნით. მაგრამ ის კი, რასაც მე ვხვდები ვფიქრობ თუ ვიცი, მხოლოდ ჩემი საკუთრებაა. ეს უწმინდესი ქონებაა, რაც ნაყიდ მონას, ისე ვით ვასალს, შეუძლია დამალოს ჩუმად ამ დედამიწის მეფეთაგან და უფლებაც აქვს... ჯერ ყველაფერი, რაც ცხადია ჩემი სულისთვის, ჩემი მეფისთვის საკმაოდ არ მომწიფებულა. და თუ მას მაინც სურს დამკითხოს, მე უნდა ვთხოვო რომ არა მკითხოს, როგორც მეფემ.

მეფე
(აძლევს წერილს)

ჰა, წაიკითხეთ.

ალბა

(წაკითხვის შემდეგ შეზინებული შეხედავს მეფეს)
ნეტავ ვინ იყო აგრე შმაგი, რომ საშინელი ბარათი ესე ჩემი მეფის ხელებს გადმოსცა?

მეფე

როგორ? მაშ იცით, შინაარსი ვისაც გულისხმობს? მგონი, სახელი შიგ არაა მოხსენებული.

ალბა
(შემკრთალი უკან დაიხვეს)

ძალზე ვიჩქარე.

მეფე

მაშ თქვენ იცით?

ა ლ ბ ა
(რამდენიმე ხნის ფიჭვის შემდეგ)

მეფე მიბრძანებს—ალარ ძალმძის უკან დახვეა...
ველარ ვიცრუებ... დიახ, ვიცნობ ამ პიროვნებას.

მ ე ფ ე

(წამოდგება საშინელი მოძრაობით)

ო, შემეწიე, შურისგების სასტიკო ღმერთო,
რომ მოვიგონო სასიკვდილო ტანჯვა ახალი...
ისე აშკარად, ისე ცხადად სკოდნია ყველას,
რომ თვალის ერთი გადავლებაც საკმარისია,
წამსვე ხედებიან ყოველგვარი კვლევის გარეშე;
მეტისმეტია, არ ვიცოდი მე ეს აქამდე!
დღესღა შევიტყვე მე ყველაზე უკანასკნელმა!
უკანასკნელმა თვალუწვდენელ ჩემს სამეფოში...

ა ლ ბ ა

(დაემზობა მეფის წინ)

დამნაშავე ვარ, მოწყალეო ჩემო ხელმწიფე,
მრცხვენია ჩემი მხდალი ჭკუის, რომელიც ღუმელს
მირჩევდა მე იქ, სადაც მეფის პატიოსნება,
ჭეშმარიტება და სიმართლე ვალადა მდებდა
მე თქვენს წინაშე გაბედულად ამეტყველებას.
რადგან ყველა სდუმს და რადგანაც ყოველ მამაკაცს
ენა დაუბა ჯადოსნურმა მშვენიერებამ,
მაშინ გავბედავ მოგახსენოთ, თუმც ისიც ვიცი,
რომ თქვენი შვილის შემპარავი ფიცი, რწმუნება,
რომ ჯადოსნური, მომხიბლავი მშვენიერება
და ცხარე ცრემლი დედოფლისა...

მ ე ფ ე

(სწრაფად და ცხარედ)

აღექით ფეხზე,
მეფური სიტყვა მომიცია... აღექით ფეხზე.
ილაპარაკეთ გაბედულად.

ა ლ ბ ა
(წამოდგება)

ჩემო ხელმწიფე,
იქნება გახსოვთ ის შემთხვევა, არანახუვის
ხალში რომ მოხდა. დედოფალი იქ მარტო ჰპოვეთ,
სრულიად მარტო, სეფე ქალთგან მიტოვებული,
შორს, განაპირა ხეივანში, დაბნეულ სახით...

მ ე ფ ე

ჰა! რას მოვისმენ ნეტავ კიდევ? განაგრძეთ, ალბა!

ა ლ ბ ა

თქვენ მონღეკარი გააძვევთ სახელმწიფოდან,
რადგან აღმოჩნდა იგი ისე დიდსულოვანი,
რომ აჩქარებით შეეწირა დედოფალს მსხვერპლად...
ახლა შევიტყვეთ ყველაფერი... მარკიზას თურმე
ჩაუდენია ეს დედოფლის ბრძანებისამებრ.
ხელმწიფის შვილი იქ ყოფილა,

მ ე ფ ე

(წამობტება საშინელი სახით)

იქა ყოფილა?

მამასადამე...

ა ლ ბ ა

კაცის კვალი ნახეს სილაზე.
იგი დაიწყო ხეივანში მარცხენა მხარის
შესასვლელიდან და მღვიმესთან გაუჩინარდა,
სადაც იპოვეს ხელმანდილი უფლისწულისა
და ეტეიც წამსვე სწორედ ამან გამოიწვია.
მეხალე შეხვდა ხელმწიფის შვილს სწორედ იმავე დროს,
სწორედ იმ წუთას, როცა თქვენი უდიდესობა
ის ხეივანში შემოვიდა.

მეფე
(მწუხარე ფიქრებიდან გამორკვეული)

ის კი ატირდა,
როცა შევხედე გაცვებით! და გამაწითლა
მან მე სირცხვილით თვით ჩემივე ამალის წინა.
ჩემი თავისა შემრცხვა მაშინ... ო ღმერთო ჩემო!
განსჯილი ვიდექ მე დედოფლის სათნოების წინ.
(ხანგრძლივი და ღრმა დუმილი. მეფე დაჯდება და სახეს ხელბში
ჩამალავს.)

დიახ, ჰერცოგო... მართალი ხართ... ამ ამბავს ძალუძს
მე საზარელი საქმე რალაც ჩამადენინოს,
მარტო დამტოვეთ ერთი წუთით.

ა ლ ბ ა

ჩემო ხელმწიფე,
ეს თავისთავად ჯერ მთლიანად ვერა სწყვეტს საქმეს.

მეფე
(ხელს სტაცებს ქალადღებს.)

მაშ ესაც არა? ესაც არა? არც ხმამალალი
შეთანხმებული ლალადი ამ წყეულ საბუთთა?
ო, ეს ამბავი ნათელ დღეზე უნათლესია.
კარგა ხანია მე ვიცოდი ეს წინასწარვე.
ეს შეცოდება დედოფალმა დაიწყო მაშინ,
როს თქვენი ხელით ჩამაბარეთ მადრიდში იგი.
მახსოვს, რარიგად შემკრთალმა და გაფითრებულმა
ჩემს ჭალარაზე შეაჩერა მან თვისი მზერა.
მაშინ დაიწყო ეს თამაშიც ესოდენ ყალბი!

ა ლ ბ ა

ხელმწიფის შვილმა ახალგაზრდა დედინაცვალში
მსხვერპლად გაწირა სანუკველი საცოლო თვისი,
სურვილით იყვნენ თავიდანვე შეერთებულნი,
ერთიმეორეს გულმხურვალედ თანაუგრძნობდნენ,
რაც აუტრძალა ვითარებამ ახლად შექმნილმა.

მაგრამ დამარცხდა შიში მალე, შიში, რომელიც
მუდამ თანა სდევს გრძნობის პირველ აღიარებას,
და ამეტყველდა მაცთურობა უფრო თამამად,
მათთვის ახლობელ სურათების მოგონებებში.
შეთანხმებულნი ასაკით და შეხედულებით,
ძალმომრეობით ერთნაირად აღშფოთებულნი
ვნებათა დეღვას გაბედულად დაემორჩილნენ;
მათ სიყვარულს ხომ პოლიტიკამ მოუღო ბოლო.
ვინ დაიჯერებს, ხელმწიფეო, რომ დედოფალი
სამეფო საბჭოს იმ უფლებას მეტ პატივსა სცემს,
რაც ვნებათ დეღვას, აუხორცობას შეავიწროვებს?
და დაათვას კაბინეტის არჩევნებს უფრო?
ის აქ სიყვარულს მოელოდა, მაგრამ მიიღო
მხოლოდ გვირგვინი.

მეფე

(შეურაცხავილი, გამწარებით)

ძლიერ, ძლიერ ბრძნულადა მსჯელობთ,
ჰერცოგო ალბა, და ეგ თქვენი მჭერმეტყველება
ძალზე მაცუებს. დიდად გმადლობთ.

(ადგება, ცივად და ამყად)

თქვენ მართალი ხართ,

დიდად შესცოდა დედოფალმა, რომ ამ ბარათის
შინაარსი არ გამომხილა და დამიმალა
არანხუესის ბალში პრინციის გამოცხადება.
კრუ სულგრძელობამ შეცოდება ჩაადენინა.
მე თვითონ დავსჯი ამის გამო.

(ხარს რეკავს)

ვინაა კიდევ

წინა დარბაზში?—თქვენ კი ახლა, ჰერცოგო ალბა,
ალარ მჭირდებით, გთხოვთ წაბრძანდეთ.

ა ლ ბ ა

იქნება ჩემი

ჩუღმოდგინებით გავაბრაზე მეორედ კიდევ,
სიფეო, თქვენი ხელმწიფური უდიდესობა?

მეფე
(პაუს, რომელიც შემოდის)

დაე დომინგო შემოვიდეს.

(პაუზი გადის)

შეგინდობთ, ალბა,
მას, რომ მე თითქმის ორი წუთის განმავლობაში
შაიძულვდით მშინებოდა დანაშაულის,
რაც შეიძლება მომხდარიყო თქვენს წინააღმდეგ.
(ალბა გადის.)

მომთხე გამოსვლა

მეფე- დომინგო.

მეფე

(რამდენჯერმე გაივლ-გამოივლის, რომ გრძნობა მოიკრიბოს)

დომინგო

შენი დის ჰერცოგის წასვლიდან რამდენიმე წუთის შემდეგ. მიუახლოვდება
მეფეს და რამდენიმე ხანს მდუმარედ უპვერტს)

რარიგად მიკვირს და მახარებს, ჩემო ხელმწიფე,
ასე მშვიდსა და მხნეს რომ გხედავთ.

მეფე

ძალიან გიკვირთ?

დომინგო

განგებას ვმადლობ, ჩემი შიში რომ არ გამართლდა,
საფუძვლიანი არ ყოფილა. ახლა მით უფრო
შევძლებ იმედი ვიქონიო.

მეფე

თქვენი შიშიო?

შერედა, რისი გეშინოდათ?

დომინგო

ჩემო ხელმწიფე,
მე აღარ ძალმიძს დაგიმალოთ, არა, არ ძალმიძს...
მეც ვიცი ერთი საიდუმლო.

მეფე
(პირქუშად)

როდის ვისურვე

მაგ თქვენი რაღაც საიდუმლოს გაზიარება?
ვის შეუძლია მეტიჩრულად ეგ გამიბედოს?
თახედლობაა, სინდისს ვფიცავ!

დომინგო

ჩემო ხელმწიფე,

შემთხვევა იგი და ადგილი, სად ეს შევიტყვე,
მდგომარეობა, პირობები, რომელთ მიზეზით
გავიგე მე ეს, თავიდან მხსნის მაგ დანაშაულს.
აღსარებაში გამიმელავენეს, გამანდეს, როგორც
კოდვა, რომელიც გამმელავენებლის გრძნობიერ სინდისს
ტვირთად აწვა და ეძიებდა შენდობას ღვთისგან.
ახლა პრინციესა გვიან ნანობს თავის საქციელს,
არც უსაფუძვლოდ შიშობს იგი, რომ შეიძლება
ამ ამბავს მოჰყვეს საშინელი შედეგი მისი
ღედლოფლისათვის.

მეფე

ნუთუ მართლა? კეთილი სული...

თქვენ კარგად მიხვდით, ძალზე კარგად, რისთვისაც
გიხმეთ...

გამომიყვანოთ უნდა თქვენ მე ამ ჯურღმულიდან,
სადაც ჩამავლო ესოდენ ბრმა ეჭვიანობამ.
თქვენგან სიმართლეს ველოდები. მაშ გულახდილად
მითხარით ახლა, რა ვიფიქრო, რა გადავწყვიტო?
თქვენებრ ღვთისმოსავს სიმართლის თქმა მოეთხოვება.

დომინგო

თუნდაც მე ჩემი წმინდა, ტკბილი მოვალეობა
შებრალვას და პატივას არ მდებდეს ვალად,
შაინცა გათხოვდით, ჩემო მეფე, უმორჩილესად,
უმორჩილესად გათხოვდით თქვენი სიმშვიდისათვის,

აღუშფოთებლად შეხვედროდეთ ამ გამხილებას
და არ დაგეწყოთ საიდუმლოს გამოძიება,
რაც თქვენთვის სულაც არ იქნება სახარბიელო.
აწ რაც იციან, შეიძლება შენდობილ იქნას.
ოღონდაც მეფემ ერთი ბრძანოს და დედოფალი
კვლავ უტოდველი შეიქმნება... მბრძანებელს ძალუძს
ადამიანი, რსე როგორც ბედნიერებით,
დააჯილდოვოს უმანკოეს სათნოებითაც.
მხოლოდ სიმშვიდეს, ჩემი მეფის მუდმივ სიმშვიდეს.
ძალუძს გაფანტოს, გააქარწყლოს ის ავი ხმები,
რომელნიც ასე თვითნებურად ცილსა სწამებენ.

მეფე

ხმები? თვით ჩემზე? და ჩემს ხალხში?

დომინგო

სიცრუე გახლავთ!
ვფიცავ, ეს მტკნარი სიცრუეა, სამგზის წყეული!
მაგრამ ისეც კი ხდება ზოგჯერ, რომ ხალხის რწმენა,
თუნდაც ჯერ კიდევ ეს არ იყოს დამტკიცებული,
თვის მნიშვნელობით ჩამოაგავს ჭეშმარიტებას.

მეფე

ღეთაებას ვფიცავ! აქაც სწორედ...

დომინგო

კარგი სახელი
არის ძვირფასი, ერთადერთი სიკეთე ქვეყნად,
რისთვისაც უნდა დედოფალი ეჯიბრებოდეს
მდაბიო ქალსა.

მეფე

იმედია, აქ ამისათვის
არ მოგვიხდება ათროლოება!

(დაურწმუნებელი თვლებით ჯცქერის დომინგოს, მცირე ხნის დუმის
შემდეგ)

ჩემო ხუცესო!

ნულარ აყოვნებო. ალბათ, კიდევ უარეს რამეს
მოვისმენ თქვენგან. დიდი ხანი ვკითხულობ ამას
უბედურების მაუწყებელ მაგ თქვენს სახეზე.
ყველაფერი თქვით! დაე მოხდეს, რაც უნდა მოხდეს!
რომ დიდხანს აღარ ეკანკალებდე წამების შიშით.
რას ირწმუნება ჩემი ხალხი?

დომინგო

ჩემო ხელმწიფე,

კვლავ ვინებორებ, შეიძლება ცდებოდეს ხალხი
და ცდება კიდევ უმჯობესად. ის, რასაც ხალხი
ამბობს, ამტკიცებს, ჩვენ ხელმწიფეს ვერ შეაძრწუნებს.
საქმე ისაა, ხალხმა ასე ღრმად რომ შესტოპა
და ასეთ რაბეს ირწმუნება.

მეფე

როგორ? მე უნდა
წვეთი შხამისთვის ასე დიდხანს გვედრებოდეთ?

დომინგო

ჩემო მეფეო, ხალხი კიდევ იმ თვეს იგონებს,
როდესაც თქვენი ხელმწიფური უდიდესობა
აჯადმყოფობამ მიიყვანა სიკვდილის პირად...
მას შემდეგ მხოლოდ ოცდაათი კვირა გავიდა
და დედოფალმა ბედნიერად მოილოგინა.

(მეფე წამოდგება და ზარს დარეკავს. შემოდის ჰერცოგი ალბა.
დომინგო თავხარდაცემულია.)

განცვიფრებული ვარ, ხელმწიფე...

მ ე ფ ე
(მიიგებება ჰერცოგს)

ჩემო ტოლედო!
თქვენ ვაუჟაკი ხართ. დამიფარეთ ამ მოძღვრისაგან.

დ ო მ ი ნ გ ო

(დომინგო და ჰერცოგი ერთმანეთს დარცხვენით შეხედავენ.
პაუზის შემდეგ)

თუ ჩვენ გვცოდნოდა წინასწარვე, რომ ეს ამბავი
ამბის მომტანსვე თავს სასჯელად დაატყდებოდა,
მაშინ, ხელმწიფევე...

მ ე ფ ე

მაშ თქვენ ამბობთ, ნაბიჭვარიო?
ამბობთ, სიკვდილს ძლივს გადაეურჩი სწორედ იმ თვეში,
როს დედოფალი დაორსულდა?.. თქვენ ამბობთ ამას?!
მაგრამ ეს იყო სწორედ მაშინ, თუ არა ვცდები,
როდესაც ყველა ტაძარში თუ სამლოცველოში
წმინდა დომინიკს აღიდებდით სასწაულისთვის,
რაიც მან ჩემთვის მოახდინა... და სასწაული
რაც იყო მაშინ, აღარ არის აწ სასწაული?
ალბათ ან მაშინ მატყუებდით, ან ახლა სცრუობთ.
თქვენვე მითხარით, რალას უნდა ვერწმუნო ახლა?
მშვენიერად ვხედავ, რაცა გნებავთ... ეგ თქვენი გეგმა
რომ ყოფილიყო მაშინ კარგად მომწიფებული,
თქვენი წმინდანი დაჰკარგავდა თავის დიდებას.

ა ლ ბ ა

გეგმა?

მ ე ფ ე

იშვიათ ჰარმონიით შესთავსებია
თქვენი აზრები ერთმანეთს და მე კი მარწმუნებთ,
თითქოს არ იყოთ ერთმანეთთან შეთანხმებული?

და თქვენ ეგ უნდა დამაჯეროთ? მე დამაჯეროთ?
განა არ ვგრძნობდი, თუ როგორი გაუმაძღრობით,
რაოდენ ხარბად ნადაელს თქვენსას ესხმოდით თავზე?
როგორი შმაგი ავხორცობით გატკბობდათ ხოლმე
ჩემი ტანჯვა და განრისხება ჩემი გულისა?
განა ვერ ვამჩნევ, რანაირი გულმოდგინებით
კდილობს ჰერცოგი მიითვისოს წყალობა იგი,
რაც განკუთვნილი იყო მხოლოდ ჩემი შვილისთვის?
ან ლეთისმოსავი კაცი ესე როგორ სიამით
აიარალებს თვის პატარა ბოროტ განზრახვას
ჩემი მეფური მრისხანების ძლიერი ხელით?
და თქვენ გგონიათ, რომ ვარ მშვილდი, რომელიც
ძალგით,

როგორცა გნებავთ, გასასროლად მოზიდოთ ისე?
არა, კიდევ მაქვს ნებისყოფა და რადგან უნდა
ვექვიანობდე, მას პირველად თქვენგან დავიწყებ.

ჩვენი თქვენდამი ერთგულება ამ განმარტებას
არ მოელოდა.

მ ე ფ ე

ერთგულება! ის ჩვენ გვაფრთხილებს
ბოროტ ამბისგან, მომავალში რომ გვემუქრება,
მაგრამ წარსულზე შურისგება საუბრობს მხოლოდ.
გამაგებინეთ, რა მომცა მაგ თქვენმა ერთგულმა
ხათრიანობამ? რასაც ამბობთ, თუ მართალია,
რა დამრჩენია, განშორების ტკივილისა და
შურისძიების სამწუხარო ზემინის გარდა?
ო, მაგრამ არა, ლაჩრები ხართ და გვემინიათ,
თქვენ მარტოოდენ მერყევ ეჭვებს აღვიძებთ ჩემში,
თქვენ მე მიგყევართ ჯოჯოხეთის უფსკრულის პირას,
იქ მარტოს მტოვებთ და გარბიხართ.

დომინგო

სხვა რა საბუთი
შეგვიძლია ჩვენ მოვიტანოთ დასამტკიცებლად,
იქ, სად კაცის თვალს მოწმედ ყოფნა არ შეუძლია?

მეფე

(დიდი პაუზის შემდეგ სერიოზული და საზეიმო ტონით მიმართავს დომინგოს)

მსურს შემოვკრიბო ჩემი ქვეყნის დიდებულები
და თვითონ დაეჯდე მოსამართლედ... იქ წარმოდექით
ყველას წინაშე—იქონიეთ გამბედაობა—
და ბრალი დასდეთ ჩემ მეუღლეს მეძაობაში!—
იგი სიკვდილით დაისჯება—ხსნას ვერა ჰპოვებს—
მას და უფლისწულს, ორთავ ერთად, სიკვდილი ელის...
მაგრამ თუ შესძლო დედოფალმა ბრალდებისაგან
თავის მართლება, თვით თქვენ დაგსჯით სიკვდილით
მაშინ.

გინდათ გაიღოთ სიმართლისთვის ამგვარი მსხვერპლი?
მაშ გადაწყვიტეთ. არა გნებავთ? არაფერს ამბობთ?
აი ესაა თვალთმაქცობის გულმოდგინება.

ალბა

(რომელიც მოშორებით მდუმარედ დგას, ცივად და მშვიდად)
მე მსურს.

მეფე

(გაოცებული შემოტრიალდება ჰერცოგისაკენ და რამდენიმე ხანს
გაშტერებით ათვალიერებს)

რა დიდი გაბედეაა! მაგრამ მე მახსოვს,
სასტიკ ბრძოლებში თქვენ სიცოცხლეს კი გაგიწირავთ
უფრო მცირედი რამისთვისაც, როს მოთამაშის
ქარაფშუტობით უმაქნისი სახელისათვის

დიდ განსაცდელში ჩაგიგდიათ სიცოცხლე თქვენი.
ანკი სიცოცხლე აბა თქვენთვის რას წარმოადგენს?
არა, მეფურ სისხლს არ შეეწირავ მსხვერპლად იმ
შეშლილს,

რომელიც ფიქრობს, რომ სახელით შეავსოს მაინც
არარაობა უმაქნისი პიროვნებისა.
არა მჭირდება თქვენი მსხვერპლი. წაბრძანდით ახლა
წინა ოთახში და ელოდეთ შემდგომ ბრძანებებს.

(ორივენი გადიან.)

მეფეთმ ბავოსვლა

მეფე

ჰოი განგებავ, მომივლინე აწ ერთი კაცი!..
ბევრი მომაგე შენ ისედაც, ახლაც მიბოძე
ეგ ერთი კაცი, შენ ხომ ქვეყნად ერთადერთი ხარ
და შენი თვალი კარგადა სჭვრეტს იღუმალელებს.
ერთ მეგობარს ვთხოვ, არ ვარ შენებრ ყველაფრის
მცოდნე.

თვითონვე იცი, განგებაო, რანიც არიან
მსახურნი, შენგან ბოძებულნი ჩუმიდ მშველელად.
მე დავაფასე, რაც მათ ჩემს წინ დაიმსახურეს,
წერილმან ცოდვებს კი ამოვუდე ლავამი მძიმე,
რათა ჩემს მიზანს ემსახურონ, როგორც შენ შვრები,
როცა ქვეყანას ვასწმენდ ხოლმე მძლავრი ქარიშხლით.
მე სიმართლესა ვსაჭიროებ—ხელმწიფეები
სიცრუისა და შეცდომების მღვრიე ტალახში
ამ წმინდა წყაროს ვერასოდეს გამოიყვანენ.
მაშ მომივლინე, განგებავ, ეგ რჩეული კაცი,
სათნო, გულღია, აზრნათელი და შორსმჭვრეტელი,
რომელიც შესძლებს მაპოვინოს სიმართლე ქვეყნად.
ხეიდრს მივენდობი, დე იმ მრავალ ათასეულში
უდიდესობის მზის ირგვლივ რომ დაფარფატებენ,
ის ერთადერთი მაპოვინე.

(ზარდახს გააღებს და ამოიღებს უბის წიგნაკს, რომელსაც რამდენიმე ხანს ფურცლავს და ათვლიერებს.)

მხოლოდ სახელნი,
მარტო სახელნი სწერია აქ და ერთხელაც კი
მოხსენებული არაა ის დამსახურება,
რის წყალობითაც ამ სიაში ისინი მოხვდნენ.
ან მაღლობაზე გულმაგიწყი სხვა რაღა არის?
მაგრამ აი აქ, სხვა სიაში კი მე ვკითხულობ
მათ დანაშაულს, დაწვრილებით რომ ჩამინიშნავს.
და მერე რისთვის? ეს ცუდია. შურისძიების
მეხსიერებას დახმარება სჭირდება კიდევ?

(განაგრძობს კითხვას.)

გრაფი ეგმონტი? რისთვისაა აქ ჩაწერილი?
დიდი ხანია დავიწყებას მიეცა უკვე
ის გამარჯვება, სენ-კენტენში რომ მოიპოვა.
ეგმონტს მე ახლა გადავრიცხავ მკვდრების სიაში.

(შლის ამ სახელს და წერს მას სხვა სიაში. შემდეგ განაგრძობს კითხვას.)

მარკიზ დე პოზა?.. პოზა?.. პოზა?.. მაგრამ ეს კაცი
ძლივს მაგონდება და ორჯერ კი ხაზგასმულია!
ეს იმიტომ, რომ დიდი საქმე მიმენდო მისთვის!
მერე განა ეს შეიძლება? ეს კაცი ღღემდე
ერიდებოდა ჩემთან მოსვლას, ჩემთან შეხვედრას?
რად გაურბოდა ნეტავ იგი იმ მეფის თვალებს,
რომელიც მისგან არის ესდენ დავალებული?
შემოქმედს ვფიცავ, ჩემი ქვეყნის დიდებულთ შორის
ერთადერთია ეგ, რომელსაც მე არ ვჭირდები!
რომ ყოფილიყო ძლიერ ხარბი, პატივმოყვარე,
გამოჩნდებოდა იგი ჩემი ტახტის წინაშე.
მაშ ამ უცნაურ კაცს მივენდო? იგი, ვინც ჩემს თავს
არ საჭიროებს, სიმართლესაც ის მეტყვის სწორედ.

(გადის.)

მისაღები დარბაზი

ვეიძვე გამოსვლა

დონ კარლოსი ებაახება პრინც პარმას. ჰერცოგი ალბა.
წერია და მედინა სიდონია. გრაფი ლერმა და კიდევ სხვა
დიდებულები ხელში ქაღალდებით. ყველა მეფეს ელოდება.

მედინა სიდონია

(რომელსაც ყველა აქ მყოფი თვალს არიდებს, მიმართავს ჰერცოგ ალბას,
საკუთარ ფიქრებში ჩაძირული რომ დაიარება წინ და უკან.)

თქვენ ხომ დღეს მეფეს ესაუბრეთ, ჰერცოგო ალბა.—
რა გუნებაზე იყო იგი?

ა ლ ბ ა

ძალიან ცუდზე,

გაბრაზებული არის თქვენი ამბების გამო.

მედინა სიდონია

მტრის ზარბაზნების ცეცხლში უფრო თავს ლალად
ვგრძნობდი,

ვიდრე ამჟამად, ამ დარბაზში.

(კარლოსი, რომელიც მდუმარე თანაგრძნობით შეხედავს, ახლოს მივა
მასთან და ხელს ჩამოართმევს.)

დიდადა გმადლობო

დიდსულოვანი ცრემლებისთვის, ხელმწიფის შეილო.
თქვენც კარგად ხედავთ, რანაირად გამირბის ყველა.
ჩემი დალუპვა, როგორცა ჩანს, გადაწყვეტილა.

კარლოსი

იმედი გქონდეთ, მეგობარო, თქვენი სიმართლის
და მამაჩემის წყალობისა.

მედინა სიდონია

დავლუპე ფლოტი,

მსგავსი რომლისაც ზღვაზე ჯერ არ გამოჩენილა...

რალასა ნიშნავს ჩემი თავი იმ სამოცდაათ
გალერთან, იქ რომ ჩაიძირა?— მაგრამ, მეფის ძვე,—
იქ_ხუთი შვილიც დამელუპა, ხუთი ვაჟკაცი, —
თქვენსავით მხნენი, სასოებით აღჭურვილები —
და გულს ეს მიკლავს, ესა მტანჯავს, ხელმწიფის შვილო,

მეფე გამოსვლა

მეფე გამოდის სამეფო სამოსელით. ი გ ი ვ ე ნ ი.
(ყველანი იხდიან ქუდებს, გადგებიან ორივე მხარეზე და ნახევარ წრეს
ქმნიან. დუმილი.)

მ ე ფ ე

(ყველას თვალს გადაავლებს)

თავს დაიხურეთ!

(პირველად შიუახლოვდებიან და მეფეს ხელზე ემთხვევიან დონ კარლოსი
და პრინცი პარმა. მეფე პრინც პარმას შეხედავს მეგობრული აღეხით
და არც კი სურს თავისი შვილი შეანჩნიოს.)

დედათქვენს სურს, ჩემო დისწულო,
გაიგოს, თქვენით კმაყოფილნი ვართ ჩვენ თუ არა.

პ ა რ მ ა

დაე ის ამას ნუ იკითხავს იმაზე აღრე,
ვიდრე მე პირველ ბრძოლას მაინც არ გადავიხდი.

მ ე ფ ე

დამშვიდდით, პარმა, თქვენი რიგიც მოაღწევს ალბათ,
როს ჩემი ქვეყნის სიმბაგრენი დაიქცევიან.

(ჭერცოვ ფერიას)

რა მომიტანეთ?

ფ ე რ ი ა

(ვალ მუხლზე დაემხოზა)

მღვდელმთავარი კალატრავასი
გარდაიცვალა დღეს, ამ დილით, და მე იმისი
რაინდის ჯვარი დაგიბრუნეთ.

მ ე ფ ე

(იღებს ორდენს და ყველას ათვლიერებს)

ვინაა კიდევ

ნამდვილად ღირსი ამ ორდენის?

(იგი ანიშნებს ალბას, რომელიც ცალ მუხლზე დაემხოზა, და ორდენს
ჩამოჰკიდებს)

ჭერცოვო ალბა,

თქვენ ხართ პირველი მეომარი ჩემი ქვეყნისა,
და ნურც ინებებთ, გამხდარიყოთ ამაზე მეტი,
შაშინ თქვენ ჩემი მოწყალება არ მოგაკლდებათ.
(შეანჩნევს ჭერცოვ მედინა სიდონიას.)
თქვენ აქ ხართ, ჩემო აღმირალო?

მ ე დ ი ნ ა ს ი დ ო ნ ი ა

(კანკალით მიუახლოვდება და თავდახრილი მოიყრის მუხლგან
დიდო ხელმწიფეგ,

თქვენ ჩამაბარეთ უძლეველი თქვენი არმადა
და ესპანეთის დიდებული ახალგაზრდობა,
ისათვან მხოლოდ ამ საბრალო თავსლა გიბრუნებთ.

მ ე ფ ე

(ხანგრძლივი დუმილის შემდეგ)

თავს დამატება ღმერთმა მე ეს უბედურება...
ადამიანთა წინააღმდეგ გაგზავნეთ თქვენ იქ,
არა გრივალთან და კლდეებთან შესაბრძოლებლად.
შივესალმები ესპანეთში თქვენს დაბრუნებას.

(უბოძებს ხელს საამბოვებლად.)

გმადლობთ, რომ თქვენით ღირსეული ერთი მსახური
შემინარჩუნეთ. დიდებულნო, სწორედ ამისთვის
ვაფასებ დიდად და მსურს, სხვებმაც რომ დააფასონ.
(ანიშნებს, ადგეს და ქუდი დაიხუროს— შემდეგ მიუბრუნდება
დანარჩენებს.)

ჩაღია კიდევ?

(დონ კარლოსს და პრინც პარმას)

დიდად გმადლობთ, ხელმწიფის შეილნო.
(პრინციები მიდიან, დანარჩენი დიდებულები მიუახლოვდებიან მეფეს და
გადასცემენ თავიანთ ქალაღდებს. მეფე მათ აჩქარებით
გადაათვალიერებს და მისცემს ჰერცოგ აღბას.)
ჩემს კაბინეტში შეიტანეთ. ყველაფერს მოვრჩი?

(პასუხს არავინ აძლევს.)

რა მიზენია, რომ თქვენ შორის არ მოჩანს პოზა?
მე კარგად ვიცი, რომ ამ მარკიზს ძალიან დიდი
ღვაწლი მიუძღვის ესპანეთის ტახტის წინაშე.
იქნებ ცოცხალიც აღარაა? რად არ შეახლა?

ლ ე რ მ ა

ჩემო ხელმწიფევე, მაგ რაინდმა მთელი ევროპა
შემოიარა და ახლალა დაბრუნდა იგი
შორ მგზავრობიდან, ამჟამად ის მადრიდში გახლავთ
და ბედნიერ დღეს ელოდება მარკიზი მხოლოდ,
რათა დაემხოს თვისი მეფის წინაშე კრძალვით.

ა ლ ბ ა

მარკიზ დე პოზა? მართალია! ეს ის გულადი
მალტიელია, ხელმწიფეო, რომლის შესახებ
დაუჯერებელ, ფანტასტიკურ ამბებს ჰყვებიან.
როცა მაგისტრის ბრძანებაზე ქვეყნის საშველად
შეკრბენ რაინდნი იმ კუნძულზე, რომელსაც უკვე
სულეიმანმა, თურქთ სულთანმა, დარტყა ალყა,
უცბად ალკალის უმაღლესი სასწავლებლიდან
სადღაცა გაქრა თვრამეტი წლის ჰაბუკი ერთი.
ღვალეტეში გამოცხადდა ის მიუხმობლად.
„ჯვარი მიყიდეს“, წარმოსთქვა მან, „ახლა კი მინდა,
რომ ჯვარი იგი მე ბრძოლაში დავიმსახურო.“
და იგი იყო ერთ-ერთი იმ ორმოც რაინდში,
წინ რომ აღუდგენენ პიალის და ულუჩილის,
მუსტაფასა და ჰასემის ჯარს პოსტ სანტ ელმოსთან

და სამი მძლავრი შემოტევა მოიგერიეს,
მწვავე სიცხეში ნავსადგურს კვლავ ინარჩუნებდნენ.
მაგრამ როდესაც ხელთ ჩაიგდო სანტ ელმო მტერმა
და მკაცრ ბრძოლაში ძირს დაეცა ყველა რაინდი,
ის ბობოქარი ზღვის ტალღებში გადაერია
და მარტოდმარტომ მიადწია ღვალეტეში.
ორი თვის შემდეგ, როს დასტოვა კუნძული მტერმა,
რაინდი ისევ ალკალაში დაბრუნდა უკან,
დაწყებულ სწავლის განსაგრძობად, დასამთავრებლად

ფ ე რ ი ა

ეს მარკიზ პოზა იყო სწორედ, ჩემო ხელმწიფევე,
ვინც კატალონელთ შეთქმულება აღმოაჩინა,
შეუნარჩუნა გვირგვინს თქვენსას ფრიად ლამაზი,
მნიშვნელოვანი პროვინცია.

მ ე ფ ე

ფრიად მაოცებს...

რა კაცი არის ნეტავ იგი, ვინც ეს საქმენი
მოიმოქმედა და თქვენ შორის მოშურნე არ ჰყავს?
უძებელია ვგ რაინდი ან უჩვეულო
ხასიათსა ჰფლობს, ანდა არის არარაობა.
მე უნდა მაგ კაცს ვესაუბრო.

(ჰერცოგ აღბას)

დღეს წირვის შემდეგ

ჩემს კაბინეტში მოიყვანეთ.

(ჰერცოგი გადის. მეფე მოიხმობს ფერიას.)

თქვენ კი, ჰერცოგო,

ჩემს საიდუმლო სამსჯავროში ჩემს ნაცვლად გნიშნავთ.

(გადის.)

ფ ე რ ი ა

მეფე დღეს ძლიერ მოწყალეა.

მედინა სიდონია

თქვით: ღმერთია-თქო!

ღმერთის დღეს მართლაც ღმერთი იყო ყოვლად მოწყალე.

ფერი ა

თქვენ ღირსეულად იმსახურებთ ბედნიერებას,
მე გულითადად გითანაგრძნობთ.

ერთი დიდებულთაგანი

და მეც აგრეთვე.

მეორე

მეც გითანაგრძნობთ.

მესამე

მიხარია. თქვენ ღირსეული
გენერალი ხართ.

პირველი

მეფე თქვენთან არა მოწყალე,
არამედ იყო მარტოოდენ სამართლიანი.

ლერმა

(გასვლისას, ჰერცოგ მედინა სიდონიას)
როგორ ერთბაშად გაგამდიდრათ ამ ორმა სიტყვამ.

(ყველანი გადიან.)

მეფის კაბინეტი

მეჩვე გამოსვლა

მარკიზ პოზა და ჰერცოგი ალბა.

მარკიზი

(შემოსვლისას)

მაშ იგი მიხმობს? ის მე მიხმობს?—არა მგონია,
ალბათ, სახელი შეგეშალათ... მერედა, რა სურს
ხელმწიფეს ჩემგან?

ალბა

მეფეს თქვენი გაცნობა ნებავს.

მარკიზი

გაცნობა ნებავს თვისი ცნობისმოყვარეობის
გულისთვის მხოლოდ? თუ ასეა, ძალიან ვნანობ
დაკარგულ წუთებს ამისათვის... ისეც ხანმოკლე
ჩვენი სიცოცხლე სწრაფად მიჰქრის.

ალბა

მე თქვენ გადავცემთ
თქვენს კეთილ ვარსკვლავს. თქვენს ხელთაა ხელმწიფე
ახლა.

ამ წამით კარგად ისარგებლეთ, თუ შეგიძლიათ,
და მხოლოდ თქვენ თავს დააბრალეთ, თუ ის ამოდ
ჩაივლის თქვენთვის.

(გაშორდება.)

მეცხე გამოსვლა

მარკიზი

მშვენიერად სთქვით, ჰერცოგო ალბა.
გამოვიყენოთ უნდა წამი, რომელიც მხოლოდ
ერთხელ გვეძლევა. ჰეშმარიტად, კარგი მირჩია
ამ კარისკაცმა. მაგრამ კარგი იმით კი არა,
რასაც ის ფიქრობს, არამედ მე რასაც ვგულისხმობ.

(რამდენჯერმე გაივლ-გამოვივლის.)

აქ როგორ მოხვდით?—ნუთუ მხოლოდ ახირებული
შემთხვევითობის თვითნებობის წყალობით მოხდა,
რომ ამ სარკეში ჩემს საკუთარ სურათსა ვხედავ?
მილიონთაგან რაღა სწორედ მე გავახსენდი
ისე უცრად ჩვენი მეფის მეხსიერებას?
მხოლოდ შემთხვევა? შეიძლება აქ სხვაც რამ იყოს.
ანდა შემთხვევაც ხომ იგივე უხეში ქვაა,

ჯაცოცხლებული მოქანდაკის მადლიან ხელით.
შემთხვევას ზოგჯერ თვით განგება მოგვივლენს ხოლმე...
ადამიანმა ის მიზნისკენ უნდა წარმართოს.—
რაც უნდა სურდეს მეფეს ჩემგან—ეს სულერთია!
მე თვითონ ვიცი, რაც უნდა ვქნა მეფესთან ახლა.
ჭეშმარიტების ნაპერწკალი ვგებ როგორმე
გადავისროლო გაბედულად დესპოტის სულში—
როგორ დიდ ნაყოფს იძლევა ის განგების ხელში!
რაც მე პირველად ახირებად მეჩვენებოდა,
ის ძლიერ მიზანშეწონილი და გონიერული
იქნება იყოს. იქნება ეს თუ არ იქნება—
სულ ერთი არის! მე ამ რწმენით მსურს მოქმედება.

(რამდენჯერმე გაივლ-გამოვივლის ოთახში, ბოლოს შეჩერდება ერთი სურათის წინ და მშვიდად ათვალიერებს. მეფე გამომჩნდება ჩეზობელ ოთახში, სადაც იგი აძლევს რამდენიმე ბოძანებას. შემდეგ შემოდის, წყნარად შეჩერდება კართან და რამდენიმე ხნის განმავლობაში ათვალიერებს მარკიზს, რომელიც მეფეს ვერ ამჩნევს.)

მეათე გამოცვლა

მეფე და მარკიზ პოხა.

(როგორც კი შეამჩნევს, მარკიზი გაემართება მეფისკენ და მის წინ ცალ მუხლზე დაემხოება, წამოდგება და სრულიად შეშუპრთალი დგას მეფის წინ.)

მ ე ფ ე

(გაოცებული მხერით ათვალიერებს მას)

გისაუბრიათ ჩემთან უკვე?

მ ა რ კ ი ზ ი

არა.

მ ე ფ ე

მიგიძღვით

თქვენ ჩემს წინაშე გარკვეული დამსახურება.

რად გაურბიხართ ჩემს მადლობას? მრავალი კაცის
სახელით არის ჩემი თავი გამოქცედილი.
ყოველმცოდნე კი სამყაროში ერთია მხოლოდ.
თქვენ აქამდეც კი ჩემს წინაშე მოსვლა გმართებდათ.
რატომ ასე არ მოიქცით?

მ ა რ კ ი ზ ი

ჩემო ხელმწიფე,
ორი დღე არის, რაც დავბრუნდი ამ სამეფოში.

მ ე ფ ე

არ განმიზრახავს, რომ მე მუდამ მოვალე ვიყო
ჩემი მსახურის—მოწყალება გამოითხოვეთ.

მ ა რ კ ი ზ ი

კარგადა ვტკბები კანონითაც, ჩემო ხელმწიფე.

მ ე ფ ე

მე უფლება ხომ მკვლელსაცა აქვს.

მ ა რ კ ი ზ ი

მით უფრო კეთილ
მოქალაქესა!—მეფეო, მე კმაყოფილი ვარ.

მ ე ფ ე

(თავისთვის)

გამჩნესა ვფიცავ, თავმოყვარე ყოფილა დიდად
და გამბედავი!—მაგრამ ამას ველოდი კიდევ.
მეც ის მინდა, რომ ესპანელი ამაყი იყოს.

მე შემძლია მოვითმინო სიამოვნებით,
თუნდაც ფილა მთლად აღივსოს... როგორც გავიგე,
სამსახურიდან გადამდგარხართ.

მ ა რ კ ი ზ ი

გზიდან უკუვდიქ,
უკეთესისთვის რომ დამეთმო ადგილი ჩემი.

მ ე ფ ე

ძალიან ვწუხვარ, სახელმწიფო რა ბევრსა ჰკარგავს,
ასეთნი კაცი როცა უქმად არიან ხოლმე.
იქნება შიშობთ, ასცდეთ იმ დარგს, თქვენი სულისთვის
რაც ღირსეული არის უფრო.

მ ა რ კ ი ზ ი

ო, არა, მეფე!
ვიცი, რომ კაცი, გამოცდილი გულთამხილავი,
ერთი შეხედვით ჩემ სახეზე ამოიკითხავს,
გამოვადგები რაიმეში მას მე თუ არა,
ულრმეს მადლობას მოგახსენებთ, ჩემო ხელმწიფე,
ამ წყალობისთვის, რადგან ჩემზე ასე მაღალი
შეხედულების ბრძანებულხართ; მაგრამ...

მ ე ფ ე

ყოყმანობთ?

მ ა რ კ ი ზ ი

გამოგიტყდებით, ხელმწიფეო, მზად არ გახლავართ,
რომ მე შეემოსო ქვეშევრდომის სიტყვებით იგი,
რაც მიფიქრია მოქალაქეს ჩვენი ქვეყნისას.
მეფეო, როცა სამუდამოდ გამოგეთხოვე
მე სახელმწიფო სამსახურსა, იმას ვფიქრობდი,
რომ განმარტების მიცემა არ მომიხდებოდა,
თუ ეს ნაბიჯი რა საბუთით გადავდგი მაშინ.

მ ე ფ ე

ასე სუსტია ეგ მიზეზნი, რომ გეშინიათ
მათი წარმოთქმა?

მ ა რ კ ი ზ ი

ამ მიზეზთა გადმოსაცემად
ღროს რომ მომტემდე, — დე დაშიჯდეს სიცოცხლედ
თუნდაც.

მაგრამ სიმართლეს ვერ გაგიმხელთ, თუ უარს მეტყვიით
ამ წყალობაზე, და თუ მრჩება მე არჩევანი
მხოლოდ თქვენს რისხვას და ზიზღს შორის, მაშინ
გარჩევდი

ხოროტმოქმედად მიგეჩნიეთ, ვიდრე სულელად.

მ ე ფ ე

(მოლოდინის გამომხატველი სახით)

მემდეგ?

მ ა რ კ ი ზ ი

— არ ძალმიძს ვიყო მეფის მოსამსახურე.

(მეფე უცქერის გაოცებით.)

ვერ მოვატყუებ, ხელმწიფეო, შემსყიდველს ჩემსას...
როდესაც მაძლევთ მე რაიმე თანამდებობას,
ამით წინასწარ გადაწყვეტილ საქმეს მთავაზობთ.
ჩემი მკლავი და სიმამაცე გჭირდებათ ველზე,
ჩემი ჰკუა კი თქვენს სამეფო საბჭოში მხოლოდ.
მე უნდა მიზნად დაქსახნილიყო თვით საქმე,
არამედ ქება, რასაც ტანტის წინაშე ვპოვებ.
ჩემთვის იმ დღის მარტოდენ აქვს სათნობას.
სიკეთეს, რასაც ჩემი ხელით დასთესდა მეფე,
თვით მე შეგქმნილად ვიგონებდი უდიდეს შეებას
და ჩემ საკუთარ არჩევანსაც ვპოვებდი მასში,
რაც აწ შეადგენს ჩემს პირდაპირ მოვალეობას.
თქვენც ამ აზრის ხართ? ან თქვენივე ნამოქმედარში
თუ შეგიძლიათ მოითმინოთ სხვა შემოქმედი?
როგორ, მე უნდა გადავიქცე სხვის იარაღად,
როდესაც ძალმიძს მოქანდაკე თვითონვე ვიყო?
კაცობრიობა მიყვარს გულით და იქ კი, სადაც
თვითმპყრობელობა სუფევს, ძალმიძს მიყვარდეს მხოლოდ
ჩემივე თავი, სხვა არავინ.

მ ე ფ ე

ქების ღირსია

იმ გატაცება. შეგიძლიათ სიკეთე შექმნათ.

და თუ თქვენ ამას როგორ შესძლებთ: ვით პატრიოტი
თუ როგორც ბრძენი—ეგ ორივე ერთია, მგონი.
მაშ აირჩიეთ ის ადგილი ჩემ სამეფოში,
რომლითაც შესძლებთ ეგ სურვილი კეთილშობილი
თვით აღისრულოთ.

მ ა რ კ ი ზ ი

ასეთ ადგილს მე ვერ ვპოულობ.

მ ე ფ ე

როგორ?

მ ა რ კ ი ზ ი

რასაც თქვენ ჩემი ხელით განაგრძობთ ქვეყნად,—
განა იქნება ხალხისათვის ბედნიერება?
ბედნიერება სწორედ იგი, რაიც ჩემს წმინდა
სიყვარულსა სურს მიანიჭოს კაცობრიობას?
სულ სხვაგვარია, მეფეო, ის ბედნიერება,
თქვენ მის წინაშე უსათუოდ ათრთოლდებოდით.
ჩვენ პოლიტიკა გვიქმნის სულ სხვა ბედნიერებას,
რომელსაც თვითონ ხალხთ გულებში გააბნევს ხოლმე,
რომ დაამშვიდოს ამით მათი სწრაფვა-წადილი.
თავისი ფულით სჭედაეს იგი ჭეშმარიტებას,
ჭეშმარიტებას, რომელს ძალუძს მოთმენა მისი.
სხვა ყველა შტამპი არის მკაცრად უარყოფილი,
თუ ის არ ჰგავს ამ შეთითხნილ ჭეშმარიტებას.
მაგრამ იგი, რაც გვირგვინისთვის სასარგებლოა,
განა მეც, ჩემო მბრძანებელო, მაკმაყოფილებს?
ან მოძმისადმი სიყვარული როგორ შეეცვალო
იმავე მოძმის ჩაგვრასა და დამონებაზე?
ნუთუ ვიგულო ბედნიერი იგი, სანამ მას
არ შეუძლია აზროვნება თავისუფალი?
ნუ ამომირჩევთ, ხელმწიფეო, იმ ნეტარების
გამავრცელებლად, რომელსაც თქვენ ჩემთვის ამზადებთ.

73

უარს ვაცხადებ მე მაგ შტამპთა გავრცელებაზე,
არ შემიძლია ხელმწიფეთა მსახური ვიყო.

მ ე ფ ე

პროტესტანტი ხართ, როგორცა ჩანს.

მ ა რ კ ი ზ ი

მეფეო, თქვენი

სარწმუნოება არის ჩემიც.

(პაუზის შემდეგ)

თქვენ ვერ გამიგეთ.

მეც სწორედ ამის მეშინოდა. ხომ დაინახეთ,
იღუმალების საბურველი ვით ჩამოვხიე
ჩემივე ხელით თქვენს ხელმწიფურ უდიდესობას?
ვინ დაგარწმუნებთ, რომ მე ახლა აღარ ვუწოდებ
წმიდათა წმიდას მას, რაც უკვე აღარ მაშინებს?
საშიშარი ვარ მხოლოდ იმით, რომ მარტოოდენ
ჩემზე ფფიქრობდი. არა, არ ვარ მე საშიშარი.
სურვილებს ჩემსას ჩემს გულშივე ეღება ბოლო.

(დაიწყობს ხელებს მკერდზე.)

ეს განახლების სასაცილო გამბედაობა,
რომელს არ ძალუძს დაამსხვრიოს ჯაჭვები ჩვენი,
არამედ მხოლოდ ამძიმებს მათ, ამიერიდან
გულს ვერ აღმიგზნებს, ვერასოდეს ვერ ამაღელვებს.
ჩემგან დასახულ უდიადეს იდეალისთვის
ეს საუკუნე ჯერ არაა მომწიფებული.
მე, ხელმწიფეო, მოქალაქე ვარ იშაბგანი,
რომელნიც შემდეგ, მომავალში, უნდა მოვიდნენ.
აჩრდილს ვით ძალუძს დაარღვიოს სიმშვიდე თქვენი?
მას თქვენი ერთი ამოსუნთქვით მიწიდან აღვკვიო.

მ ე ფ ე

ამ მბრივ პირველმა გაგიცანით?

მ ა რ კ ი ზ ი

ღიას, — პირველმა.

მ ე ფ ე

(წამოდგება, გადასდგამს რამდენიმე ნაბიჯს და შეჩერდება მარჯვის პირდაპირ, თავისთვის)

ეგ კილო მართლაც ახალია უკიდურესად.
ფარისევლობა დაუძლურდა, გამოიფიტა,
გონიერ კაცს კი დაამდაბლებს მიბაძვა სხვისი.
მო, თუნდა ვცადოთ კიდევ ამის საწინააღმდეგო...
რატომაც არა? მოქმედება ანაზღეული
ბედნიერებას იპყრობს ხოლმე... თუ ასე გესმით
ეს ვითარება, ძლიერ კარგი, მე თქვენ ავირჩევთ
ჩემს სამეფოში ისეთ ახალ თანამდებობას,
სადაც ძლიერ სულს...

მ ა რ კ ი ზ ი

მესმის, მეფე, როგორ დაბალი
შეხედულების ბრძანებულხართ კაცთ ღირსებაზე.
თავისუფალი მამაკაცის მეტყველებაშიც
თქვენ ხედავთ მხოლოდ ცბიერებას ფარისევლისას.
და ვიცი, მესმის, თუ ვინც გაძლევთ ამის უფლებას.
ეს იმ კარისკაცთ გაიძულეს, რომელთაც თვისი
ნება-სურვილით დაუტევეს ღირსება თვისი
და ასეთ დაბალ საფეხურზე ჩამოქვეითდნენ.
მოჩვენებითი შინაგანი სიდიადისგან
შეშინებულნი სილატაკის მსხვერპლნი ხდებიან,
ლაჩრული სიბრძნით თავის ჯაჭვებს აღამაზებენ
და მამაცობად მიაჩნიათ ტარება მათი.
ასეთი სახით გადმოეცა ქვეყანა ჩვენი
თქვენს მშობელ მამას, თქვენც ასეთი სახით მიიღეთ.
როგორ შესძლებდით ამ საბრალო ხეობრობაში
ადამიანი გეპოვათ და პატივი გეცათ!

მ ე ფ ე

რალაც სიმართლის მსგავსს ვპოულობ მე ამ სიტყვებში.

მ ა რ კ ი ზ ი

მხოლოდ ისაა სავალალო, რომ ძე კაცისა
ღვთის ქმნილებიდან თქვენს ქმნილებად გადააქციეთ
და თვითონ გახდით ამ ახალი არსების ღმერთი.
ერთში კი შესცდით: დარჩით მაინც ადამიანად,
უზენაესის ხელით შექმნილ ადამიანად,
და კვლავ განაგრძობთ, ვით მოკვდავი, ტანჯვას და
სურვილს.

თქვენ თანაგრძნობას საჭიროებთ, ღვთაების წინ კი
ათრთოლებულნი ლოცულობენ და მსხვერპლს სწირავენ
ო, საცოდავო მოტყუებაგ! ო უბედურო
სიმახინჯეო ბუნებისა! ადამიანი
ქნარის სიმებად გარდაჰქმენით და აწ ვილასთან
გაიზიარებთ ჰარმონიას?

მ ე ფ ე

(ღვთაების მადლმა,

ის ჩემს სულს ჩასწვდა!)

მ ა რ კ ი ზ ი

მაგრამ, მეფე, არაფერს ნიშნავ!
ეს მსხვერპლი თქვენთვის. მის სანაცვლოდ, ერთადერთ
ხარ

ამ საფასურით თქვენ ღმერთი ხართ. და ვაი მაშინ,
რომ ის არ იყოთ, რომ დაჩაგრულ მილიონების
ბედნიერების შესაქმნელად ამ საფასურიო.
თქვენ ვერაფერი ვერ მოიგოთ... რომ მარტოოდენ
თავისუფლება, რომელიც თქვენ გაანადგურეთ,
ის ერთადერთი საგანძური იყოს, რომელიც
შესძლებდა თქვენი სურვილების აღსრულებასა?
გთხოვთ, წასვლის ნება მომცეთ, მეფე. ვგრძნობ, ან
საგანმ:

შორს გამიტაცა. ჩემი გული უკვე აღივსო,
ცთუნება მეტად ძლიერია, რომ ვიდგე მე იმ
ერთადერთის წინ, ვისთვის მსურდა გულის გადაშლა-

(გრაფი ლერმა შემოდის და ჩუმად რამდენიმე სიტყვის ვტყვის
ხელმწიფეს. მეფე მას ანიშნებს, რომ გავიდეს, და რჩება თავის
უწინდელ მდგომარეობაში.)

მეფე

(მარკიზს, მას შემდეგ, როცა ლერმა გავა)

თქვით, დაამთავრეთ!

მარკიზი

ვგრძნობ, მეფეო, — მთელ ამ საუნჯეს...

მეფე

თქვით, დაამთავრეთ! ყველაფერი ჯერ ხომ არ გითქვამთ-

მარკიზი

მე ჩამოვედი ბრახანტიდან და ფლანდრიიდან, —
აყვავებული და მდიდარი კუთხეებია!

რა ფრიად მტკიცე, დიდებული ხალხი ყოფილა!..

ამასთანავე კარგი ხალხიც... და მე ვფიქრობდი,

ბედნიერება იქნებოდა მამობა მათი!

მაგრამ წავაწყდი მე იქ კაცთა ძვლებს დანაცრებულს.

(აქ იგი გაჩუმდება და თვალს მიაპყრობს მეფეს, რომელიც თავის
მხრივ ცდილობს მარკიზს თვალი გაუსწოროს, მაგრამ დარცხენილი
და დაბნეული ძირს დახრის თვალებს.)

თქვენ მართალი ხართ, ვალდებულიც ამასთანავე.

მაგრამ მე იმან, რომ თქვენ ძალგიძთ ის აღასრულოთ,

რაც მიიჩნით საჭიროდ და სავალდებულოდ,

შემადრწუნებელ განცვიფრებით დამკოდა გულში.

სამწუხაროა, რომ თვის სისხლში მცურავი მსხვერპლი

უსუსურია და ნაკლებად გამოსადეგი

იმისთვის, რომ თვის მსხვერპლშემწირველს შეასხას ქება,

რომ მხოლოდ ხალხი, — არა ღმერთი უზენაესი, —

დასწერს მსოფლიო ისტორიას და უფრო ნაზი
სხვა საუკუნე შესცვლის ამ მკაცრ ფილიპეს ხანას.
იგი მოიტანს სიბრძნეს უფრო ნაზს და ღმობიერს;
მოქალაქეთა სიკეთე და ბედნიერება
შეთანხმდება სილიადეს გვირგვინისას.
მაშინ სამეფო თავის შვილებს გაუფრთხილდება
და ადამიანთ გაჭირვებას შეამსუბუქებს.

მეფე

მაშ, თქვენი აზრით, როცა მოვა ევ ბრწყინვალე დრო,
მე შევძრწუნდები ახლანდელთა წყევლის წინაშე?
აბა, თქვენ თვალი გადაავლეთ ესპანეთს ჩემსას,
აქ ხალხთ სიკეთე მოუღრუბლავ სიმშვიდით ჰყვავის,
მე ამ სიმშვიდეს მივანიჭებ ფლანდრიელებსაც.

მარკიზი

(სწრაფად)

ეს სასაფლაოს სიმშვიდეა. ნუთუ თქვენ ფიქრობთ
მის დამთავრებას, რაც დაიწყეთ? იმედი თუ გაქვთ,
ქრისტიანობის ამ რეფორმას გზა გადუღობოთ
და შეაჩეროთ გაზაფხული საყოველთაო,
რაც მთელ ქვეყანას განაახლებს, შეუცვლის სახეს?
მთელ ევროპაში მხოლოდ თქვენ გასურთ მთელი
მსოფლიოს

ბედის ბორბალი, წინ რომ მიჰქრის შეუჩერებლად,

აწ შეაჩეროთ, წინ აღუდგეთ მსვლელობას მისას?

გასურთ მის ძვირებს სტაცოთ თქვენი მოკვდავი ხელი?
ამას ვერ შესძლებთ. ჩემო მეფეო, თქვენი ქვეყნიდან

გადაიხვეწა ათასობით ადამიანი,

რომელნიც შეებას გრძნობენ თავის სილატაკეშიც.

მოქალაქენი, რომელთაც თქვენ სარწმუნოების

გულისთვის უკვე მიგატოვეს, ჩემო ხელმწიფეო,

იყვნენ ყველაზე ღირსეულნი, კეთილშობილნი.

და ეს ლტოლვილნი დედოფალმა ელისაბედმა

ისე მიიღო, როგორც ღვიძლმა, მშობელმა დედამ.
დღეს ჩვენი ქვეყნის ხელოვნებით ინგლისი ჰყვავის,
ხოლო გრენადა დარჩა თითქმის უკაცრიელი,
მოაკლდა ახალ ქრისტიანთა ბეჯითი შრომა.
ნიშნისმომგები სიხარულით შესცქერს ევროპა
თვის მტერს, ყელი რომ გამოიჭრა საკუთარ ხელით.

(მეფე აღელდება; მარკიზი შეამჩნევს ამას და რამდენიმე
ნაბიჯით მიუახლოვდება.)

თქვენ გასურთ დასთესოთ უკვდავება და სიკვდილს
სთესავეთ?

მეფეო, ასე იძულებით შექმნილი საქმე
თვითონ მისივე შემოქმედის სულთანვე კვდება.
უმაღურია თქვენი შრომა და ბუნებასთან
სასტიკ ბრძოლაში, მბრძანებლო, ამოდ დაშვრით,
თქვენი დიადი ხელმწიფური სიცოცხლეც ფუჭად
ემსხვერპლა მხოლოდ ნგრევისა და განადგურებას...
ადამიანი მეტად ფასობს, ვიდრე გვონიათ.
იგი ხანგრძლივი ძილის ბადეს დასწყვეტს და თქვენგან
უკან მოითხოვს თვის წმიდათა წმიდა უფლებას.
ის ნერონის და ბუზირისის სახელთა გვერდით
მოიხსენიებს სახელს თქვენსას... და ამას ვწუხვარ;
თქვენ ხომ კეთილი გული გქონდათ.

მეფე

ვინ მოგანიჭათ

ასეთი რწმენა?

მარკიზი

დიახ, ვფიცავ ყოვლისშემძლებელს,
დიახ... დიახ... მე მას ხელახლა გავიმეორებ.
გვიბოძეთ ისევ, ხელმწიფეო, რაიც წაგვართვით!
და დიდსულოვნად, ვით ძლიერმა, მიეცით ნება
ადამიანთა სიკეთეს და ბედნიერებას,
გადმოიღვაროს იგი თავის უხვი თასიდან.

დაე იმეფოს აზრმა თქვენს ვრცელ სახელმწიფოში.
მოგვეციოთ ისევ, რაც წაგვართვით, და შეიქნებით
სიფეთა მეფე ქვეყნის მრავალ მეფეთა შორის.

(იგი გაბედულად უახლოვდება ხელმწიფეს და უცქერის მტკიცე
და ანთებული თვალებით.)

შემედლოს მაინც იმ ათასთა მჭერმეტყველება,
ამ დიად წუთს რომ თანაგრძნობით იზიარებენ,
გადმოვაფრქვიო ბაგეთაგან და შუქი იგი,
მაგ თვალებში რომ შევამჩნიე, დიდო მეფეო,
გავალვიგო და ძლიერ ცეცხლად ავაბრიალო.
უარი თქვით ამ უკანონო გაომერთებაზე,
რომელიც ასე გგანადგურებს, და მოგვევლინეთ
სიმართლისა და უკვდავების დიდ მაგალითად.
დღემდე ასე ბევრს არცინ ფლობდა და ვერც ვინ შესძლო
დოვლათის ასე დიდებულად გამოყენება.
ევროპის ყველა მბრძანებელი მოკრძალებულად
თაყვანს სცემს სახელს თქვენი მძლავრი ესპანეთისას.
მაშ ხელმწიფეებს ევროპისას წინ წარუძებით!
საკმარისია თქვენი კალმის ერთი მოსმა და
მთელი ქვეყანა განახლდება, გარდაიქმნება.
უარს ნუ გვეტყვით, ხელმწიფეო, გვიბოძეთ აზრის
თავისუფლება.

(დაემხობა მის ფერხთით.)

მეფე

(გაოცებული, ჯერ სახეს მოარიდებს, შემდეგ კი ისევ მარკიზს
დააცქერდება)

საოცარი მეოცნებე ხართ!

მაგრამ... ადექით...

მარკიზი

მიმოავლეთ ბუნებას თვალი!

თავისუფლებას ემყარება აქ ყველაფერი...
რა მდიდარია ბუნება ამ თავისუფლებით.

ის, უდიდესი შემოქმედი, ნამის ერთ წვეთში
ჭიას გაღისერის და მკედარ მძორში იძლევა ნებას,
რომ თვითნებობამ გაიხაროს, მოიკლას უინი.
რა საბრალთა, შეზღუდული თქვენი ქმნილება.
ერთი ფურცელის შრიალიც კი შეაკრობს წამსვე
საქრისტიანოს დიდ მბრძანებელს... თქვენ ყოველგვარი
სათნოების წინ უნდა თრთოდეთ, ხოლო იგი კი
თავისუფლების მოვლინებას ხელს როდი უშლის...
იგი ნებას რთავს ბოროტ სულთა საშინელ ლაშქარს
თვის სამყაროში იმძვინვაროს, მას კი — ხელოვანს,
ვერსად იხილავს კაცის თვალი, რადგანაც მორცხვად
დამალულია მარადიულ კანონებითა.
კანონებს ხედავს ათეისტი, მას კი ვერ ამჩნევს.
„რად გვინდა ღმერთი, — ამბობს იგი, — ჩვენთვის ქვეყანაც
საკმარისია“. მაგრამ იგი ასეთი კილვით
ღმერთს ქებას ასხამს ქრისტიანის ლოცვაზე მეტად.

მ ე ფ ე

და თქვენ გინდათ, რომ გადმოიღოთ ჩემს ქვეყნებშიაც
ეს დიდებული მაგალითი ადამიანთა?

მ ა რ კ ი ზ ი

ამას თქვენ შესძლებთ, ხელმწიფეო, თქვენ შესძლებთ
მხოლოდ.
თქვენს გარდა ამას ვინ შეიძლებს? ხალხთა სიკეთეს
მსხვერპლად შესწირეთ მართვის ძალა, რაც ასე დიდხანს
აძლიერებდა სიდიადეს თქვენი ტახტისას.
კაცობრიობას დაუბრუნეთ ღირსება თვისი.
დე გადაიქცეს მოქალაქე, ვით უწინ იყო,
ტახტის საზრუნავ მთავარ საგნად და მხოლოდ ერთი
მოვალეობა დაეკისროს: თვისი უფლების
მსგავსად მოძმეთა უფლებასაც პატივსა სცემდეს.
როს კვლავ შეიგრძნობს თვის ღირსებას ადამიანი —
თავისუფლების ზეიადი და განდიდებული

სათნოების ქვეშ აღიზრდება, განვითარდება,
როს თქვენს სამეფოს გადააქცევთ ბედნიერ ქვეყნად,
მაშინდა გმართებთ, რომ დაიბყროთ მთელი მსოფლიო...

მ ე ფ ე

(ხანგრძლივი დუმილის შემდეგ)

მე თქვენ ბოლომდე გათქმევიანეთ სათქმელი თქვენი...
მესმის, რომ, სხვებთან შედარებით, თქვენს გონებაში
სულ სხვანაირად იხატება მთელი სამყარო
და მეც არ მინდა, თქვენ მოგმართოთ უცხო საზომით...
მე პირველი ვარ, ვისაც სული გადაუშალეთ.
ეს მჯერა, რადგან თქვენ მაუწყეთ: სწორედ ასეთი
თავშეკაების და სიფრთხილის გულისთვის მხოლოდ,
რომ ეგ აზრები, ანთებული მგზნებარე ცეცხლით,
ღღემდე არავის გაუშეღაენეთ, მხოლოდ ასეთი
თავდაჭერილი ქცევისათვის, ჭაბუკო კაცო,
მსურს დავიფიწყო, რაც გავიგე, როგორც გავიგე-
ადექით. მინდა სულსწრაფ ჭაბუკს შევეკამათო,
როგორც მოხუცი და არა ვით ზვიადი მეფე.
მე ეს ასე მსურს, ასე მინდა. თვითონ შხამსაც კი
ხომ შეუძლია შეიცვალოს ავი თვისება,
როდესაც კეთილ ბუნებაში მოხვდება იგი.
მაგრამ თქვენ ძლიერ გაფრთხობთ ჩემი ინკვიზიცია!
ეგ ჩემთვის დიდად საწყენია.

მ ა რ კ ი ზ ი

ნუთუ ნამდვილად?

მ ე ფ ე

ჯერ არ მინახავს მე ამგვარი ადამიანი.
— ო, არა, მარკიზ! ჩემზე ძლიერ მკაცრად მსჯელობთ.
მე ნერონობა როდი მინდა, არა, ეგ არ მსურს —
არ მსურს თქვენს მიმართ იგი ვიყო. ყველა სიკეთე
ჩემს ქვეყანაში ჯერ მთლიანად არ დაშრეტილა.
ადამიანად უნდა დარჩეთ ჩემს თვალში ისევ.

მარკიზი
(სწრაფად)

მაგრამ, ხელმწიფევე, დანარჩენი მოქალაქენი?
არ მიფიქრია, მბრძანებელო, საკუთარ თავზე,
მე საზრუნავი ჩემი როდი მამეტყველებდა.
მეფეო, თქვენი ქვეშევრდომნი?..

მეფე

რადგანაც ასე
კარგად გცოდნიათ, თუ ვით განმსჯის შთამომავლობა,
მან მაგალითად თქვენ აგილოს, რათა გაიგოს,
როგორ მოვეპყარ ადამიანს, როს იგი ვპოვე.

მარკიზი

ო, ასე უცებ უსამართლო ნუ შეიქნება
მეფე ყველაზე სწორზე სწორი, სამართლიანი,
თქვენს ფლანდრიაში ათასობით უკეთესები
არიან ჩემზე... მაგრამ თქვენ კი—ძალმძის გავბედო
და გულახდილად გამოგიტყდეთ, დიდო ხელმწიფევე?—
თქვენ შეიძლება მხოლოდ ახლა ხედავთ პირველად
თავისუფლებას ამ უნაზეს და წყნარ სურათში.

მეფე

(ნაკლები სერიოზულობით)

ჭაბუკო კაცო, კმარა უკვე ამის შესახებ...
ვიცი, რომ მალე გამოიცვლით შეხედულებას,
როს ადამიანს თქვენც ჩემსავით კარგად გაიცნობთ.
მაგრამ მე მაინც ვისურვებდი, რომ ამ დარბაზში
უკანასკნელად არ მენახეთ. როგორ დავიწყო,
ვით მოვახერხო თქვენი გულის მონადირება?

მარკიზი

დამტოვეთ ისე, როგორცა ვარ. რა ვიქნებოდი
თქვენთვის, მეფევე, თუ მომისყიდლით?

მეფე

ო, ვერ მოვითმენ
ამ სიამაყეს, დღეიდანვე ჩემს სამსახურში
ჩარიცხული ხართ. არ გაბედოთ შეკამათება,
მე ეს ასე მსურს.

(პაუზის შემდეგ)

მაგრამ როგორ? რა მსურდა კიდევ?
ნეტავ სიმართლე იყო იგი, რაც მე მინდოდა?
და აი მე აქ რალაც უფრო მეტსა ვპოულობ.
თქვენ მე მამხილეთ, ვით ხელმწიფე, სამეფო ტახტზე...
მაგრამ ოჯახში?

(ხედავს, რომ მარკიზი ვერ ბედავს ხმის ამოღებას.)

კარგად მესმის ღუმელი თქვენი.
მაგრამ, როცა ვარ უბედური ყველა მამაზე,
თუ შემიძლია ბედნიერი ვიქნე მე მაშინ,
როგორც ძეუღლე?

მარკიზი

საიმედო ვაჟიშვილის და
ღირსეულ ცოლის ყოლა თუკი ვინმე მოკვდავ კაცს
უფლებას აძლევს მაგ სახელით იწოდებოდეს,
მაშინ, მეფეო, ორივე მხრით ხართ ბედნიერი.

მეფე

(მოღუშული სახით)

არა, არა ვარ! და რომ არ ვარ მე ბედნიერი,
ჯერ ისე ძლიერ არასოდეს ეს არ მიგრძენია,
როგორც ამჟამად.

(მწუხარე თვალებით მიაჩერდება მარკიზს.)

მარკიზი

პრინცი სათნო, კეთილშობილურ
ზრახვას ატარებს. მე მას სხვაგვარს არც კი ვიცნობდი.

მარკიზი

მეფე

შე კი სხვაგვარად გავიცანი... რაც მან წამართვა,
ველარ მომიზღავს ველარც ერთი გვირგვინი იმას—
ასეთი სათნო დედოფალი!

მარკიზი

ვგ ვინ გაბედა,
მაგას ვინ ამბობს, ხელმწიფეო?

მეფე

ქვეყანა, ხალხის
ბოროტი ენა და მე თვითონ. აი, აქაა
საბუთნი ერთობ უტყუარნი, მას რომ ბრალს სდებენ.
არიან კიდევ სხვა საბუთნიც, რომელთ წინაშე
შიშით ვკანკალებ... მაგრამ, მარკიზ... ძნელია ჩემთვის
ძალზე ძნელია მხოლოდ ერთი რამ დავიჯერო:
ვინა სდებს მას ბრალს? თუკი იგი თავს ნებას აძლევს,
ასე დამდაბლდეს და დაკარგოს ნამუსი თვისი,
მე უფრო მეტი უფლება მაქვს არ დავიჯერო,
ვილაც ებოლი ცილს რომ სწამებს დედოფალს ჩემსას,
განა არა სძულს მოძღვარს იგი და ჩემი შვილი?
იქნებ ალბასაც შურისგება ალაპარაკებს?
არა, მე მათზე მეტ ფასსა ვდებ მეუღლეს ჩემსას.

მარკიზი

და არის კიდევ ქალის სულში ისეთი რამე,
რაც მოჩვენებით საქციელზე, ცილისმწამებლურ
მოქმედებაზე მაღლა დგას და... მას ეწოდება
დედაკაცური სათნოება.

მეფე

მეც მაგას ვამბობ.

როგორც დედოფალს ბრალსა სდებენ, ასე დაცემა
კაცს ძალზე ძვირად უღირს ხოლმე. პატიოსნების
წმინდა კავშირი, როგორც იმათ სურთ დამარწმუნონ,

ასე ადვილად არ ირღვევა. თქვენ კარგად იცნობთ
ადამიანებს, ჩემო მარკიზ. კარგა ხანია
ასეთი კაცი მაკლდა სწორედ. ლალი, კეთილი
ბუნების ჩანხართ, კარგად იცნობთ ადამიანსაც.
სწორედ ამიტომ ავირჩიეთ.

მარკიზი

(გაოცებული და შეშინებული)

მე?

მეფე

თქვენ იდექით

შეფის წინაშე და თქვენთვის კი სულ არაფერი
არ გითხოვიათ. ახალია ეს ჩემთვის მეტად.
სამართლიანი იყავით კვლავ. დაე თქვენს მზერას
გზას ნუ აუბნევს, ნუ შეაძდენს ვნებათა ლეღვა.
დაუმეგობრდით პრინცს და ჩასწვდით დედოფლის გულსაც.
ნებას გრთავთ მასთან საიდუმლოდ ილაპარაკოთ.
ახლა დამტოვეთ!

(რგვაეს)

მარკიზი

თუ აწ ძალმიძს წავიდე თქვენგან
ისე, რომ თუნდა აღვისრულო ერთი იმედი,
უმშვენეირეს დღედ მივიჩნევ მე ამ დღეს მაშინ.

მეფე

(გაუწვდის ხელს სამთხვევად)

ეს დღე არც ჩემთვის დაკარგულა.

(მარკიზი ადგება და მიდის. შემოდის გრაფი ლერმა.)

ამიერიდან

რაინდი ჩემთან შემოვიდეს მოუხსენებლად.

მეოთხე მოქმედება

დედოფლის დარბაზი

პირველი გამოცვლა

დედოფალი. ჰერცოგინია თლივარესი.
პრინცესა ებოლი. გრაფინია ფუანტესი და კიდევ
სხვა მანდილოსნები.

დედოფალი

(ადგება, უფროს სეფე ქალს)

მაშ არ აღმოჩნდა გასაღები? მეტი რა გზაა,
უნდა ზარდახშა მე ახლავე გავატეხინო.

(შეაჩვენებს პრინცესა ებოლის, რომელიც დედოფალთან
მივა და ხელზე ემთხვევა.)

აჰ, გამარჯობათ, საყვარელო, ტურფა პრინცესა.
მოხარული ვარ, განკურნებულს, ჯანმრთელს რომ გხედავთ.
თუმც ისევ ძლიერ ფერმიკრთალი ხართ...

ფუანტესი

(ოდნავ გესლიანად)

ციებ-ცხელება

ნერვებზე ძლიერ გასაოცრად მოქმედებს ხოლმე.
ხომ მართალია?

დედოფალი

ძლიერ მსურდა მე თქვენი ნახვა,
ჩემო ძვირფასო. მაგრამ მე ხომ არ მრთავენ ნებას
და ვერ გავბედე გსტუმრებოდით.

ოლივარესი

მგონი, ისედაც
არ მოჰკლებია მნახველები პრინცესას ჩვენსას.

დედოფალი

ეგ მეცა მჯერა. მთლად კანკალებთ. რა დაგემართათ?

ებოლი

ო, არაფერი, დედოფალო, სულ არაფერი.
ნება მიბოძეთ, გაგეცალოთ.

დედოფალი

რატომ გვიმალავთ?
იქნებ თავს უფრო ცუდადა გრძნობთ, ვიდრე გვარწმუ-
ნებთ?
ფეხზე დგომაც კი გიძნელებათ. ჰერცოგინია,
გთხოვთ დაეხმაროთ, რომ ჩამოჯდეს ამ ტაბურეტზე.

ებოლი

გარეთ თავს უფრო უკეთ ვიგრძნობ.

დედოფალი

უკან გაჰყევით,
ჰერცოგინია. ჩვენს ებოლის რა დაემართა!
(შემოდის პაუი და ელაპარაკება ჰერცოგინიას, რომელიც შემდეგ მიმართავს
დედოფალს.)

ოლივარესი

მარკიზ დე-პოზა გახლავთ, თქვენო უდიდესობავ,
გამოგზავნილი თქვენთან მეფე ფილიპეს მიერ.

დედოფალი

მობრძანდეს. ველი.

(პაეი მიდის და მარკიზს კარს ჟღებს.)

მეორე გამოცვლა

იგინივე. მარკიზ პოზა.

(მარკიზი ცალ მუხლზე დაიჩოქებს დედოფლის წინ, რომელიც მას ანიშნებს, რომ ადგეს)

დედოფალი

რას მიბრძანებს ჩემი ხელმწიფე?
თუ ძალმიძს სხვების თანდასწრებით...

მარკიზი

მე დამავალეს,
რომ მარტო შევხვდე თქვენს ხელმწიფურ უდიდესობას.
(დედოფლის ნიშნებაზე მანდილასნები გაეცლებიან.)

მესამე გამოცვლა

დედოფალი. მარკიზ პოზა.

დედოფალი

(გაკვირვებით)

როგორ? ჩემ თვალებს დაეუჯერო, რაინდო პოზა?
თქვენ ჩემთან მეფემ გამოგგზავნათ?

მარკიზი

ასე საოცრად
მიაჩნია ეს თქვენს ხელმწიფურ უდიდესობას?
მე კი სრულებით არ მაკვირვებს.

დედოფალი

მაშ, ჩანს, ქვეყანამ
გადაუხვია თვისი გზიდან... თქვენ და ხელმწიფე...
გამოგიტყდებით...

მარკიზი

რომ ეს მაინც ჟღერს უცნაურად?
ეგ, შეიძლება, ასეც იყოს. მაგრამ ჩვენი დრო
სხვა საოცარი ამბებითაც არის მდიდარი.

დედოფალი

ამაზე მეტით, არ მგონია.

მარკიზი

თუნდაც დავუშვათ,
რომ შემოვბრუნდი საბოლოოდ... და მე დაქანცულს
ალარ შემეძლოს ესპანეთის სამეფო კარზე
ახირებულის თუ ობროდის როლის თამაში?
დიახ, ობროდის... ან სხვა კიდევ რა ჰქვია ამას?
ვისაც ხალხისთვის სარგებლობის მოტანა ნებაგს,
ის ჯერ თანაბრად მასთან დგომას უნდა ეძებდეს.
რად მინდა სექტას მედიდური შესამოსელი?
აბა, ვინაა, დიდება არ სიბლავდეს ისე,
რომ თვის რწმენისთვის სიხარულით არ ირჯებოდეს?
ვთქვათ, რომ ამ საქმეს მეც იმგვარად შემოვუარე,
სამეფო ტახტზე დავამყარე ჩემი იმედი?

დედოფალი

ო, არა. მარკიზ, ბრალს ვერ დაგდებთ, თუნდაც ხუმ-
რობით,

ასეთ უსუსურ, მოუმწიფარ წარმოსახვაში.
არ ხართ თქვენ იგი მეოცნებე, რომელიც ისეთ
საქმეს დაიწყებს, დამთავრება არ ძალუძს რისიც.

მარკიზი

მე კი მგონია, დედოფალი, რომ ეს ჯერ კიდევ
ჩაკითხი გახლავთ.

დედოფალი

ერთადერთი, რაზეც მე ძალმიძს
გისაყვედუროთ, ჩემო მარკიზ, და რაიც თქვენგან
ფრიად მიაოცებს, იქნებოდა... ეს...

მარკიზი

ორპირობა!

შესაძლო არის, ასე ფიქრობთ.

დედოფალი

პირდაპირობა

მაინც არაა. განა მეფემ ის დაგაბარათ,
რასაც თქვენ ახლა მეტყვით?

მარკიზი

არა.

დედოფალი

კეთილი საქმე

ვით გაამართლებს ცუდს და უგვან საშუალებას?
თუ შესძლებს თქვენი სიამაყე კეთილშობილი —
ო, მაპატიეთ მე ეს ეჭვი, რომ შეურიგდეს
ასეთ სამსახურს? არა მჯერა.

მარკიზი

არც მე, თუ საქმე

აქ ჩვენი მეფის მოტყუებას ეხება მხოლოდ.
მაგრამ მე ამას როდი ვფიქრობ. მინდა ხელმწიფეს
დღეს ვემსახურო უფრო წრფელად, უფრო ერთგულად,
ვიდრე ეს თვით მან დამავალა.

დედოფალი

ო, სწორედ ამით

გიცნობთ თქვენ, მარკიზ. აწ კი კმარა! ვით ცხოვრობს
იგი?

მარკიზი

მეფე?—როგორც ჩანს, შურს ვიძიებ მე უმაღლესზე,
ვინც მომეველინა პირუთენელ და სასტიკ მსაჯულად.
რის თქმასაც არც თუ ძლიერ ვჩქარობ, ვით მე მგონია,
უფრო ნაკლებად ჩქარობს თქვენი უდიდესობა
მოსმენას მისას. მაგრამ მაინც მოსმენა გმართებთ.
ხელმწიფე გთხოვთ, რომ არ ინებოთ დღეს საფრანგეთის
ელჩის მიღება. დავალება ეს იყო ჩემი
და აღვასრულე.

დედოფალი

მაშ ესაა სუყველაფერი,

რაც ჩემთვის უნდა ვადმოგეცათ მეფისგან, მარკიზ?

მარკიზი

დაახლოებით, ყველაფერი, რამაც აქ მოსვლის
უფლება მომცა.

დედოფალი

და მეც მზად ვარ, არ შევეცადო

იმის გაგება-გამორკვევას, რაც, შეიძლება,
იდუმალბით უნდა დარჩეს ჩემთვის მოცული.
ეგ ასე გახლავთ, დედოფალი. თქვენ რომ სხვა იყოთ,
აეჩქარდებოდი, ზოგი რამე გამეგებინა,
გაგაფრთხილებდით ზოგიერთი პიროვნებისგან,
მაგრამ ეს თქვენთან აღარაა საჭირო, მგონი.
დაე მრავალჯნის წარმოიშვას თქვენს ირგვლივ საფრთხე
და განქრობის ისე, თქვენ არც უნდა შეიტყოთ იგი.
ეს ყველაფერი იმად არ ღირს, რომ მან განუფრთხოს
ოქროს სიზმარი ანგელოზის ღვთაებრივ თვალებს.
მაგრამ ეს მაინც ის არაა, რისთვისაც მოველ.
პრინცი კარლოსი...

დედოფალი

როგორაა, რა გუნებაზე?

მარკიზი

ვით თვისი დროის ერთადერთი ბრძენი, რომელსაც

ბრალად ეთვლება სიმართლისთვის ლოცვა-ვედრება და ვინც მზადაა, რომ თავისი სიყვარულისთვის, ვით ბრძენმა თავისი სიმართლისთვის, გასწიროს თავი-ცოტა გითხარით მე კარლოსზე, მაგრამ აქაა იგი მთლიანად.

(მისცემს წერილს დედოფალს.)

დედოფალი

(წერილის წაკითხვის შემდეგ)

იგი ჩემთან შეხვედრას ითხოვს..

მარკიზი

მეც ამას ვამბობ.

დედოფალი

ნუთუ იგრძნობს თავს ბედნიერად, როცა ის თავისი თვალით ნახავს, რომ ბედნიერი არც თვითონ მე ვარ.

მარკიზი

არა... მაგრამ უფრო მოქმედი და გამბედავი შეიქნება.

დედოფალი

როგორა ბრძანეთ?

მარკიზი

ფლანდრიაშია დანიშნული ჰერცოგი ალბა.

დედოფალი

დანიშნულია, მეც შევიტყუე.

მარკიზი

მეფე არ შესცვლის თავის ბრძანებას. ფილიპეს ხომ ჩვენ კარგად ვიცნობთ.

მაგრამ სწორია ისიც, რომ აქ არ უნდა დარჩეს ხელმწიფის შვილი სწორედ ახლა... არ შეიძლება ფლანდრია მსხვერპლად გაიწიროს.

დედოფალი

თუ შეგიძლიათ

გადაარჩინოთ ის დალუპვას?

მარკიზი

დიახ... მგონია.

საშუალება, როგორც საფრთხე, საშინელია და გაჩედული, როგორც თავზე ხელის აღება... მაგრამ მე სხვა გზას ვერ ვპოულობ.

დედოფალი

მეც გამიმხილეთ.

მარკიზი

დიახ, მხოლოდ თქვენ, დედოფალო, თქვენ გაგიმელავნებთ.

თქვენგან მოისმენს მას კარლოსი შეუძრწოლებლად, თუმცა სახელი, მას რომ ჰქვია, ცოტა არ იყოს, უხეშადაა ელერს.

დედოფალი

ჯანყი?

მარკიზი

ჩვენი ბატონიშვილი

ფილიპე მეფეს აღარ უნდა დაემორჩილოს, უნდა ბრიუსელს გაემგზავროს ის საიდუმლოდ, სად ფლამანდელნი გაშლილ ხელით ელოდებიან. მის დაძახილზე აღდგებიან ნიდერლანდელნი, მისი წყალობით განმტკიცდება კეთილი საქმე. ესპანეთის ტახტს ძრწოლას მოჰვერის მახვილი მისი.

ბრალად ეთვლება სიმართლისთვის ლოცვა-ვედრება და ვინც მზადაა, რომ თავისი სიყვარულისთვის, ვით ბრძენმა თავისი სიმართლისთვის, გასწიროს თავი-ცოტა გითხარით მე კარლოსზე, მაგრამ აქაა იგი მთლიანად.

(მისცემს წერილს დედოფალს.)

დედოფალი

(წერილის წაკითხვის შემდეგ)

იგი ჩემთან შეხვედრას ითხოვს.

მარკიზი

მეც ამას ვამბობ.

დედოფალი

ნუთუ იგრძნობს თავს ბედნიერად, როცა ის თავისი თვალთ ნახავს, რომ ბედნიერი არც თვითონ მე ვარ.

მარკიზი

არა... მაგრამ უფრო მოქმედი და გამბედავი შეიქნება.

დედოფალი

როგორა ბრძანეთ?

მარკიზი

ფლანდრიაშია დანიშნული ჰერცოგი ალბა.

დედოფალი

დანიშნულია, მეც შევიტყვე.

მარკიზი

მეფე არ შესცვლის თავის ბრძანებას. ფილიპეს ხომ ჩვენ კარგად ვიცნობთ.

მაგრამ სწორია ისიც, რომ აქ არ უნდა დარჩეს ხელმწიფის შვილი სწორედ ახლა... არ შეიძლება ფლანდრია მსხვერპლად გაიწიროს.

დედოფალი

თუ შეგიძლიათ

გადაარჩინოთ ის დალუპვას?

მარკიზი

დიახ... მგონია.

საშუალება, როგორც საფრთხე, საშინელია და გაზედული, როგორც თავზე ხელის აღება... მაგრამ მე სხვა გზას ვერ ვპოულობ.

დედოფალი

მეც გამიმხილეთ.

მარკიზი

დიახ, მხოლოდ თქვენ, დედოფალო, თქვენ გაგიმეღავენებთ.

თქვენგან მოისმენს მას კარლოსი შეუძრწოლებლად, თუმცა სახელი, მას რომ ჰქვია, ცოტა არ იყოს, უხეშადაა ჟღერს.

დედოფალი

ჯანყი?

მარკიზი

ჩვენი ბატონიშვილი

ფილიპე მეფეს აღარ უნდა დაემორჩილოს, უნდა ბრიუსელს გაემგზავროს ის საიდუმლოდ, სად ფლამანდელნი გაშლილ ხელით ელოდებიან. მის დაძახილზე აღდგებიან ნიდერლანდელნი, მისი წყალობით განმტკიცდება კეთილი საქმე. ესპანეთის ტახტს ძრწოლას მოჰგვრის მახვილი მისი.

რაზეც მადრიდში მამა უარს ეუბნებოდა,
მას ბრიუსელში აისრულებს.

დედოფალი

მაშ ესაუბრეთ
დღეს მეფის ძეს და ამას ფიქრობთ?

მარკიზი

რომ ვესაუბრე.

სწორედ იმიტომ,

დედოფალი

(პაუზის შემდეგ)

თქვენი გეგმა ძლიერ მაშინებს
და თანაც მზიბლავს, ჩემო მარკიზ. ასე მგონია,
რომ თქვენ ამაში არა სცდებით... ეს აზრი ძლიერ
გაბედულია და მეც სწორედ ამიტომ მომწონს.
მე ამ აზრს მივცემ მომწიფების საშუალებას.
იცის ეს პრინციპი?

მარკიზი

მე მინდოდა, რომ ხელმწიფის შვილს
პირველად თქვენგან მოესმინა ამგვარი აზრი.

დედოფალი

უდაოდ, დიდი იდეაა.—თუ უფლისწულის
ახალგაზრდობა...

მარკიზი

ეგ საშიში არაა სულაც.
პრინცი იქ ჰპოვებს ეგმონტსა და ვილჰელმ ორანელს,
იმპერატორი კარლის მამაც, ყოჩაღ მეომრებს,
საბჭოში—ჭკვიანთ, ბრძოლის ველზე კი შემზარავებს.

დედოფალი

(გაცხველებით)

არა! იდეა დიადია და მშვენიერი.

პრინცს მოქმედება მართებს ახლა, კარგად ვგრძნობ ამას.
როლი, რომელიც მას მადრიდში წილად ხედომია,
მის ნაცვლად მტანჯავს და მიწასთან მათანასწორებს.
მე მას ვპირდები საფრანგეთსა და სავოიენს.
მთლიანად თქვენი აზრისა ვარ, დე იმოქმედოს,—
მაგრამ ეს ჩვენგან ფულს მოითხოვს.

მარკიზი

მზადაა უკვე.

დედოფალი

მეც შემძლია გამოვნახო საშუალება.

მარკიზი

მაშ შემძლია პრინცს შეხვედრის იმედი მივცე?

დედოფალი

მინდა დაეფიქრდე მე ამაზე.

მარკიზი

ხელმწიფის შვილი

პასუხს მოითხოვს დედოფალი.—კარლოსს შევპირდი,
კარიელ ხელიდან შენთან არ დაებრუნდები-თქო.

(აძლევს დედოფალს თავის უბის წიგნაკს.)

ორი სტრიქონიც კარა ახლან

დედოფალი

(დაწერის შემდეგ)

თუ განახვთ კიდევ?

მარკიზი

ყოველთვის, როცა თქვენ მიბრძანებთ, როცა ისურვებთ.

დედოფალი

ყოველთვის, როცა მე გიბრძანებთ?—მარკიზ დე-პოზა!
როგორ გავიგო მე ამგვარი თავისუფლება?

მარკიზი

ისე უბრალოდ, ვით ყოველთვის შეგეძლოთ თქვენ ეს-
ჩვენ ვტყბებით ამით და ეს, მგონი, საკმარისია,
საკმარისია თვითონ ჩემი დედოფლისათვის.

დედოფალი

(ამთავრებს აუდიენციას)

გავიხარებდი, მარკიზ, ძლიერ, თავისუფლებას
მთელ ევროპაში თუნდ ეს ერთი თავშესაფარი
რომ შერჩენოდა, შერჩენოდა მისი წყალობით.—
ჩემი ფარული თანაგრძნობის იმედი გქონდეთ.

მარკიზი

ო, ვიცოდი, რომ გამიგებდნენ აქ ყოველივეს.

ჰერცოგინია ოლივარესი

(გამოჩნდება კარებში)

დედოფალი

(მარკიზს ცივად)

რაც ჩემს მბრძანებელს, ჩემს ბატონს სურს, მე პატივსა
კანონის მსგავსად. გთხოვთ, წაბრძანდეთ და დაარწ-
მუნოთ

ჩვენი ხელმწიფე ჩემს უსაზღვრო მორჩილებაში!

(დედოფალი ანიშნებს, მარკიზი გადის.)

გალერეა

მოდთხე გამოცვლა

დონ კარლოსი და გრაფი ლერმა.

კარლოსი

აქ ხელს არავინ შეგვიშლის ჩვენ. რის გამელაგნება,
გინდოდათ, ლერმა?

ლერმა

ვგონებ, გყავდათ ამ სსსახლგში
ერთი ერთგული მეგობარი.

კარლოსი

(სახტად დარჩენილი)

ვინა? არ ვიცი.


რაო? თქვენ ამით, გრაფო ლერმა, რისი თქმა გნებავთ?

ლერმა

მაშ მომიტყევთ, უფლისწულო, რომ მასზე მეტი
შევიტყვე, ვიდრე მე ამისი უფლება მქონდა.
მაგრამ მე თქვენი ბრწყინვალეების დასამშვიდებლად
გეტყვი, მეფის ძევ, რომ გავიგე ეს ყველაფერი
თქვენი ერთგული მსახურისგან, მოკლედ, თვით ჩემგან.

კარლოსი

მითხარით, ვისზე ლაპარაკობთ?



მერე?

ლერმა

მარკიზ პოზაზე.

თუ მისთვის გაგინდვიათ იმაზე მეტი,
რის ცოდნაც ვინმე სხვა ჩვენთაგანს შეეფერება,
მაშინ მე ვშიშობ, მეფის ძეო...

კარლოსი

როგორ თუ შიშობთ?

ლერმა

მეფესთან იყო...

კარლოსი

ნუთუ?

ლერმა

სრული ორი საათი,
და საიდუმლოდ ისაუბრეს.

კარლოსი

ნუთუ ნამდვილად?

ლერმა

ვიცი, უბრალო საქმეზე არ ლაპარაკობდნენ.

კარლოსი

ეგ მეცა მჯერა.

ლერმა

უფლისწულო, თქვენი სახელი
მესმოდა ხშირად.

კარლოსი

იმედია, ეგ ცუდ რაიმეს
არ მოასწავებს, გრაფო ლერმა.

ლერმა

და დღეს, ამ დღით,
მის საძინებელ სავანეში ჩვენი დედოფლის
სახელიც ძლიერ უცნაურად მოიხსენიეს.

კარლოსი

(გაოცებული უკან დაიხვეს)

რას ამბობთ, ლერმა?

ლერმა

როს მარკიზი წავიდა ჩვენგან,
მეფემ მიბრძანა, რომ შემდგომში მოუხსენებლად
შემეშვა მასთან.

კარლოსი

ეგ კი, მართლა, მეტისმეტია.

ლერმა

უმაგალითო, უფლისწულო! ასეთი რამე
არ მახსოვს, რაც მე ჩვენს ხელმწიფეს ვემსახურებო.

კარლოსი

მეტისმეტია, მეტისმეტი!.. რაო? როგორ სთქვი,
როგორ ახსენეს დედოფალი?

ლერმა

(უკან დაიხვეს)

არა, მეფის ძვე,

მოვალეობას ვერ გადაუხვევ.

კარლოსი

საოცარია!

ერთს მეუბნებით, მეორეს კი აღარ მიმეღვენებთ.

ლერმა

პირველი უნდა თქვენთვის მეთქვა, ხოლო მეორე
მე მოვალე ვარ მოვახსენო მბრძანებელს ჩვენსას.

კარლოსი

თქვენ მართალი ხართ.

ლერმა

მარკიზს მუდამ მე პატიოსან

კაცად ვიცნობდი.

კარლოსი

მაშ თქვენ იგი ძალიან კარგად

გცნობიათ, ლერმა.

ლერმა

სათნოება ყოველნაირი
ჩირქმოუცხები გახლავთ, ვიდრე არ დასდგომია
გამოცდის წუთი.

კარლოსი

ღიახ. გახლავთ ზოგჯერ მის მერეც.

ლერმა

წყალობა დიდი ხელმწიფისა, მგონი, ღირს კითხვად.
ბევრი ძლიერი სათნოება დაცლილა სისხლით,
წამოგებული ამ მომხიბლავ ოქროს ანკესზე.

კარლოსი

ო, ღიახ!

ლერმა

არც თუ იშვიათად, სჯობს გავამხილოთ,
რის დამალვაც არ შეიძლება.

კარლოსი

ღიახ, სჯობია!

მაგრამ, როგორც სთქვით, თქვენ მარკიზი გიცვნიათ
მხოლოდ
წესიერ კაცად, პატიოსან ადამიანად.

ლერმა

და თუ ის კიდევ არის მართლა პატიოსანი,
მას ჩემი ეჭვი ჩირქს ვერ მოსცხებს, ვერ დაამცირებს,
თქვენ კი ორმაგად მოგებული დარჩებით, პრინცი.
(წასვლას აპირებს.)

კარლოსი

(გულაჩუყებული გამოედევნება და ხელს ჩამოართმევს)
და სამმაგადაც, ღირსეულო ადამიანო...

ვხედავ, კვლავ ერთი მეგობარი შემიძენია
ისე, რომ არც ის დამიკარგავს, ვინც უკვე მყავდა.

(ლერმა გადის.)

მეხუთე გამოცხვლა

მარკიზი მიდის გალერეაში. კარლოსი

მარკიზი

კარლოს!

კარლოსი

ვინ მიხმობს? აჰ, ეს შენ ხარ! მარჯვე დროს
შეგხვდი

შივეშურები მონასტერში. შენც მალე მოდი.

მარკიზი

ორიოდ წუთით შეიცადე.

კარლოსი

შემოგვასწრებენ...

მარკიზი

ნუ გეშინია. ჩვენ აქ დიდხანს არ დავყოვნდებით.
დედოფალს ნახავ.

კარლოსი

მამაჩემთან იყავი მართლა?

მარკიზი

ღიახ! მან მიხმო.

კარლოსი

(მოლოდინით აღსავაე)

მერე?

მარკიზი

კარგად მოეწყო საქმე.

დედოფალს ნახავ სასაუბროდ.

კარლოსი

ნეტავი რა სურს?

და მერე, მეფე?

მარკიზი

მეფეს? არც თუ ბევრი რაიმე-
მას სურს გაიგოს, თუ ვინა ვარ. ნებავეს აგრეთვე
ხათრიანობა უნდაგარო მეგობრებისა.
რა შემოძლია? სამსახური შემომთავაზა.

კარლოსი

უარი უთხარ?

მარკიზი

რა თქმა უნდა.

კარლოსი

მაშ თქვენ ერთმანეთს
როგორ დასცილდით?

მარკიზი

გვარიანად.

კარლოსი

და ჩემს შესახებ.

არა ყოფილა ლაპარაკი?

მარკიზი

შენზე? კი... მაგრამ...

გაკვრით, საერთოდ...

(ამოიღებს უბის წიგნაკს და პრინცს მისცემს.)

ჰა, დედოფლის ეს ორი სიტყვა,
ხვალ კი გავიგებ, სად და როგორ...

კარლოსი

(კითხულობს ძალზე დაბნეული, უბის წიგნაკს ჯიბეში ჩაიდებს და
წასვლას დააპირებს)

მაშ წინამძღვართან

შემხვედები, მარკიზ.

მარკიზი

მოიცადე. რას ეჩქარები?

ხომ არვინ მოდის.

კარლოსი

(ნაძალადევი დიმილით)

ჩემო მარკიზ, ნუთუ ნამდვილად
ჩვენი როლები შეიცვალა? შენ დღეს საოცრად
გაბედული ხარ.

მარკიზი

დღეს? რატომ დღეს მაინცდამაინც?

კარლოსი

ნეტავი რას მწერს დედოფალი?

მარკიზი

განა შენ თვითონ
არ წაიკითხე სწორედ ამ წუთს?

კარლოსი

მე? დიახ, მართლა!

მარკიზი

რა გემართება? რასა ფიქრობ?

კარლოსი

(წერილს ერთხელ კიდევ წაიკითხავს. ალტაცებით და მგზნებარედ)

ცის ანგელოზო!

დიახ, ვიქნები... მინდა ვიყო მე შენი ღირსი.
დიადი სული სიყვარულით მალღდება უფრო.

რახან ასე გსურს, დე მოხდეს, რაც მოსახდენია.
რადგანაც ამას შენ მიბრძანებ, გემორჩილები...
დედოფალი მწერს მოვემზადო აღსასრულებლად
მნიშვნელოვანი განზრახვისა. რასა გულისხმობს
ეს ამ სიტყვებში? შენ არ იცი?

მარკიზი

თუნდაც ვიცოდე,
რასაც გულისხმობს, ნუ თუ ახლა შენ შეგიძლია
მე მომისმინო?

კარლოსი

იქნებ რითმე შეურაცხეცი?
დაბნეულ ვიყავ, მაპატიე, ჩემო როდრიგო.

მარკიზი

დაბნეულიო? რა მიზეზით?

კარლოსი

თვითონ არ ვიცი.

მაშ ეს წიგნაკი ჩემი არის?

მარკიზი

არც თუ მთლიანად!

პირიქით, მოველ იმისათვის, რომ გთხოვო შენი
უბის წიგნაკიც.

კარლოსი

ჩემი? რისთვის?

მარკიზი

და ყველაფერი,

თვით უმნიშვნელო წვრილმანიც კი, რაც მესამე პირს
ხელში არ უნდა ჩაუვარდეს, ძვირფასო კარლოს,
წერილები თუ ცალკეული ჩანაწერები,
თან რომ ატარებ... მოკლედ, შენი უბის წიგნაკი ..

კარლოსი

შერე, რისათვის?

მარკიზი

ისე, ყოველ შემთხვევისათვის.
ვის ძალუძს თავი დააღწიოს უტაბელ ხიფათს?
ჩემთან კი არვინ მოსძებნის მას.

კარლოსი

(ძლიერ შეშფოთებული)

საოცარია!

მე აზრი როგორ დაგებადა?..

მარკიზი

დამშვიდდი, კარლოს.

მე ამ სიტყვებში არ ვგულისხმობ სულ სხვა რაიმეს.
არა, ნამდვილად. ეს წინასწარ გაფრთხილებაა
საფრთხის წინაშე. მე აზრადაც კი არ მომსვლია,
არ მსურვებია, რომ შენ ასე შეგშინებოდა.

კარლოსი

(აძლევს უბის წიგნაკს)

აჰა, მაშ კარგად გაუფრთხილდი.

მარკიზი

გაუფრთხილდები.

კარლოსი

(შესცქერის მარკიზს მრავალმნიშვნელოვნად)

როდრიგო! მე შენ ბევრი მოგეც.

მარკიზი

არც თუ იმდენი,

რამდენიც უკვე მიმიღია მე შენგან, კარლოს.

მაშ დანარჩენი—მოსანტერში... აწ კი მშვიდობით.
(წასვლას აპირებს.)

კ ა რ ლ ო ს ი

(გვერდით შეპყრობილი ებრძვის თავის თავს. ბოლოს მარკიზს უკან მოიხმობს)

მომეც წერილნი ერთხელ კიდევ. მათ შორისაა ერთი ბარათი, ალკალში მან რომ მომწერა, როცა მე ძლიერ ავად ვიყავ. მაგ ძვირფას ბარათს დავატარებდი მარად გულთან, მოუცილებლად და ახლა მასთან განშორება ძალიან მიმძიმს. მომეცი იგი... მხოლოდ იგი... დანარჩენი კი წაიღე, გქონდეს.

(ამოიღებს წერილს და უბის წიგნაკს უკან უბრუნებს.)

მ ა რ კ ი ზ ი

უხალისოდ გიბრუნებ მე მას.

სწორედ ეგ უფრო მჭირდებოდა.

კ ა რ ლ ო ს ი

მშვიდობით, მარკიზ!

(ნელა და მდუმარედ მიდის, კართან ერთ წამს შეჩერდება, ისევ დაბრუნდება და წერილს მისცვას მარკიზს)

აჰა, მაშ გქონდეს.

(ხელი უკანკალვებს, თვალთაგან ცრემლები ჩამოსდის), მარკიზს ყელზე შემოეხვევა და სახეს მკერდზე მიაყრდნობს.

მამაჩემი შეიძლება ამას?

ხომ მართალს ვამბობ? მაშ მამაჩემს ეს შეუძლია?

მ ი მ ძ ვ ს მ გ ა მ ო ს ვ ლ ა

მ ა რ კ ი ზ ი

(გაოცებული ჯვალს გააყოლებს)

ეს შესაძლოა? ნუთუ ასე? მაშ არ მცნობია

კარლოსი კარგად, ზედმიწევნით? ნუთუ მის გულში ამნაირ ხვეულს მე ნამდვილად არ შევხვედრივარ? ეს ექვია და უნდობლობა მეგობრის მიმართ! არა, მე კარლოსს ცილსა ვწამებ!—რა მიქნა მე მან, რომ ასეთ ძლიერ სისუსტეში ბრალსა ვდებ ახლა? რასაც ბრალად ვდებ, მე თვითონვე... ო, რა თქმა უნდა, იგი გაოცდა, მე ეს მჯერა. როდის უნახავს მას მეგობარი ასე ძლიერ გულჩახვეული?.. ეს, რა თქმა უნდა, სამწუხარო, გულსატკენია! მე ვერ დაგზოგავ, ჩემო კარლოს, და უნდა დიდხანს, ჯერ კიდევ დიდხანს ეტანჯო შენი კეთილი სული. ხელმწიფე ენდო ჭურჭელს, რაშიც ჩაასხა თვისი წმიდათა წმიდა საიდუმლო, და ამნაირი ნდობა მოითხოვს ჭურჭლისგანაც მადლიერებას. რატომ ვილაყბო, თუ ტკივილებს არ მოგაყენებს ჩემი ღუმილი? შეიძლება, დაგზოგოს კიდევ. რად გავალვიძო მძინარე და რად დავანახო ღრუბელი მის თავს ელვა-ჭექის მომასწავლები? ისიცა კმარა, რომ მას მშვიდად გადაგაცილებ, და ნათელ ზეცას დაინახავ გავლიძების ჟამს.

(გადის.)

მ ე ფ ი ს კ ა ბ ი ნ ე ტ შ ი

მ ი მ ძ ვ ი ღ ე გ ა მ ო ს ვ ლ ა

მეფე ზის სავარძელში, მის გვერდით დგას მეფის ასული კლარა ევგენია.

მ ე ფ ე

(ღრმა ღუმილის შემდეგ)

არა! ეს ჩემი ასულია... ნუთუ ბუნებას ძალუძს იცრუოს ამნაირად, რომ ნამდვილს ჰგავდეს? ეს ლურჯი თვალი ხომ ჩემია! მის ყოველ ნაკეთში ვანა საკუთარ ჩემივე თავს არა ვპოულობ?

დიახ, ეს შენ ხარ შეილი ჩემი სიყვარულისა.
გულში გიკონებ... შენ ხარ ჩემი სისხლი და ხორცი.
(განცვიფრდება და სიტყვას შესწყვეტს.)

რაო? ეს რა ვთქვი? როგორ? ჩემი სისხლი და ხორცი?!
ან რისი უნდა მეშინოდეს ამაზე მეტად?
ჩემი ნაკვთები პრინცსაც ხომ აქვს?

(ხელში აიღებს მედალიონს. ხან სურათს დახედავს და ხან პირდაპირ
მდგარ სარკეში იმზირება. ბოლოს მედალიონს ძირს დაანარცხებს,
წამოდგება სასწრაფოდ და მეფის ასულს მოიცილებს.)

შორს გამეცალე!

მე ამ უფსკრულში ვილუპები.

მეორე გამოცვლა

გრაფი ლერმა. მეფე.

ლერმა

წინა ოთახში

მობრძანდა ჩვენი დედოფალი სწორედ ამ წუთას.

მეფე

სწორედ ამ წუთას?

ლერმა

ხელმწიფეო, უმორჩილესად

გთხოვთ, მოუსმინოთ...

მეფე

ნუთუ ახლა; სწორედ ამჟამად?

ამ უჩვეულო დროს მივიღო? ო, არა, არა!
ახლა არ ძალმიძს დედოფალთან მე საუბარი.
არ ძალმიძს ახლა...

ლერმა

თვითონ მისი უდიდესობა

გეახლათ უკვე...

(გადის.)

მეცხრე გამოცვლა

მეფე. დედოფალი შემოდის. მეფის ასული.
(მეფის ასული გაეჭანება დედოფლისკენ და მიეკვრება მას. დედოფალი
მუხლს მოიყრის მეფის წინ, რომელიც მღუმარე და დაბნეული დგას.)

დედოფალი

ჩემო მეფე, ჩემო მეუღლე!..

მე თქვენს წინაშე... გავხდი უკვე იძულებული...
თქვენი ტახტის წინ სამართალი უნდა ვეძიო.

მეფე

რა სამართალი?

დედოფალი

უკვე ვხედავ, ამ სასახლეში
ძალზე უღირსად მექცევიან. ჩემი ზარდახშა
გაუტეხიათ...

მეფე

რაო?

დედოფალი

ჩემთვის ფრიად ძვირფასი
ნივთები უკვე წაუღიათ.

მეფე

თქვენთვის ძვირფასი?..

დედოფალი

იმ მნიშვნელობით, რაიც უვიც კადნიერებას
შეუძლია ამ ნივთებს მისცეს...

მეფე

კადნიერება...
და მნიშვნელობა... მაგრამ, ახლა ფეხზე აბრძანდით.

დედოფალი

არა, ვიდრე არ შემპირდებით, ჩემო მეუღლე,
რომ ხელთ გადმომცემთ დამნაშავეს მეფური ძალით,
ან იმ ამაღას საშუალოდ ჩამომაცილებთ,
რომელიც ახლა ჩემს ქურდს მალავს...

მეფე

ფეხზე აბრძანდით!

აბრძანდით ფეხზე. ამ ყოფაში...

დედოფალი
(აღება)

რომ ჩემი ქურდი
მალა წრეს უნდა ეკუთვნოდეს, ვიცი... რადგანაც
იმ ყუთში ეწყო ბრილიანტი, თვალ-მარგალიტი,
ერთ მილიონზე ბევრად მეტი ღირებულების,
და ის კი მხოლოდ წერილებით დაკმაყოფილდა.

მეფე

რომელთ შესახებ ვისურვებდი...

დედოფალი

სიამოვნებით,

ჩემო მეუღლე, წერილები, მედალიონი
გამოგზავნილი იყო თვითონ უფლისწულისგან.

მეფე

ვისგან?

დედოფალი

პრინციგან, თქვენი ძისგან.

მეფე

მერე, ვისდამი?

დედოფალი

ჩემდამი, მეფე.

მეფე

პრინციგან, და მერე, ამას
მე მეუბნებით?

დედოფალი

რატომ არა, ჩემო მეუღლე?

მეფე

ასეთი სახით?

დედოფალი

რად განცვიფრდით, რა დაგეშართათ?
მგონია, გახსოვთ, ჩემო მეფე, ის წერილები,
ორი სამეფოს ნებართვითა და შეთანხმებით
დონ კარლოსმა რომ სენ-ჟერმენში გამომიგზავნა.
იყო თუ არა ნებართვაში მოხსენებული
მისი სურათიც, ამ წერილთ რომ გამოაყოლა,
თუ თვითნებურად გადადგა მან ეს გაბედული
ნაბიჯი თვისი, ფრთაშესხმულმა სწრაფი იმედით,
და თუ ეს პრინცი ჩაიღინა მოუფიქრებლად,
მე ამის განსჯას, ხელმწიფეო, ვერ შევუდგები,
შესანდობია—თვითონ მე ვარ თავდები მისი,
რადგან პრინცს მაშინ აზრადაც არ მოუვიდოდა,
რომ იმ წერილებს დედას სწერდა.
(მეფეს აღეშვებას შეამჩნევს)
რა მოგივიდათ,

რა დაგეშართათ?

მეფის ასული

(რომელმაც ამასობაში იატაკზე მედალიონი იპოვა და მას ხელში
თამაში დაუწყო, მოუტანს დედოფალს)

აი, ამას შეხედე, დედა!

რა მშვენიერი სურათია!..

დედოფალი

რაო? აჰ, ჩემი...

◀იგი მედალიონს იცნობს და გაოცებისგან დადუმდება, ორივენი ერთ-
მანეთს გაშტერებით უცქერიან. ხანგრძლივი დუმილის შემდეგ

მართლაც, ხელმწიფე, ამნაირი საშუალება,
მეუღლის გული უკეთესად რომ გამოიცინოთ,
ფრიად მეფური და ღირსებით აღსავსე გახლავთ...
მაგრამ გავბედავ, ერთი კითხვით მოგმართავთ კიდევ-

მეფე

კითხვის მოცემა აქ მე მმართველს.

დედოფალი

მაგრამ უცოდველთ
არ უნდა შეხვდეთ ჩემი ეჭვით მცირედი ვნებაც,
თუ ეს ქურდობა მომხდარია თქვენი ბრძანებით...

მეფე

ღიას.

დედოფალი

მაშინ ბრალს არავის ვდებ დანაშაულში.
და არც არავინ მებრალება, სულაც არავინ,
თქვენს გარდა, მეფე, რომ არ შეგხვდათ ისეთი ცოლი,
ვისაც ეს ხერხი ჭეშმარიტად დასჭირდებოდა.

მეფე

ეგ კილო ჩემთვის ნაცნობია... მაგრამ მეორედ
ნუ შეიცდებით, ქალბატონო, ვერ მომატყუებთ,
როგორც ეს ჰქენით თქვენ ოდესღაც არანხუესში.
ანგელოზივით უმანკო და სათნო დედოფალს,
რომელიც მაშინ თავს იცავდა დიდი ღირსებით,
აწ უკეთ ვიცნობ.

დედოფალი

ეს რას ნიშნავს?

მეფე

მაშ მოკლედ გეტყვით,
გეტყვით პირდაპირ, ქალბატონო! იქ თქვენ არვისთან

გისაუბრიათ? მაშ მართლა არ გისაუბრიათ?
სულ არავისთან? მართალია?

დედოფალი

ღიას, უფლისწულს

ველაპარაკე.

მეფე

ჰო, მაშ ახლა ეს ნათელია.

აშკარა გახდა ყველაფერი. როგორ უტიფრად,
შეუბრალებლად ეპყრობით ჩემს პატიოსნებას.

დედოფალი

პატიოსნებას? იგი ასე თუ შეურაცხვეს,
ვშიშობ, სინდისი აქ იმდენად არ შელახულა,
ვით მაშინ, როს მე კასტილია მომიძღვნეს მზითვად.

მეფე

მაშინ თქვენ რატომ დამიმალეთ?

დედოფალი

იმიტომ, მეფე,

რომ არ მჩვევია კარისკაცთა თანადასწრებით,
ვით სამსჯავროზე, ჩემს დაკითხვას აწარმოებდნენ,
მაგრამ სიმართლეს არ უარყყოფ, თუ მას მომთხოვენ
გულკეთილად და შესაფერი პატივისცემით.
განა ასეთი იყო კილო, რომლითაც თქვენი
უდიდესობა მესაუბრა არანხუესში?
იქნებ სამსჯავროს წარმოადგენს დიდებულთ კრება,
სადაც თავიანთ საქციელზე თვით დედოფლებმაც
ვით დამნაშავეთ, უნდა მკაცრი პასუხი აგონ?
მე ნება დავრთვ ხელმწიფის შვილს ჩემი ნახვისა,
რადგანაც იგი დაჟინებით ითხოვდა ამას.
ეს ვქენ, მეუღლე, ვინაიდან ასე მინდოდა
და ვინაიდან ჩვეულებას მე არასოდეს
ისეთი საქმის მოსამართლედ არ დავაყენებ,

რაც უძრახველად მიმაჩნია; მე ეს ამბავი
არ გაგიმხილეთ თქვენ იმიტომ, რომ არ ვისურვე
ამ უფლებებზე მეკამათა, მეფეო, თქვენთან
ჩვენი სასახლის კარისკაცთა თანადასწრებით.

მეფე

ძლიერ თამამად ლაპარაკობთ...

დედოფალი

და იმიტომაც,
დავსძენ, რომ პრინცი სამართლიან, კეთილ მოპყრობას,
რომელსაც იგი იმსახურებს, ჩემო მეუღლემ,
საეჭვო არის, თვისი მამის გულში ხვდებოდეს.

მეფე

რომელსაც იგი იმსახურებს?

დედოფალი

რატომ დავფარო?

ძლიერ ვაფასებ ხელმწიფის შვილს და მიყვარს იგი
ისე, ვით ჩემი ნათესავი უძვირფასესი,
რომელსაც ერთხელ ღირსად თვლიდნენ ეტარებინა
სახელი ჩემთვის უფრო მეტად შესაფერისი.
ვერ გამიგია მე ჯერ კარგად, რომ პრინცი ჩემთვის
სწორედ იმიტომ უნდა იყოს აწ უფრო უცხო,
ვიდრე ყოველი დანარჩენი, რომ იგი ღღემდე
სხვა ყოველ კაცზე ჩემთვის უფრო ძვირფასი იყო.
მაგრამ თუ თქვენმა პოლიტიკამ კავშირი შეკრა
ისე, როგორც თვით მოისურვა, მგონია, მისთვის
უფრო ძნელია ამ კავშირის დარღვევა ახლა.
ძალდატანებით ხელმწიფის შვილს არ შევიძლებ...
და რადგან მაინც მაიძულებთ, ხელმწიფე, გითხრათ—
მე არ მინდა, რომ ჩემს არჩევანს ვხედავდე კვლავაც
ასე შებოჭილს.

მეფე

ელისაბედ! თქვენ გინახივართ
ულონობის ჟამს, სუსტ წუთებში, ეს მოვონება

გაბედულსა გხდით. ყოვლისშემძლე ძალას ენდობით,
რითაც სიმტკიცეს ჩემსას უკვე მრავალგზის სძლიეთ...
მაგრამ მით უფრო გეწინოდეთ, რამაც აქამდე
მე მიმიყვანა, სიშმაგემდეც მიმიყვანს იგი.

დედოფალი

განა ისეთი რა შეეცოდეთ, რა დავაშავე?

მეფე

(ხელს ხელში მოჰკიდებს)

და თუ შესცოდეთ—არ მომხდარა ასეთი რამე?
ანდა აღსავსე საწყაული თქვენთა ცოდვათა
თვით სასიკვდილო ამოსუნთქვას თუ გადასწონის...
მოტყუებული თუ ვარ თქვენგან...

(გაუშვებს დედოფალს ხელს)

მაშინ მე ძალმიძს,

ამ უკანასკნელ სისუსტეზეც რომ გავიმარჯვო,
ძალმიძს და კიდევ მოვიინდომებ... ვაი ჩვენ მაშინ,
ელისაბედ!

დედოფალი

თქვი, რა მიმიძღვის დანაშაული?

მეფე

მაშინ კი სისხლი დაიღვრება.

დედოფალი

ნუთუ აქამდე

მივიდა საქმე? ღმერთო ჩემო!

მეფე

ჭკუას დავკარგავ,

აღარ მივხედავ არც ქვეყნის ზნეს, არც ბუნების ხმას,
არც ერთა შორის შეთანხმების წმინდა უფლებას.

დედოფალო

ო, როგორ ძლიერ მეცოდებით.

მეფე

(მოთმინებიდან გამოვა)

აჰ, შეცოდება!

მეძავი ქალის სიბრაალული!..

მეფის ასული

(შეშინებული დედას მიეცვრება)

მეფე მრისხანებს,
ჩემი ლამაზი დედიკო კი ცრემლს აფრქვევს.

მეფე

(უხეშად ჰკრავს ხელს ბავშვს, რომ დედას მოაცილოს)

დედოფალო

(ნაზად და ღირსებით, მაგრამ მორთოლარე ხმით)

ბავშვი

მე განვარდილო უნდა ასეთ უხეშ მოპყრობას.
წამო, წავიდეთ, ჩემო შვილო.

(შვილს ხელში აიყვანს.)

რადგანაც მეფეს

აღარ სურს გიცნოს და უარგყოფს, მე პირინების
იქეთა მხრიდან ქომავლები უნდა მოვიხმო,
რათა წარმართონ ჩვენი საქმე.

(წასვლას აპირებს.)

მეფე

ო, დედოფალო!

დედოფალო

არა, მე მეტი აღარ ძალმიძს... მეტისმეტია...
(სურს კარებამდე მიაღწიოს, მაგრამ ბავშვიანად ზღურბლზე დაეცემა.)

მეფე

(შეძრწუნებული ისწრაფვის მისაშვებლად)

რა მოგივიდათ? ღმერთო ჩემო!

მეფის ასული

(შეშინებული ყვირის)

სისხლი სდის დედას!

(გარეთ გარბის)

მეფე

(შეშინებული ფუსფუსებს დედოფლის ახლოს)

რა საშინელი შემთხვევაა! სისხლი! ნუთუ მე
დავიმსახურე, ასე რომ მსჯით? ფეხზე აბრძანდით!
გრძნობაზე მოდიო! წამოდექით! — აქეთ მოდიან,
შემოგვისწრებენ... წამოდექით! მთელმა სასახლემ
უნდა უცქიროს ამ საშინელ სანახაობას?
იქნებ ადგომა უნდა გთხოვოთ?

(დედოფალი მეფის დახმარებით ფეხზე წამოდგება.)

მათი გამოსვლა

ი გ ი ნ ი ვ ე. ა ლ ბ ა, დ ო მ ი ნ გ ო შემოდინა შეშინებულნი; მათ ს ე ფ ე მ
ქ ა ლ ე ბ ი შემოჰყვებიან.

მეფე

გთხოვთ, დედოფალი

თავის ოთახში მიაცილოთ. ცუდად შეიქნა.

(სეფე ქალები დედოფალს გააცილებენ. ალბა და დომინგო მეფეს
მიუახლოვდებიან.)

ა ლ ბ ა

ცრემლად იფრქვევა დედოფალი, მისი სახე კი
სისხლით შესვერილა...

მეფე

და ეს უკვირთ თვით იმ ავსულებს,
რომელთაც თავგზა ამიზნიეს?

ალბა. დომინგო

ჩვენ?

მეფე

რომელთაც მე
ბევრი რამ მითხრეს, სიშმაგემდე რომ მივეყვანე,
მაგრამ ვერაფრით დამარწმუნეს.

ალბა

რაც ჩვენ ვიცოდით,
თქვენც ის გაცნობეთ.

მეფე

ჯოჯოხეთში მიიღებთ ჯილდოს.
მე საქციელი ჩემი დამრჩა შესანანებლად.
ნუთუ ეს იყო დამნაშავე სინდისის ენა?

მარკიზ პოზა

(სცენის გარედან)

ხელმწიფის ნახვა შეიძლება?

მითითება გამოხვლა

მარკიზ პოზა. იგინივე.

მეფე

(ამ ხმის გაგონებაზე ცოცხლად წამოხტება და რაინდნიმე ნაბიჯს
გადასდგამს მარკიზის შესახვედრად)

აჰ! ეს იგია!

კეთილი იყოს თქვენი მოსელა. თქვენ კი, ჰერცოგო,
ალარ მჭირდებით მე ამჟამად. დაგვტოვეთ.

(ალბა და დომინგო ერთმანეთს უსიცივო გაოცებით გადახედავენ
და გადიან.)

მითითება გამოხვლა

მეფე და მარკიზ პოზა.

მარკიზი

მეფე!

მოხუც კაცისთვის, ვინაც სიკვდილს შეჭებებია
თქვენი გულისთვის ოც ბრძოლაში, ძლიერ სამძიმო
იქნება ასე განშორება!

მეფე

ეს თქვენ შეგფერით,
ასე იფიქროთ, მე კი მმართველს, მოვიტყე ასე:
რა სამსახურიც ამ მცირე ხანს თქვენ გამიწიეთ,
მთელ სიცოცხლეში ვერ შესძლო მაგ მოხუცმა კაცმა.
არ მსურს დავფარო ჩემი კეთილგანწყობილება;
ამიერიდან დაე თქვენს შუბლს ნათლად და მკვეთრად
ჩემი მეფური მოწყალების ბეჭედი ესვას.
მე მინდა იმ კაცს, ვინც მეგობრად ამოვიჩიე,
შურით უმზერდნენ.

მარკიზი

და მაშინაც, თუ მარტოოდენ
წყვედიადის ბნელი საბურველით შეიძლებს იგი
ღირსი ვახდეს ამ სახელისა?

მეფე

რა ამბავს მეტყვიით?

მარკიზი

წინა დარბაზში ყური მოვკარ საშინელ ამბავს.
დაუჯერებლად მიმაჩნია, რაც მე იქ მითხრეს
ცხარე ჩხუბისა, დედოფლის და სისხლის შესახებ.

მეფე

იქიდან მოხვალთ?

დონ კარლოსი

მარკიზი

თავზარს დამცემს, ჭკუიდან შემშლის,
თუ ეს ამბავი, რაც შევიტყვე, არ არის ჭორი
და თუ ნამდვილად, მეფევე, თქვენმა უდიდესობამ
შემთხვევით რაღაც მოახდინა. მნიშვნელოვანი
აღმოჩენანი, რომელთა უკვე მე მივაგენი,
სცვლიან საქმის მთელ ვითარებას.

მეფე

რას ამბობთ!

მარკიზი

შემთხვევა ეპოვე, რომ ხელთ მეგდო ხელმწიფის შვილის
უბის წიგნაკი, რამდენიმე წერილთან ერთად,
რომელნიც, ვით მე ვიპედოვნებ, ნათელს მოჰყენენ...

(გადასცემს მეფეს კარლოსის უბის წიგნაკს.)

მეფე

(ხარბად ათვალისწინებს)

ეს მამაჩემის წერილია, იმპერატორის...
რატომ არ მახსოვს, არ მსმენია ამის შესახებ?

(გადაიკითხავს მას, გვერდზე გადასდებს და ახლა სხვა წერილების
წაკითხვას ჩქარობს.)

ციხე-სიმაგრის გეგმა არის... ეს კი ტაციტის
აზრები გახლავთ, ნაწყვეტ-ნაწყვეტ ამოღებული.
უნდა ვიცნობდე ამ ხელს, მგონი. ქალის ხელია!

(კითხულობს ყურადღებით ხან ხმამაღლა, ხან ჩუმად.)

„ეს გასაღები იმ ოთახის კარებს გააღებს,
რომელიც გადის დედოფლის...“ ოჰ, რა იქნება?
„იქ სიყვარული თავისუფლად... ძვირფასი ჯილდო...“
ჯოჯოხეთური გამცემლობა! ახლა, კი მესმის,
ეს იგი არის, მისი ხელი!

მარკიზი

დედოფლის ხელი?

ვერ დავიჯერებ ამას, მეფევე...

მეფე

არა, პრინცესა

უბოლისაა.

მარკიზი

მაშ მართალი ყოფილა იგი,
რაშიც ახლახან გამომიტყდა პატი ჰენარეს,
ვინც მიუტანა პრინცს წერილი და გასაღები.

მეფე

(ძლიერ აღელვებული მარკიზს ხელზე ხელს წაავლებს)
ვეგრძნობ, რა საშინელ, ვერაგ ხალხის ხელთ ჩავყარდ-
ნილვარ!

ამ ქალმა—მარკიზ, მინდა ახლა თქვენ გამოგიტყდეთ—
გატეხა ყუთი დედოფლისა, დიახ, ამ ქალმა,
და დედოფალზე გამაფრთხილა პირველად მანვე.
ვინ იცის, ბერმა საქმე ესე როგორ მოაწყო?
ო, რა წყევლი თაღლითობით მოგტყუებულვარ.

მარკიზი

კარგად ყოფილა მაშ ჯერ საქმე...

მეფე

ო, მარკიზ! მარკიზ!

ახლა მე იმის მეშინია, რომ ჩემს მეფულეს
ასე სასტიკად მოვექციე.

მარკიზი

თუ უფლისწულს და
დედოფალს შორის საიდუმლო რამ არსებობდა,
მაშინ ის უნდა ყოფილიყო სხვა შინაარსის,
ვიდრე ის, რაშიც ბრალსა სდებენ. ნამდვილად ვიცი,

რომ ფლანდრიაში გამგზავრების განზრახვა კარლოსს ელისაბედმა შთააგონა.

მეფე

მეც ასე მწამდა.

მარკიზი

პატივმოყვარე არის იგი... გავბედო მეტი გითხრათ, ხელმწიფე?.. ჩვენს დედოფალს საწყენად რჩება,

რომ, თავის ზვიად იმედებში მოტყუებული, სამეფო ტახტის მმართველობას ჩამოაცილეს. მას ხელთ უპყრია სიჭაბუკე უფლისწულისა შორსმჭვრეტელური ზრახვებისთვის... მაგრამ მე ვეჭვობ, რომ დედოფლის გულს სიყვარული შეეძლოს.

მეფე

მისი

პოლიტიკური განზრახვანი ვერ ამათროვლებს.

მარკიზი

ნუთუ ის უყვართ? საშიშია კარლოსი მართლა? აი, ეს კითხვა მეჩვენება განხილვის ღირსად. აჰ, ჩემის აზრით, საჭიროა სიფხიზლე მკაცრი...

მეფე

პრინცის თავდები თქვენ იქნებით.

მარკიზი

(რამდენიმე ხნის დაფიქრების შემდეგ)

თუ, თქვენის აზრით,

მე შემძლია გავუძღვე ამ მოვალეობას,

მაშინ, ხელმწიფე, უნდა გთხოვოთ, რომ ხელთ გადმომცეთ

მისი წარმართვა მთლიანად და განუსაზღვრელად.

მეფე

სიამოვნებით, თანახმა ვარ.

მარკიზი

არვინ, არც ერთმა თანამდგომელმა, რა სახელიც არ უნდა ჰქონდეს, რასაც საჭიროდ დავინახავ, მე იმ ნაბიჯში ხელი არ უნდა შემეშალოს.

მეფე

არა, არავინ.

პირობას გაძღვეთ. თქვენ ხართ ჩემი კეთილი სული, ჩემი მფარველი ანგელოზი. რა დიდად გმადლობთ ამ რჩევისათვის!
(ღერმას, რომელიც ამ უკანასკნელი სიტყვების თქმის დროს შემოვა)

დედოფალი როგორ ბრძანდება?

ლერმა

იმ მღელვარების შემდეგ ძლიერ შეუძლოდ გახლავთ.
(იგი ორაზროვნად შეხედავს მარკიზს და გავა.)

მარკიზი

(პაუზის შემდეგ, მეფეს)

ერთი სიფრთხილე, ჩემის აზრით, გეჭირდება კიდევ. ვშიშობ, ვაითუ ხელმწიფის შვილს გააგებინონ. ბევრი ჰყავს კარგი მეგობარი... იქნება კიდევ დაუკავშირდა იგი გენტის ამბოხებულებს. შესაძლო არის შიშის გამო ხელმწიფის შვილმა ზომას მიმართოს თავგანწირულს... სწორედ ამიტომ რჩევას ვიძღვევი, ჩვენც ახლავე ზომა მივილოთ, რომ ეს შემთხვევა ავიცილოთ თავიდან სწრაფად.

მეფე

თქვენ მართალი ხართ. მაგრამ როგორ...

მარკიზი

მიბოძეთ, მეფე

დაპატიმრების საიდუმლო ბრძანება, რითაც
განსაცდელის უამს ვისარგებლებ დაუყოვნებლად.

(როგორც კი დაინახავს, რომ მეფე ყუყუნობს)

ეს სახელმწიფოს საიდუმლოდ დარჩება, ვიდრე...

მეფე

(მიდის საწერ მაგიდასთან და დაპატიმრების ბრძანებას
ხელს აწერს)

სამეფოს ბედი საფრთხეშია და ჩვენ ნება გვაქვს
გამოვიყენოთ ეს სასწრაფო საშუალება,
როს გასაჭირი გვაიძულებს... აჰა, ინებეთ.
არავითარი შებრალება თქვენ არ გჭირდებათ.

მარკიზი

(ბრძანებას გამოართმევს)

უკიდურესი შემთხვევის დროს გამოვიყენებ
მე ამ ბრძანებას, ჩემო მეფე.

მეფე

(მხარზე ხელს დაადებს)

წაბრძანდით ახლა.

ძვირფასო მარკიზ, დაუბრუნეთ სიმშვიდე ჩემს გულს
და ჩემს თვალებსაც დაუბრუნეთ კვლავ მშვიდი ძილთ.

(ორივენი გადიან სხვადასხვა მხრით.)

გალერეა

მისაჯობა გამოსვლა

კარლოსი შემოდის ძალზე აღელვებული. წინ შემოხვდება
გრაფი ლერმა.

კარლოსი

თქვენ გეძებთ სწორედ.

ლერმა

მეც თქვენ გეძებთ.

კარლოსი

მაშ მართალია?

ლეთის გულისათვის, მართალია?

ლერმა

რაა მართალი?

კარლოსი

რომ იგი ხანჯლით დასჭრა მეფემ და გაიტანეს
ჩვენი ხელმწიფის ოთახიდან სისხლით მოსვრილი.
ყველა წმინდანის გულისათვის, თქვით, მიპასუხეთ!
რა დავიჯერო, რას ვერწმუნო, რაა მართალი?

ლერმა

უღონოდქმნილი ძირს დაეცა, დაშავდა ოდნავ...
სხვა არაფერი არ მომხდარა.

კარლოსი

მაშ საშიშარი

არაფერია? არაფერი? სინდისს გაფიცებთ!

ლერმა

დედოფლისათვის—არაფერი... მით უფრო—თქვენთვის.

კარლოსი

მაშ დედაჩემი კარგადაა! მაღლობა უფალს!
მე კი სხვაგვარი საშინელი ამბავი მესმა,
თითქოს ხელმწიფე გაუბრაზდა ბავშვსა და დედას
და საიდუმლო გამომჟღავნდა.

ლერმა

უკანასკნელი,

გგონებ, მართალი უნდა იყოს.

კარლოსი

მართალი? ნუთუ?

ლერმა

მე ერთხელ უკვე გაგაფრთხილეთ, ხელმწიფის შვილო, თქვენ კი არაფრად მიიჩნიეთ. გირჩევთ, აწ მაინც გამოიყენოთ უკეთესად.

კარლოსი

რაო?

ლერმა

მეფის ძვე, თუ არა ვცდები, რამდენიმე დღის წინათ ვნახე ცისფერ ხავერდის ყდებიანი უბის წიგნაკი, ოქროქსოვილით შემკობილი, ხელში გეჭირათ.

კარლოსი

(ცოტა შეფიქრიანებული)

დიახ, მასეთი მე მაქვს. მერე?

ლერმა

ზედ სილუეტი, მარგალიტებით მოოქვილი, შევნიშნე, მგონი.

კარლოსი

სიმართლეს ბრძანებთ.

ლერმა

როს საესებით მოულოდნელად შევედი მეფის კაბინეტში, მე დავინახე, თითქოს ხელთ ეპყრა მეფეს ჩვენსას წიგნაკი იგი. მასთან კი მხოლოდ მარკიზ პოზა იმყოფებოდა.

კარლოსი

(მცირე ხნის დუმილის შემდეგ, ცხარედ)

ეს სიცრუეა.

ლერმა

(შეურაცხყოფილი)

მატყუარა ვყოფილვარ მაშინ!

კარლოსი

(უცქერის დიღბანს)

დიახ, ბრძანდებით.

ლერმა

ოჰ! შეგინდობთ, მეფის ძვე, ამას.

კარლოსი

(საშინლად აღელვებული დაიარება წინ და უკან და ბოლოს შეჩერდება მის წინ)

რა დავიშავა მან ასეთი? ან უწყინარმა ჩვენმა კავშირმა, მეგობრობამ თუ გავნო რამე, რომ ახლა ასეთ ჯოჯოხეთურ გულმოდგინებით ისწრაფვი იგი დაარღვიო.

ლერმა

ხელმწიფის შვილო, პატივს ვცემ იმ ჯავრს, რაიც ასე უსამართლოს გხდით.

კარლოსი

ო, ღმერთო, ღმერთო, ღმერთო ჩემო, ეჭვისგან მიხსენ!

ლერმა

მახსოვს აგრეთვე თვით სიტყვები, მეფისგან თქმული: „რაოდენ დიდად“, უთხრა მეფემ, როცა შევედი, „დავალებული ვარ მე თქვენგან ამ ამბის გამო“.

კარლოსი

ო, კმარა! კმარა!

ლერმა

უფლისწულო, პერცოგი ალბა
უკვე დაეცა... თვით მეფისწულ რუი გომესსაც
დიდი ბეჭედი ჩამოართვეს და მარკიზ პოზას
გადასცეს იგი.

კარლოსი

(ღრმა ფიქრში ჩაძირული)

მარკიზმა კი ეს მე არ მითხრა.
ნეტავი რატომ დამიმალა?

ლერმა

მთელი სასახლე
მარკიზს უცქერის, როგორც მინისტრს ყოვლისშემძ-
ლებელს,
როგორც მედროვეს, განუსაზღვრელ უფლებით მოსილს.

კარლოსი

მე მას ვუყვარდი, დიახ, მარკიზს ვუყვარდი ძლიერ,
სულზე უტკბესი ვიყავ მისთვის. ო, ეს მე ვიცი,
ვიცი ათასი შემთხვევით და გამოცდილებით.
მაგრამ ერთ კაცზე უფრო ძვირად არ უნდა ღირდეს
მისთვის სამშობლო, ათასები, მილიონები?
მარკიზის გული თურმე ძლიერ ფართოა ერთი
მეგობრისათვის და კარლოსის ბედნიერება
უმნიშვნელოა, ალბათ, მისი სიყვარულისთვის.
მან ხომ თავისი სათნოება შემწირა მსხვერპლად.
ძალმიძს ამიტომ ის გააკვილო? დიახ, ცხადია,
ეს ნათელია. მე მარკიზი დაგვარგე უკვე.

(მიდგება კუთხეში და სახეს ხელებში იმაღავს)

ლერმა

(მცირე პაუზის შემდეგ)

ძვირფასო პრინცი, რა ძალმიძს მე ვიღონო თქვენთვის?

კარლოსი

მეფესთან წადით, მილალატეთ, გამყიდეთ თქვენაც,
გასაბოძები არა მაქვს რა.

ლერმა

ნუთუ თქვენ გნებავთ

შედეგს ელოდოთ?

კარლოსი

(მოაჯირს დაეყრდნობა და გაშტერებული გაცქერის სივრცეს)

მე მარკიზი დაგვარგე უკვე.
ო, ახლა ქვეყნად მარტო დავრჩი, მთლად განწირული!

ლერმა

(მიუახლოვდება კარლოსს თანაგრძნობით გულაჩვილებული)

არ გსურთ იფიქროთ თქვენი თავის გადარჩენაზე?

კარლოსი

გადარჩენაზე, ჩემს დახსნაზე?—კეთილო კაცო!

ლერმა

მაშ არავისზე აღარ ფიქრობთ, არ გეშინიათ?

კარლოსი

(წამოხტება)

ო, ღმერთო! რისთვის გამახსენეთ მე დედაჩემი!
წერილი, მარკიზს რომ მივეცი, რომლის მიცემა
არ მინდოდა და მაინც მივეც.

(ძალზე გამწარებული ხელეხს იფშვნეტს და წინ და უკან დაიარება.)

და მერე ამით

რა დააშავა დედოფალმა მეფის წინაშე?
მეფემ ის უნდა შეიბრალოს. ასე არაა?

(სწრაფად, გადაწყვეტით)

უნდა გავიქცე დედოფალთან და გავაფრთხილო,
რომ ამ ამბისთვის მოემზადოს... ძვირფასო ლერმა...
ან ვინ გავგზავნო? ნუთუ მართლა აღარავინ მყავს?
მადლობა ღმერთს, რომ ერთი მაინც შემომრჩა კიდევ...
აქ არაფერი დაშავდება.

(სწრაფად გადის.)

ლერმა

(უკან მისდევს და მისძახის)

მეფის ძევ! საით?

(გადის.)

მეთოთხმეტი გამოსვლა

დედოფალი. ალბა. დომინგო.

ალბა

თუ ნებას მოგვცემთ, დედოფალო...

დედოფალი

რაზე გარჯილხართ?

დომინგო

ჩვენი გულწრფელი შეშფოთება თქვენი მეფური
უდიდესობის გულისათვის არ გვაძლევს ნებას,
არაფერი ვთქვათ ამ მომხდარი შემთხვევის გამო,
თქვენს სიმშვიდეს რომ ემუქრება.

ალბა

ჩვენ მივისწრაფვით

ამ წინასწარი, გაფრთხილებით უვნებელი ვყოთ
ის ინტრიგები, თქვენს გარშემო რომ იხლართება.

დომინგო

და თქვენს წინაშე, დედოფალო უდიადესო,
დავამხოთ ჩვენი სამსახური, გულმოდგინება.

დედოფალი

(უყურებს ორივეს გაცემბით)

წმინდაო მამავ და ჰერცოგო კეთილშობილო,
თქვენ მე მარცხით ჭეშმარიტად. ამ ერთგულებას
დომინგოსა და ალბასაგან არ მოველოდი.
ვიცი, ვით უნდა დავაფასო ამგვარი გრძნობა.
თქვენ ხომ მითხარით, ინტრიგები რომ მემუქრება.
ძალმიძს შევიტყო, თუ ვინაა...

ალბა

ჩვენ გვინდა გთხოვოთ,
მარკიზ პოზასთან ფრთხილად იყოთ—იგი ხელმწიფის
ერთგული გახლავთ, დედოფალო, მის საიდუმლო
საქმეთ განაგებს.

დედოფალი

მსიამოვნებს, რომ ჩვენს ხელმწიფეს

ასეთი კარგი არჩევანი მოუხდენია.
დიდი ხანია, რაც ამბობენ, რომ მარკიზ პოზა
კარგი კაცია, დიდებული ადამიანი,
სახელგანთქმული თვისი ნიჭით. მეფის წყალობა
ამაზე სწორად არასოდეს არ გაცემულა...

დომინგო

ამაზე სწორად? ეს ჩვენ უკეთ მოგვეხსენება.

ალბა

აწ საიდუმლო აღარაა, თუ რისთვისაა
ეს კაცი ასე საჭირო და გამოსადეგი.

დედოფალი

როგორ? რისათვის? მან ასეთი რა ჩაიდინა?
ჩემს მოთმინებას ძლიერ სძაბავთ.

დომინგო

დიდი ხანია

იმის შემდეგ, რაც, დედოფალო, უკანასკნელად
თქვენს ზარდახში ჩაიხედეთ?

დედოფალი

როგორ?

დომინგო

როდისმე

ძვირფასი ნივთი ზარდახშიდან არ დაგკარგვიათ?

დედოფალი

რაო? რისათვის? ეს ხომ მთელმა სასახლემ იცის,
რაც დაშეკარგა... მაგრამ პოზა რა შუაშია?
რა კავშირი აქვს მარკიზ პოზას ამ დანაკარგთან?

ალბა

ძალიან დიდი, დედოფალო... ხელმწიფის შვილმაც
მნიშვნელოვანი საბუთები დაკარგა უკვე,
რაც ამ დილით ჩვენი მეფის ხელში შენიშნეს,
როს პოზა მასთან კაბინეტში იმყოფებოდა.

დედოფალი

(რამდენიმე ხნის დუმის შემდეგ)

საოცარია, ღმერთსა ვფიცავ! ფრიად მაკვირვებს!
მტერს იქ ვპოულობ, სადაც სულ არ ველოდებოდი.
და ახლა ვიქნე ორ მეგობარს, რომელნიც, როგორც
მე მახსოვს, ჩემი მეგობრები არასდროს იყვნენ...

(უცქერის ორივეს გამსჭვალავი თვალით.)

მაგრამ მე უნდა გამოგიტყდეთ, რომ მეშინოდა,
ასე უგვანი სამსახური, რაც გამიწივს
ჩემი მეუღლის და მეფის წინ—შემენლო თქვენთვის.

ალბა

ჩვენთვის?

დედოფალი

ჰო, თქვენთვის.

დომინგო

ალბა! ჩვენთვის!

დედოფალი

(არც ერთს თვალს არ აშორებს)

მოხარული ვარ,

რომ აჩქარება ჩემი ასე სწრაფად შევნიშნე.
ამის გარეშეც გადავწყვიტე და ჩემს ხელმწიფეს
თხოვნით მივმართე, დღესვე ჩემთვის წარმოედგინა
დამნაშავენი. და ახლა კი მით უკეთესი!
მაშ მე ჰერცოგის ჩვენებაზე დავემყარები.

ალბა

ჩემს ჩვენებაზე? ეს მართლა ვსურთ?

დედოფალი

რატომაც არა?

დომინგო

რომ ყოველგვარი სამსახური გაანადგუროთ,
რაც გვსურდა თქვენთვის საიდუმლოდ...

დედოფალი

რა? საიდუმლოდ?

(აშკარად და სერიოზულად)

მე კი მინდოდა, რომ გამეგო, ჰერცოგო ალბა,
მეუღლეს თქვენი ხელმწიფისას რა შეიძლება
ქონდეს თქვენთან ან დომინგოსთან სალაპარაკო,

რისი გაგებაც არა მართებს მეუღლეს მისას ..
დამნაშავე ვარ მე თუ არა?

დომინგო

ეს რა კითხვაა?

ალბა

მაგრამ, მეფე რომ არ მოიქცეს სამართლიანად?
თუ უსამართლოდ მოგვეპყრას ის?

დედოფალი

დავიტოვებ მაშინ,

ვიდრე ასე არ მოიქცევა. ნეტავი იმას,
ვინაც დარჩება მოგებულ სიმართლით მისით.

(თავის ოდნავი დაკვირვებით გამოფხვნილობა მათ და გადის. ალბა და
დომინგო კი გადიან სხვა მიმართულებით.)

პრინცესა ებოლის ოთახი

მეთხუთმეტი გამოცვლა

პრინცესა ებოლი. მაშინვე ზემოდის კარლოსიც.

ებოლი

მაშ ის ამბავი უცნაური გამართლდა უკვე,
მთელ სასახლეს რომ მოეფინა?

კარლოსი

(ზემოდის)

არ შეგეშინდეთ,

მე მსურს ბავშვივით უწყინარი და მშვიდი ვიქნე.

ებოლი

ასე უეცრად... უფლისწულო...

კარლოსი

თქვენ ისევ ბრაზობთ?

კვლავ მოგდით გული?

ებოლი

უფლისწულო!

კარლოსი

(დაჟინებით)

კვლავ მოგდით გული?

მითხარით, პრინცი, გვედრებით!

ებოლი

ეს რასა ნიშნავს?

ჩანს, დაგავიწყდათ, მეუფის ძეო... რა გნებავთ ჩემგან?

კარლოსი

(მზურვალედ სწვდა ხელეზზე)

თუ შეგიძლია, ქალიშვილო, ყოველთვის გძულდე?
მაშ გულნატკენი სიყვარული არ მაპატიებს?

ებოლი

(ცდილობს განთავისუფლდეს)

რა გინდათ ამით გამახსენოთ?

კარლოსი

შენი სიკეთე,

გულტკეთილობა და ჩემი კი—უმადურება.

ეჰ! კარგად ვიცი, თუ რა ძლიერ შეურაცხველია,
სე დაეამსხვრიე შენი გული, ეგ ნაზი გული
და ცხარე ცრემლი ვაფრქვევინე მაგ ლამაზ თვალებს.
ახლაც იმისთვის როდი მოველ, მოვინანიო.

ებოლი

დამტოვეთ, პრინციო... მე...

კარლოსი

იმიტომ მოვედი შენთან,
რომ უწყინარი, გულკეთილი ქალიშვილი ხარ
და შენს მშვენიერ, კეთილ სულზე ვამყარებ იმედს.
შენც კარგად ხედავ, ქალიშვილო, რომ მე ამკვეყნად
ალარავინ მკავს მეგობარი ახლა შენს გარდა.
შენ ხომ გიყვარდი მე ოდესღაც... აწ სამუდამოდ
ვერ შემიძულე, უსათუოდ შემირიგდები.

ებოლი

(ზურგს შეაქცევს)

ღვთის გულისათვის, უფლისწულო, გაჩუმდით, კმარა!

კარლოსი

ნება მიბოძე, ის ძვირფასი დრო გაგახსენო,
ნება მიბოძე, მოგაგონო ის სიყვარული,
შენი ლამაზი სიყვარული, ქალწულო, რომელს
ასე უღირსად მოვებუყარი. მიბოძე ნება,
იგივე ვექნე ახლა შენთვის, რაც მაშინ ვიყავ,
რაც მომანიჭა შენი გულის ოცნებამ ტკბილმა.
ო, ერთხელ კიდევ... ერთხელ კიდევ დაე წარმოვდგე
შენი სულის წინ ისეთივე, ვით ვიყავ მაშინ,
და ამ ლანდს მაინც შესწირე ის, რისი შეწირვაც
ჩემთვის არასდროს აღარ ძალგძის.

ებოლი

ო კარლოს, კარლოს!

როგორ სასტიკად მათამაშებთ!

კარლოსი

დაე ამაღლდი
შენსავე სქესზე! დაივიწყე, რაც გაწყენინე!
ჰქენი, რაიც ჯერ არ უქნია არც ერთ დედაკაცს,
რის ქმნას შენს მერეც ვერ შეიძლებს ვერც ერთი ქალი.
რაღაც უცნაურს, გაუგონარს მოვიტხოვ შენგან...

ნება მიბოძე—მუხლმოყრილი გემუდარები—
ორიოდ სიტყვა მათქმევინე მე დედაჩემთან.

(მუხლს მოყრის მის წინ.)

მეთექვსმეტე გამოცვლა

იტინივე. მარკიზ პოზა შემოიჭრება, მას შემოჰყვება
მეფის სამცველოს ორი ოფიცერი.

მარკიზი

(სულმოუთქმელად, თავდავიწყებით ჩადგება მათ შორის)

რა გაგიმტლავნათ? ნუ უჯერით!

კარლოსი

(ისევ მუხლმოყრილი, ხმამაღლა)

გაფიცვებთ ყველა

წმინდა ანგელოზს...

მარკიზი

(გაცხარებით შეაწვევტინებს)

ჩანს, შეშლილა. რა საჭიროა,

ტკუაზე შეშლილს მოუსმინოთ?

კარლოსი

(უფრო ხმამაღლა, დაბეჯითებით)

საქმე ეხება

აქ ჩემს სიკვდილსა და სიცოცხლეს. გთხოვთ წამიყვანოთ
ახლავე მასთან.

მარკიზი

(არინცესას ხელს ჰკრავს და კარლოსს მოაცილებს)

წამსვე მოგკლავთ, თუ გაუგონებთ.

გრაფ ფონ კორდუა, ესპანეთის მეფის სახელით,

(ურჩენებს დაპატიმრების ბ-ძანებას.)

პრინცი აწ თქვენი ტუსალია.

(კარლოსი მებდაცემულივით გაქვავდება. პრინცესა შეშინებული შეჭკივლებს და სურს გაიქცეს, ოფიცრები გაოცდებიან. ხანგრძლივი და ღრმა დუმილი. ჩანს, მარკიზი ძალზე აღელვებულია და თავს ძლიერ იკავებს.)

(პრინცს)

ვთხოვთ ჩამაბაროთ მე თქვენი დაშნა, უფლისწულო... თქვენ კი, პრინცესა, აქვე დარჩებით;

(ოფიცრებს)

პასუხს აგებთ თქვენ ჩემს წინაშე, რომ პრინცს არავინ ესაუბროს... ხმა არვინ გასცეს... და არც თქვენ თვითონ, თორემ ყველას სიკვდილით დაგსჯით!

(რალაცას ჩუმად ეტყვის ოფიცერს, შემდეგ მეორეს მიმართავს)
მე კი ახლავე დავემხობი ხელმწიფის ფერხითით, რომ ანგარიში ჩაუბარო...

(კარლოსს)

და თქვენც აგრეთვე...
შელოდეთ, პრინცო... ერთ საათში გამოვცხადდები.

(ცნობიერებადაკარგული კარლოსი მიჰყვება ოფიცრებს... მხოლოდ მარკიზს რომ ჩაუვლის, შეხედავს მას დაღლილი, უსიცოცხლო თვლებით. მარკიზი პირს მოაჩივებს. პრინცესა კიდევ ცდილობს გაეცალოს, მაგრამ პოზა ხელს გაუყრის და უკან აბრუნდება.)

მეჩვიდმეტე აქტის პირველი სურათი

პრინცესა ებოლი. მარკიზ პოზა.

ებოლი

ყველა წმინდანის გულისათვის, ნება მიბოძეთ, ამ ადგილს ახლავ გავეცალო.

მარკიზი

(გამოიყვანს ავანსცენაზე, მკაცრად და სერიოზულად)

რა გითხრა პრინცმა,

შე უბედურო?

ებოლი

არაფერი... სულ არაფერი...

გამიშვით, წავალ.

მარკიზი

(ძალით აბრუნებს უკან, უფრო სერიოზული ტონით)

თუ შეიტყვე ბევრი რაიმე?

თავს ვერ დააღწევ შენ აქედან. ამ საიდუმლოს ქვეყნად ვერავის ვერ უამბობ.

ებოლი

(შეშინებული რესცქერის თვლებში)

ო, დილო ღმერთო!

რა გსურთ თქვენ ამით? ჩემი მოკვლა ხომ არა გნებავთ?

მარკიზი

(იძრობს ხანჯალს)

სწორედ ამგვარი განზრახვა მაქვს. მაშ მოემზადე.

ებოლი

მაშ მომკლავ? მომკლავ? ო, ციურო ღმობიერებავ!
რა დავაშავე მე ასეთი?

მარკიზი

(ხეცას შეხედავს და პრინცესას მკერდზე ხანჯალს მიაბჯენს)

ჯერ კიდევ დროა.

ამ ბაგეთაგან შხამი ჯერ არ გადმონთხეულა. ჭურჭელს დავამსხვრევ... ყველაფერი ისე დარჩება, ვით უწინ იყო... ან სიცოცხლე ერთი ქალისა, ან ესპანეთის მომავალი...

(ეჭვით აღსავსე, რჩება უწინდელ მდგომარეობაში)

ებოლი

(თავგადაგდებული, პირდაპირ შესცქერის მარკიზს თვლებში)

რალას აყოვნებთ?

მე შებრალებას არ ვთხოვლობ. არა! სიკვდილი დავიმსახურე და მსურს იგი.

მარკიზი

(ნელ-ნელა დაუშვებს ხელს. მცირეოდენი ფიქრის შემდეგ)

ეს იქნებოდა

ბარბაროსობა და სიმბდალე... ო, არა, არა!
მადლობა უფალს! გვაქვს კიდევ სხვა საშუალებაც!
(ხელიდან გააგდებს ხანჯალს და სასწრაფოდ გადის. პრინცესა
კი გარბის სხვა მიმართულებით.)

დედოფლის ოთახი

მითვრამით გამოსვლა

დედოფალი. გრაფინია ფუანტესი.

დედოფალი

რა ჩოჩქოლია სასახლეში? დღეს ყოველგვარი
მცირე ხმაურიც, გრაფინია, შიშსა მგვრის ძლიერ.
წადით, ნახეთ და მომახსენეთ, რაშია საქმე.
(გრაფინია ფუანტესი გადის, ოთახში შემოიჭრება პრინცესა ებოლი.)

მეცხრამით გამოსვლა

დედოფალი. პრინცესა ებოლი.

ებოლი

(სულმოუთქმელად, ფერმკრთალი და გაწამებული დაეცემა
დედოფლის ფერხითი)

ჩქარა უშველეთ, დედოფალო! შეიპყრეს იგი.

დედოფალი

რაო, რას ამბობთ? ვინ შეიპყრო?

ებოლი

მარკიზ დე-პოზამ

დააპატიმრა იგი ჩვენი მეფის ბრძანებით.

დედოფალი

და ვინ? არ იტყვი?

ებოლი

უფლისწული.

დედოფალი

ხომ არ გაგიყდი?

ებოლი

ეს არის ახლა წაიყვანეს.

დედოფალი

და ვინ შეიპყრო

ხელმწიფის შვილი?

ებოლი

მარკიზ პოზამ.

დედოფალი

მაშ მადლი უფალს,

რომ იგი მარკიზს შეუპყრია.

ებოლი

თქვენ ამას ბრძანებთ

ასე გულგრილად, ასე მშვიდად?—ო ღმერთო ჩემო!
სულ ვერ მიმხვდარხართ... თქვენ არ იცით...

დედოფალი

რატომ შეიპყრეს?

აღბათ, რაიმე დაუდევარ საქციელისთვის,
მის ფიცხ ხასიათს თან რომ სდევდა ძალიან ხშირად.

ებოლი

ო, არა, არა, დედოფალო!—მე უკეთ ვიცი
ჯოჯოხეთური, საზიზლარი საქციელია!
ხსნას ველარ ჰოვებს, მას მოჰკლავენ!

დედოფალი

რაო? მოჰკლავენ?

ე ბ ო ლ ი

და მე გახლავართ მისი მკვლელი.

დ ე დ ო ფ ა ლ ი

მაშ მას მოჰკლავენ?

გადარეულო, რასა ბოდავ?

ე ბ ო ლ ი

და რისთვის, რისთვის
მოკვდება იგი! ო, მაშინვე მცოდნოდა მაინც,
რომ ეს აქამდე მიაღწევდა.

დ ე დ ო ფ ა ლ ი

ჩემო პრინცესა!

გონს ვერ მოსულხართ თქვენ ჯერ კიდევ. მაშ მოიკრიბეთ
მთელი ძალ-ღონე, რომ მწუხარე თქვენი მოთხოვრებით,
რაც ჩემ სულს ზარავს, ასე ძლიერ არ შემაშფოთოთ,
და უფრო დინჯად, დაკვირვებით მომიყვით ამბავს.
აბა, რა იცით? თქვით, რა მოხდა?

ე ბ ო ლ ი

ოჰ, დედოფალო!

ნუ, ნუ მიჰბაძავთ ამ ღვთაებრივ შემწყნარებლობას
და ნურც ამნაირ მიუბაძავ გულკეთილობას!
ის ჯოჯოხეთის აღის მსგავსად სწვავს სინდისს ჩემსას.
ღირსი არა ვარ, უწმინდური თვალი მივაპყრო
შარავანდელით გაბრწყინებულ თქვენს დიად სახეს;
მაშ მთლად გასრისეთ უბედური, რომელსაც ასე
შეზიზღებია თვისი თავი, ვინც, გაქელილი
სინანულის და სირცხვილისგან, თქვენს ფერხთით ხობავს.

დ ე დ ო ფ ა ლ ი

რის გამხელა გსურთ, უბედურო?

ე ბ ო ლ ი

ცის ანგელოზო,
დიდო წმინდანო! თქვენ არ იცით, ჯერ ვერ მიმხვდარ-
ხართ,

თუ რა სატანას უღიმოდით ეგოდენ ნაზად.
მაშ დღეს გაიგეთ. მე... დიახ, მე ვიყავ ის ქურდი,
ვინც თქვენ მოგპარათ...

დ ე დ ო ფ ა ლ ი

თქვენ?

ე ბ ო ლ ი

რომელმაც ის წერილები

გადასცა მეფეს...

დ ე დ ო ფ ა ლ ი

ეს თქვენ ჰქენით?

ე ბ ო ლ ი

და ვინც გაბედა,

მეფის წინაშე დაესმინეთ.

დ ე დ ო ფ ა ლ ი

თქვენ, თქვენ შესძელით...

ე ბ ო ლ ი

შურისძიება... სიყვარული... უგუნურება...
ხელმწიფის შვილი მიყვარდა მე და თქვენ კი მძულდით.

დ ე დ ო ფ ა ლ ი

გძულდით, რადგანაც ის გიყვარდათ?

ე ბ ო ლ ი

რადგან უფლისწულს
გამოუტყდი და თანაგრძნობა ვერ ვპოვე მასში.

დედოფალი

(რამდენიმე ხნის დუმილის შემდეგ)

ო, აწ ყველაფერს კარგად მიეხვდი!.. აბრძანდით ფეხზე!
თქვენ ის გიყვარდათ... ყოველივე შეგინდეთ უკვე
და ყველაფერი დავიწყებთს მიეცა ახლა.
ფეხზე აბრძანდით. წამოდექით!

ე ბ ო ლ ი

ო, არა! არა!

მე ჯერ არ მითქვამს საზარელი ამბავი ერთი...
სანამ არ გეტყვით, ნუ შემინდობთ...

დედოფალი

(ყურადღებით)

ამაზე მეტი

კიდევ რა უნდა მოვისმინო? ილაპარაკეთ...

ე ბ ო ლ ი

მეფე... ცთუნება... თვალს მარიდებთ... მე თქვენს სახეზე
ამოვიკითხე უკვე ზიზლი... დანაშაული,
რაშია ც მე თქვენ ბრალსა გდებდით, თვით ჩავიდინე.

(ანთებულ სახეს იატაკს დაადებს. დედოფალი გადის. დიდი პაუზა. რამ-
დენიმე წუთის შემდეგ ჰერცოგინია ოლივარესი გამოდის კაბინეტიდან,
სადაც დედოფალი ვაკიდა, და პრინცესას ჰპოვებს უწინდელ მდგომარეო-
ბაში. იგი ჩუად მიუახლოვდება მას; მისი ნაბიჯების ხმაზე პრინცესა
თავს ასწევს და, როგორც კი შენიშნავს, რომ დედოფალი იქ აღარაა, გი-
ჟივით წამოხტება.)

მიოცე გამოსვლა

პრინცესა ებოლი. ჰერცოგინია ოლივარესი.

ე ბ ო ლ ი

ღმერთო, დამტოვა! ყოველივე გათავდა ახლა.

კვირიკე იყვანა

ოლივარესი

(მიუახლოვდება)

პრინცესა!..

ე ბ ო ლ ი

ვიცი, თუ რისთვისაც მოხვედით ჩემთან-
თქვენ დედოფალმა გამოგზავნათ, რომ განაჩენი
გამომიტხადოთ... მაშ იჩქარეთ!

ოლივარესი

მან მე მიბრძანა,

რომ დავიბრუნო თქვენგან ჯვარი და გასაღები...

ე ბ ო ლ ი

(მკერდიდან იხსნის ოქროს ჯვარის ორდენს და აძლევს ჰერცოგინიას)

მაგრამ ხომ ძალმიძს ერთხელ კიდევ ვემთხვიო ჩემი
უძვირფასესი დედოფლის ხელს?

ოლივარესი

ჩემო ებოლი,

წმინდა მარიას მონასტერში მოგახსენებენ
განაჩენს თქვენსას.

ე ბ ო ლ ი

(ცრემლის ფრქვევით)

მაშ დედოფალს ველარა ვნახავ?

ოლივარესი

(მოეხვევა და თან სახეს მთარიდებს)

მალალმა ზეცამ მოგანიჭოს ბედნიერება!
(სწრაფად გადის. პრინცესა მისდევს კაბინეტის კარამდე, რომელიც
ოლივარესის ზურგს უკან ჩაიკეტება. რამდენიმე წუთს რჩება იგი)

მდუმარედ და გაუნძრევლად, მუხლებზე დამხობილი, შემდეგ წამოდგება და სახეზე ხელებაფარებული სასწრაფოდ გადის.)

ოცდაათეტი გამოსვლა

დედოფალი. მარკიზ პოზა.

დედოფალი

აჰ, როგორც იქნა! კარგი ჰქენით, რომ მინახულეთ.

მარკიზი

«გაფითრებული, უგუნებო სახით, ათრთოლებული ხმით, მთელი გამოსვლის მანძილზე განიცდის ღრმა მდელვარებას)»

მარტო ბრძანდებით, დედოფალო? მეზობლებიდან ხომ არვინ შესძლებს ყური უგდოს საუბარს ჩვენსას?

დედოფალი

ვერც ერთი კაცი... რად კითხულობთ? რა ამბავს მეტყვიით?

«დაკვირვებით შეხედავს მარკიზს და შეშინებული უკან დაიხვეს) როგორ მთლიანად გამოცვლილხართ? რა დაგემართათ? თქვენი შეხედვა ძრწოლასა მგერის! მკვდრის ფერი გაძევო!..»

მარკიზი

თქვენ, ალბათ, უკვე შეიტყობდით...

დედოფალი

რომ უფლისწული

შეპყრობილ იქნა, ვით ამბობენ, თვითონ თქვენს შიერ... მარკიზ, ნუთუ ეს მართალია? ვერ დაფუჯერე ეს მე ვერავის, თქვენს გარეშე.

მარკიზი

მართალი გახლავთ.

დედოფალი

თქვენ შეიპყარიო?

მარკიზი

მე შევიპყარ.

დედოფალი

(რამდენიმე წამს უცქერის მკვით)

დიდად ვაფასებ

თქვენს მოქმედებას, მაშინაც კი, როცა არ მესმის, მაგრამ ამჯერად მიუტევეთ მშიშარა დიაცს, ვშიშობ, თამაში სახიფათო არ წამოგეწყობ.

მარკიზი

მე ის წავაგე.

დედოფალი

ღმერთო ჩემო!

მარკიზი

ნუ შეშფოთდებით, დამშვიდდით, ჩემო დედოფალო; უფლისწულისთვის ვიზრუნე უკვე. ჩემთვისაა ის წაგებული.

დედოფალი

ღმერთო! რა უნდა მოვისმინო!

მარკიზი

ვინ, ვინ მიბრძანა

ამ ცრუ სასწორზე რომ შემეგდო სუყველაფერი? სუყველაფერი? ანდა ასე გულდანდობილად, ასე უშიშრად მე ზეცასთან რად ვთამაშობდი? ანდა ამქვეყნად ვინაა ის ადამიანი, რომელს არ შესწევს ყოვლისმცოდნე ღვთაების ძალა და შემთხვევათა მძიმე საჭის მართვას კი ბედავს? ეს მართალია! მაგრამ ახლა მე ჩემს შესახებ

რად ვისაუბრო? დრო ისევე ძვირფასი არის,
როგორც სიცოცხლე თვით კაცისა! ან კი ვინ იცის,
რომ ზეციური მოსამართლის ძუნწი ხელიდან
უკანასკნელი წუთები არ ითვლება ჩემთვის?

დედოფალი

რა? ზეციური მოსამართლე?—ეს საზეიშო
კილო რას ნიშნავს? ვერ მივმხვდარვარ, თუ რაზე მსჯე-
ლობთ;
მაგრამ ნათქვამი ძრწოლასა მგვრის.

მარკიზი

ის გადარჩება!

და თუ რა ფასად გადარჩება, ეგ სულერთია.
მაგრამ მხოლოდ დღეს. რამდენიმე საათი დარჩა
და მათ ის კარგად გაუფრთხილდეს. ის ამაღამვე
უნდა წავიდეს მადრიდიდან.

დედოფალი

რა? ამაღამვე?

მარკიზი

მიღებულია საამისო ზომები უკვე.
კარტენზიანთა მონასტერში, რომელიც დიდხანს
იყო ჩვენისა მეგობრობის თავშესაფარი,
მას ფოსტა ელის. აქვეა, ამ თამასუქებში,
სუყველაფერი, რაც ამქვეყნად ბედმა მარგუნა.
რაც დააკლდება, დაუმატეთ. თუმც ბევრი რამე
მაქვს კიდეც ჩემი კარლოსისთვის გასამჟღავნები,
დიახ ბევრი რამე, რომელიც მან უნდა იცოდეს,
მაგრამ იქნება ყველაფრის თქმა არ დამაცალონ.
ამ სადამოსვე მოგიხდებათ შეხვედრა მასთან
და ამიტომაც თქვენ მოგმართაეთ.

დედოფალი

ჩემი სიმშვიდის

გულისათვის გთხოვთ, უფრო ნათლად გამაგებინოთ...
ასეთ საშინელ ქარაგმებით ნუ მეუბნებით...
რა მოხდა, მარკიზ?

მარკიზი

ერთი რამ მაქვს სათქმელი კიდევ.

ამ მნიშვნელოვან აღსარებას გავანდობ თქვენს გულს.
ქვეყნად წილად მხვდა მე ისეთი ბედნიერება,
როგორიც მხოლოდ მცირეოდენთ რგებიანთ ხოლმე:
პრინცი მიყვარდა და ეს გული, ერთს რომ შევწირე,
იყო შემცველი მთელი ქვეყნის!... მილიონათვის
ჩემი კარლოსის ლამაზ სულში სამოთხე შევქმენ.
ო, მშვენიერი იყო მაშინ ოცნება ჩემი.
მაგრამ განგებამ მოისურვა, რომ დროზე ადრე
გამიხმოს ჩემი მშვენიერი პლანტაციიდან.
თვისი როდრიგო მალე კარლოსს არ ეყოლება,
მაგრამ მიჯნური დაიკავეს მეგობრის ადგილს.
აქ... აქ... აი, აქ, ამ უწმინდეს საკურთხეველზე,
მისი დედოფლის კეთილ გულში ვტოვებ მე ახლა
ჩემს უკანასკნელ, უძვირფასეს ანდერძნამაგსა.
აქ ჰპოვოს მან ის, როდესაც მე აღარ ვიქნები...

(შეტრიალდება, ცრემლი ხმას ჩაუხშობს)

დედოფალი

ეს მომაკვდავის სიტყვებია. მაგრამ მგონია,
თქვენ ამას მხოლოდ სისხლის ღელვა გალაპარაკებთ.
ან იქნებ მათში აზრიცაა?

მარკიზი

(ცდილობს თავის თავს დაეუფლოს, შემდეგ განაგრძობს უფრო მტიკივ კილოთი)

პრინცს გადაეცით,

რომ არასოდეს დაივიწყოს მან იგი ალექსმა, რომელიც ჩვენ იმ მეოცნებე ყრმობის დღეებში წმინდა ნაწილთა მიღებისას მივეციოთ ერთურთს. მე შევასრულე ჩემი სიტყვა და სიკვდილამდე ერთგული დავრჩი. ამჟამად კი მისი ჯერია, რომ მან თავისი...

დედოფალი

სიკვდილამდე?

მარკიზი

თქვენ მას უთხარით,

რომ სინამდვილედ აქციოს მან სიზმარი იგი, ლალი სიზმარი იმ ჩვენს ახალ სახელმწიფოზე, რაც მეგობრობის ღვთაებრივი ნაყოფი გახლავთ. დე ამ უხეშ ქვას მან პირველმა შეავლოს ხელი. დაამთავრებს თუ დამარცხდება—ორივე ერთია. ოღონდ შეავლოს... და როდესაც საუკუნენი ჩაიქროლებენ, განგება კვლავ გაიმეორებს სამეფო ტახტზე პრინცს, რომელიც კარლოსის მსგავსად კვლავ აღინთება ამგვარ ცეცხლით და გატაცებით. უთხარით კარლოსს, რომ თავისი ყრმობის ოცნებებს პატივი დასდოს, როცა იგი დავაჟკაცდება; ნუ გადაუშლის გულს ღვთაების ნაზ ყვავილისას გონებისაგან განდიდებულ მოკვდავსა კიას და არ დაიბნეს, როცა სიბრძნე ამქვეყნიურია ზემთაგონებას, ზეცის ასულს, გაუტეხს სახელს. მე ეს წინასწარ ვუთხარი მას...

დედოფალი

რას ამბობთ, მარკიზ?

ეს რასა ნიშნავს?..

მარკიზი

გადაეცით მეფის ძეს ასე, რომ მის სულს ვანდობ ჩვენი ხალხის ბედნიერებას, ამას მოვითხოვ სიკვდილის წინ უფლისწულისგან... დიახ, მოვითხოვ და უფლებაც მაქვს მოვითხოვო... მე შევიძლებდი განთიადი ამომებრწყინა ამ სამეფოზე: დიდებული, სულ სხვა, ახალი. მეფემ მიბოძა თვისი გული, თავისი შვილი მიწოდა მე მან... მე ვატარებ ხელმწიფის ბეჭედს და უკვე აღარ არსებობენ ალბები მისი.

(იგი შეჩერდება და ჩამდენიმე წამს მღუმაროდ უცქერის დედოფალს)

თქვენ სტირით... ვიცნობ მე მაგ ცრემლებს, ლამაზო სულო!

ეს სიხარულის ცრემლებია. მაგრამ... აღსრულდა, უკვე გათავდა ყველაფერი. ან მე, ან იგი. სასწრაფო იყო არჩევანი და საშინელი! უნდა ერთ-ერთი სასიკვდილოდ განწირულიყო და ის ერთი მე მინდა ვიყო... სჯობია ასე... ნუ მოისურვებთ, დედოფალო, მეტის გაგებას.

დედოფალი

ო, ახლა მივხვდი, ახლა მივხვდი განზრახვას თქვენსას, ეს რა გიქნიათ, უბედურო, თქვენი თავისთვის?

მარკიზი

მსხვერპლად გავიღე მე დაისის საათი ორი, რათა ზაფხულის ნათელი დღე გადამეჩინა. შეფე დავტოვე, ან საერთო რა მქონდა მასთან? ამნაირ ხრიოკ, მწირ მიწაზე ვერ გაიხარებს,

ვერ აყვავდება ჩემი ვარდი. ევროპის ბედი
ნაყოფს მოიწვეს ჩემი დიდი მეგობრის გულში!
უფლისწულს ვანდობ მრავალტანჯულ ესპანეთს ჩვენსას...
დე იცლებოდეს ის სისხლისგან ფილიპეს ხელში!
მაგრამ ვაითუ სანანებლად გამიხდეს საქმე
და არჩევანი კარლოსისა არ გამიმართლდეს!
ო, არა, არა! კარგად ვიცნობ მეგობარს ჩემსას,
ეს არ მოხდება. თქვენ იქნებით თავდები ჩემი.

(რამდენიმე ხნის დუმილის შემდეგ)

კარგად ვხედავდი, სიყვარული ვით ღვივდებოდა,
ვხედავდი, ვნება, ავბედითი და საშინელი,
რა ღრმად უშვებდა თავის ფესვებს კარლოსის გულში...
მაშინ შემეძლო, რომ ამ ვნებას შევბრძოლებოდი,
მაგრამ ეს არ ვქენ, პირიქით მას ვასაზრდობდი,
რადგანაც იგი არ მიმაჩნდა ავბედით გრძნობად.
თუმც კარგად ვიცი, ხალხი ამას სხვაგვარად განსჯის,
მაინც არ ვნანობ, დანაშაულს არ მივრძნობს გული.
სიცოცხლეს ვჭკრებდი, სადაც სხვები სიკვდილს ხე-
დავდნენ.

ამ უიმედო სიყვარულის მგზნებარე აღში.
აღრე შევნიშნე ოქროსფერი იმედის სხივი.
მსურდა კარლოსი გამეხადა სრულქმნილი უფრო,
რომ უზენაეს სილამაზეს ზიარებოდა.
მაგრამ მოკვდავმა ვერ შევძელი დახატვა მისი,
და ვერც გამოთქვა იგი ჩემმა უძლურმა ენამ.
აი, მაშინღა მიუუთითე მე კარლოსს თქვენზე
და მთელი ჩემი ხელმძღვანელი როლი ის იყო,
რომ მისთვის თვისი სიყვარული ამეხსნა.

დედოფალი

მარკიზ,

მაგ მეგობარმა თქვენი გული აღაესო ისე,
რომ მე მთლიანად დამივიწყეთ. ნუთუ ფიქრობდით,
რომ ჩემში ქალის ყოველგვარი სინაზე ჩაქრა

და, რაკი მე მის ანგელოზად გადამაქციეთ,
ხელში მიეცი თ იარაღად მას სათნოება?
ანდა იქნება დაივიწყეთ, ჩვენი გულისთვის
როდენ დიდად საშიშია მაშინ, როდესაც
ასეთ სახელით ვნებას ჩვენსას ვხდით კეთილშობილს?

მარკიზი

ყველა ქალისთვის, მარტოდენ ერთისთვის არა.
და მე ამ ერთის თავდები ვარ. ანდა იქნება
კეთილშობილი სურვილისა გრცხვენიათ კიდევ,
რომ ამ გმირული სათნოების შემქმნელი ვახდეთ?
რა ესაქმება ჩვენს ხელმწიფეს, ესკურიალში
„ფერისცვალება“ მისი მხატვარს, მის წინ მდგომარეს,
მარადისობის მგზნებარ აღით თუკი აღანთებს?
ან ნუთუ ტუბილი ჰარმონია, რომელიცა თვლემს
ქნარის სიმებში, მის შემსყიდველს განეკუთვნება,
რომლის ყურები დახშულია მის მოსასმენად?
მან შეისყიდა უფლება, რომ ის დაამსხვრიოს,
მაგრამ არა თვით ხელოვნება, რომ გადაადნოს
იგი სიმღერის ნეტარებად, ვერცხლის ჰანგებად.
ჭეშმარიტება ბრძნისთვისაა ქვეყნად შექმნილი,
მშვენიერება კი—გრძნობიერ გულისთვის მხოლოდ.
ისინი ერთურთს ეკუთვნიან. ლაჩრულ ცრურწმენას
მე ამგვარ რწმენას არასოდეს დავარღვევინებ.
აღმითქვით, რომ თქვენ გეყვარებათ ის სამუდამოდ;
ქვეყნის შიშის და მოჩვენებით გმირობის გამო
ნუ შეეცდებით ჩამოშორდეთ და დასთმოთ იგი.
გიყვარდეთ იგი მუდმივად და გულშეუცვლელად!
მომცემთ თუ არა, დედოფალო, ამგვარსა აღთქმას
და ხელს მიბოძებთ თქვენ თუ არა დასტურად ამის?

დედოფალი

აღვითქვამთ, მარკიზ, ჩემი გული იქნება მუდამ
მსაჯული ჩემი უანგარო სიყვარულისა.

მარკიზი

(ხელს ჩამოართმევს)

დამშვიდებული ვკვდები ახლა... უკვე დამთავრდა
აწ ჩემი საქმე, აღვასრულე მე ჩემი ვალი.

(დედოფალს თავს დაუკრავს და წასვლას დააპირებს.)

დედოფალი

(მდუმარედ გააყოლებს თავს)

მიდიხართ, მარკიზ, მიდიხართ და არც მეუბნებით,
მაღე ვიხილავთ ჩვენ ერთმანეთს კიდევ თუ არა?

მარკიზი

(დაბრუნდა და სახემიბრუნებული ლაპარაკობს)

კიდევ შეგხვდებით, რა თქმა უნდა!

დედოფალი

მიგიხვდით, პოზა...

კარგად მიგიხვდით... ასე რატომ მატკინეთ გული?

მარკიზი

ან მე, ან იგი!

დედოფალი

არა, არა! თვით გაეხვეით

თქვენ ამ საქმეში, კეთილშობილს რომ უწოდებდით.
ნუ, ნუ უარყოფთ, ნუ იცრუებთ ოლონდაც, მარკიზ!
მე კარგად გიცნობთ, ვიცი, ვიცი, დიდი ხანია
გწყუროდათ თქვენ ეს—დე დაიმსხვრეს ასობით გული,
რაში გადარდებთ, სიამაყე დაიცხროთ ოლონდ.
ო, ახლა, ახლა მესმის თქვენი, აწ კარგად გიცნობთ!
შესტრფოდით მხოლოდ განცვიფრებას.

მარკიზი

(შეპრწუნებული თავისთვის)

არა! სრულებით

მზად არ ვყოფილვარ ამისათვის...

დედოფალი

(რამდენიმე ხნის დუმის შემდეგ)

მეზ ნუთუ, ნუთუ
არავითარი ხსნა არაა!

მარკიზი

არავითარი.

დედოფალი

არავითარი? არა, ერთი დაფიქრდით კარგად.
არავითარი? თუნდაც ჩემი შემწეობითაც?

მარკიზი

არა, არც თქვენი შემწეობით.

დედოფალი

ვერ მიცნობთ კარგად.

გამბედაობა დიდი შემწევს.

მარკიზი

დიახ, ეგ ვიცი.

დედოფალი

მეზ ხსნა არ არის?

მარკიზი

არა, არა!

დედოფალი

წაბრძანდით, მარკიზ!

არც ერთ მამაკაცს აღარა აქვს ჩემს გულში ფასი.

მარკიზი

(ძლიერ აღელვებული დაემხობა დედოფლის ფერხთით)

ო, ღმერთო ჩემო, ლამაზია სიცოცხლე მაინც.

(წამოხტება და სასწრაფოდ გადის. დედოფალი თავის კაბინეტში შედის.)

მეფის მისაღები ოთახი

ოცდამეორეი გამოსვლა

მერცხე ალბა და დომინგო ჩუმად და განცალკევებით წინ და უკან დაიარებიან. გრაფი ლერმა განოდის მეფის კაბინეტიდან. შემდეგ დონ რაიმონდ დე ტაქსისი, ფოსტის უფროსი

ლერმა

კიდევ არა ჩანს მარკიზ პოზა?

ალბა

ჯერ კიდევ არა.

(ლერმა დააპირებს ისევ მეფის კაბინეტში შესვლას.)

ტაქსისი

(შემოდის)

გთხოვთ ჩემს შესახებ მოახსენოთ ხელმწიფეს, ლერმა.

ლერმა

მეფე არავის დღეს არ იღებს.

ტაქსისი

უთხარით მეფეს,

რომ მე მჭირდება მისი ნახვა აუცილებლად. მეფისთვისაა სწორედ ძლიერ მნიშვნელოვანი ის, რაც მე უნდა მოვახსენო. იჩქარეთ ოღონდ! საქმე არ ითმენს გადადებას.

(ლერმა შედის კაბინეტში.)

ალბა

(მივა ფოსტის უფროსთან)

ძვირფასო ტაქსის,

სჯობს მოთმინებას მიეჩვიოთ. თქვენ ხელმწიფესთან ვერ ისაუბრებთ...

ტაქსისი

რატომ ვერა?

ალბა

ამის ნებართვა

უნდა ითხოვოთ ჯერ წინასწარ მარკიზ პოზასგან, რომელსაც ძალუძს პატიმარ ჰყოს მამაც და შეილიც.

ტაქსისი

როგორ? პოზასგან? აჰ, ნამდვილად! ეს ხომ იგია, ვინც ეს ბარათი თვისი ხელით გადმოიმცა ახლა...

ალბა

ბარათი? მერე, რა ბარათი?

ტაქსისი

რაც ბრიუსელში

უნდა გავგზავნო...

ალბა

(ყურადღებით)

ბრიუსელში?

ტაქსისი

რომელიც სწორედ

ახლა ხელმწიფეს მოვუტანე.

ა ლ ბ ა

ბრიუსელშიო!

გესმით, დომინგო?

დომინგო

(ახლოს მიდის)

ო, ეს ფრიად საეჭვო გახლავთ.

ტაქსისი

და მერე როგორ დარცხვენით და გაუბედავად
გადმომცა პოზამ ეს ბარათი.

დომინგო

გაუბედავად?

გასაგებია!

ა ლ ბ ა

ვის სწერს ნეტაე?

ტაქსისი

პრინც ნასაუელს

და პრინც ორანელს.

ა ლ ბ ა

რომელს, ვილჰელმს? — აქ ლალატია,
ჩემო კაპელან!

დომინგო

რა თქმა უნდა. სხვა რა იქნება?

უნდა ახლავე გადაეცეს წერილი მეფეს.
რარიგ დიდია, ღირსეულო ადამიანო,
დამსახურება თქვენი ესე მეფის წინაშე,
ასე ბეჯითად რომ ასრულებთ სამსახურს მისას.

ტაქსისი

მე შევასრულე მხოლოდ ჩემი მოვალეობა,
წმინდა მამაო.

ა ლ ბ ა

და კარგადაც.

ლერმა

(გამოდის კაბინეტიდან ფოსტის უფროსი)

მეფემ ისურვა

თქვენი მიღება.

(ტაქსისი შედის.)

მარკიზი კი მაინც არ მოჩანს?

დომინგო

ყველგან ეძებენ.

ა ლ ბ ა

უცნაური, საოცარია!

პრინცი შეიპყრეს და თვით მეფემ ჯერაც არ იცის,
რისათვის, რატომ?

დომინგო

ნუთუ პოზა არ გამოცხადდა,
ხელმწიფისათვის ანგარიშის ჩასაბარებლად?

ა ლ ბ ა

როგორ მიიღო ეს ამბავი ჩვენმა ხელმწიფემ?

ლერმა

მეფეს ჯერ სიტყვაც არ დაუძრავს.

(მოისმის ხმაური კაბინეტიდან.)

ა ლ ბ ა

ო, ჩუმაღ, ჩუმაღ!

რა ხმაურია?

ტაქსისი
(კაბინეტიდან გამოსული)
გრაფო ლერმა!
(ორივენი შედიან.)

ა ლ ბ ა
(დომინგოს)

რა ხდება ნეტავ?

დომინგო

ასეთი ტონით საუბარი? თუ ეს ბარათი?..
ვგრძნობ კარგს არაფერს მოასწავებს.

ა ლ ბ ა

მან ლერმას უხმო?

თუმცა არ იცის, რომ მე და შენ აქ ვიმყოფებით,
მის მისაღებში...

დომინგო

ეჰ, ჩვენი დრო წავიდა უკვე.

ა ლ ბ ა

ნუთუ მე იგი აღარა ვარ, რომლის წინაშეც
აქ ყველა კარი იღებოდა? ჩემს გარეშემო
რარვინ საოცრად შეიცვალა აწ ყველაფერი.

დომინგო

(ჩუმად მიუახლოვდა კაბინეტის კარებს და შეჩერდა მის წინ
მისაყურადებლად)

სუ!

ა ლ ბ ა

(პაუზის შემდეგ)

ყოველივე საფლავივით დადუმებულია.
მათ სუნთქვასაც კი გაიგონებს ადამიანი.

დომინგო

კარის ორმაგი ფარდა ბგერას მთლიანად ახშობს.

ა ლ ბ ა

უკვე მოდიან! კარს მოსცილდი!

დომინგო

ისე შემიპყრო
მე შემზარავმა, ცივმა შიშმა, თითქოს ამ წამმა
გადასწყვიტაო დიდი ბედი.

ოცდამესამე გამოსვლა

შემოდინ პრინცი პარმა, ჰერცოგები ფერია და მე დინა
სიღონია რამდენიმე დიდებულის თანხლებით. იგინივე.

პარმა

თუ შეიძლება

ხელმწიფის ნახვა?

ა ლ ბ ა

არა.

პარმა

არა? ვინაა მასთან?

ფერია

აღბათ, მარკიზი.

ა ლ ბ ა

მოელიან მას სწორედ ახლა.

პარმა

ჩვენაც ამ წუთში ჩამოვედით სარაგოსიდან.
მთელი მადრიდი საშინელმა შიშმა შეიპყრო.
მართალი არის?

დომინგო
(იმავე დროს)

დაწყველილიო?

რაშია საქმე, გრაფო ლერმა?

ლერმა

მეფე ატირდა.

დომინგო

როგორ? ატირდა?

ყველა

(ერთად, შეძრწუნებული გაოცებით)

მაშ ატირდა მეფე ფილიპე?

(მომისმის ხარის ხმა კაბინეტიდან. გრაფი ლერმა საჩქაროდ შედის.)

დომინგო

(მისდევს ალბას და ცდილობს შეაჩეროს)

ერთ სიტყვას გეტყვით... მაპატიეთ... იგი წავიდა!
ჩვენ კი აქ ვდგავართ შიშისაგან გაქვავებულნი.

ოცდაათოთხე გამოცვლა

პრინცესა ებოლი. ფერია, მედინა სიდონია. პარმა
დომინგო და სხვა დიდებულნი.

ებოლი

(შემობის შეშლილივით)

სად არის მეფე? სადა? უნდა მე ვნახო იგი!

(ფერიას)

გოხოვო, გრაფო, მასთან შემიყვანო!

ფერია

არა სცალია

დიდმნიშვნელოვან საქმეთ გამო და ვერვინ ბედავს
მეფესთან შესვლას.

ებოლი

იქნება ის ხელს აწერს უკვე

სასტიკ განაჩენს? მეფე არის მოტყუებული.
მე დაუმტკიცებ, რომ ის არის მოტყუებული.

დომინგო

(შორიდან მნიშვნელოვნად ანიშნებს)

ებოლი!

ებოლი

(წავა მისკენ)

აჰ, თქვენც აქ ბრძანდებით, ჩვენო ხუცესო?
საუცხოოა, ახლა სწორედ თქვენ მჭირდებოდით.
თქვენ უნდა მე ეს დამიმოწმოთ.

დომინგო

მე?.. სრულ ჭკუაზე

თუ ხართ, პრინცესა?

ფერია

არ შეხვიდეთ, დაბრუნდით უკან!
მეფე თქვენ ახლა ვერ მოგისმენთ!

ებოლი

არა, მან უნდა
მე მომისმინოს. მან სიმართლეს, ჭეშმარიტებას
უნდა უსმინოს, თუნდ ის ათგზის ღვთაება იყოს!

დომინგო

წადით! ნუ შეხვალთ! არაფერი აღარ გაშინებთ!

ე ბ ო ლ ი

შენ შიშითა თრთი თვით შენივე კერპის წინაშე,
მისი რისხვისა გეშინია, მოკედავო კაცო!

მე კი არაფრის მეშინია.

(როგორც კი კაბინეტში დააპირებს შესვლას, იქიდან გამოვარდება თვა-
ლებგაბრწყინებული ჰერცოგი ალბა; სიარულზე სახეიმო განწყობილება
ემჩნევა. იგი შიირბენს დომინგოსთან და გადაეხვევა.)

ა ლ ბ ა

უბრძანეთ, ყველა

ეკლესიაში Te Deum-ის გალობა იწყონ!
უკვე ჩვენია გამარჯვება.

დ ო მ ი ნ გ ო

ჩვენი?

ა ლ ბ ა

(დომინგოს და სხვა დიდებულებს)

ყველანი

ახლა მეფესთან! ჩემს შესახებ მოისმენთ კიდევ.

მეხუთე მოქმედება

ოთახი მეფის სასახლეში; რკინის ბადეებიანი კარი
გადის ეზოში, სადაც გუშაგები მიდი-მოდიან

პირველი გამოცვლა

კარლოსი ზის მაგიდასთან ხელგზობში თავჩარგული, თითქოს თელემდეს.
ოთახის სიღრმეში რამდენიმე ოფიცერია, რომლებიც მასთან ერთად არი-
ან დაპატიმრებული. შემოდის მარკიზ პოზა; კარლოსი მას ვერ შეამ-
ჩნევს; პოზა ჩუმად ესაუბრება ოფიცერებს. ოფიცერები მაშინვე გაეცლებიან.
თვით მარკიზი კი ძალზე ახლოს მივა კარლოსთან და რამდენიმე წამს
ჩუმად და ნალღლიანად დასცქერის. ბოლოს იგი ხელს შეახებს კარლოსს
და გამოიყვანს გარინდებიდან.

კ ა რ ლ ო ს ი

(აფგება, მარკიზის დანახვაზე შეკრთება. შენდევ უყურებს მას გაშტერე-
ბული თვალებით და შუბლზე ხელს მიიდებს, თითქოს რალაცის მოგო-
ნება უნდაო)

მ ა რ კ ი ზ ი

ეს მე ვარ, კარლოს.

კ ა რ ლ ო ს ი

(ხელს ჩამოართმევს)

და შენ მაინც მოხვედი ჩემთან?

რა კარგი ჰქენი, მეგობარო.

დომინგო
სამწუხაროდ.

ფერია

მაშ მართალია?

პრინცი კარლოსი მალტიელმა დააპატიმრა?

ალბა

დიახ.

პარმა

რა მოხდა? რისთვის?

ალბა

რისთვის? ეს არვინ იცის,
ვარდა მეფის და მარკიზისა.

პარმა

დააპატიმრეს

ჩვენი კორტესის ჩაურევლად?

ფერია

ვაი მას, ვინაც
ხელს შეახებს და შეურაცხყოფს კანონებს ჩვენსას.

ალბა

დიახ, ვაი მას! მეც ვიძახი.

მედინა სიდონია

მეც.

დანარჩენი დიდებულები

ჩვენც ყველანი.

ალბა

ვინ შემომყვება კაბინეტში?.. უნდა ახლავე
ხელმწიფეს ფერხით ჩაუფარდე.

ლერმა

(გამოიჭრება კაბინეტიდან)

ჭერცოგო ალბა!

დომინგო

დიდება უფალს! როგორც იქნა!

(ალბა აჩქარებით შედის კაბინეტში.)

ლერმა

(სულმოუთქმელად, დიდი მღელვარებით)

როდესაც მოვა

აქ მალტიელი, გადავცით, რომ ჩვენი მეფე
მარტო არაა! თვით მოუხმობს...

დომინგო

(ლერმას. რომელსაც ყველა დანარჩენი ცნობისმოყვარეობით აღსაყენო
ირგვლივ შემოერთყვიან)

რა მოხდა, გრაფო?

გაფითრებულხართ ისე, როგორც მიცვალებული.

ლერმა

(წასვლას დააპირებს)

ეს დაწყველილი საქმე არის!

პარმა და ფერია

რაო? რა მოხდა?

მედინა სიდონია

რა დაემართა მეფეს ჩვენსას?

მარკიზი

დიახ, ვფიქრობდი,
რომ ახლა შენი მეგობარი დაგჭირდებოდა.

კარლოსი

ნუთუ ნამდვილად, ნუთუ მართლა ფიქრობდი ამას?
მოხარული ვარ, მოხარული მე განუზომლად.
კარგად ვიცოდი, რომ შენ ისევ გიყვარდი ძლიერ.

მარკიზი

მაგგვარი რწმენა, მგონია, მეც დავიმსახურე.

კარლოსი

ხომ მართალია? ერთმანეთის კვლავ კარგად გვემის.
მოხარული ვარ. ეს სინაზე და შებრალება
უხდება ისეთ დიად სულებს, როგორნიც ჩვენ ვართ.
დე იყოს თუნდაც უკანონო სურვილი ერთი
ყველა, დანარჩენ სურვილთაგან, განა ამიტომ
ჩემს კანონიერ სურვილებზე შენ უარს მეტყევი?
იქნება იყოს სათნოება პირქუში, მკაცრი,
მაგრამ სასტიკი, უღმობელი ის არ იქნება,
ძვირად დაგიჯდა ყოველივე ეს, კარგად ვხედავ,
ო, დიახ, ვიცი, კარგად ვიცი, თუ როგორ ძლიერ
გტკიოდა გული, იცლებოდა სისხლისგან იგი,
როდესაც შენს მსხვერპლს საკურთხეველს სწირავდი.

მარკიზი

კარლოს!

რასა გულისხმობ მაგ სიტყვებში?

კარლოსი

შენ დამთავრებ,
რის დამთავრებაც მე მმართველად და ველარ შევძელ.

აღმოუბრწყინებ ოქროს დღეებს ესპანეთს ჩვენსას,
რომელთაც ჩემგან ის ამაოდ ელოდებოდა.
მე კი დაღუპვა, სამუდამოდ დაღუპვა შელის;
შენ ეს წინასწარ დაინახე. ო, წარიტაცა
ამ საშინელმა სიყვარულმა დაუბრუნებლად
ყველა ყვაილი, ნადრევი, ჩემი სულია.
დაღუპული ვარ მე უკვე შენს დიდ იმედთათვის.
ბედმა, განგებამ თუ შემთხვევამ შენ მიგიყვანა
მეფესთან... ოღონდ საიდუმლო გაანდე ჩემი,
შენი იქნება, ანგელოზი გახდები მისი.
ჩემი საშველი აღარაა, ხოლო ესპანეთს
იქნებ ვშველოს კიდევ რამე. სასჯელის ღირსი
არა არის რა აქ, ჩემივე სიბრძნის გარდა:
დღემდე ვერ მივხვდი, ვერ შევნიშნე, ვერ დავინახე,
რომ შენ ისევე დიადი ხარ, ვით ნაზი.

მარკიზი

არა!

ეს მე წინასწარ ვერ განვჭვრიტე... ვერ დავინახე,
რომ სულგრძელობა მეგობრისა აღმოჩნდებოდა
წინდახედული, გონიერული, ვიდრე თვით ჩემი
ასეთი ბრძნული მზრუნველობა. უკვე დაინგრა
ჩემი შენობა—დამავიწყდა მე შენი გული.

კარლოსი

მართლა რომ შენ ეს შეგძლებოდა და ჩემი გული
გეხსნა ამგვარი ბედისაგან, ჰოი, რა ძლიერ,
რა განუზომლად მაღლიერი გაგიხდებოდი.
ნუთუ არ ძალმიძს ეს მე მარტომ გადავიტანო?
რა საჭიროა ამისათვის მეორე მსხვერპლი?
მაგრამ... არაფერს აღარ ვიტყვი ამის შესახებ.
არა, არა მსურს, მეგობარო, ვისაყვედურო.
რა გესაქმება დედოფალთან? შენ გიყვარს იგი?
ან შენს ეგზომ მკაცრ სათნოებას აინტერესებს

მეორე გამოცვლა

(ჭერცოგი ალბა. იგინივე)

ალბა

(მოწიწებით მიუახლოვდება პრინცს და მთელი სცენის განმავლობაში მარჯიხისაკენ ზურგშექცეული დგას)

თავისუფალი ხართ, მეფის ძევ. ჩვენმა ხელმწიფემ მე გამომგზავნა, რათა ეს თქვენ შეგატყობინოთ.

(კარლოსი გაოცებით შეხედავს მარჯიხს. ყველა სდუმს.)

და ბედნიერად ვთვლი მე ჩემს თავს, ხელმწიფის შვილო, რომ წყალობა მაქვს თქვენ პირველად...

კარლოსი

(შეათვლიერებს ორივეს განცვიფრებით. პაუზის შემდეგ, ჭერცოგს)

ჯერ პატიმარ მყვეს

და ახლა ისევ მანიჭებენ თავისუფლებას, მე კი არ ვიცი, ეს ორივე რისათვის მოხდა?

ალბა

შეცდომის გამო, უფლისწულო; როგორც მე ვიცი, ერთმა ვიღაცა მატყუარამ შეიძლო თურმე ჩვენი ხელმწიფის ამ საქმეზე დაყოლიება.

კარლოსი

კი მაგრამ, ნუთუ მე აქ ვზივარ მეფის ბრძანებით?

ალბა

დიახ, მეფის ძევ, ჩვენი მეფის შეცდომის გამო.

კარლოსი

სამწუხაროა, ეს ნამდვილად გულსა მტკენს ძლიერ. მაგრამ თუ შესცდა ჩვენი მეფე, იმასვე მართებს, შეცდომა ესე აწ თვითონვე გამოასწოროს.

(ცდილობს მარჯიხს თვალბში შეხედოს და ჭერცოგს უცქერის მედიდური მძულვარებით)

დონ ფილიპეს შვილს მიწოდებენ, მაგრამ ყოველთვის მიცქერის თვალი—გამკილავი, ცნობისმოყვარე. რის ქმნაც ხელმწიფეს უკარნახა მოვალეობამ, სულაც არა მსურს მე მივილო თქვენს მოწყალებად. მზად ვარ კორტესთა სამსჯავროს წინ ახლავე წარვდგე, მაგრამ ხმალს ჩემსას არ მივიღებ ასეთ ხელიდან.

ალბა

უარს არ იტყვის ჩვენი მეფე, ხელმწიფის შვილო, რომ აღასრულოს ეგ სურვილი კანონიერი, თუკი ინებებთ, ხელმწიფესთან რომ მიგაცილოთ.

კარლოქსი

მე აქ დავრჩები, ვიდრე ის ან მისი მადრიდი ჩემთან არ მოვლენ და ციხიდან არ გამიყვანენ. გადაეცით მას ეს პასუხი.

(ალბა გადის. ჩანს, რამდენიმე ხანს ეზოშია გაჩერებული და ბრძანებებს აძლევს.)

მესამე გამოცვლა

კარლოსი და მარკიზ პოზა

კარლოსი

(მას შემდეგ, რაც ჭერცოგი გარეთ გავა, ცნობისმოყვარეობით და გაკვირვებით მარჯიხს)

ეს რალას ნიშნავს?

ამოხსენ, მარკიზ. განა შენ აქ მინისტრი არ ხარ?

მარკიზი

მინისტრი ვიყავ, როგორც ხედავ.

(მიუახლოვდება კარლოსს, ძლიერი მღვლეარებით)

ო, ჩემო კარლოს,

ჩანს, იმოქმედა. უკვე გასჭრა. ჩანს, გამოვიდა. უკვე აღსრულდა, მეგობარო, დიდება უფალს, ეს გამარჯვება მან მარგუნა.

კარლოსი

რა გამარჯვება?

შენი სიტყვები მე არ შესმის.

მარკიზი

(ხელს ხელზე წააფლებს)

გეშველა, კარლოს...

განთავისუფლდი... მაგრამ მე კი...

(შეჩურდება)

კარლოსი

და შენ კი არა?

მარკიზი

მაგრამ მე... მე კი, მეგობარო, მიგიკრავ მკერდზე ჩემს სიცოცხლეში აწ პირველად სრული უფლებებით, მე ხომ ამაში ყველაფერი, მთლად ყველაფერი, რაც ჩემთვის მეტად ძვირფასია, გადავიხადე. ო, კარლოს, რარიგ ნეტარია, რა დიდებული ამგვარი წამი! ჩემი თავის ვარ კმაყოფილი.

კარლოსი

რა უცარი ცვლილება ჩანს აწ შენს სახეზე, ჩემს სიცოცხლეში ჯერ ასეთი არ მინახავხარ. ამაყად ფეთქავს შენი გული, შენი თვალებიც ჯერ არნახული, უცნაური ცეცხლით ბრწყინავენ.

მარკიზი

კარლოს, ჩვენ უნდა აწ ერთმანეთს გამოვეთხოვით, იყავ ვაჟკაცი, მეგობარო, არ შეგეშინდეს. აწ რაც არ უნდა მოისმინო, აღმითქვი, რომ შენ თავშეუკავებ მწუხარებით, ვაით და ვივით, დიად სულთათვის რაიც ასე სამარცხვინოა, განშორების წუთს უფრო მეტად არ დამიმძიმებ.

შენ მკარავავ, კარლოს, მრავალი წლით, სულელნი ამას სამარადისოს უწოდებენ.

(კარლოსი მის ხელს გაუშვებს, გაშტურებით ფეხების მარჯვს და პასუხს არ აძლევს)

იყავ ვაჟკაცი!..

დიდი იმედი მქონდა შენი, სწორედ ამიტომ ამ საშინელ წუთს შენთან ყოფნას არ განვერიდე, ამ საშინელ წუთს, უკანასკნელს რომ უწოდებენ. მაშ, კარლოს, უნდა გამოგიტყდე? მე ამის გამო გახარებული ვიყავ კიდევ. მოდი, ჩამოვსხდეთ... უღონობას ვგრძნობ, დავიღალე...

(იგი მიუახლოვდება კარლოსს, რომელიც კვლავ მკვდარვით დადუმებული თავისდა უნებურად დაეშვება მარკიზის გვერდით).

სადა ხარ ახლა?

პასუხს არ მაძლევ, მეგობარო? მაშ მოკლედ გეტყვი. ერთი დღის შემდეგ, იმ დროდან, როს უკანასკნელად კარტეზიანთა მონასტერში ერთმანეთს შევხვდით, მეფემ თავისთან დამიბარა, რომლის შედეგი უკვე შენც იცი და მადრიდშიც. მაგრამ არ იცი, მეფეს რომ შენი საიდუმლო შეატყობინეს, რომ წერილები, რომლებიცა დედოფლის ყუთში აღმოაჩინეს, მეტყველებენ შენს წინააღმდეგ, რომ ყოველივე მეფემ მითხრა თავისი პირით და სანდო პირი გავხდი მისი.

(შეჩურდება, კარლოსის პასუხის მოლოდინში, მაგრამ პრინცი ისევ სდუმს).

დიახ, ძვირფასო!

ჩემი პირითვე ერთგულება გავტყებ ჩემი. ემეთაურობდი მე თვითონვე იმ შეთქმულებას, შენ რომ დალუპვას გიმზადებდა. ეს საქმე უკვე აშკარა იყო, შენი დაცვა—ძლიერ გვიანი. ეს გზალა დარჩა—წარმემართა შურისძიება. მტრად გადაგექეც, რათა შენთვის უკეთ მეზრუნა. — შენ მე არ მისმენ?

ესრეთ წვრილმანი საზრუნავი ჩემი ტრფობისა?
შემინდე—მე ხომ უსამართლო ვიყავი.

მარკიზი

დიახ.

მაგრამ ამ ერთი საყვედურის გამო კი არა.
რადგან თუ ერთი საყვედური დავიმსახურე,
შემეძლებოდა მაშინ ყველას დამსახურება
და ასე აღარც ვიდგებოდი მე შენს წინაშე.

(ამოიღებს თავის უბის წიგნაკს)

აქ რამდენიმე წერილია, შესანახად რომ
შენ გადმომეცი, მეგობარო. აჰა, მიიღე
ისინი უკან.

კარლოსი

(განცვიფრებით უცქერის ხან წერილებს, ხან მარკიზს)

რაო?

მარკიზი

მე მათ გიბრუნებ ისევ,
რადგან ისინი აწ შენს ხელში უფრო უშიშრად
შეინახება, ვიდრე ჩემთან.

კარლოსი

ეს რაღას ნიშნავს?

ეს ბარათები ჩვენს ხელმწიფეს არ წაუკითხავს?
იქნებ თვალითაც არ უნახავს?

მარკიზი

ეს ბარათები?

კარლოსი

მაშ შენ მას ყველა არ უჩვენე?

მარკიზი

ვინ მოგახსენა,

რომ მას ვუჩვენე თუნდაც ერთი?

კარლოსი

(ძალზე განცვიფრებული)

ო, ნუთუ? ნუთუ?

ვინა და ლერმამ.

მარკიზი

ეს მან გითხრა? ახლა ცხადია,
ცხადია ახლა ყველაფერი! სხვა ვინ შესძლებდა,
რომ ეს წინასწარ დაენახა?—მაშ ლერმამ გითხრა?
ამ კაცს ტყუილი, სიცრუის თქმა არა სჩვევია.
სხვა, დანარჩენი ბარათები მეფესთანაა.

კარლოსი

(დიდხანს უცქერის მარკიზს მდუმარე გაოცებით)

კი მაგრამ, აქ რად ვიმყოფები?

მარკიზი

სიფრთხილის გამო,

რომ, თუ ხელახლა რაიმეში გადასცდებოდი,
ებოლი აღარ აგერჩია გულის მეგობრად.

კარლოსი

(თითქოს ძილიდან გამოეოკვა)

ეჰ! ბოლოს უკვე, როგორც იქნა! ახლა კი ვხედავ...
აწ ყველაფერი ნათელია...

მარკიზი

(მიდის კარისკენ)

ვინ მოდის აქეთ?

კარლოსი

როგორ არა! განაგრძე შემდეგ.

მარკიზი

აი, აქამდის უბრალო ვარ მე შენს წინაშე.
მაგრამ უეცრად შემაცდინა მეფის ახალი,
უხვი წყალობის ბრწყინვალეობამ შეუჩვეველმა...
და ეს შენც გითხრეს, როგორც ამას წინასწარ ვგრძნობდი.
მაგრამ მე, ეგრეთ ცრუ სინაზით მოტყუებულმა,
დაბრმავებულმა ქედმაღლური ილუზიითა,
ვცადე უშენოდ დამთავრება გაბედულ საქმის,
ჩემი საშიში საიდუმლო არ გაგიმხილე.
აი, ეს იყო განუსჯელი შეცდომა ჩემი.
ვიცი, რომ ამით შენს წინაშე შევცოდე დიდად.
სიგიჟე იყო ჩემი თავის ამგვარი რწმენა.
მაგრამ შემინდე—იგი იყო დაფუძნებული
შენს სამუდამო მეგობრობა-ერთგულუებაზე.

(აქ იგი გაჩუმდება. კარლოსი გარინდებიდან გამოერკვევა და გამოცოცხლებ-
ბა შეემჩნევა)

რასაც ვუფრთხობდი, იგი მოხდა. შენ დაგაშინეს—
განგებ მოგონილ საფრთხეთა წინ დაიწყე თრთოლა.
სისხლით მოსერილი დედოფალი... საშინელება,
ექოსავით რომ მთელ სასახლეს მოედო უცებ...
ლერმას შენდამი მზრუნველობა საუბედურო...
ბოლოს აგრეთვე უცნაური დუმილი ჩემი—
შენს გულს დაატყდა ყველაფერი ანაზღეულად
და იწყე რყევა, დაკარგულად ჩამთვალე უკვე.
მაგრამ შენ თვითონ, ასე ძლიერ კეთილშობილი,
შენი მეგობრის სინდისში რომ არც ეჭვდებოდი,
დაცემას მისას სიდიადით მოსავდი მაინც.
და ორგულობა მხოლოდ მაშინ ირწმუნე მისი,
როს პატივი ეც შენ თვითონვე მის ორგულობას.
მიტოვებული ერთადერთი თანამგზავრისგან
თავდავიწყებით მიესვენე ებოლის მკერდზე,

სატანას მკერდზე, უბედურო! რადგან ის იყო,
ვინაც შენ გავცა.

(კარლოსი წამოდგება)

დაგინახე, მისკენ მიჰქროდი.
და უცებ ცუდმა წინაგრძნობამ შემიბურო გული—
გამოგედევნე, მაგრამ ძლიერ დამაგვიანდა.
მის ფერხით იყავ დამხობილი და საიდუმლო
შენს ბაგეთაგან იფრქვეოდა. არავითარი
ხსნა აღარ იყო უკვე შენთვის.

კარლოსი

ო, არა, არა!

იგი აღელდა, დამერწმუნე შენ შემცდარი ხარ.
გული ნამდვილად აუჩვილდა.

მარკიზი

თვალთ დამიბნელდა,

გონება ჩემი დაიბინდა, და ვერავითარ,
ველარავითარ გამოსავალს, ხსნასა თუ საშველს
ველარ ვხედავდი თვალუწვდენელ მთელ სამყაროში!
სასოწარკვეთამ დემონად და მხეცად მაქცია...
დედაკაცის მკერდს დავაბჯინე ხანჯალი ბასრი.
მაგრამ ანაზღად მზის ნათელი ჩამიდგა სულში.
ეთქვი: ხელმწიფე რომ შეეცდინო? თუ მომიხერხდა,
დამნაშავედ რომ მოვაჩვენო მას ჩემი თავი?
ეს მართალია თუ ტყუილი, მეფისთვის კმარა,
ფილიპესათვის მართო ეჭვიც საკმარისია,
რადგანაც გულთ ბოროტია. დე ასე იყოს!
იქნებ როგორმე შეაჩეროს ტირანი წამით
ქიქა-ქუხილმა, მისთვის ასე მოულოდნელმა.
მეც მეტი რა მსურს? ფიქრს დაიწყებს და კარლოსი კი
დროს მოიგებს, რომ მოახერხოს ბრაბანტს გაქცევა.

კარლოსი

და ეს... ეს მართლა გააკეთე?

ვზრუნავდი შენთვის და, ვისთვისაც ეს გაეკეთე,
იგი ამისთვის უნდა პასუხს მაგებინებდეს?

კარლოსი

როგორ? ვერ მიხვდით, ეს მოკლული რა იყო ჩემთვის?
უთხარით ერთი, დაეხმარეთ მის ყოვლისმცოდნე
ქეთა-გონებას, რომ ამოხსნას ეს ამოცანა.
ის მეგობარი იყო ჩემი... და გსურთ გაიგოთ,
თუ რისთვის მოკვდა?—პოზამ ჩემთვის გასწირა თავი.

მეფე

აჰ, საშინელო წინაგრძობაე!

კარლოსი

შემინდე, გვამო,

რომ ასეთ ყურებს გავეუშვლავნებ ამ საიდუმლოს!
მაგრამ ეს კაცთა უდიდესი გულთამხილავი
დაე დაიწვას სირცხვილისგან, რომ მის ჭალარა
სიბრძნესა სძლია ახალგაზრდის მახვილმა ჭკუამ.
დიახ, ხელმწიფევე, ჩვენ ნამდვილი ძმები ვიყავით,
ძმები, შეკრულნი მეგობრობის წმინდა კავშირით,
რომლის მსგავსს ხოლმე თვით ბუნებაც ვერ გამოსჭედავს.
მისი სიცოცხლე შეადგენდა სიყვარულს მხოლოდ
და სიყვარული იყო ჩემთვის მისი სიკვდილიც.
იგი მაშინაც ჩემი იყო, როს განადიდეთ,
როცა მან თვისი დამცინავი ენამჭევრობით
თქვენს გოლიათურ ზვიად სულთან თამაში იწყო.
ფიქრობდით მასზე გებატონათ, მაგრამ აღმოჩნდით
მორჩილი მონა, იარაღი მისთა ზრახვათა.
და თუ შემიბყრო მე მარკიზმა, ესეც იმიტომ,
რომ გამოეხსნა მეგობარი განსაცდელისგან.
ამავე მიზნით მან მისწერა ვილჰელმ ორანელს
ყალბი ბარათი—ო, შეუხდე მაღალო ღმერთო!—
თვის სიცოცხლეში მან პირველად იცრუა ამით!

ჩემი გულისთვის შეეგება სიკვდილს პირდაპირ.
თქვენ მას მეფური მოწყალებით აჯილდოებდით,
მარკიზ პოზამ კი მაინც ჩემთვის გასწირა თავი.
თქვენ მას სიყვარულს, მეგობრობას ახვევდით თავზე,
მაგრამ მის ხელში თქვენი კვერთხი ჩილიკად იქცა;
შორს გადისროლა და ის ჩემთვის დაეცა მსხვერპლად!

(ხელმწიფე დგას გაუნძრევლად, თვალები დაბლა დაუხრია, ყველა დიდებუ-
ლი აღელვებული და შეშინებული შესცქერის მეფეს)

ამგვარი რამე ან კი როგორ შეიძლებოდა?
ნუთუ ერწმუნეთ ამ სიცრუეს, უტიფარს, უხეშს?
ხედავთ, მის თვალში რარიგ მცირე ფასი გდებიათ,
თქვენთან ამგვარი ტლანქი ფარსი რომ წამოიწყო?
რა გაბედულად ეძიებდით მის მეგობრობას,
მაგრამ ამ იოლ გამოცდას კი ვერ გაუძელით!
ო, არა! პოზა არასოდეს არ იყო თქვენი.
ის თქვენი კაცი არასოდეს არა ყოფილა!
ეს მან თვითონაც ძლიერ კარგად იცოდა მაშინ,
როცა უარგყოთ, უკუგაგდოთ ყველა გვირგვინით,
ეს ნაზი ქნარი აწ დაიმსხვრა თქვენს რკინის ხელში.
ან რა შეგეძლოთ, ხელმწიფეო, თქვენ ამის გარდა?—
მოკვლა შეგეძლოთ და კიდევაც მოჰკალით იგი.

ალბა

(აქამდე მეფეს თვალს არ აშორებდა და აშკარა მღელვარებით აღევნებდა
თვალუფრს მისი სახის ყოველგვარ ცვლილებას. ახლა კი იგი
მოწიწებით მიუახლოვდება მეფეს)

ნუ სდუმხართ, მეფევე, დაარღვიეთ სიჩუმე მკვდრული.
მიმოიხედეთ თქვენს გარშემო! გვითხარით რამე!

კარლოსი

არ გიყურებდათ, ხელმწიფეო, იგი გულგრილად,
დიდი ხანია თანაგრძნობით ფიქრობდა თქვენზე,
შეეძლო თქვენთვის მოეტანა ბედნიერება.

მარკიზი

ფლანდრიისთვის თავს გაუფრთხილდი,
შენი ვალია ჩვენი ხალხის წინამძღოლობა
და ქვეყნის მართვა, ხოლო ჩემი—შენთვის სიკვდილი.

კარლოსი

«მიუახლოვდება მარკიზს და ხელს გაუყრის, გულთბილი გრძნობებით
აღსავსე)»

ო, არა, არა! არ იქნება. ის არ იქნება
წინააღმდეგი, ფილიპე წინ ვერ აღუდგება
განზრახვას შენსას, ასე დიდად კეთილშობილურს.
წაგიყვან მასთან და ხელიხელგადახვეულნი
წარვდგეთ მეფის წინ. „მამაჩემო,—ვეტყვი მე ასე,—
ეს გააკეთა მეგობარმა მეგობრისათვის“.
გულს აუჩვილებს ეს სიტყვები. მერწმუნე, მარკიზ,
ის კაცურ გრძნობებს როდი არის მთლად მოკლებული.
დიახ! ნამდვილად, ეს სიტყვები გულს აუჩვილებს,
მისი თვალები ცხარე ცრემლებს გადმოაფრქვევენ.
და ჩვენ ორივეს გვაპატიებს.

(გაისმის სროლის ხმა რკინის ბადეებიანი კარის მიმართულებით.
კარლოსი წამოხტება)

აჰ! ვის ესროლეს?

მარკიზი

შგონი—მე, კარლოს.

(ძირს ეცემა)

კარლოსი

(შემზარავი გოდებით დაეცემა მის გვერდით)

ო, ციურო ლმობიერებავ!

მარკიზი

(მიმწედარი ხმით)

როგორ აჩქარდა... ჩვენი მეფე... ასეც ვიცოდი.
უნდა იფიქრო ახლა თავის გადარჩენაზე...

შენს თავს უშველე, მეგობარო... გესმის თუ არა?
სხვა ყოველივე უკვე იცის ელისაბედმა.
მე მეტი ძალა აღარ შემწევს... ღონე მეღვეა.

(კარლოსი მკვდარით ასვენია ცხედრის გვერდით. რამდენიმე ხნის შემდეგ
შეშობის მეფე, მრავალი დიდებულის თანხლებით, და ამ სურათის დანახვი-
სს უკან დაიხვეს. საყოველთაო ღრმა დუმილია. დიდებულები უკან მიდ-
გებიან. ნახევარ წრეს ათავისუფლებენ და უტყურობენ ხან მეფეს, ხან მის
შვილს, რომელიც კვლავ ძირს ასვენია, სიცოცხლის ყოველივე ნიშანს
მოკლებული. მეფე დასჩერებია კარლოსს, მდუმარედ და დაფიქრებით.)

მეოთხე გამოცემა

მეფე, კარლოსი, ჰერცოგი ალბა. ფერიკა, მედინა სიდო-
ნია. პრინცი პარმა. გრაფი ლერმა. დომინგო და მრავალი
დიდებული.

მეფე

(თავზიანად)

ხელმწიფის შვილო, აღეასრულე სურვილი შენი,
აი, მოვედი შენთან ჩემი დიდებულებით,
თავისუფლების საუწყებლად.

(კარლოსი აიხედავს და გარშემო იცქირება ახლად გამოღვიძებული ადა-
მიანივით, მისი თვალები ჩერდება ხან მეფეზე, ხან მიცვალებულზე.
პასუხა არ იძლევა)

აჰა. მიიღე

მახვილი შენი, მეტისმეტად აჩქარებულან.

(მიუახლოვდება კარლოსს, ხელს გაუწვდის და ადგომაში შევლია)

არ გეკადრება, ჩემო შვილო, ამ ადგილს ყოფნა.
წამოდექ ფეხზე! მო, მამაშენს გადაეხვიე!

კარლოსი

(თავის თავისათვის ანგარიშის მიუცემლად დანებდება მეფის მოხვევას,
მაგრამ უკებ გონს მოვა, შეჩერდება და მეფეს მიაშტერდება)

მკვლევლობის სუნი აგდის, მეფევე, ვერ მოგეხვევია.

(ხელს ჰკრავს მეფეს. დიდებულები აღელდებიან.)

რამ გაგაცვიფრათ, რა ვქენ ასე შესაზარავი?

იქნებ ზეცისგან მირონცხებულს შევახე ხელი?
ნუ გეშინიათ, მე მეფეზე ხელს არ აღვმართავ.
ნუთუ ვერ ხედავთ თქვენ მის შუბლზე დალსა მკვლელისას?
იგი თვით უფალს აღუბეჭდავს.

მეფე

(სწრაფად მიბრუნდება წასასვლელად)

მომყევით, ჩემო

დიდებულებო!

კარლოსი

საით, მეფე? — ფეხს ვერ მოიცვლი!

(ძალით შეაჩერებს მეფეს. ერთი ხელით ხელმწიფე უტირავს, მეორეთი
წასწვდება მის მოტანილ ხმალს, და ქარქაშიდან უცებ
აძრობს)

მეფე

ხმალი აღმართე მამაშენზე?

დიდებულნი

(ხმლებს იშიშვლებენ)

მეფის მკვლელობა!

კარლოსი

(ცალი ხელი მეფისათვის აქვს ჩაჭიდებული, ცალით კი შიშველი
ხმალი უპყრია)

ჩააგეთ ხმლები! ნეტა რა ვსურთ? იქნებ გგონიათ,
ჭკუიდან შევცდი? არა, არა. თქვენ ძლიერ სცდებით.
და თუნდა მართლაც გიყი ვიყო, კარგს ვერ სჩადინხართ,
ამით თქვენ მხოლოდ მომაგონეთ, მეფის ერთგულნი,
მისი სიცოცხლე რომ ჩემი ხმლის წვერზე ჰკიდია.
იქით მიდექით!.. ახლა ისეთ გუნებაზე ვარ,
უნდა მერიდოთ... ამიტომაც მიდექით უკან!
რაც მე ამ მეფეს უნდა ვუთხრა, ის სრულებითაც

არ შეეხება თქვენს თავადურ ფიცსა თუ აღთქმას.
ერთი შეხედვით, ვით შესვრია ხელები სისხლით!
კარგად შეხედვით, ძლიერ კარგად! ხომ დაინახეთ?
ო, ახლა აქაც გადმოხედეთ. ეს ჩაიღინა
ამ თქვენმა დიდმა ხელოვანმა.

მეფე

(დიდებულებს, რომელთაც სურთ მჭიდროდ შემოერთყან მეფეს)

უკან მიდექით!

რატომ კანკალებთ? ჩვენ აღარ ვართ მამა და შვილი?
ვნახოთ, რანაირ სირცხვილამდე მივა ბუნება.

კარლოსი

რაო? ბუნება? მე არ ვიცნობ ამგვარ ბუნებას,
ახლა ლოზუნგად კაცთმკვლელობა გადაქცეულა,
კაცობრიობის დარღვეულა ყველა კავშირი,
იგი შენ თვითონ დაარღვიე შენს სამეფოში.
მას პატივი ვცე, რაც შენ ასე შეგზიზღებია?
ო, შეხეთ, შეხეთ, აბა, ერთი შეხედვით ამას!
ჯერ არ მომხდარა ამნაირი მკვლელობა ქვეყნად,
ვით ეს დღეს მოხდა. ნუთუ ღმერთი არსებობს სადმე?
და თუ არსებობს, მის თვალუწვდენ სამფლობელოში
რად მძვინვარებენ ხელმწიფენი ასე სასტიკად?
მე გეკითხებით, განა ღმერთი არსებობს სადმე?
იმის შემდეგ, რაც ქვეყნად გაჩნდა ადამიანი,
არ დაქცეულა ასე წმინდა, უმანკო სისხლი.
თუ იცი, რა ჰქენ? არა, არა, ეს მან არ იცის!
არ იცის, რომ მან მოიპარა ამ სამყაროდან
სიცოცხლე უფრო დიდებული, კეთილშობილი,
უფრო ძვირფასი, ვიდრე თვითონ სიცოცხლე მეფის,
მთელი თავისი საუკუნით.

მეფე

(ღმობიერი კილოთი)

თუ მე ავჩქარდი,

მარკიზი

ღიახ, მიეწერე

ვილჰელმ ორანელს, დედოფალი მიყვარდეს თითქოს,
რომ მოვახერხე აცილება მეფის ეჭვისა,
რაიც ტყუილად შენ გბრალდება, და რომ თვით მეფემ
გზა მაპოვნინა დედოფალთან დაახლოვებით.
იმასაც დავსძენ, გამელაგნების რომ მეშინია,
რომ შენ შეიტყვე საიდუმლო ჩემი ვნებების
და ებოლისკენ გაეშურე, რათა როგორმე
ეს დედოფლისთვის მისი პირით გეცნობებინა.
ვწერ იმასაც, რომ სწორედ ამ დროს დაგაპატიმრე
და ახლა, რადგან ყველაფერი განწირულია,
ბრუსელში მსურს გადახვეწა.—მე ეს წერილი...

კარლოსი

(შეშინებული სიტყვას შეაწყვეტინებს)

ფოსტისთვის ხომ არ მიგიცია? შენ უკვე იცი,
რომ ბრაბანტსა და ფლანდრიაში გასაგზავნ წერილთ...

მარკიზი

მეფეს აძლევენ. როგორცა ჩანს, ტაქსისმა უკვე
თავისი ვალი აღასრულა.

კარლოსი

მაშ დავიღუპე!

მარკიზი

შენ? შენ რატომღა?

კარლოსი

და შენც, ღიახ, შენც ჩემთან ერთად
დაღუპული ხარ, უბედურო! ასეთ საშინელ,
შემზარავ ტყუილს მამაჩემი არ გაპატიებს.
არა! არასდროს არ შეგინდობს ხელმწიფე ამას.

მარკიზი

ტყუილს? გონს მოდი, მეგობარო! რამ დაგაბნია?
ვინ ეტყვის, რომ ეს ტყუილია?

კარლოსი

(თვლებში ჩააშტერდება)

ვინაო, მკითხავ?

მე თვითონ ვეტყვი.

(წასვლას დააპირებს)

მარკიზი

დარჩი, დარჩი! ხომ არ გაგიჟდი?

კარლოსი

შორს, შორს გამეცა, ღვთის გულისთვის! ნულარ მაკავებ-
მე აქ ვყოფნდები და ის უკვე ამასობაში
მკვლელთ მოისყიდის.

მარკიზი

მით უფრო ჩვენ დრო ძვირად გვიღირს.
სათქმელი კიდევ ბევრი დაგვრჩა.

კარლოსი

რაო? რას ამბობ?

ვიდრე ჯერ კიდევ ყველაფერი...

(კვლავ დააპირებს წასვლას. მარკიზი ხელს გაუყრის და დიდმნიშვნელოვ-
ნად უცქერის).

მარკიზი

მისმინე, კარლოს!

განა მეც მაშინ ასე სწრაფი, წრფელი ვიყავი,
პატარა ბიჭს რომ გაწამებდნენ ჩემი გულისთვის?

კარლოსი

(გულაჩვალებული და ვაოცებული შედგება მის წინ)
ოი, განგებავ!

კარლოსი

გადაეცით დედოფალს თქვენსას,
რომ დამელოდოს.

(მგრადო გადის)

მეზვიდე გამოსავლა

კარლოსი, გრაფი ლერმა

ლერმა

თავს უშველეთ, ხელმწიფის შვილო!
ძლიერ მრისხანებს მეფე თქვენზე. თავისუფლების
დაკარგვა გელით და იქნება თვით სიცოცხლისაც.
ამის მეტს ახლა ნულარაფერს შემეკითხებით.
გამოვიბარე აქეთ მე თქვენს გასაფრთხილებლად.
დაუყოვნებლივ თავს უშველეთ.

კარლოსი

აწ მე განგების

ხელთ ვიპყრებ.

ლერმა

დედოფალმა როგორც მანიშნა,
უნდა დასტოვოთ, უფლისწულო, მადრიდი დღესვე,
უნდა ახლავე გაეშუროთ ბრიუსელისკენ.
ნუ დააყოვნებთ, ნუ გადასდებთ. ეს აჯანყება
გაქცევას თქვენსას ხელს შეუწყობს. სწორედ ამ მიზნით
მოაწყო იგი დედოფალმა. ვერ გაბედავენ.
რომ თქვენზე ახლა ძალადობა გამოიყენონ.
კარტეზიანთა მონასტერში ცხენები გელით,
ჰა იარაღიც, თუ შეიქნეთ იძულებული...

(მისცემს ხანჯალს და დანბაჩას.)

კარლოსი

ო, გმადლობთ, გმადლობთ, გრაფო ლერმა!

ლერმა

ამ დღევანდელმა

თქვენმა ემბავმა აძიჩუა გული ძალიან.
ასეთ სიყვარულს მეგობრისას ველარსად ვპოვებთ.
ყველა ერთგული სამშობლოსი ცრემლს აფრქევს თქვენზე-
ახლა მეტის თქმა, მეფის ძეო, არ შემძლია.

კარლოსი

ამ განსვენებულს კეთილშობილ კაცად მიაჩნდით,
ძვირფასო ლერმა.

ლერმა

ერთსაც გკადრებთ, ხელმწიფის შვილო!
ღმერთს ეთხოვ, გემგზავროთ. ბედნიერად. სხვა, მშვენიერი
ხანა დადგება, მაგრამ მე მას ვერ მოვესწრები.
მაშ აწ მიიღეთ ფიცი ჩემი ვინაობისა.

(კარლოსი წინ ცალ მუხლს მოიდრეკს)

(სურს წამოაყენოს, ძალზე გულჩაყვებული)

ო, ასე არა, ასე არა... თქვენ გულს მიჩუყებთ...
მე კი არ მინდა, რომ დღეს სწორედ გულჩვილი ვიყო...

ლერმა

(დიდი გრძნობით ემთხვევა ხელზე)

დიდო ხელმწიფე ჩემთა შვილთა! ისინი შენთვის
თავს გასწირავენ, მე კი ამას დღეს ვერა ვბედავ.
მომიგონებდეთ მაშინ ჩემი შვილების სახით.
ღმერთს ვთხოვ, დაბრუნდეთ ესპანეთში მშვიდობიანად-
იყავით კაცი, როცა ახვალთ ფილიპეს ტახტზე!
თქვენ ტანჯვა უკვე განიცადეთ და მამათქვენზე
ხელს ნუ აღმართავთ, მშობლის სისხლში ნუ გაერევით.

ჩემი სახელი მერკადოა—მე ვარ დედოფლის
კარის ექიმი—აი, აქ მაქვს მოწმობა ჩემი.

(უჩვენებს ბეჭედდასმულ სიგელს. კარლოსი კი ისევ სდუმს.)

დედოფალს ნებაგს, რომ დღესვე თქვენ მოგესაუბროთ
მნიშვნელოვანი საქმის გამო.

კარლოსი

ამჟვეყნად ჩემთვის
მნიშვნელოვანი საქმე უკვე აღარ არსებობს.

მერკადო

დედოფალმა თქვა, პოზასაგან. დატოვებული
დავალემა მაქვს, რაიც უნდა პრინცს გადავცეო.

კარლოსი

(სასწრაფოდ წამოხტება)

რაო? ახლავე.

(სურს წაჰყვას)

მერკადო

ახლა არა, მოწყალე პრინცო,
ახლავე არა! მოცდა გმართებთ დაღამებამდე.
გზა შეკრულია, ყოველ კართან დარაჯნი დგანან,
იქ მათი რაცხვი უკვე ყველგან გააორკეცეს.
ახლა სასახლის იმ ნაწილში ვერ მიხვალთ ისევ,
რომ არავინ არ შეგამჩნიოთ. ეს თქვენი მხრიდან
მთლად უგნურება იქნებოდა.

კარლოსი

მაშ რა ვქნათ?

მერკადო

მხოლოდ

ერთი გზა დარჩა, მარტო ერთი გამოსავალი.

ეს დედოფალმა მოისახრა და თქვენ გთავაზობთ...
მაგრამ ის ძლიერ თამამი და იშვიათია,
თან სახიფათოც.

კარლოსი

ეს რა გზაა?

მერკადო

როგორც თქვენც უწყით,

დიდი ხანია ჩვენში დადის ერთი თქმულება,
რომ შუალამით სასახლეში ბერის სამოსით
განსვენებული მეფის სული დაიარება.
ბრბოს მართლა სჯერა ეს თქმულება და დარაჯები
საგუშაგოზე შიშით, თრთოლვით ძლივს ჩერდებიან.
რომ გაბედვდეთ, გადიცვამდეთ ბერის სამოსელს,
ყველა დარაჯი თავისუფლად გაგატარებდათ
და თვით დედოფლის სავანესთან აღმოჩნდებოდით.
იქ კი მის ოთახს გაგიღებდათ ეს გასაღები.
თავდასხმისაგან დაგიცავდათ წმინდანის სახე.
მაგრამ ეს აქვე გადაწყვიტეთ, ხელმწიფის შვილო.
საჭირო სამოსს და ნიღაბს თქვენს ოთახში ჰპოვებთ.
უნდა ვიჩქარო, რომ დედოფალს შევატყობინო
პასუხი თქვენი.

კარლოსი

მაგრამ რა დროს?

მერკადო

შუალამისას,

თორმეტ საათზე.

მარკიზის გული იყო ისე უხვი, მდიდარი,
რომ თქვენც გაგხდიდათ ამ სიუხვით, მეფევე, კმაყოფილს,
ღმერთად გაქცევდათ ნამსხვრეენიც კი მისი სულისა.
თვითონ გაპქურდეთ, მბრძანებელო, თქვენივე თავი,
აწ რას გაიღებთ, მსგავსი სული რომ დაიბრუნოთ?

(ღრმა დუმილი. დიდებულნი ზურგს შეაქცევენ და სახეს
მოსასხამებში იმაღლებენ)

ო, თქვენ, რომელნიც აქა სდგებართ და შიშისა და
განცვიფრებისგან ხმას ვერ იღებთ... ნუ შეაჩვენებთ
ჭაბუქს, რომელიც ხელმწიფესთან ასე საუბრობს
და თვისი მამის წინააღმდეგ ამხედრებულა.
აქ გადმოხედეთ! ჩემთვის მოკვდა! თუ შეგრჩათ ცრემლი,
თუ თქვენ ძარღვებში სისხლი გიდულთ და არა რკინა,
აქ გადმოხედეთ და ამისთვის ნუ შემაჩვენებთ!
(მიმართავს მეფეს უფრო მეტი დამშვიდებული და თავშეკავებული
კილოთი)

იქნება უცდით, ეს ამბავი რით დამთავრდება?
აი, აქაა ჩემი ხმალი. თქვენც ისევე ჩემი
მეფე ბრძანდებით. მამაჩემო, ხომ არა ფიქრობთ,
რომ მეშინია თქვენი მკაცრი შურისძიების?
მეც, მეც მომკალით, ვით ეს ყოვლად კეთილშობილი!
ჩემი დღეები დათვლილია, მე კარგად ვიცი.
ან კი სიცოცხლე რადღა მიღირს ამიერიდან?
ყოველივეზე უარს ვამბობ, რის მიღებასაც
ველოდებოდი ამ ქვეყნიდან. ჩემო ხელმწიფევე,
ეძიეთ შვილი უკეთესი უცხოთა შორის.
ჩემი სამეფო კი აქაა.

(დაეშობა გვამზე და შემდგომს მოქმედებაში მონაწილეობას აღარ იღებს.
ამ დროს შორიდან მოისმის ხალხის გაურკვეველი ჩოჩქოლი და ხმაური.
მეფის ირგვლივ ღრმა დუმილი სუფევს. ხელმწიფე თვალს მიაპყრობს დი-
დებულთა მთელ წრეს, მაგრამ მის ნებრას ყველა გაურბის)

მეფე

მამ არვის ნებავს

პასუხი გასცეს? ყველას თავი ძირს დაუხრია,

ყველა მარიდებს პირისახეს... ეს იმას ნიშნავს,
რომ უკვე ჩემი განაჩენი გამოტანილა.
მაგ თქვენს მღუმარე სახეებზე ვკითხულობ ამას.
უკვე განმსაჯეს თვით ჩემივე ქვეშევრდომებმა.

(ისევ სიჩუმეა. ხმაური გარედან თანდათან მატულობს და ანლოვდება. დიდ-
ებულთა შორის ჩურჩული წვიკნება. ისინი ერთმანეთს დარცხვენით გადახე-
დავენ. ბოლოს გრაფი ლერმა შეუმჩნევლად წაჰკრავს იდაყვს ჰერცოგ ალბას.)

ლერმა

ამბობებაა ეს ნამდვილა!

ალბა

(ჩუმად)

მეც ეგ მაშინებს.

ლერმა

ზევით მორბიან. აქ მოდიან.

მეხუთე გამოცვლა

მეფის სამცველოს ოფიცერი. იგნივე.

ოფიცერი

(შემოიჭრება)

აჯანყებაა.

სად არის მეფე?

(ამალას გაარღვევს და მეფესთან მიიჭრება)

იარაღი აიღო ხელში

მთელმა მადრიდმა, ჯარისკაცნი, მოქალაქენი
ვაშმაგებულნი გარს ერტყმიან სასახლეს თქვენსას.
ხმა გავარდნილა, რომ კარლოსი დააბატონრეს,
თითქოს საფრთხეში იმყოფება სიცოცხლე მისი.
ხალხი მოითხოვს, გვიჩვენეთო ცოცხალი იგი,
თორემ მთელ მადრიდს გადავწვავთო.

დიდებულნი
(შეშფოთლებიან)

მეფეს ვუშველოთ!
ვუშველოთ მეფეს!

ა ლ ბ ა

(მეფეს, რომელიც მშვიდად და გაუნძრევლად დგას)

გაეცალეთ ამ ადგილს, მეფევი!...
თქვენი სიცოცხლე საფრთხეშია... ჩვენ ჯერ არ ვიცით,
ბრბოს ვინ ამხედრებს...

მეფე

(გარინდებიდან გამოფრქვევა, წელში გაიმართება და შედიდურად ჩადგება
დიდებულთა შორის)

ჩემი ტახტი კვლავ დგას თუ არა?
და კვლავ ხელმწიფე ვარ თუ არა ამა ქვეყნისა?—
არა! მე მეფე აღარა ვარ, ო, ეს ლაჩრები
როგორ ატირდნენ, ბავშვმა როგორ მოუღბო გული!
აწ მხოლოდ ნიშანს მოელიან, რომ გამეცალონ.
როგორც ჩანს, ყველამ მილალატა და ამიჯანყდა.

ა ლ ბ ა

ეგ საშინელი აზრი, მეფევი, რამ მოგაფიქრათ?

მეფე

აგერ, იქ მის წინ დაემხენით. იმ ახალგაზრდა
მეფის წინაშე მოიდრიკეთ სუყველამ მუხლი!
მე კი რაღა ვარ—უსუსური მოხუცებული.

ა ლ ბ ა

ესპანელებო!—სადამდე არ მივიდა საქმე!

(ყველანი მჭიდროდ შემოეხვევიან მეფეს, ხმლებს იშიშვლებენ და მეფის
წინ დაემხობიან. ყველასაგან მიტოვებული კარლოსი მარტო რჩება მარ-
კიზის ცხედართან)

მეფე

(პორფირს მოიხსნის და გადაისვრის)

ამ ხელმწიფური სამოსელით შემოსეთ იგი
და ჩემს გაქელილ გვამზე ისე გადაატარეთ!
(ლონემიხილი გადაესვენება ალბა და ლერმას მკლავებზე)

ლერმა

გვიშველე, ღმერთო!

ფერია

ღმერთო ჩემო, რა საშინელი

შემთხვევა არის!

ლერმა

გრძნობა სუმთლად დაკარგა მეფემ...

ა ლ ბ ა

(მიატოვებს მეფეს ლერმასა და ფერიას ხელებზე)
სარეცელისკენ წასვენეთ. მე კი წავალ და
მადრიდს სიმშვიდეს დაუბრუნებ ამასობაში.
(გაღის. მეფეს მიასვენებენ, დიდებულნი უკან მისდევენ.)

მეფის გამოსვლა

კარლოსი ცხედართან დარჩება. რამდენიმე წამის შემდეგ გამოცხადდება
ლუდვიკ მეოთხე, ირგვლივ მორიდებულად იმზირება და რამდენიმე
ხანს მღუმარედ დგას პრინცის უკან, რომელიც მას ვერ ამჩნევს.

მერკალო

დედოფლისგან ვარ მოგზავნილი, ხელმწიფის შვილო.
(კარლოსი ისევ სხვა მხარეს იცქირება და პასუხს არ აძლევს)

დაე დამწყველოს, აღარაფერს არ დაგიღვედით,
ოღონდ როგორმე მიმელო მე მადლობა მისი.

დო მინ გო

რა ჯადოსნობით...

მე ფე

და მერე ვის ემსხვერპლა იგი?

ბიჭსა, შეილს ჩემსას? არასოდეს! ეს არა მჯერა.
თავს არ ვასწირავს ბიჭისათვის ამგვარი კაცი.
და ამ საბრალო, მცირე აღსაც მეგობრობისას
არ შეუძლია, მთლად აღავსოს მარკიზის გული.
კაცობრიობის საქმისათვის ფეთქავდა იგი.
ის შეჭხაროდა, თაყვანს სცემდა, თვის კერპად ხდიდა
ქვეყნიერებას მომავალი თაობებისას.
თავისი მიზნის მისაღწევად მან ტახტი ჰპოვა—
და მას გზას უქცევს? ან თავის თავს თუ შეუნდობდა
პოზა საკუთარ ხალხისადმი ამნაირ ღალატს?
ო, არა, არა! მარკიზ პოზას მე კარგად ვიცნობ.
მან ფილიპე კი არ შესწირა დონ კარლოსს მსხვერპლად,
არამედ მხოლოდ მოხუცი ყრმას, მოწაფეს თვისას.
მოხუცი მამის ჩამავალი მზე აღარ ღირდა
მის დღიურ შრომად, ამიტომაც თავისი ძალა
გამოიყენა იმისათვის, რომ მოკლე ხანში
აღმოსულიყო ნათელი მზე მისი შეილისა.
— ჰო, ეს ცხადია! ჩემს სიკვდილსა უცდიან ახლა.

ა ლ ბ ა

ეს წერილებიც სწორედ მაგას ადასტურებენ.

მე ფე

(წამოღება)

მაგრამ იქნება ანგარიშში მოტყუვდა იგი.
კვლავ ცოცხალი ვარ, ცოცხალი ვარ, მადლობა ზეცას!

და ჩემს ძარღვებშიც ისევე ვგრძნობ ჰაბუკის ძალას.
სამასხროდ გაეხდი მას ამქვეყნად და დავამტკიცებ,
რომ მარკიზ პოზას სათნოება მხოლოდ და მხოლოდ
ფუჭი, უსაგნო ზრახვა იყო მეოცნებისა
და დაიღუპა იგი კიდევც, ვით უგუნური.
თვისი დამსობით ის ძირს დასცემს თავის მეგობარს
და თავის ეგზომ საოცნებო საუკუნესაც!
ენახოთ, უჩემოდ რას იზამენ. ქვეყანა ესე
კვლავ მე მეკუთვნის, კვლავ ჩემია საღამო მისი
და ამ საღამოს აწ იმგვარად გამოვიყენებ,
რომ ჩემს შემდგომად აქ მოსულმა ათმა თაობამ
ერთი თავთავიც ვერ მოიმკოს მის ნახანძრალზე.
მსხვერპლად შემწირა მან თავის კერპს, კაცობრიობას.
დაე ამ კერპმა ჩემს წინაშე პასუხი აგოს,
დე დაისაჯოს იგი ახლა მარკიზის ნაცვლად.

(ჭერცოვ აღბას)

ახლა კი მისი თოჯინიდან დავიწყებ საქმეს.
ხელმწიფის შეილზე რას ამბობდით? გაიმეორეთ!
მაგ ბარათებში რა სწერია?

ა ლ ბ ა

ეს წერილები,
დიდო ხელმწიფე, შეიცავენ მარკიზის ანდერძს,
ბატონიშვილი კარლოსისთვის გადასაცემად.

მე ფე

(წერილებს ათვალთვრებს, რომლის დროსაც ირველივ მდგარი დიდებუ-
ლები მეყვს გაფაციკვბათ აღკვნებენ თვალს). რამდენ იმე ხნის კვთხვის
შემდეგ, წერილებს გადასდებს და თათხში მდუმარედ გაივლ-გამოივლის)

ახლავე უხმეთ ინკვიზიტორ კარდინალს ჩემთან,
სთხოვეთ, მოხუცმა შემომწიროს საათი ერთი.

(ერთი დიდებულთაგანი ვადის. მეფე წერილებს კვლავ აიღებს, კითხვას
დაიწყებს, მაგრამ ისევ გადასდებს.)

დომინგო
(ჰერცოგ ალბას ჩემად)
უთხარით რამე.

მეფე
(როგორც უწინ)

მცირე აზრისა იყო ჩემზე და იგი მოკვდა.
ის კვლავ მჭირდება. აზრი უნდა გამოიცვალოს
მარკიზმა ჩემზე.

ალბა
(შეშინებული ფრთხილად მიუახლოვდება)

ხელმწიფეო...

მეფე

ვინ ლაპარაკობს?

(დიდხანს ათვლიერებს ირგვლივ მდგარ დიდებულებს)

როგორ? ნამდვილად დაგავიწყდათ, თუ მე ვინა ვარ?
თქვე მიწის მტვერნო, რატომ ჩემს წინ არ დაემხოებით?
ისევ მეფე ვარ! მორჩილებას მოვითხოვ თქვენგან.
ყველა გამირბით, რადგან ერთმა მე შემიზიზლა?

ალბა

დიდო ხელმწიფევე, მალტიელზე იკმარეთ ფიქრი.
თქვენი სამეფოს გულში ღგება ახალი მტერი,
უფრო საშიში მაგ მარკიზზე.

ფერია

პრინცი კარლოსი.

მეფე

უფლისწულს ჰყავდა მეგობარი, რომელიც სიკვდილს
ემსხვერპლა მისთვის, მისთვის დასდო მარკიზმა თავი!
შეეძლო ჩემთან მას სამეფოს განაწილება!..
რარიგ მალლიდან დამცქეროდა მე იგი თურმე!
ასე ზვიადად ხელმწიფეც კი არვის დაჰყურებს

თავის ტახტიდან. და განა ეს არ ჩანდა ცხადად,
კარლოსი როგორ ამყობდა ამ გამარჯვებით?
რაც მან დაკარგა, მისმა ტანჯვამ გამოამელავნა.
წარმავალს ასე არასოდეს არ დასტირიან.
იგი რომ ისევ აღდგებოდეს, გაცოცხლდებოდეს,
მე ამისათვის მთელ ინდოეთს გავცემდი ჯილდოდ.
რა შეგიძლია, ყოვლისშემძლევე, თუ ერთხელ მაინც
ვერ ააყენებ მიცვალებულს ზნელ სამარიდან
და სულ უბრალოს, ანაზღეულს, ადამიანურ
შეცდომას შენსას ველარაფრით გამოასწორებ?
ვაგლახ, რომ მკვდრები საფლავიდან აღარ ღგებიან.
ვინ გამიბედავს, ვინ მეტყვის, რომ ვარ ბედნიერი?
სამარეში წევს იგი, ვინც მე არ მცემდა პატივს,
ცოცხლებთან რაღა შესაქმება, რა დამრჩენია?
ის ერთი აღდგა, ერთადერთი არსება ქვეყნის,
თავისუფალი სული იყო ამ საუკუნის,
სწორედ იმ ერთმა შემიზიზლა და ისე მოკვდა.

ალბა

მაშ ჩვენ ამოდ გვიცხოვრია ამქვეყნად ყველას,
სჯობს დავიზოცოთ, ესპანელნო, შთავიდეთ საფლავს!
ეს კაცი მკვდარიც ხელმწიფის გულს ხელიდან გვტაცებს.

მეფე

(დაჯდება და ხელზე თავს დაიყრდნობს)

ნეტავ ჩემთვისაც იგი ასე განწირულიყო!
მე შევიყვარე, შევითვისე მარკიზი ძლიერ,
ძვირფასი იყო ჩემთვის, როგორც ნამდვილი შეილი.
ვფიქრობდი, მისით განთიადი დამიდგებოდა,
სულ სხვა, ახალი, მშვენიერი შუქით მოსილი,
ან კი ვინ უწყის, რა ბედს ვწევდი ამ ახალგაზრდას?
მარკიზი იყო სიყვარული ჩემი პირველი.
ვიცი, დამწყევლის, შემაჩენებს მთელი ევროპა!

ფილიპე მეფემ მამა ტახტით გადააყენა,
დღეს კი თვითონ ძრწის. საკუთარი შვილის წინაშე.
გახსოვდეთ თქვენ ეს და გფარვიდეთ მაღალი ზეცა!

(სასწრაფოდ გადის. კარლოსიც სასწრაფოდ გაემართება სხვა მიმართულე-
ბით, მაგრამ უეცრად დაბრუნდება და დაეშობა მარკიზის ცხედრის წინ,
რომელსაც ერთხელ კიდევ მოხვევს ხელეზს. შემდეგ კი სასწრაფოდ
ტოვებს ოთახს.)

მეჩვე გამოხვლა

ჰერცოგი ალბა და ჰერცოგი ფერია
შემოდინ ლაპარაკით

ალბა

ქალაქი უკვე დავამშვიდე. რა გუნებაზე
ბრძანდება მეფე?

ფერია

ო, საშინლად გულამღვრეული
ჩაკეტილია კაბინეტში სრულიად მარტო;
ხელმწიფემ ბრძანა, რომ არაეინ შეეშუშა მასთან.
პოზას ლალატმა მთლად შესცვალა იგი უეცრად.
ასე განსაჯეთ, მეფეს ჩვენსას ველარ ვცნობთ კარგად.

ალბა

უნდა შევიდე. აწ არ ძალმიძს დაზოგვა მისი,
მნიშვნელოვანი საიდუმლო აღმოვაჩინე
ამ რამდენიმე წუთის წინათ.

ფერია

აღმოაჩინეთ?

ალბა

კარტეზიანელ ბერს წააწყდნენ მცველები ჩემი,
როს იგი პრინცის სავანეში შეპარულიყო
და კითხულობდა მარკიზ პოზას სიკვდილის ამბავს

ფრიად საეჭვო, დიდი ცნობისმოყვარეობით.
ის გუშაგებმა დააკავეს, დაჰკითხეს მკაცრად
და მან მაშინვე აღიარა სიკვდილის შიშით,
რომ მოიტანა ქალღმერთი მნიშვნელოვანი,
რომლებიც თურმე მიუღია მარკიზისაგან,
რათა პრინცისთვის გადაეცა საკუთარ ხელში,
თუ მზის ჩასვლამდე იგი აღარ დაბრუნდებოდა.

ფერია

და მერე? შემდეგ?

ალბა

წერილები გვატყობინებენ,
რომ დონ კარლოსმა ამაღამვე, გათენებამდე,
მადრიდი უნდა მიატოვოს.

ფერია

რაო?

ალბა

კადიქსში
უკვე მზადაა ერთი გემი გასამგზავრებლად,
რათა მეფის ძე ფლისინგენში გადაიყვანოს.
ნიდერლანდები პრინცის წასვლას უცდიან მხოლოდ,
რომ მოცილონ ბორკილები ესპანეთისა.

ფერია

აჰ! ეს რას ნიშნავს?

ალბა

სხვა წერილნი კი გვაუწყებენ,
რომ როდოსიდან გამოსულა კარგა ხანია
სულეიმანის ფლოტი თურმე ხმელთაშუა ზღვის
გაშლილ სივრცეში ჩვენს მეფეზე თავდასასხმელად —
აშკარა არის, შეკავშირდნენ ჩვენს წინააღმდეგ.

განა ამგვარად თამაშობენ, ხელნიწიფევ, ჩვენთან?
როს თვითონ მეფე დაიფარავს ბოროტის მოქმედს
და ჩვენს ზურგს უკან გამონახავს საერთოს მასთან,
რალა დაგვრჩება, მბრძანებელო, ჩვენ სანუგეშოდ?
თუ ერთს უფლება მიენიჭა შეცოდებისა,
რა უფლებითლა განიწირნენ მსხვერპლად ათასნი?

მეფე

იგიც ხომ მსხვერპლად განიწირა.

ინკვიზიტორი

არა, ის მოკლეს,

მოკლეს უღირსად, უსახელოდ, როგორც ცოდვილი!
სისხლი, რომელიც ჩვენთვის უნდა დანთხულებოდა,
რათა სახელი და პატივი შეგვემატებოდა,
ვერაგმა მკვლელმა დააქცია ბინძური ხელით.
ის ჩვენი იყო, ჩვენი ხვედრი, ვინ მოგცათ ნება,
რომ გამოსტაცეთ წმინდა მსხვერპლი ჩვენს ეკლესიას?
მარკიზი იშვა ჩვენი ხელით მოსაკვდინებლად.
ის ჩვენს წამხდარ დროს მოუფლინა უფალმა ჯილდოდ,
რომ ჩვენთვის მისი მაგალითით ეჩვენებინა,
თუ რა საზიზღარ, სამარცხეინო გახრწნილებამდე
მიიყვანს ხოლმე ადამიანს, ქმნილებას ღვთისას,
ამპარტავანი აზროვნება, გონება თვისი.
თუმც მე წინასწარ მოვიფიქრე ამგვარი გეგმა,
ეხედავ, ამოდ ჩაუვლია დიდი ხნის შრომას,
თქვენ ხომ ვაჰქურდეთ ეკლესია, წარგეტაცეთ მსხვერპლი,
მაგრამ რა შეგვრჩათ, სისხლში შესვრილ ხელების გარდა?

მეფე

შემინდეთ, ვნებამ ამაღელვა.

ინკვიზიტორი

ვნებამ? — ამ პასუხს

მაძლევს ფილიპე, ახალგაზრდა ბატონიშვილი?
იქნება მარტო მე მოვხუცდი? ვნება, რის ვნება!
(გაბრაზებით აქნევს თავს)

მაშ მიანიჭე კაცთა სინდისს თავისუფლება
შენს სამეფოში, რაკი თვითონ ხარ შებოროკილი.

მეფე

გამოუცდელი, ახალი ვარ ამგვარ საქმეში.
გთხოვთ, მოთმინება იქონიოთ.

ინკვიზიტორი

არა, ხელმწიფევ!

მე არ ვარ თქვენით კმაყოფილი, ვით შეიძლება,
მთელი წარსული შეიბლალოს თქვენი მეფობის!
სად იყო მაშინ ის ფილიპე, რომლის ძლიერი,
ურყევი სული, პოლარული ვარსკვლავის მსგავსად,
მარად, უცვლელად ტრიალებდა თავის გარშემო?
ნუთუ მიეცით დაიწყებას მთელი წარსული?
ნუთუ იმ წუთში შეიცვალა ქვეყანა ისე,
როს მეგობრულად გაუწოდეთ ურჯულოს ხელი?
ნუთუ დაკარგა შხამმა უკვე აგი თვისება
და წაეშალა განსხვავების მტკიცე საზღვარი
კეთილს და ბოროტს, სიცრუეს და ჭეშმარიტებას?
რალასა ნიშნავს მიზანი და შეურყევლობა
ან ვაჰკაცური ერთგულება, თუ სისუსტის ღამს
მტკიცე წესრიგი, განმკებლობა სამოცი წლისა
ისე გაქრება, ვით დიაცის ღინიანობა?

მეფე

მე ჩაეხედე მის თვალეში, მე ვნახე იგი.
გთხოვთ აპატიოთ ჩემს მოკვდავ სულს ეს შეცოდება,
თუმცა ქვეყანას დაუხშია ჭიშკარი თვისი
შენი გულისკენ, დაზრეტილან თვალეში შენი.

მეფე

ღიას.

ინკვიზიტორი

ამას აღარ ველოდი.

მეფე

მსურს განვაახლო ერთი სცენა გარდასულ წლების, ოდეს ფილიპე, უფლისწული, რჩევასა სთხოვდა თავის აღმზრდელს და დამრიგებელს.

ინკვიზიტორი

ჩემი მოწაფე დიდი კარლოსი, მამათქვენი, რჩევას არასდროს საპიროებდა.

მეფე

ბედნიერი იყო ესოდენ.

მე კი მკვლელი ვარ, აღარა აქვს სულს მოსვენება.

ინკვიზიტორი

რისთვის მოპკალით?

მეფე

მოტყუება უმაგალითო!

ინკვიზიტორი

ვიცი.

მეფე

რა იცით? ვისგან იცით? როდის გაიგეთ?

ინკვიზიტორი

მრავალი წლის წინ, რაც შეიტყვეთ თქვენ მხოლოდ გუშინ, მზის ჩასვლის შემდეგ.

მეფე

(გაოცებით)

მაშ იცოდით, ვინც იყო იგი?

ინკვიზიტორი

დიდი ხანია, რაც აღვნიშნებთ სიცოცხლე მისი და შევიტანეთ სანტა კასას წმინდა სიაში.

მეფე

მაშ რისთვის, რადღა დადიოდა ის თავისუფლად?

ინკვიზიტორი

ბაგირი, რაზეც ის ეკიდა და ქანაობდა, თუმც გრძელი იყო, მაგრამ მტკიცე, გაუწყვეტილი.

მეფე

ჩემი სამეფოს საზღვრებსაც ხომ გასცილდა ერთხელ?

ინკვიზიტორი

სადაც არ უნდა წასულიყო, მეც იქ ვიყავი.

მეფე

(უკმაყოფილოდ გაიგლ-გამოივლის)

თუკი იცოდით, ვის ხელთ ვიყავ, რად დააყოვნეთ და არ მაცნობეთ?

ინკვიზიტორი

მე ამ კითხვას გიბრუნებთ უკან — რატომ არ მკითხვით, რომ ამ კაცის ხელთ ვარდებოდით? თქვენ მას იცნობდით. ერეტიკოსს ერთი შეხედვით ახდიდით ნიღაბს... მაგრამ, მეფე, რამ გაიძულათ, რომ დაუშალეთ წმინდა ტაძარს თავისი მსხვერპლი?

ფერია

ნუთუ ნამდვილად?

ალბა

და ამავე წერილებიდან
აშკარად მიეხვდი, თუ რა მიზნით შემოიარა
მთელი ევროპა ამას წინათ მაგ მალტიელმა.
არა ჰქონია მარკიზ პოზას მიზანი მცირე,
მას განუზრახავს, აამხედროს ჩრდილო ქვეყნები,
რომ ფლამანდიელთ მოიპოვონ თავისუფლება.

ფერია

ეგ ვინ ყოფილა!

ალბა

და ამ წერილს დართული ჰქონდა
დაწერილებითი, მთელი ომის მსვლელობის გეგმა,
თუ როგორ უნდა ჩამოსცილდნენ ესპანეთის ტახტს
ნიდერლანდები სამუდამოდ. არაფერია,
არაფერია ამ გეგმიდან გამორჩენილი:
აღნუსხულია ზედმიწევნით თავისი ძალა
და ძალა მტრისა, ქვეყნის მთელი შესაძლებლობა,
მთელი ქონება—ყოველგვარი სიმდიდრის წყარო,
ყველა კავშირი, რომელიც კი უნდა შეიკრას,
და ყველა წესი, რასაც უნდა დაემორჩილონ.
თუმც ეშმაკური გეგმა გახლავთ, მაგრამ ამავე დროს
არის ნამდვილად ღვაწიერი და დიდებული.

ფერია

რა საშინელი მოლალატე ყოფილა იგი!

ალბა

გარდა ამისა, იმ ბარათში ავალეებს კარლოსს,
რომ საიდუმლოდ ნახოს დედა და ესაუბროს.
მას გაქცევის წინ.

ფერია

რაო? მაშ დღეს...

ალბა

შუალამისას.

მეც ამის გამო ჩემს გუშაგებს ვუბრძანე უკვე.
ხომ კარგად ხედავთ, თუ რარიგ ვარ იძულებული...
დრო აღარ ითმენს... ხელმწიფესთან შემისვი ჩქარა.

ფერია

არა, არ ძალმიძს. მეფის ნახვა არ შეიძლება.

ალბა

მაშ თვითონ შევალ. კარსმომდგარი საშიშროება.
ჩემს თავხედობას გაამართლებს...
(როგორც კი კართან მივა, ის მაშინვე ჩაილება და გამოვა მეფე)

ფერია

აგერ, ის თვითონ!

მეცხრე ბაგოსვლა

მეფე იგინივე.

(მეფის დანახვისას ჯგვლანი შეშინდებან, უკან დაიწვივნ და მოწიწებით
გაატარებენ შუაში. მეფე მოდის, თითქოს ფხიზელ ძილში იმყოფებოდ,
როგორც მთვარეული... მისი ტანსაცმელი და გარეგნობა ისევე უწესრი-
გობაშია, რაც მნახველს მისი გულმისწავლის ამბავს აგონებ. დინ-
ჯი ნაბიჯით ჩაუვლის იქ მყოფთ და ყოველ მათგანს მიაშტერფე-
ბა, მაგრამ ვერავის ხედავს. ბოლოს ფიქრში წაყული შედგება და თვა-
ლებს ძირს დანრის, ვიდრე მისი სულიერი მღვლეარება სიტყვებით არ
გამოვლინდებ.)

მეფე

ო, დამიბრუნე, დამიბრუნე მიცვალებული!
ის კვლავ ცოცხალი უნდა მყავდეს.

მაშ ამალამვე?

ტაქსისი

ღიახ, ღამის სრულ ორ საათზე
კარტეზიელთა მონასტრის წინ დახვდება ეტლი.

ალბა

ჯაშუშებს ჩემსას, რომელნიც მე იქ გავაგზავნე,
უნახავთ ბარგი, ზედდასმული სამეფო ღერბით,
კარტეზიელთა ტაძრისაკენ მიჰქონდათ თურმე.

ფერია

მავრიტანელი აგენტების საშუალებით
დედოფალს ჩვენსას უშოვია დიდძალი ფული,
რომ ბრიუსელში გადაგზავნოს აჯანყებულთა
დასახმარებლად.

მეფე

სად დასტოვეთ ხელმწიფის შვილი?

ალბა

პოზას ცხედართან.

მეფე

კვლავ ანთია შუქი დედოფლის
საწოლ ოთახში?

ალბა

იქ აწ სრული სიწყნარე სუფევს.
დედოფალს ჩვენსას თურმე თვისი სეფე ქალები
დღეს ჩვეულებრივ დროზე ადრე დაუთხოვია.
ჰერცოგინია არკოსელმა, რომელიც ბოლოს,

უკანასკნელი გამოვიდა მის ოთახიდან,
დასტოვა იგი ძილში მყოფი.

«შემოდის სამეფო კარის საჯიჯილო ოფიცერი, გაიხმობს ჰერცოგ ფერიას
და ჩუმად ელაპარაკება. ჰერცოგი ფერია გაოცებული მიმართავს ჰერცოგ
ალბას. სხვები ცდილობენ მათ მიუახლოვდნენ. შეიქნება ჩურჩული.»

ფერია, ტაქსისი, დომინგო
(ერთად)

საოცარია!

მეფე

რაო, რა მოხდა?

ფერია

მოიტანეს ერთი ამბავი,
რომელიც ძალზე ძნელი არის დასაჯერებლად.

დომინგო

ორი მეკარე, რომელთა აწლა დასტოვეს პოსტი,
იუწყება რომ... მაგრამ ამის გამეორება
სასაცილოა, ხელმწიფეო.

მეფე

რა მოხდა მაინც?

ალბა

თურმე აჩრდილი გამოცხადდა იმპერატორის,
მარცხენა მხარეს სასახლისა, და დიდებული,
მტკიცე ნაბიჯით გაიარა მეკარეთ შორის.
ამავე ამბავს დარაჯებიც ადასტურებენ,
იმ დროს სასახლის ამ ნაწილში გუშაგად მდგარნი,
და თან დასძენენ, რომ აჩრდილი ჩვენი დედოფლის
საწოლ ოთახში შევიდა და გაუჩინარდა.

მეფე

რანაირ სახით გამოცხადდა აჩრდილი იგი,
როგორი ეცვა სამოსელი?

მძიმე, ხანგრძლივი სიზმრით ვიყავ მე შეპყრობილი.
ძლიერ მიყვარდით... მაგრამ ახლა გამოვიღვიძე.
დაე მიეცეს დავიწყებას წარსული ჩვენი!
მიიღეთ თქვენი წერილები, ჩემი კი დაწვით.
ჩემი ახალი აღგზნებისა ნუ გემინიათ.
უკვე დამთავრდა, ყოველივეს მოელო ბოლო.
ამ წმინდა ცეცხლმა განმიწმინდა სული სრულიად,
ჩემი ვნებები განისვენებს საფლავთა შინა
და ბიწიერი სწრაფვა ჩემს გულს აღარ აღელვებს.
(მცირე ხნის დუმილის შემდეგ ხელში აიღებს დედოფლის ხელს.)

თქვენთან მოვედი, დედაჩემო, დაგემშვიდობოთ.
ახლალა მიეხვდი, რომ არსებობს უფრო დიადი,
უფრო მაღალი, სანუკვარი საუნჯე სულის,
ვიღრე ის, რომ თქვენ მოგზაოვით და დაგეუფლოთ.
ამ მოკლე ღამემ ფრთა შეასხა ჩემს წელთა სრბოლას
და დროზე აღრე ყრმა ვაჟკაცად გადამაქცია.
ამქვეყნად მე სხვა საზრუნავი არ დამრჩენია,
გარდა მეგობრის ღირსეული მოგონებისა.
წარვიდა, გაქრა, წარმებოცა ყველა იმედი.

(მიუახლოვდება დედოფალს, რომელიც სახეს ხელებით იფარავს.)

არაფერს მეტყვი, დედაჩემო?

დედოფალი

ო, ნუ მიაქცევთ

ჩემს ცხარე ცრემლებს ყურადღებას—სხვაგვარ არ ძალმიძს.
მაგრამ მერწმენეთ, კარლოს, თქვენით ვარ მონაბღული.

კარლოსი

ჩვენი კავშირის ერთადერთი თანამგრძობელი
თქვენ ბრძანდებოდით, დედოფალო... და ამ სახელით
დარჩებით ჩემთვის ყველა არსზე უქვირფასესი.
დღეს მე არ ძალმიძს მეგობრობა შემოგთავაზოთ
ისე, ვით გუშინ არ შემეძლო სხვა ქალისათვის

მიმედგნა ჩემი სიყვარული... მაგრამ იქნებით
ჩემთვის ყოველთვის წმინდა ქერივი გვირგვინოსნისა,
თუ მე განგება აღმავლინებს სამეფო ტახტზე.

(მეფე, დიდი ინკვიზიტორისა და დიდებულთა თანახლებით, შეუმჩნევლად
შემოვა სცენის სიღრმეში.)

აწ მე მივდივარ მშობლიური ესპანეთიდან
და ვერასოდეს ვერ ვიხილავ მამაჩემს თვალთ.
პატივს აღარ ვცემ, დაეკარგა ჩემს თვალში ფასი,
ხმა ბუნებისა სამუდამოდ ჩაკვდა ჩემს გულში.
მეფე ფილიპემ თვისი შვილი დაკარგა უკვე.
დე კვლავ იყავით, დედოფალო, გეუღლე მისი
და დაუბრუნდით აწ ისევ თქვენს მოვალეობას.
მე კი ვისწრაფი, ჩემი ხალხი, ჩაგრული დიდად,
ვიხსნა ტირანის უღლისაგან... მადრიდი ჩვენი
მნახავს ან როგორც გვირგვინოსანს, ან ვერასოდეს.
აწ კი: „მშვიდობით!“—უნდა გითხრათ უკანასკნელად.

(ბკონის.)

დედოფალი

ო, ეს რა ქენით, რა მიყავით, ძვირფასო კარლოს?
ვერა, ვერ ვბედავ, გაგუსწორდე თქვენს სიდიადეს,
ძალმიძს მიგიხვდეთ მარტოოდენ და დაგაფასოთ.

კარლოსი

მაშ მტკიცე არ ვარ, ელისაბედ? ხელში მიპყრიხართ,
მაგრამ მშვიდად ვარ, აღარ ვდრკები, არ მეშინია;
ჯერ კიდევ გუშინ თქვენ ასე რომ მყოლოდით ხელში,
თვითონ სიკვდილიც ვერ დაძძრავდა ამ ადვილიდან.

(ხელს გაუშვებს.)

მაგრამ დაუდგა აღსასრული ყველაფერ ამას.
ახლა მზადა ვარ ავუმხედრდე ბედს მოკვდავისას.
თქვენ ხელში მკავდით და სიმშვიდე შევინარჩუნე.
ჩუ! რა მოისმა? არაფერი გაგვიგონიათ?

(სათი რეკავს.)

ოფიცერი

სწორედ იმგვარი, რომელიც მას უკანასკნელად
ეცვა სან-ხუსტში, სიკვდილის წინ, ბერად ყოფნისას.

მეფე

ბერად ყოფნისას? მაშ დარაჯებს სცნობიათ იგი
სიცოცხლეშივე, თორემ ისე ვით მიხედებოდნენ,
რომ ეგ აჩრდილი იყო მართლა იმპერატორი?

ოფიცერი

რომ იგი უნდა ყოფილიყო იმპერატორი,
ადასტურებდა ამას ნათლად სამეფო კვერთხი,
რომელიც აჩრდილს ხელში ეპყრა.

დომინგო

როგორც ხმა დადის,
თურმე წინათაც ძლიერ ხშირად უნახავთ იგი
ამგვარი სახით.

მეფე

აჩრდილს ვერვინ გაესაუბრა?

ოფიცერი

ვერვინ გაბედა, ხელმწიფეო. დარაჯნი მხოლოდ
ჩუმად, ჩურჩულით ლოცულობდნენ და აჩრდილს კრძალვით,
თაყვანისცემით გზა დაუთმეს.

მეფე

მაშ მოჩვენება
გაუჩინარდა დედოფლის სამყოფ ოთახში?

ოფიცერი

დიახ, დედოფლის საეანეში.

(საყუველთათ დუმილი)

მეფე

(უცხად მოტრიალდება)

აბა, რას იტყვით?

ალბა

ჩვენ ვლუმეართ, მეფე!

მეფე

(მცირე ხნის დაფიქრების შემდეგ, ოფიცერებს)

გამოვიდეს ჩემი გვარდია
თოფ-იარაღით და ჩაკეტოს ყოველი კარი.
ორიოდ სიტყვით მინდა აჩრდილს გავესაუბრო.

(ოფიცერი გადას. მაშინვე წემოდის პაჟი).

პაჟი

ინკვიზიტორი კარდინალი!

მეფე

(ყველა იქ მყოფს)

დაგეტოვებ მარტო!

(ორ დომინიკანელს შემოჰყავს დიდი ინკვიზიტორ-კარდინალი, ოთხმოც-
დათი წლის ბრმა მოზოცი, რომელიც ყავარჯენზე დაყრდნობილი. რო-
დესაც იგი დიდებულთა რიგებს ჩაუვლის, ეს უკანასკნელნი კარდინალის
წინ მუხლს მოიყრიან და მისი სამოქალაქო კალთებს ეამბორობიან. იგი მათ
ლოცვა-კურთხევას გაუზიარებს. ყველანი გადაიან.)

მეათე გამოსვლა

მეფე და დიდი ინკვიზიტორი

(ხანგრძლივი დუმილი)

ინკვიზიტორი

მეფის წინ ვდგეარ?

ინკვიზიტორი

რად გჭირდებოდათ ნეტავი ეს ადამიანი,
რა უნდა ეთქვა მას ისეთი ახალი თქვენთვის,
რომ არ გცოდნოდათ. რომ წინასწარ ვერ განგეჭვრიტათ?
ან მეოცნების ახალ აზრებს ნაკლებად იცნობთ?
ნუთუ თქვენს ყურებს არასოდეს ჯერ არ სმენია
ვითომდაც ქვეყნის გარდამქმნელთა მკვეხარა კილო?
თუ თქვენი რწმენის დიად ტაძარს, შენობას მტკიცეს,
ასე უეცრად დაანგრევდა უბრალო სიტყვა,
მაშ, გეკითხებით, რა უფლებით აწერდით ხელსა
იმ მრავალ ათას მერყევ სულის სისხლის განაჩენს,
ცეცხლს რომ მიეცნენ უფრო ნაკლებ შეცოდებისთვის?

მეფე

ძლიერ სწყუთროდა ჩემს სულს წრფელი ადამიანი,
კაცური კაცი, რადგანაც ეს დომინგოები...

ინკვიზიტორი

რისთვის გინდოდათ, თქვენთვის ხალხი რას წარმოადგენს?
— უბრალო ციფრებს, მხოლოდ ციფრებს და სხვა
არაფერს.

ნუთუ მეფობის ანბანური ქეშმარიტება
ჭალარა შეგიძრდს მე კვლავ უნდა გაუუმეორო?
ქვეყნის უფალმა არასოდეს უნდა ისურვოს
ასეთი რამე, რაზედაც მას ეტყვიან უარს.
და თუ თქვენ უხმობთ თანაგრძნობას, ამითი განა
არ აღიარებთ თქვენს თანაბრად ამქვეყნად სხვებსაც?
მაშ, რა სინდისით, მსურს გავიგო, ამაღლდით მათზე,
თქვენსავე მსგავსებს რა უფლებით განაგებთ ქვეყნად?

მეფე

(ჩაეშვება საეარძელში)

ვეგრძნობ, რომ მოკვდავი კაცუნა ვარ... შენ კი მოითხოვ

ქმნილებისგან მას, რაც მხოლოდ შემოკმედს ძალუძს.

ინკვიზიტორი

არა, ხელმწიფე, ველარავინ ვერ მომატყუებს.
ზრახვას მიგიხვდით—თქვენ გინდოდათ გაქცევა ჩვენგან.
უკვე ცხადია, გემძიმებათ ჯაჭვები ჩვენი.
თქვენ თავისუფლად, მარტოდმარტო გინდოდათ ყოფნა.

(შეგრძობა. მეფე სდუმს)

არად ჩაგვაგდეთ... უმადლოდეთ ჩვენს ეკლესიას,
რომ ის, ვით დედა, ნაზ სასჯელით კმაყოფილდება.
ის არჩევანი, ალაღბედად რომელიც შეგხვდათ,
იყო სასჯელი, თქვენთვის ჭკუის სასწავლებელი.
ახლა კი უკან დავგიბრუნდით... მე რომ არ ვიდგე
დღეს თქვენს წინაშე, მარად უკვდავ ღვთაებას ვფიცავ,
ხვალე თქვენ თვითონ ჩემს წინაშე წარმოდგებოდით.

მეფე

კმარა, მოძღვარო! დაიცავი ზომიერება!
არ შემიძლია, ვერ ავიტან მაგგვარ საუბარს.
ასეთ კილოთი ლაპარაკის მოსმენაც არ მსურს.

ინკვიზიტორი

მაშ რისთვის უხმობთ, მეფე, აჩრდილს სამუელისას?
ესპანეთის ტახტს ორი მეფე მე აღეუზარდე,
ვიმედოვნებდი, რომ ჩემს შემდგომ აქ დავტოვებდი
მკვიდრ საძირკველზე დაფუძნებულ დიდებულ საქმეს,
მაგრამ, აწ ვხედავ, ჩაუვლია ჩემს შრომას ფუტკად;
თვით ღონ ფილიპემ დაანგრია შენობა ჩემი.
ახლა კი, მეფე, ეს მიბრძანეთ, რისათვის მიხმეთ?
მე აქ რა მინდა? აღარა მსურს, რომ ხელმეორედ
გესტუმროთ კიდე.

მეფე
(წამოდგება)

უკვე შევთანხმდით. მაშ წავიდეთ.

ინკვიზიტორი

საით? რისათვის?

მეფე

რომ აწ მიიღოთ მსხვერპლი იგი ჩემი ხელიდან.

(გაჰყავს.)

დედოფლის ოთახი

უკანასკნელი გამოცვლა

კარლოსი. დედოფალი. ბოლოს მეფე ამალით

კარლოსი

(ბერის სამოსელსა და ნიღაბში, რომელსაც მაშინვე იხსნის, ილიაში შიშველი ხმლით. მთლად ბნელა. უახლოვდება კარს, რომელიც გაიღება. გამოდის დედოფალი, ღამის ტანსაცმელში, ხელში ანთებული სანთლით. კარლოსი მის წინ ცალ მუხლზე დაემხობა)

ო, ელისაბედ!

დედოფალი

(ჩუმი მწუხარებით შეაჩერებს მის სახეზე მზერას)

ასე ვხედებით ერთმანეთს კიდევ?

კარლოსი

ღიას, ერთმანეთს ასე ვხედებით!

(სიჩუმე)

დედოფალი

(ცდილობს ძალ-ღონე მოიკრიბოს)

ადეკით ფეხზე,

ნუ ავუჩუყებთ ერთმანეთს გულს, ხელმწიფის შვილო, დიდ ცხედარს არ სურს პატივი ვცეთ უძლური ცრემლით. ცრემლებს აფრქვევენ მხოლოდ მცირე მწუხარების ჟამს! ის თქვენთვის მოკვდა, დიდებული თვისი სიცოცხლე გასწირა მსხვერპლად, რომ დაეხსნა სიცოცხლე თქვენი. ნუთუ ამაოდ დაიღვარა ეს წმინდა სისხლი? მე თვითონ დავდექ თქვენს თავდებად, ბატონიშვილო. და, ჩემს აღთქმაზე დაყრდნობილი, ის სიხარულით განშორდა სოფელს. ნუთუ ახლა მიცემულ სიტყვას გამატყუებთ?

კარლოსი

(აღტაცებით)

მე მას ისეთ ძველს აღვუმართავ, მსგავსი რომლისაც ჯერ არ სდგმია არც ერთ მბრძანებელს. დაე აყვავდეს მის საფლავზე ტურფა სამოთხე!

დედოფალი

სწორედ ასეთი მსურდა, კარლოს, ყოფილიყავით! მისი სიკვდილის დიდი აზრიც ეს იყო სწორედ! მე ამირჩია მარკიზ პოზამ თავის ანდერძის აღმასრულებლად, მოგაგონებთ ყოველთვის ამას. მტკიცედ დავიცავ, მე არ გავტეხ ჩემს წმინდა აღთქმას. — პოზამ გამანდო სიკვდილის წინ ანდერძი თვისი... მეც მას აღვუთქვი... და რატომღა უნდა დავმალო? მან ჩამაბარა თვისი კარლი... აწ თვალთმაქცობას აღარ დავიწყებ, არ შევეკრთები კაცთა წინაშე, მსურს მეც თამამი ვიქნე ერთხელ, ვით მეგობარი, რომ ჩემმა გულმაც თავისუფლად ილაპარაკოს. ხომ სათნოება უწოდა მან სიყვარულს ჩვენსას? მე მჯერა მისი და ჩემს გულსაც აღარ სურს კვალად...

კარლოსი

ო, კმარა, კმარა, დედოფალო, ნუ დაამთავრებთ...

დედოფალი

მხოლოდ ზარის ხმა... საშინელმა საათმა დაჰკრა, საათმა, ჩვენი განშორების მაუწყებელმა.

კარლოსი

ღამე მშვიდობის, დედაჩემო. ქალაქ გენტიდან მიიღებთ ჩემგან პირველ წერილს, რაც ფარდას ახდის, რაც ნათელს მოჰყენს ჩვენს იღუმეალ ურთიერთობას. ახლა მივდივარ სამშობლოდან სწორედ იმისთვის, რომ დონ ფილიპეს გავუშვარო აშკარა ბრძოლა. აწ ჩვენს შორისაც საიდუმლო აღარ არსებობს, აღარ გჭირდებათ შიში ქვეყნის თვალთა წინაშე. ეს იყოს ჩემგან მოტყუება უკანასკნელი.

(სურს ნიღაბი გაიკეთოს. მათ შორის ჩადგება მეფე.)

მეფე

ღიახ, იქნება შენგან მართლაც უკანასკნელი!

(გულწასული დედოფალი ძირს დაეცემა.)

კარლოსი

(სასწრაფოდ მიეშველება დედოფალს და მკლავებს შემოხვევს.)

გარდაიცვალა? ცის და ქვეყნის საშინელება!

მეფე

(მშვიდად და გულგრილად მიმართავს ინკვიზიტორს)

მე ჩემი ვქენი, კარდინალო, თქვენია რიგი.

(გადის.)

დონ კარლოსი

„დონ კარლოსზე“ მუშაობის წლები (1582—1587) დაემთხვა შილერის მოღვაწეობის ე. წ. „გარდატეხის პერიოდს“, როდესაც მწერალი თანდათან რწმუნდება „ქარიშხლისა და შეტევის“ იდეათა განუხორციელებლობაში და დგება საზოგადოებრივი წყობილების გარდაქმნის რეფორმისტულ გზაზე. თუ თავის ადრინდელ დრამებში („ყაჩაღები“, „ვერაგობა და სიყვარული“, „ფიესკოს შეთქმულება“) შილერი აყენებდა ფეოდალურ-აბსოლუტური წყობილების ძირფესვიანად გარდაქმნის პრობლემას ბუნტარული გზით, „დონ კარლოსში“ ამის მიღწევას „განათლებული მონარქიის“ საშუალებით ფიქრობს. ამ დრამატულ პოემაში, როგორც მას თვით ავტორი უწოდებს, შილერის ყურადღება მიპყრობილია „დიდ, ბრწყინვალე პიროვნებაზე“, რომელიც „ორი ძალის, ორი პრინციპის (თავისუფლების იდეა და აბსოლუტიზმი) შეჯახების დროს იბადება“. „დიდი ადამიანების მაგალითი გვიჩვენებს“, — წერს შილერი თავის „წერილებში დონ კარლოსზე“, — რომ ასეთი ხასიათი წარმოიშობა წყვედიანსა და სინათლეს შორის და დგას განმარტოებულ, თვალსაჩინო მოვლენად. იგი გამომუშავდება ხალხის მღვლეარების, ცრუ რწმენასთან გონების ჭიდილისა და შეხედულებათა ანარქიის ეპოქაში. განთიადი სიმართლისა მაშინ დგება, როცა დიდი ადამიანები იბადებიან“.

ასეთ პიროვნებად შილერს წარმოადგენილი ჰყავს მარკიზ პოზა, რომელიც პიესაში ბურჟუაზიული რევოლუციის წინამორბედად გვევლინება. პოზა მოითხოვს ნიდერლანდების განთავისუფლებას ესპანეთის უღლისაგან, მაგრამ მისი იმედები უფრო „განათლებულ მონარქზე“ დამყარებული, ვიდრე თვით ჩაგრულ მასებზე. ასეთი მონარქი, პოზას რწმენით, უნდა გახდეს დონ კარლოსი, ესპანეთის მეფის ფილიპე II შვილი. „კარლოსზე“, — წერს ავტორი, — პოზა ამყარებს იმედს, როგორც ჩაგრული ქვეყნების მხსნელზე, როგორც იარაღზე,

ვაგლახ რომ მკვდრები სამართიდან არა დგებიან.
ვინ გამიბედავს, ვინ მეტყვის, რომ ვარ ბედნიერი?
სამარეში წვეს იგი, ვინც მე არ მცემდა პატივს.
ცოცხლებთან რაღა მესაქმება, რა დამორჩენია?
ის ერთი აღდგა, ერთადერთი არსება ქვეყნის,
თავისუფალი სული იყო ამ საუკუნის,
სწორედ იმ ვროთმა შემეხიზლა და ისე მოკვდა.

მაგრამ ფილიპეს სულში ისევ იმარჯვებს ტირანი მბრძა-
ნებელი.

...ქვეყანა ესე

კვლავ მე მეკუთვნის, კვლავ ჩემია საღამო მისი
და ამ საღამოს აწ იმგვარად გამოვიყენებ,
რომ ჩემს შენდგომად აქ მოსულმა ათმა თაობამ
ერთი თავთავიც ვერ მოიშკოს მის ნაბანძრალზე*.

„ღონ კარლოსში“ მკვეთრადაა გამოხატული ის, რასაც
მარქსი და ენგელსი უწოდებდნენ „შილეროვშიჩინას“ ანუ
„ინდივიდების გადაქცევას ეპოქის სულის უბრალო რუპორე-
ბად“. მისი გმირები უფრო მეტს ლაპარაკობენ, ვიდრე მოქ-
მედებენ და ყოველივე ეს ხდება იმიტომ, რომ შილერი გა-
მომდინარეობს მცდარი იდეალისტური კონცეფციიდან, თით-
ქოს „კეთილ ნებაზე“ და „შემთხვევაზე“ იყოს დამყარებული
საზოგადოების განვითარება. მაგრამ მთელი დრამის მანძილ-
ზე მწერალი გვევლინება, როგორც მკაცრი მსჯავრმდებელი
დესპოტიზმისა და აბსოლუტიზმისა, რომელიც თავისუფლე-
ბის ყოველგვარი გამოვლინების დამლუპველ ძალას წარმოად-
გენს, და სწორედ ამაშია ნაწარმოების უდავო ღირსებაც.

შ ე ნ ი უ ვ ნ ე ბ ი

მოკმედი პირები

კარლოსი — ფილიპე II-ღა მარიამ პორტუგალიელის შვილი, რო-
გორც ჩანს, იგი იზიარებდა ნიდერლანდების ბურჟუაზიული რევოლუციის
იდეებს. იმის შემდეგ, რაც მამისაგან უარი მიიღო ნიდერლანდთა მმართველად დანიშვნაზე, მან გადაწყვიტა ესპანეთიდან გაქცევა. კარლოსი საი-
ღუმლოდ დაუქვავიორდა ნიდერლანდებს და სურდა ამბოხებულთა მხარეზე
გადასულიყო, მაგრამ ფილიპე მეორემ ეს შეიტყო და გასცა შვილის დაპა-
ტიმრების ბრძანება (1558 წ. 18 იანვარი). იმავე წელს კარლოსი გარდა-
იცვალა; როგორც ფიქრობენ, იგი მეფემ მოაწამელინა.

კარლოსის სიყვარულს დედინაცვლისადმი სინამდვილეში ისეთი ტრა-
გიკული როლი არ უთამაშნია, როგორც ეს შილერს აქვს მოცემული.

მარკიზ დე-პოზა — შილერს ამ გმირის სახით გამოყვანილი ჰყავს ნი-
დერლანდების ელჩი მენტინი, რომელიც მადრიდში ყოფნისას ცდლობ-
და კარლოსი აჯანყებულთა მხარეზე გადაეყვანა, მაგრამ იგი მეფე ფილიპეს
ბრძანებით საიდუმლოდ იქნა დასჯილი.

ალბა — ფეოდალანდ-ალიგარეციული ფეოდალი. ესპანეთის
სახელმწიფო მოღვაწე და მხედარმთავარი, ფილიპე II იგი გააგზავნა ნი-
დერლანდებში მღელვარების დასაწყენებლად. ალბამ, ითვლებოდა რა
მეფის მოადგილედ (1567—1573 წ. წ.), ამ ქვეყნებში გაატარა შეუბრალებ-
ელი საგადასახადო პოლიტიკა, მთლიანად გაძარცვა ხალხი და ათასობით
პროტესტანტი ეშაფოტზე გააგზავნა. მისი სასტიკი მმართველობა განდა
ნიდერლანდების რევოლუციის ერთ-ერთი მიზეზი.

გრაფი ლეომა — სახელმწიფო მოღვაწე, პირველი მინისტრი, რომე-
ლიც ისახეობდა ესპანეთის სამეფო კარზე 29—30 წლით გვიან, ვიდრე
ეს შილერს ჰყავს გამოყვანილი.

მედინა-სიდონია — წინამძღოლი ე. წ. „დამარცხებული არმადი-
სა“, ესპანეთის საზღვაო ფლოტისა, რომელიც დაიდუბა ინგლისის ნაპი-
რებთან 1588 წელს. შილერს ეს ამბავი დაახლოებით ოცი წლით წინ აქვს
გადატანილი.

პირველი მოკმედება

გვ. 5. არანხუისი — პატარა ქალაქი, მადრიდიდან 8 მილის დაშო-
რებით, სადაც აშენებული იყო მეფის საზაფხულო ციხე-დარბაზი.

* ცნობები ამოღებულია რუსული წყაროებიდან.

მეფე

ერთი საქმეც უკანასკნელი,
რის შემდეგ ძალგით თქვენ აქედან მშვიდობით წასვლა.
რაც იყო იყო, დავიფიწყოთ. დაე ჩვენს შორის
ისევ მშვიდობა ჩამოვარდეს!.. ხომ შემირიგდით?

ინკვიზიტორი

რა ხან ფილიპე ასე წყნარად თავს იხრის ჩემს წინ...

მეფე

(პაუზის შემდეგ)

პრინცს ამბობება განუზრახავს.

ინკვიზიტორი

რა გადასწყვიტეთ?

მეფე

არაფერი ან ყველაფერი.

ინკვიზიტორი

და ეს რას ნიშნავს?

მეფე

მე მას გაქცევის ნებას დავრთავ, თუ სასიკვდილოდ
ვერ გავიმეტე.

ინკვიზიტორი

მერე, მეფევ?

მეფე

არ შეგიძლია

შემიქმნა ახლა შენ ისეთი სარწმუნოება,
შეილის მკვლელობა სისხლიანი რომ გაამართლოს?

ინკვიზიტორი

ქვეყნად სიმართლის და მშვიდობის გამოსასყიდლად
თვითონ ძე ღვთისა, მაცხოვარი, გაეკრა ჯვარზე.

მეფე

გსურს ევროპაში გაავრცელო აპგვარი აზრი?

ინკვიზიტორი

ყველგან, სადაც ჯვარს თავყვანს სცემენ.

მეფე

წინაშე ვცოდავ და შენ ძალგმძს, რომ ეს ძლიერი
ხმა დაადუმო? ამით ბუნების

ინკვიზიტორი

ბუნება ხმას ვერ ამოიღებს
სარწმუნოების წინააღმდეგ.

მეფე

შენს ხელს ვაბარებ,
მოძღვარო, ჩემი მსაჯულობის მოვალეობას.
მაშ ძალმძის მე მთლად უკან დავღმე?

ინკვიზიტორი

მე გადმომეცით.

მეფე

ის ერთადერთი ძეა ჩემი. რისთვის ვიღწვოდი,
ვის შევუბროვე ეს ქონება, აწ ვის გადავცე?

ინკვიზიტორი

ისევ ხრწნილებას, ვიდრე ზვიად თავისუფლებას.

მისი დიადი გეგმების განსახორციელებლად... როგორც მისი ოცნებების სათაყვანო მომავალი სახელმწიფოს შემოქმედზე... მის ხასიათში უნდა მოცემული იყოს ყველა საჭირო თვისება იმისათვის, რომ გახდეს ქვეყნის შესანიშნავი მმართველი, რათა გაამართლოს თავისი მეგობრისა და ჩაგრული ქვეყნების იმედი, აღასრულოს მომავალი სახელმწიფოს შექმნის იდეალი“.

მეფე ფილიპესთან შეხვედრისას პოზა ცდილობს გამოიყენოს „ქვირფასი საათები“ მხოლოდ იმისთვის, რომ „ქვირფასი“ რიტების ნაპერწკალი ეგებ როგორმე გაბედულად გადაისროლოს დესპოტის სულში“. მის პოლიტიკურ იდეალს შეადგენს მოქალაქეთა თავისუფლება, რომელიც შეიძლება ხალხს მისცეს „განათლებულმა მონარქმა“. ამიტომ პოზა შემდეგი სიტყვებით მიმართავს ხელმწიფეს:

...კაცობრიობას დაუბრუნეთ ღირსება თვისი, და გადაიქცევა მოქალაქე ვით უწინ იყო, ტახტის საზრუნავ მთავარ სჯნად და მხოლოდ ერთი მოვალეობა დაეკისროს: თვისი უფლების მსგავსად მოძებნა უფლებასაც პატივსაც სცემდეს...

მაგრამ ახალგაზრდა მეოცნებე მალე დარწმუნდა, რომ დესპოტი მონარქის მოდრეკა შეუძლებელია. იგი ადამიანზე ძალიან დაბალი შეხედულებისაა და თვით მოითხოვს, რომ მარკიზმა შეიცვალოს შეხედულება („ვიცი, რომ მალე გამოიკვლით შეხედულებას, რის ადამიანს თქვენც ჩემსავით კარგად გაიცნობთ“).

როგორც სამართლიანად მიუთითებენ შილერის მკვლევარები, მწერალს ამ პოლიტიკური იდეალის განხორციელება შესაძლებლად მიაჩნია ორი გზით:

ა) ახალი საზოგადოებრივი წყობილება უნდა წარმოიშვას და განვითარდეს არსებული წყობილებიდან. ფეოდალურ-აბსოლუტური წესრიგის დაცვა, თავისუფლების „საყოველთაო გაზაფხულისათვის“ ხელის შეშლა ისეთივე სულელური განზრახვაა, როგორც „განახლების სასაცილო“ გამბედაობა, რომელსაც არ ძალუძს დაამსხვრიოს ჯაჭვები მონობისა“.

ბ) ახალი წესრიგი სასურველია დამყარდეს ზემოდან მომხდარი რეფორმის გზით და არა რევოლუციის საშუალებით.

მეფესთან ბრძოლაში დამარცხებული მარკიზი იმედს მაინც თავის მეგობარზე, ესპანეთის მომავალ მონარქზე ამყარებს:

მსხვერპლად გავიღე მე დაისის საათი ორი, რათა ზაფხულის ნათელი დღე გადამერჩინა. მეფე დავტოვე, ან საერთო რა ბქონდა მასთან? ამაირ ზრიოვ, მწირი წიწაზე ვერ გაიზარებს, ვერ აყვავდება ჩემი ვარდი. ევოთის ბედი ნაყოფს მოიწვევს ჩემი დიდი მეგობრის გულში! უფლისწულს ვანდობ მრავალტანჯულ ესპანეთს ჩვენსას...

ღრამაში ერთმანეთისადმი დაპირისპირებულია ორი პრინციპი: პოლიტიკური თავისუფლებისა და აბსოლუტიზმისა. პირველის წარმომადგენლებია დონ კარლოსი და მარკიზ პოზა, რომელთა მხარეზე გადადის დედოფალი ელისაბედი და ბოლოს წამყვან როლს თამაშობს; მეორის მომხრენი კი არიან ფილიპე II, ჰერცოგი ალბა და მეფის მოძღვარი დომინგო. დანარჩენ გმირებს (პრინცესა ებოლი, გრაფი ლერმა, მედინა სიდონია და სხვ.) მეორეხარისხოვანი ადგილი უკავიათ და ამ ორ მხარეს შორის წარმოქმნილი ინტრიგის გაშლა განვითარებისათვის არიან საჭირო. პიესაში მკვეთრად გამოკვეთილი ესპანეთის მეფის ფილიპე II ხასიათი. იგი მკაცრი მბრძანებელი, თავისუფლების ჩამხშობი, სასტიკი დესპოტია. მარკიზ პოზა და დონ კარლოსი ამოდ ცდილობენ თავიანთ მხარეზე გადაიყვანონ მეფე. ეს ცდა ახალგაზრდა მეგობრების მარცხით მთავრდება (ფილიპე მარკიზ პოზას მოაკვლევინებს, ხოლო თავის საკუთარ შვილს ინკვიზიციის სამსჯავროს გადასცემს). მაგრამ შილერს წინ წამოწეული აქვს მეფის პიროვნების მეორე მხარეც: ფილიპე II ოჯახის მამაა, მეუღლეა და მის გულში ღრმა ეჭვები დაბუდებულია. მას უყვარს თავისი ცოლი, რომელსაც მისი კარისკაცნი ლალატს სწამებენ. თითქოს ფილიპე II სასახლეში მოწყობილი ინტრიგებიდან გამარჯვებული გამოდის, მაგრამ სულიერად განადგურებულია, მარტოდმარტო დარჩენილი ადამიანია და ასეთი გამარჯვება დამარცხების უდრის. მან განსაკუთრებით მძიმე სულიერი ტკივილები განიცადა მარკიზ პოზას ლალატის გამო, რადგან: